湯 炎協 自 这样



像 肖 十 五 初 藕

簡 史

子前五月二十七]]: 時 生

十四歲(己丑)習棉 業

| 歳 (丁酉) 始習英文

三十一歲(丙午)任龍 廿五歲(庚子)考入江海關 門師

三十二歲(丁未) 任 蘇省鐵 路警務長 範監 一學兼英文教員

二十四歲(己酉) 赴美: **介求學**

二十八歲(癸丑) 九歲(得農科學士 夢位

(甲寅) 得農學碩士 組織甲紗廠 及譯 學位 E]]

(己未) 組織内 組織乙紗廠 紗厰

及譯

即

花 紗

心布業指式

南

中學國理

的管

理法

四十

四歲

四

一十一歲(丙辰)

四

4.

五歲

(庚

Ti

徐大總統任

命爲名譽實業顧

間

組織某交易 所

+ 六 歲 (辛酉) 組織某銀

四四 十七歲(壬戌)黎大總統任 一命爲 太平洋商務會議首席代表

减 永 萱 思

躬未報終天之憾觸景彌增自今以往惟母竟棄我而長逝嗚呼痛哉罔極之恩撫 秋季余正檢理舊稿作自述之預備而吾 遐齡獲親覩余所未竟之志不圖於乙丑 務實業微母氏劬勞曷克致斯方期天 吾母 茲當自述付梓之初敬附數言用誌哀慕 有 所弗至俾余得罄所知稍稍貢獻 五十寒暑追念此數十年中誘掖督責。 瓣心香虔奉我慈親。 生我育我飲食我教誨我迄今已 永矢弗諼而 社會。 己。惟 錫 服

之非 爲 惟 時 朽。 恐 誦 殺。 會。 過 至 有誰 後起者策發耳故 恨 皆是之羣衆中以不見 審 萬瀷者夫片時粹詣。 去 、無宗旨。 念不 一晚近。 乎此。 造 予入 君 弱 現 幸致由是言之。有至行者不待表彰斯民三代。直道猶存付之悠悠衆 冠失怙。 在現在造· 世以 則人 失學者多淺識者流真眼未開是非 向 ī無操行。 上。 來。 卽 人當懺悔 備經濟 忽居五. 無作爲 人穆 未 念墮落卒歲不 來人 乃畢生苦行之見端殆所謂十年如一 虚生主 一旬飽嘗世 君 已 鍊篤志力學博聞强識加之以見機敏捷赴事果毅襟懷曠 往。珍 藕 m 人有千 初。 不 義爲繩尺豈非大難古有忠 堪 重 向 味當 日曉起語予曰昔者蘧伯玉行年五 回首。 現 百 上。 在。 年 知非悔過之餘作後車涉險之警。 卽 以 或者自幼失學不能運筆達意 日不振: 卒歲 後之吾身時 混淆造成亂世褒貶之權又將 **墮落**。 作。 如是偷 刨 時 · 日 自 孝義 有 日。 數· 生。 延長 烈高節 殺。 十年 活百 干 刻 百 奇操片 作 士。 如 年。 不 年 ·無異夭折。 以後 振 有系統 而 而 一日者名垂不 作。 知四十 有 何以畀之人 口 一可矣雖然。 時至行。 生命 五 之記 + 九 在沿 刻 自 之 自 述 傳 述。

五十自述 尤序

藕

初

乎 五 青年現身說法俾作立身處世去惑崇德之借鏡前乎五十者快慰之下暗伏悔憾之機後 君一 成 此 志堅卓密於思考富於辯才經挫折而不屈不 功道上所謂千百年以後之身人人有之無庸多讓也出刋在卽謹附一言爲閱者進。 泥、 編 所述 生事業之大成功今始發靱五十自述中所記述者乃已往之陳迹爲子弟學生及 一十者覺察之餘覓出無礙之道延長生命造成千百年以後之身者實屬之現在未 乎陳迩等於羣盲之摸象並願閱者諸賢站穩脚跟施展臂力猛著祖鞭先後馳驅 者乃君一生大成功之出發點耳願閱者諸賢放開眼光再觀君今後之措施愼 ·撓對煩惱而善排善遣賢賢惡惡親疏等視 來。

民國十五年三月二十五日誌於歇浦寓次雪行

學理雖二 業為 也余之識 輩之不學苟國家昌 余之識質 其興矣夫復奚憾詎知 以居時恕再已以辦學往 也天下有爲人兄若弟者宜鑒此矣厥後余被革命嫌亡。 財產爲之也恕再藕初各以無產而躋於有產且皆厚自殖皆善自散一以其經驗。 小小 稱道弟藕 矣藕 社 會效 初 穆 君各負其卓然自立之才而以互 藕 君恕 長 初 用而 余二齡乃者以五 初。自此始,夫手足之愛本乎天然而 不 去口。某日。一白皙少年入恕 再實先於識藕初當清光緒辛丑壬寅之際恕再共余讀 如余者。 明人才輩中 忽忽廿餘年以君之欲然不自足終獲學成以歸兄弟嶄然。 亦且 中州獨藕初朝夕過從相 十初度爲書自述而先以稿示余余雖無似亦箇中之一 出行且受淘汰耳余性頑 **靦然隨諸同志後未獲竊** 助故俾其成 再室就而詢之恕再揚其手以答曰此 世乃有因人事而漓 與話食貧況味一 一日之間。 走日本記 功也 甚笑而言曰果余輩 捷其植基也 旣 回首前窓 而潛歸 。 日。藕 其天性者-書南洋公學日常 塵感不 就滬南賃斗 大此友于之報 初 喟然日以 受淘 + 絕 各以 汰吾 之九。 即余 山以 於余 其 實 國 室 則 弟

藕

初

五

+

自

述

黄序

是人 響邇强暴者狡拮者脫穎而 梟獍之衆如脫牢之囚 亂如彼良以政 機械日新工廠用人動以千計製造品之精美投時自不待言而其成就之迅速出數之繁 約不足以保障之曩時無所謂實業供給人生日 業交際以信用 實之足記 多運輸之求靈捷推消之求暢利無一不需新知識以主持之時會之逼。 生事業幾等浮雲牛世精神悉成幻影余之學識 與人 其困難 耶雖然余自成童至今垂三十餘年此三十餘年中思想變遷政體改革向之商 之衝突起政治因 亦倍蓰 作保證者今則由信用 份專制 越數千年 一 犯如出柙之虎兕無羈勒。 什伯於曩背。 之而 出善良者柔懦者痛哭呼 日非人心因之而 朝變爲共和新道德基礎未立舊道德藩籬 退而就近者小者言之如自處之方用人之術皆不勝 间 逐漸變遷,側重在契約矣。蓋交際廣範圍大非契 1用所需僅小範囲 無約束狂奔怒突一任個性之發洩莫可 日壞不但家 才能甚平常第覺事 號而莫之知慘遭殺害而莫之救於 實業無望振 園之店舗 事不 人如 而已四 興卽吾人之入 如人又 此政治之紊 早破一 風 東扇。 何

藕

初五

藕初五十自述

外見之。 災因避亂播遷而失傳家之寶孤宗易奮爱爭存自助而植開族之基閱此編者均可 氏族迄無聞見悵然而返國疑從略國史昉自陶唐數典能詳家乘本之先祖至於末 本族之遷居於上海不知始自何年幼時聞吾父琢菴公蓄志修家譜會赴洞庭東山探詢 世多

設穆公正花行。雪四十年。名聞久著克紹箕裘。垂範後起深願後人謹誌無忘焉。 祖子薌公操棉業伯叔成家者五吾父行二。與諸伯叔均從事於棉業而吾父更擴大之開 父初娶蔣氏生子二女一。復續娶倪氏僅一女適雲溪陳氏又續娶朱氏卽生胞兄恕再及

業正盛賴吾母之襄贊無內顧憂光緒十年後因大兄二兄不甚得力食用浩繁入不敷出。 余叉妹一。幼殤吾母出自南匯 族中剝削 亦殊甚家道途中落賴吾母之勸慰父心稍安然已不勝支持之苦矣。 新場鎮之舊家性慈祥能書算善治家政光緒初年吾父事

藕初五十自述

小 余 體質 如鼷聞雷聲輒掩耳欲泣偶有談及妖狐鬼怪等事輒驚駭至不能成寐事後亦自 素弱三歲時大病多月幾不救幸得存活然自幼至 壯精神頹唐絕少活 過凝氣象膽 知

驚之無謂然臨境終不能自主也。

余成童: 諧謔名 其靦 ,腆者余行五故族人戲呼余爲五小姐余赧顏忍受雅非所願顧在當時欲拒絕此 稱亦實無能 一時猶怕見生客賓朋宴會常寂坐一隅默不發言偶與余語輒配赬不能答若不勝 力。

吾父垂暮之年家境雖迥不如前顧性好施捨於窮而無告之鰥寡孤獨尤所憐惜時 力之所及以周濟之。有父執袁姓者操航業寄居上海素無戚族不幸奄然物化遺下一妻 子孤苦無依吾父接之來家住西客堂左側而贍養之。 時就

談。 **袁氏子名才麟長於余約六七歲人頗溫雅雖數數會面而年齡稍殊余亦面** 余是時年十三。 倘在校讀書畫稿從未涉獵何由辨別其佳否, 吾父嘅然日嘻豎子, 汝年已 大尙昏蒙若此幼年不知自立日後何以爲人復自語曰袁氏何福有此佳子弟真令人 而不知渠之研究寫生也一夕,吾父示余畫稿數幀問余日汝知何人所畫余答不 重故不 知。蓋 相

羨煞余聞父言面赤耳熱汗流浹背咋舌者逾時退後羞憤至泣因發憤圖自立冀饜老父

深切之期望然是時百思而不能得一自立之道以慰我垂暮之嚴父。

夫父母之愛其子也不但撫育之飲食之而已須訓誨之陶鎔之而至於自立小之興一家。

樹一業大之效忠於國家服務於社會庶幾父道無虧而克家有子爲人子者亦應善體親

心勤修苦讀蔚爲大器舒展長才顯親揚名創立基業夫如是則人才輩出國以富强。 矣。

處今日之中國而爲今日中國之青年其刻苦磨勵應什伯倍於歐美日本各國之青年豐 如一家苟家道富饒。其子弟卽不出類拔萃。尙可自給而貧家子弟。非力役,則無以爲生況

百孔千瘡如今日之吾國者乎。

讀是書者毋蹈余之覆轍也可。 余性遲鈍當時不解吾父之期望卒至青年失學老大鮮成迄今猶引爲大憾但願青年之

記古文觀止詩習兩韻文僅起講而已出校後報紙上之新聞尙未能了解質地之愚魯莫 歲辛巳(前清光緒七年)余六歲入學受課至十三歲出校在此八年中僅讀四書詩

迎於余矣。

藕初五十自述

花收穫僅 · 丑余年十四是秋由堂兄襄煌介紹入某花行習業適本年秋雨 二二成價昂甚而花中所含潮**分竟達**十成之二三若將棉朶用 連縣至四十餘日棉 力擲於壁竟能

黏着 不下墜其潮度之重可想而知矣。

彼。 時 是時 善善與西商之花名曰夷花其潮分亦特別加重而交通不便。一往還間動需半載運棉 往外國花中潮分被甎塊吸收殆盡故棉花並不霉爛而花質亦獨優該外商因 翌年該外商又來華找尋攙加甎塊之奸商擬再與作交易該奸商受良心之責備。 |往霉爛時有某奸商攙水入棉尙不滿意另加甎塊於包內以充重量不 聞長者言道咸間外人通商未久於吾國商情不甚熟諳西人性又率直易受欺蒙當 料此 項棉花。 此 未悉 而獲

來 者 真意所在。誤以爲尋仇而至早已杳如黃鶴矣。

之勢年來政 棉 花攙 以便 厚獲多秋雨之年此弊尤甚身受其害者雖疊次請求當局嚴行禁止終無效果充類 水恶 至 軋 習沿行至今已五六十年矣此五六十年間不但無革除希望且 車上隨花混過藉以增加 爭不息禍亂相尋教化不修商業道德日見**墮落攙**水之外更有雜· 重量黃花殭塊都不剔除苟有淨花亦 且故 有每 入 敲 況 扁 愈

昌

有 弊無貨不作爲信用掃地未易挽救余甚希望今後有良政府出大修政教商人 但棉 花 如 此如食鹽 中 攙 陳 石 灰米麥中 加 小石屑豆菽 平和! 粗泥 粒幾乎 八道德因 無業不

以提高應使羣商貿易齊上軌道。

錢衣物典質殆盡不意於二月間吾父以憂愁成疾竟至不起使余等報恩無 虛擲光陰在靑年求進時代更屬可惜余屢思改業苦無機會此 歲壬辰。余年十七時仍託跡在花業惟操花業者每到冬令忙碌殊甚一至春夏毫 日衰加之兒女成行食指浩繁正如俗諺所云。坐喫山空支撐非易大有牀頭金盡之嘅值 時老父年已逾六旬精 地抱恨終天。 無所 力

時胞兄恕再方應童子試屢列前茅不幸丁父憂應試之事遂中止。 五 七開喪之前一夕親長畢集處理家事均謂愚兄弟二人尚未成立勢難

奉養老

母。頗

賴以支持偌大門戶者惟恃典質耳今諸親日 令大兄二兄奉養老母之意思大兄二兄相顧默然當時余卽起而言曰**父親失就**, 長目覩 此 如許之典券則老母手 中已 一無餘蓄 Ë

兄爲難也恕 哥亦深然其說諸親長聞而 壯之欣然稱嘆。 可

知恕哥

與余年雖幼稚然自己

問無

論

如

何。

必能

盡

力治生奉養母親愚意不必使大兄二

藕初五十自述

旣 畢予兄弟朝夕謀所以自立之道不數年家計因之而舒泰蓋恕哥與余兄弟二人。

合力同心進款雖無幾然量入爲出漸進佳境。

歲甲午。余年十九是年中日戰役起時報紙寥寥傳聞又多失實連篇累牘無非 鋪 張揚 厲

稚。 不知我國之所以弱他國之所以强求學心日益切蓋不學則無知識無知識則不 嗣後知我國大敗接受城下之盟而心中之痛苦大有難以言語形容者是時年事 知彼

我之短長無從與他國競爭求西學之決心於是時始。

館甫 歲丙 設立。 !申時余年二十一。在花業雖歷任要職而旋作旋輟苦無自立之機會時上海廣方言 一西學漸見萌芽恕哥自己致力於中學又深勸予從事西學是以服闋之日。

開。 余兄弟二人志學之年以爲一中一西或可分道揚鑣效力於社會國家也然彼時風氣未 與今日大異。忽忽一年竟未覓得一可求西文之學校無可如 何即先研究國文迄今回

溯 往 事知當日之光陰並非虛擲且以見遺憾中饒有無邊之作用。

是年春曾隨同友 驗焉按收繭事向例由華人向洋商包辦運款至產區各大鎭分設收繭各莊於無 入赴 無錫境 內收買春繭誘引青年之境界突如其 來為 余志行上開第

豐。 以 作北 此 子戲余獨旁坐 家 所未見余雖 悖入悖出之虞余適 心忐忑幾難自 世年齡曲意殷勤極狐媚之能事又誘勸 江 里游余以情面難 故 陰 人爭覓就大都 武進等處多者二三十莊少亦七八莊爲 非富家子而衣服清潔面貌楚楚顧羞澀如 無 聊後 持卒託故脫離還家後竟夜不成寐心神交戰者數日而不幸之友又時 週一友即6 無常業 在隔室觀書畫忽有一姝躡 卻姑從之至淸和坊某家見粲者數人年均二旬左 為兼管數莊 者充之苟有奧援得以 余常 而約予收繭之人。迨繭 往 時僅月餘。 來該處時人 踩而 人管領 女子盒 至固閉其門牽余 而 余面赤 在 覺動 數莊。 事 諸 事 耳熱雖 告終 人憐愛各友均 則 人 收 所 並 右。 回 得 入 "漫與寒暄" **公益豐不** 坐。 酬應之工見 申之日邀余 酬 勞. 余姓氏 作葉

誘 君 歲已亥余年二十四從勃 惑沾染惡習因 處勃朗君之父爲英人母華 廂房之樓房一 **幢而已。余住客堂樓面隔壁之一樓一廂乃一賣价婦所居同一** 而落魄厥後考入海關始能自立。 期君 人勃朗 習英文以晚間南 曾畢業於西童書院西學甚深邃父故後受損友之 北往還不便遂寓於二馬路 惟以 經濟未裕居處甚窄祗有 九江 樓梯極 兩 里 開 勃 間 朗

來

招

余往游余不

願再往到底堅拒之。

初五十自述

糄

初

度之試 、屢擬遷 ·便是時 墮 落者。 驗余 避奈 皆由慈母之教誨。 在 九江 此 北市 路 日間自修晚 並無相 帶係中等冶游之地 善書之啓發以 間受課並兼幫教於此一 知此願未遂。余寓此 每至夕陽將 及自 幾及 拿之意志所 下臨風! 年 年在余之志行上。 中 而 招展 余能屹然自立不 致 也。 者大都 爲第二 隨 波 爲 逐 次 所 浪 者 吸

引

而

差者萬· 花行 以 歲司 不得一二實藉此 肥己多賺不 中之發給銀洋 發款之職余母卽申誡之曰。 .中不及一。不過予發款者剋扣之權利 如少用俾得身心安泰並隨時訓余以少年持身之道俾不致被惡俗 造惡孽損精神隨人格而已族人之因此 ·者照例每擔棉花可扣一二十文蓋洋錢間 **鄕人係食力者流賺錢不** 耳此種悖入 -易汝不言 之利 而墮 有發差。 益。 落者已數見故余自 應剋 能用以 藉資 和他· 仰 抵 事 人血汗之資 俯蓄 補。 其 所 十六 實

移 而 默 化。

把 難 (自成童) 通 縱對 時。 語十年前已薄相如。 如花 即喜讀感應篇陰隱 如玉之貌常存若姊若妹之心。 文幾希錄等 此種警句常爛熟於胸中故余於當時目中有妓。 **路善書如** 風淸月白 ----<u>-</u> 挖 1夜窗虚有。 破 《紙窗容 易 女 補。 來窺笑讀 損 人陰隲最

中 無妓者實得力於此也以今之談社交者視之真迂儒之不若矣雖然余亦無辯余惟

今之談社交者他日能多福多壽多男子而已

自尊云者乃高視一己之地位氏族人格及抱負不容有毫末之傷損而有所不慊於心非 驕傲之謂也余何人斯而 可與若輩爲伍且失身於若輩爲害於己而貽羞於人乎循語 此

念以自警惕茫茫孽海深愧拯救之無方凜凜冰淵私幸賴茲以脫險。

彼時養成之充類至義而言舉凡冷處可以練骨險處可以練膽茫茫大宙中一切時處無 免年來余稍有建樹得力於當日一念之堅定者不少也余生平臨境自持之堅定力實於。 久沈湎其中。幸未墮落迄今思之有凜然不可終日之勢。不知以何因緣。涉此險境。卒以脫。 上述豔史兩則前者歷時甚暫故用快刀斷絲法以斬截之其事尙易後者緜延至一年之

往而非磨練吾人精神志操之境界願與來哲共勵之。

有以矯正之故立誓不沾染彼等之習氣余雖年齒較長而英文進步則甚速爲時僅 歲丁酉余年二十二始就夜館習英文是時洋行習氣頗重洋行中人氣燄亦極熾余頗 兩

三普通文理已淸順能瀏覽西報

藕初五十自述

九

歲 庚子 春考入海路 關辦事時余年二十五是年冬結婚金氏在關辦事達六載黽勉從公於

職分內 事悉心爲之精神亦非常旺盛久之漸覺自己學問不敷用乃於晚間從西人處讀

研習歷史算術等此後新知識逐漸加增知海關主權完全爲外人所把持且華洋人員。

理。 所 得 西人不過簽字畫諾而已余爲羞惡之心所激屢思告退關職欲出洋研究經濟學爲他 薪水之高低相差太遠而西人之供職於海關關茸者居多數一切事務皆由 華員辦

日 收 回關稅主權之預備第苦乏游學經費鬱鬱長年有志未克早途。

湧。 辛丑 星 期學習演說爲時一年向之訥訥不出諸口者一變而爲暢所欲言矣余之畏葸羞縮之 而 土主寅間。 演說之風遂大 對外事件接踵而起新黨人物在滬上大見活動對俄對日同志會等風 、、盛余追隨其間覺事事不如人因此益自發憤逐聯絡同志數十人每 起雲

氣質因之而生一大變化

歲 知 王寅。 淘 法之可畏爭存之必要從自强不息中鍛鍊出新吾來。 余年二十七是歲爲余吸收新知最得力之一年因講究赫胥黎天演學等新學說。

翌年 -癸卯恕哥-中北闈家況因之稍裕是年冬余暫時調往鎭江關行篋中攜有新書數百

種。 就 附 近 山 麓。 開 辦閱書報 社同志雲集頗極一 時之盛。當道 者 輕聽忌者言誤以

運 動。暗 中訪. 查。 同志陸續星 散。 而 余亦於翌年春 調 回 至 滬 關。

設 務 占 商 間 舉辦兵式體操。 內 海 爲 持之。又以人間萬事胥由 欲 上青 歷遇諸般困難皆力任不疑竭誠盡智以應之卒之一切困難。 害地方大之足以遺 小學便益貧民但經費無多學額有限難 大多數子弟失學無以自存饑寒交逼爲害地方有 團接踵而起市民起任保衞地方之風氣由此而大開又以 除定期集會敦請名流演 均齊開發滌其舊染啟厥新機以圖社會捷收改良之偉效舍不用文字之表演教 一音樂會繼又熟審 年學子憤國勢之不振學問之欠缺者不乏其人遂 爲自强之起點體育會既成立廣招同志延聘教習請領 禍 中年人之不識一 心 國 造平日荷 說各種致富圖强之要旨期增 内。 其調 和 無 陶冶。 Ţ 心氣感人入深者莫善於講求音樂矣於是更 期普及故會內 無 則 力求學者當占在居 偏激之氣日久鬱積。 不 地設想者。 進 於甲辰夏有滬學會之組織會 棄辦義務小 羣 城 一衆知識 迎 廂 東城 刃 住民 内 外 而 (槍械募集) 學。 由 外。 旦暴發小之足以 住民 解。 中 自是以 隅。 半 更力 -數以上一 李 中貧苦之家 君 已設 倡 後。 經 叔 費。 化外。 有義 南北 武 同 旦 附 È 中

藕

初

無 以 \奏功於是| 更召 集有· 志研究新劇 之同志若干人並敦請 專家方便指導著手開

明新劇。 俾一 切見者聞者於娛樂中無意中得受絕大之感化。一 小小滬學會苟充量 做去。 演

其於社 係。 不克一堂長聚宏收 會國 家間將發生 攻玉 無量關係可以斷言惟當時諸會員以 他山之效乃散歸各地類能盡其國 民天 地 方 職組織 遠隔事業變化 各 種 新 之關 祉

致作救時之運動種一 因而穫多果是又着手組織滬學會時所意想不到之盛 況 也。

先發動開會演說喚起國人一致禦侮昌言抵制余於是時擔任海關總會董事之職。 歲乙巳余年三十時因美國虐待華工。 此種消息由報紙傳出後海味業領袖曾君少 行堅壁清野之策畫蓋 邀集 卿。首

熟 海關郵政員司一切人衆開全體大會合力抵制從國民良心上施工 知吾國人口占全球三分之一 以上卽此最文明最有效之經濟絕交一 舉足以 制 强

之死 命雖日消極抵抗。 2他方面 並能 喚起 國民自求多福之覺悟開改良國貨仿造外 貨之

激於義 然舍此就龍門師範學校之聘擔任英文兼任學監余早蓄志出洋但以經濟無着遲 動 談機於消極 憤無所顧慮惟默念立脚點既不利於所抱主義之進展發在機 [的主張中實含有無限積] 極的作用也時副 税務司 係美國人大干其忌。 先庶無 遺憾。 **逐**毅 余雖

發是時學風甚美少年學子求學之心亦甚切余應此潮流雖出洋求學之機運未熟。 而 效

力地方之時會則甚佳退一步想頗願竭我愚誠在教育界效力。

閱 一年因出洋游學之機會漸漸成熟遂辭去教務整備出發不意事與願違出洋之舉又

須待時。

警成績斐然不妨隨時致詢不數月後得若干經驗定能勝任愉快也余於是乎衣制。 另設警務處乃固辭不獲協理張季直先生語余云此時而欲專門人才則予等讀書人亦 不能擔任鐵路總協理之職務矣囑勿固辭勉力爲 余爲蘇路警察長余以毫無警察知識力辭並謂路警隸屬於車務處由 丁未春蘇省鐵路公司擬組織路警特委余北行調查路警事宜調查事竣蘇路總協理委 本省辦事且曰君之胞兄在本地 車務處兼管。 服佩 示必 辦市

指揮刀往來松滬問指揮路警。

處節省經費余由此得解 不一年路款日絀支持爲難余卽將原定計畫提出董事部堅請將路警酌裁歸倂於 除此 身羈縛從容負笈游美矣。

余自 奉殊 檢約。 給 月俸百元有三四年之久無如家累日增毫無積蓄因之久有壯游之志而

藕初五十自述

課。常出洋時雖未曾受過中學校教育但十年來自習所得自問得以入大學校而直接受業余出洋時雖未曾受過中學校教育但十年來自習所得自問得以入大學校而直接受業一二百金助繳學費遂入萬國函授學校習英文算學以備一旦出洋卽可直入大學肄得一二百金助繳學費遂入萬國函授學校習英文算學以備一旦出洋卽可直入大學肄得一二百金助繳學費遂入萬國函授學校習英文算學以備一旦出洋卽可直入大學肄 寶侖君奔走其間慨然允助二千元而 未能早日如願終日旁皇計無所出書空咄咄良用自傷朱君志堯頗器重余復得摯 顧君馨一及余之姊丈陳君伯寅均量力資助。 始得 友王

當余在海關時極願赴英研究經濟及關於稅則之專門學問丁未夏季赴北 諸般實業中占中心勢力者莫如農我國以農立國必須首先改良農作躋國家於富 較遲而民間生活程度甚低交通不便貨棄於地觸目皆激起余振興實業之觀念並 權之志愿一變而定研究農業之趨向深願投身於農業。 位。 曾至南口時京張路線僅築至南口。「即居庸關」始知我國西北一帶地廣 然後可以圖强國力充實而後可以圖存可以禦侮可以雪恥故昔日研究經濟收回稅 人稀。 方調查路警。 祇因開化 覺在 庶地

歲己酉宣統元年余年三十四是年五月六日拜別慈母及諸親故獨自乘天洋丸二等艙

至橫濱醫生檢驗時用一片抵美登陸之前檢驗更嚴可臨時用之如法使用定無若 感不 數月未愈故屢至美醫生處請 西 渡赴美登輪之前。 置該女醫士叮 甚細裝於鵝毛管中取一 | 嚀囑 照例 **哨**日。 須由 美國 片和水敷滴擦眼 驗。 汝恃此藥定可 均遭 醫 连拒絕 厥後 生 檢 驗 身 入美而達 遇 上 體。 一女西 不 而 ·數分鐘。 於 目 汝之希思 [醫名] 疾 更 丽 皇在申檢驗時用一 黑白分明余喜出望外。 濮克司者給余藥片一打。 加 注意。 余適 患赤 目。 片。 船

何

阳

礙余乃稱謝 而 退。

驗余於彼時。 鏡 高安放箱籠中之藥片,著溼受熱而 天洋丸抵美之前一日余 而 船 自 眼赤如故迨悉數用完。 照。 中警察密 .雙目都· 水馬 如待決之囚止得聽其自然除華人及少 龍非常熱鬧而余竟不准越雷池一步連發兩一 布不准上岸之搭客早 赤七八年來赴美求學之希望已 仍不濟 取用此藥不料所存之眼: 事因余坐二等艙。 失效力此時 晚均 須點名一次防範之嚴無異監 到 余 絕 心中惶急不 而艙位貼近 藥九片黏連成桿摘用少許毫 數日本人之患眼疾者 地。 及舟抵 函 過爐間。 至領事 舊金山。皇家醫生登 可言喻終夜 館竟無人過 時當夏令熱 獄。 外。均一 不 臨窗 寐。翌 経覽但 無效 齊登 船檢 晨 度 甚 取

初 五 十 自 並

ナ

回時船資八十金元必須照付時余身畔存有現洋百餘元余旣經至美而新大陸之極當余之被醫生拒絕登岸也船中之日本管事人卽故意恐嚇謂非將余送回上海不可。 船 況余身畔並 目 檢 余亦可上岸該管事因余之態度强硬吐辭爽直莫奈余何故旋謂余日後日星期舊 之計。惟有望君代爲設法助余上岸則余心感謝不淺也又曰日人亦患目疾日人可上岸。 小 日 之患目疾而未登岸者有七八人之多余卽大聲對之日余赴美求學。 其效 瓶。鄭 驗。 人公會有醫生來船醫治目疾汝亦可就醫至星期一果有日人雇用 中三日 」實現於余之眼簾前僅可望而不可卽安肯聽其支配而不加以奮鬭乎是時日本人 及至檢驗日人畢余卽先贈以十金元而後發懇切之言謂之曰。余係中國學生。 重給 時受熱過甚故患目赤務祈悉心調治深爲感盼醫生點首途啓藥籠。 力與濮克司女醫生之藥片正復相等余乃快慰甚翌長美國皇家醫生上船復驗。 夜。 心中之鬱悶憂煎難以文字言語形容真可謂備極 無現金因余之學費早已匯至舊金山旣不准余上岸則金錢無從支取爲今 余並謂余日醫生上船複驗三小時之前不准用此藥水余笑應之及回 人間之苦事 之美國醫生 有卽 檢取 時回 國之理。 藥 可。折 素無 上船 金山 水

余不 ·能遵日· 人屋 用醫生之囑盡量 使用複驗結果竟准 余上岸矣。

卽請其代雇須臾見一雙馬車車上坐御者二人戴高黑帽得得回卽請其代雇須臾見一雙馬車車上坐御者二人戴高黑帽得得一 余既得皇家醫生登岸之准許卽手提皮包欣然登岸然環顧 久未熨貼頗多皺痕深滋慚愧御者高 價值低廉故。 。 知 日此君之車也納余至車中此時黑帽車夫與古昔晏平仲御者之態度相髣髴揚鞭策馬。 適從逾時 有 余願暫留之其人日金門旅館離 1.西人來叩余日君欲何往余答日往金門旅館。 聲問曰誰雇馬車問數次余不敢答該 此 **戊**甚遠且君云 有行李雇馬車 無 蓋余 一相識 而來余時衣黑呢衣袴。 在 船 之人。徬徨船 上聞 較為 西人 悉 趨 便 此 利。 埠。 旅 而

昂昂然向金門旅館而去。

視 登其上電機一動驀然騰空而 明 既至下車入旅館定房位有一 察方知究竟不禁佩服西人研究精深製造日用百物巧奪天工俾大衆現象 之福一至於此回思我國 人靈機錮 僕者引余登電梯余不知 上余不禁異之入房見窗簾 一蔽製造簡陋數 千年 其爲 來。 下垂稍一行動簾 何所逡巡不敢入僕人 無進步不勝愧沮 忽捲上。 成享物質文 矣。 仔細 牽余

藕初

Ŧī.

+

余赴美之前:

時用西膳普通係一

湯一魚肉類或蛋類兩三碟及點

心咖啡等以爲美洲亦

如 也。 晚 入膳室余點湯一魚 一牛排等肉類二 及點 心迨侍者將湯 岌 魚先 後攜 上湯

矣侍者曰餘菜已做且其; 小 碗。 魚 兩尾各長尺許余不禁駭然即: 、味甚美卽多用 些亦 此二 無妨余意 一味已綽言 乎有餘。 一餐費美金兩 卽呼侍者告之曰餘菜不 元有 一奇約當國

步。 需 內 。助消胃納! 況。 月之飯 里之新客。 金可謂豪侈極矣菜旣點 但初到其 地不辨東西無人導引惟恐失路故徑直前行不敢輕易轉彎此 有。 就不用亦須納資放量徐進因之飽腹膳畢。 出 外散

景

孤

行萬

或所恆

願。 虐待 無 《登岸前》 於登 賴 華人慘狀恨。 西 人 陸之翌晨專程雇車 八外。皆中國 早聞有所謂 不得親 人街道甚穢鋪戶之整理精潔者不多見鎭上住民之形態。 中國鎭者久彼外人所譏辱當乙巳年 歷其地一探所由召侮之究竟今既到 至中國鎮游) 覽中 國鎭廣約一方 里聚居此 此必須前去考察以償 抵 制 美約 鎭 時。 者除極 見報 載 垂 辮 少數 美人 夙

赤 膊 者赤脚 樣。 腦 亦幾 海 迴 者幾於觸 溯。 於觸 令人作嘔後更往其他各大州之中國鎮游覽亦伯仲間 目皆是其地方雖等於蝸 目皆是『請進發財』之賭室『樓上燈吃』之烟館等。 牛之一 角。 械鬭之風 亦所時 有穢德腥 耳嗚呼人必先 種種誘人 聞。 迄

謝。 自 乃物 侮。 而後 理之自然士別三日便當刮 人侮之屈指 當 年 在 余 目中曇花 目。 不識 我 現之惡 海 外僑 衆 現象距今已閱 之舊染汚俗能咸 -|-克 六 與 寒暑新 維 新 陳代

余在 加哥芝城商業之繁盛他人早 舊金山 坐 |風景車| 及各路電車。 有詳 遨游三 細之記 載茲從 日入學期近未敢稽延即 略 焉。 趁車 至美 中部

供給 밊 僅美金一元七角五 即住 於新大陸而。 即以鎭名名之該大學學費膳費於全美爲最 家學校經費 至芝城之翌 曲 1: 一滋養料旣不足生理上欲避 諒余遂忘 食料者之太不注意。 於是校之寄宿 Ŀ 苦於資力不足故詢之函校教員函校教員 日卽赴離芝城六七十英里惠爾撥沙小鎭此小鎭 無 卻 甚接 生 含陳設之 分抵 理 上 筯。 偶於便 除百 不 不 適 到 方撑節 簡 之狀況而安之若素矣每晨七時 舊 免不 金山 陋器 中 探 具之窳 之同 以 良之影響實有所不能一 金門旅館 求 學方知膳 延長 敗可稱 低廉當余昔年受函 學 一餐之用 校生 無 事 出其右 命 亦 介紹此校與余余到 八費但省則少 外實 曲 校 卽上課。 星期 :者毎日三餐毎 主所 上設 無 授教育時因 他 省矣賴以 後甚感 道。 有大學校一 承辦是校原 晩 不 滿 之初 不 時 校之第 適方 生活 星期 始停 有 所校名 意。 志 倸 膳金 竊怪 求 之食 一 晚。 一私 學

藕

初

五

+

自

述

間 誘之技能此非求學善地又何爲而滯迹此間但余之所以且住爲佳者別有原因蓋余自 除 未 學 戊 生貧苦者居多人數既極繁班次又甚雜課程紊亂卽有良教習亦無從施其循 用 膳 申間。 辨蘇路警務時各方奔走事務甚繁故西學之拋荒已久利用暑期補習在余 小時外研究不論何種學問凡爲各級所需之課均得隨時選擇之費用 甚低 循

實爲急務故姑留之。

旋 同 日語矣至是時 入威士康辛大學其學堂之精神房屋之莊嚴課程之完備校風之良善與向者較不 方知美國教育事業之一斑。 可

處能 用。 特 時 頗 入 課生 遇海 校。 奇 故 余之為 得入大學所需之中學學分第二年卽准汝轉入正科後竟轉入正科爲正科 欣然就之管理員聞余言甚異之後管理員在蔡君處得悉余之歷史及辦事 關舊友蔡君天涯故人。忽焉相遇何快如之。君留學此邦已三年矣。余卽由君 無文憑耳余當時求學心切以爲苟有實學何用文憑苟無實學卽有文憑亦無所 余並未有中學文憑故暫作特科生而特科生與本科生受課之權利同 人故該管理員謂余日如一年內之課程子 均能至八十分以 Ĺ. 而於 所不同者。 上。皇皇 、各教員 之成績。 介紹

頭銜忝然 有資 格 取 得 矣然余回國辦事對於此 種 頭銜無何等借 光處蓋實 務 上所

重者固不在乎此也。

不淺也。 入 助余補習英文之校外教習校外教習在歐洲所恆有在美國實不多見而 徧 校後。 應不 公余所最: 窮故商請英文教習孟吉斯脫介紹 注意者厥惟英文蓋英語不流利落筆不透達則求得之學亦無幾又 位校外教授之師。 孟 君 旋 介 余卻 紹弗 因之 林 女 士爲 何能

相 取 月 服 般之勞役如擦皮鞋掃積雪取郵件及宿舍中 生意第一年級 開 **異装作種意** 中每日 與認 課後最足使余永誌不忘者即『海尋』是也海尋者彼邦一 事 爲 情而 分 毎 所 班 種 聚散: 應盡 爲 生每年入校者達千餘人 不 新 可 生者不論清 時在學校之 方物之形態。 而甘 之余以 中國學生幸而獲免余在英文班 **晨傍晚男生女生**。 兀 命之奔跑不 周 無 而第二 非第 二年級 種種 敢不 年 各 級 雜 奔跑命之角 各 生故意侮 務或 生有 耐 性忍 竟加之謔 特權指揮 種 辱。以 弄第 力。不 習語之譯音含有侮 中曾著論 敢不 **蒗笑傲**。 力行 一年 第 __ 年級 級 角 其 生。 力開 或 痛 海 誠此 作諸 生使 则 尋之 課 飾 職責。 以怪 陶 弄新 服

藽

業。 情 掩之 年內 生之品 氣 不 有 有 是後留記 早有 衝 概。 新 可 ·取處三。 動。 藉 事 生强 損校譽是以新生入校之初卽由校醫用影片演講花柳之害命此輩 不可言喻故屈 新 性陶 易 實。 以 生之學分成績 戒 開輸 心但暫 學 項不 維 治上 Ħ 法規美國中學程度頗不齊往往有中學畢業而 服。 久。 閑 藉以 與教 |有密切| 時切 蕩檢之漸苟一任自由漫無監視易受外界誘惑而致墮德敗行。 知此 抑之以啟 、去傲氣。 員 不 誠收效能 一發生衝 及格 關係在轉覺余 種海尋推行於最高學府實有美意存焉此 其入道之機(二) 而 中學畢業生大牛 突之事學校秩序之維持得 被淘汰者常占三四分之一開除學 有幾何。 向 惟一 者所見之淺 入海尋制度之下。若木從繩。 藉以施約束新生年齡既長。 來自鄉 也海尋之妙用以余之拙 間。 日 力 不能追隨大學校 升入 於 海 尋制 生如是之多。 大 舉實於校風 八學 其 傲 記 度者殊 皿 無 氣 Ý 之課程。 忠 事 睨 未定之青 上及學 爲 並 不 既 周 見 正 矣。 切 之 知。欲 衡之。 不 未 誤 聞 學

救國 環顧 之基 我國之學校 一礎。 心志甚 崱 [n] 熱烈。 如當二十 -----年而 Ť. 年前譚梁諸輩開講 全國 風從人才輩 學之風。 出民氣藉之以 、莘莘學子。以研 伸張滿族因 究實 學為

化於某 別 躪 可 波 爲三 極 治。 推 溪瀾者。 月若 有 萌芽之實業。 不審慎周 點。 致 倒。 「肺腸焉然質 一數私 |國富 雖 自 亦不 種 干之津貼飲 間 民 主 人 强 國 有 之地 義 詳。 爲 旗 在 成 少數嗚 幟 頗 而謹 目 斥之。余不禁爲 在 立 合 盤 有 鮓 標。 十 鴆 力禦侮惟恐 於應 明。不 志士 好奇之輩不 丽 餘 呵 呼 助 年 甘為 付哉。 力。 學子中國前 仁 爲 來。 他 人。 不 學潮 之大 此 世 則 人 情蠲 輩盲從附和之青年 知 有不 竟 所 之鼓盪幾於報 不 分量。 逮之時竟公然排斥國 張 利 因 途之命 棄生 日常微 赤 用 知 微號召· 者然 自 人云亦云。盲從 1拔者流 命。 脈繋於汝身。 物 爲 毎 奔競。 毎 國 不 細 ·絕書向 家謀 誤 故。 有 僅 呼冤余幷不 積 不 行 惜 其 不 附 爲 幸 貨作反 破壞 (拜金主 相能。 和設 __ 日 福。 生成 黨 學界 而 認 ___ 近 切。煽 戈 義暗 系之拘 禁 中 年 投 敗 旦 詩議 X之 關 一暴發 之潛勢 自 向 來 |殺之行 教育 動羣 中 學潮之膨脹。 牽而 收 者 頭。 丽 (受大野 決於當 占 苛 衆 力。以 掀 之狂 爲。若 奮 刻。 翻 局。 概 盛 鬭。 改 默 心蹂 念鳥 以同 心家 大之 或止 良政 祝 人殆 學

余 久未 書。自 止 課 後 努 力 研 究學術 動覺趣 味 恓 濃。 毎 毎 着 手 亦 ·忍釋。 初不 料 用 力 過

風

之嚴

加

整頓以

清

其源

也。

驟 生 障 礙。 Ŀ 課 僅 月。 m 病 狀 驟 顯。頭 目昏花 胃納 較前 銳 减。 精 神 日趨 於疲 憊。 周 君

藕初五十自述

疲憊之情狀告之深恐難乎爲繼。 雲盡散性月重朗賢友益 時余之心中。憂危萬狀周君力勸余勿憂慮並謂此事易解。 如 其 上。 讀 東 游泳技擊之類。皆一一隨喜若干日後便收偉效余於周君處所受切磋琢磨之功於此 偏 美某大學畢業後來 書時 重一部趨於極端如此調節方克持久斯意也余早知之一 間不宜過長凡淪智之餘並宜注力體育血氣以之調和精神藉此回復慎 一威士康辛研求高深之學問朝夕過從甚相契合余以 我一至於此周君並每日邀余同 而有中止學業回國之虞。 決。 十年壯志容或難逐余述 赴練身房除一切普通運動外。 經提醒頓使余方寸 須隨時注意在智力 日 來 勿令 中愁 此 並 進

可以概見矣。

余自. 忘 學期僅讀十六七學分無論何種趣味濃厚之學問決不接連研究兩小時以上每日限定 至每星期六下午四時前一律畢事然後於星期六晚及星期日作諸消遣習以爲常。 課 勿助中、觉得循序以進之徑途余求學至五年之久。倘能粗知大概回國後薄有貢獻者。 自修時間決不空耗光陰每星期內各教習指定之書或在寄宿舍或在藏書樓自修。 知年齒稍長記 憶力較遜。苟不用上述身心調攝之方法、苦志求學定難持久故 在勿 余毎

幸 賴 讀 書與 消 遭 宣有定時。 m 不 虛擲光陰於有損無益 之地 所致 也。

高。 豪情暢敍雅與遄 究。 節。 是年聖誕夕同學十六七人聚餐於學人所設之某雜水館。 滋 我 數學生有 星 於曩昔迨余身入其境始知現時 期 多。 國 則 郵信停送請君將各同學之信件代勞一取門前積雪亦應掃除如是則我輩: 睥 當 厥 往還時常跳舞聽劇凡高級生應享之權利君竟無一不享受今鄭重告君。 睨一切忽一生戲謂余日君係新生而時時違抗高級同學之命令不願盡 學業可以精進。 自 日僭用 有 後 五. 特 以 漸 + ·年前 即 對待君也言已詢之諸同學君等贊成否衆皆拍手 頭佩『頭佩乃黑色硬禮帽之譯音照例爲第一 殊情形外應選派曾在本 漸 覺悟 飛其 派年 庶於我國人之國 而圖 (樂何 挽救十分 幼學生 .如席上僅余與吳君覺生係第一年新生餘均高 所派之學生耗費大而成就 出 餘年來學生之赴東西洋求學者亦日衆其程 洋 國大學畢業之學生出 游 民性有所改 學根本之學未儲。 〈善而不? 逢佳 | 年級生所不能用者| 致消失本有之美點矣。 磨練之功 《少尙屬不 外實習或作諸 節 稱善。余知其戲也然諸同 而餐會聚國彥於一堂。 未下易受外鑠。 經濟故鄙見 級生自 種專門之研 度亦 尙 明日 職 可容忍。 且 服 聖誕 與女 除少 較高 恃才 流

學年少氣盛。 顧愕然。忽一生日君竟曾作老爺乎。余對日豈敢是時同學諸人。遂送余以穆老爺之雅號。 歸國時方實告之』 之者頗衆余徐徐言曰。余自十四歲習業至履美時止。『始終未以歲數告彼等直至余於 立 + 敬意君等僥倖生長富家獲有良好機緣。 **甚願盡職對諸君子少盡微勞今夕係聖** 頂間有兩飄帶其色各科各樣藉作標記し 足苟余學成歸國卽可投身社會創辦事業言未竟一生大呼曰汝何人斯敢發此 成年余入四人所設之扶輪社每會員例有一雅號會員中有知上述一段佳話者。 餘年來效力社會迄今偌大年紀。始戴一小綠帽。『第一年生應戴綠色瓦片帽紅 未經世 |故思有以折服之幷乘機諷刺之遂起而言曰適纔某君言余甚佩余。 中間歷辦某事某某事而丁未戊 派遣來學年纔二十學位頭銜不日可得余不幸 誕余願贈諸君子以聖誕禮用特敢進忠告以表 然諸君畢業後回國辦 (中間曾充蘇省鐵路警務長衆始相 事份須學習數年方能 言和 色扁 亦以

翌年初春余仍自費求學經濟頗形竭蹶然場面又不能不支持時偕一女同 會費兩元半外僅剩一角五分默念若乘電車回去明日卽將斷炊故竭力敷衍直至 學赴跳舞會。

穆老爺之雅號通過之

是時已三十有五歲翌晨同學知之莫不掩口而笑。 干余笑問日請汝猜之。一試汝之眼力。女生日。君年約二十。余卽笑應之日。僅十九耳蓋余 一時後方始出場而是時電車已停駛。介二人逐步行而歸。 女生於途次問 余日。 君年

暮福 夫之不得志也。尚有夫婦盤桓之樂境夫得志後早出暮歸**。** 較久。始知歐美家庭如是者居多家齊爲國治之始基觀此益信 常勞苦輒慰藉之女主人笑應之曰。余非耽於勞作不過借此運動助 交福君攜往工場用之同寓生四五人女主人躬操勞役收拾各學生房屋。 場自工場至家不至他處其妻起身甚早以備早餐俟其夫食畢。 時余寓在英人福賚賜君處福君係木工其妻正在 故房屋甚清潔,且其處理家事撫育子女井井有條自早至晚無時不辛勤工作。兒其非故房屋甚清潔,且其處理家事撫育子女,井有條自早至晚,無時不辛勤工作。兒其非 一福君早出 而不以髮妻爲念者對此良好家庭不覺有慚色矣然此種不 君將歸而女主人料理一 夜歸勤於工務惟工人團 切家政既畢事始整裝待夫歸 體有事集議時偶 妙齡貌殊娟秀品性甚高潔生子 然一 夫婦 赴會此外則. 用晚餐余始頗異之及留美 幸事狀之構成不能 間敍首時少間有放 而我國家庭 卽豫備午餐置一小筐中。 進 健康而] 毎 如 拖 則異是方其 日自家至工 岂每至傍 洗地 板等。 女各 浪

藕

子。 而 主 婦 亦 有 應負之責任焉如 何治理家務之方 法如 何待遇其夫之方法亦有

研究之處在

甚舒適。 有匯款到。 好始開門三 入門卽問余 均如之明日又購 前至晚膳時聞叩門聲甚急因余喫麵包時恐被人目睹故閉門下鎖時余急。 余 余於昨晚跳 邀 有病叩門問故余告以日來讀 丽 是時何君 余用茶 等。 特 一枕黃粱睡醒時不覺 刨 來探望擲以支票或五元或十元。余以情不可卻笑受之。一 而 舞 點余以連日食麵包稍覺枯淡宜另換 爲何三日足 可 不速之客係 翻余抽 解此眉急故晨起購麵包一。 後牀頭金盡告貸朋輩輕口求人之事。 麵包一 屜見麵包始大譁余不能隱。 何君 如前服食而女主人甚細 不履膳室余答以易他處何君不信又問何故鎖門余答偶 林一也。 紅日上升矣第三日身 書過多胃納不佳。 因余與諸同學不面 持回寓 具以實 故用 心見 口 所和冷水食 雅 畔僅剩洋五 味以果腹卽欣然受之食至飽夜 不願爲。 膳不能 ?余兩日· 告何君 者已三日故特地來探 准時 余心 之其味亦殊甘中 來早晚如是均不外 分仍購麵包一服 笑而 耳是晚 中以 二星期後匯款 芸不一 爲三 將麵 施膳時。 。 數 時。 天 视。 膳 包) 收藏 食 女主 後。 適安 夜 何 臥 倘 如

一清還訖。

遣留學生凡習農工醫鑛等各實科生入校 庶不致於虛縻。 於是乎報效之念起時思爲 是年領得官費起迄民國三年夏返 再家 年平均分數在八十分以上管理員 尙難畢事。余年齡較大記憶· 者僅三千元卽不敷可半工半讀以 當余之冒昧赴美求學也以爲農學範圍甚狹窄研究一三年即可回國故 余一人耗費本省金錢 兄向蘇當局竭 力設法庚戌年秋始得官費而余之求學經費一問題。 如此 之鉅本省子 有益 力亦弱半工、半讀決難學成不得 於本省或有益於本國之事以盡我 (度日) 國為 准余作爲第二年正科生呈請官費確 時幾及 弟衆多苟均 抵美後知此 一年後成 四載開支款項至八千餘元余常 流績較佳: 意實· 如 余本省能有幾何 大 者可請的 已具函告急是時 謬農學範 心以爲能若是公款 求官 圍 己甚廣苦讀。 費而 向各 由此 係合 財力足以供給。 格遂由 蘇省方 余之第 親 而 默念以 解決。 友借 十年。 由 恕 派

俾大衆 美國 各 、審量。 文 學各科均有專門學會請各科 經 大衆贊 成 後方始通過余於第一年將畢時本校農學會邀余演 中之翹然傑出者研究學術入會之前。 說余勉 例須 演 說。

藕初五十自述

新穎。 之也。 之忠厚至足欽佩余自此次演說後曾勉力於此日後得 若干之長處。余所自知之短處竟無人爲之揭破故姑聽之。及留美日久。 相識交相讚美余初以爲此 人類皆隱惡而揚善卽使嬉笑亦僅詼諧而己並不訐人之陰私。 而英語 在國 時。 尚欠圓 自 問 毫無學術雖演說一項向曾涉獵惟英文演說此爲首次演辭無論 轉如 意故雖蒞會演 面諛耳不甚注意 說覺 之嗣後見者輒道及此 至不滿意自演 有寸進者皆此獎善之道 説 其一 後。同 事。 種獎善之作用。 學 业歷: 中 始知美國 無論 述余 相 有 演 中 識 以 存 說時 與不 如 成

之作用。苟充類至 行爲。 此獎善作用實爲教育上宗教上互相會通最易收效之一方法對己制止刻薄之惡意對 拓 再 興願當 可以潛消以之淑羣羞惡之天良賴以激發音 開 成 美之善量完全出於至誠恭敬仁 世 通 義以 人達士各各 行之則 起而 如許散沙之人心不難 研究之實施 |厚博愛之| 乏。 人有 打成一片萬般 團純 阿 伽 陀藥善治萬 潔 精 神中以此律己不 零落之事 病之說此 業。 不 獎善 難立

出洋

時雖

曾涉足社

會但

一範圍究不廣大見聞亦殊有限而民

國以來風俗人

心改

之說噫借問 覺隱善而揚惡幾成國 如其 招股敗失如何受人侮 到 人之小團結。 何 才具之不開展 後談及個 種 程 度余當時 何緣 亦毎 人 事。 毎 而至此豈非 子 余 就 報 有 寄 何後談及某同學彼亦相識彼卽揚揚然告以某同 凶終隙 人之通 身 弄如何營業失敗種種詆毀令余不快及回國後余隨 海 中所 外非常隔 誤用其隱善揚惡之刻薄意思而缺乏隱惡揚善之獎善作 末割席相拒 性世界有一 知。 稱誦某 膜追含 人某某 之一日所以國 醜諺謂吾華三人以上無團體甚 余 回國過橫濱時上等華客較多余 人之美處。若人 諺有 人無千 卽 抗辯 日 學之失意 好 日。 時注意 花 至於僅二三 其 卽 人 無 雖 時 百 向 日紅 此 如 好。 何

用有以致此歟。

余嘗有 天地萬物頓呈慘象隱惡揚善之風盛其氣發陽宛如化 比 方謂 國家社會間隱善揚惡之風盛其氣陰險無殊暴風 日光天生成 妬耐之摧毀一 切天地萬物。 都 切。 使

喜氣。

直。 孰 親 暱 無過惟在沒 者是之疏遠者非之權利上接觸者攻擊之擠軋之破壞之隨 過之大小及有意 無意而已而 我 國 人之談 論 人家短 時隨處隨 長 者。 不論 事。 ·無往不

藕初五十自述

發現 將 在 此。 何 以 外力乘機侵入之一 此 挽 悪 救 境 界以致百 業難以發皇羣 點亦在此嗚呼此韓愈原毀篇 情因 之渙散政治 示克清 之所由作 明國人 . 也。 不 ·識吾教育當局。 相 與自殺之一 其

農工 之霹 拳匪 來一 精 化 及。 佝矍鑠聽講者及千人嘉君 余 士。 神 學教習嘉倫波 雖深 頗訝 事無 震点 渙散 一六人濫充教士云云余乃更信 因何 專修 氏出 學校與鮑爾 明 仇洋之理 其言以爲教士豈一 成又必來予前哀告日 聽講厭倦之學生或 教務才識 其嚴厲之辭告誠若 (君係德) 曲。 其研究結果始知教士 優長者居多 博士暢論 產 m 口 講指 發現 入籍 事無成之人所能 予 庚子年拳匪事是時鮑 畫亹亹不 於美國 無 輩 在華教士除含有政治意味者不計外不但不足以取 而濫竽充數者實不 睡眠狀態者。 一事 日汝等勿失去求學之機會苟 可爲不得不爲教士 者在德國得 ·倦而 興 (有責焉。 |毎毎立 爲者嗣余於癸丑年 目 光炯 彼時 乏其 君適 化 被其察知而 學 炯 如流電。 |博士學 歐洲各 |在歐洲各報之曾開會| 人。 矣。至 查有 二時雖欲 赴美 位。 薙頭 不住! 教會中派遣 於今日忽忽 予以警誡無 -近六旬而 福照四 南 司 E部塔克賽 追 人。 悔。 座。遇 一來華之 其 錯 異青 無 研 怲 過。 精 何 斯 究 神

拘留西 少數凡有訟事而教民之因事到堂者無論被告原告均立而不跪倘事情嚴重教民 後決不能以承受上帝之默化而盡屬善良教民之善良者固多而不善良之教民亦不在。 國横 恃勢蔑理之教士播其惡因。 久。 遂 一 **茸無用之流遇事敢爲或能據理** 言教案當清季同光之間來華傳教者漸盛華人之進教者亦漸衆於是教案亦言教案。 變至今猶覺凜然當 爲難益甚故一 人之信仰實 出面。 一之氣燄聲勢雖督撫亦不 增四百 洩而 一教士必出面 不但案無曲直之可言且累地方官長立刻受有處分設其事 由 五 不 遇教案發生而知縣之前程卽動搖条幼時 可遏止庚子之役其過確 十兆兩之負擔我 部分不相當之教士手中無端橫添出許多糾紛而已聞者疑吾言 .保釋之萬一地方官不徇其請彼卽直達督撫有所要求督撫 局者更無論 敢攖其鋒教民之牽連訟詞者難保無冤抑而教民自受洗禮 一旦暴發不 力爭不徇所請問有一線公平之希望藉非然者西 全國無辜之國民無形中受此重大之負擔者已二十有 矣北方開通較晚民氣卻强。 加醒 在我國乎而 悟。 更藉最大之力量施行其高 庚子 赔款甚巨迄今尚未拔清。 曾見之報章聞之實事談虎色 小民積憤 曲在教民地方長官。 而生怨毒怨 壓手段使我 日繁其教 而 2教士 乎。 幾輩 非 丽 被

藕初五十自述

三十四

五 年於茲睡獅豈永無醒覺之年公理豈竟無大白之日西方美人首先見及毅然決然悉

數退還作爲教育用途美人善於種福早博吾國人之好感其他各國因貪忘害靳而

延而 不決尙在反覆磋商如何籌還而使各本國直接受其利益嗚呼吾不暇咎人徒自傷

悲而已。余也研究教民之性質及普通沿用之名詞分爲三類。

其一。道德高尚深明教理時時本此教旨服務社會造福大羣循循然導人入於正軌者此

信 教 也。

也。以上,也是一个,我们就是一个,我们就是一个,我们就是一个,我们就是一个,我们就是一个,我们就是一个,我们就是一个,我们就是一个,我们就是一个,我们就是一个,我们就是一个,我们就是一个,我们就是一个

其三。生活競爭益烈資生無術。覓就無方不得不借教友名義以圖餬口而苟延殘喘者此

喫 教也。

之宗旨則無異況各教流傳至今已數千年若無顚撲不破之至義又焉能持久若此故上 務之所由衰替而排斥事情之所由構成也雖然各教教規雖殊而勗人進德造福 就教民總數中分析之。其三當占十之七,其二當占十之二以上。其一則不足十之一。此教 於人 類

述之所 謂進 教喫教者於教無尤僅扼 腕於教中之容納教友取 多不 取精。 故 有此 流弊耳。

往者已]矣挫折? 所以 (促開悟) 憂危所以啟聖明深願主持教務者之善於 自 處 也。

常 余晚間 習之博搜新鮮教材悉心研究無或稍懈者大率類是故學問日 燈光 燥然余異面詢之始知嘉君每晚尙在試驗余始佩嘉君之好學不 在弗林女士處受英文課回寓 輒 在九句鐘後過化學院嘉倫 「進發明亦」 波君 行 多。 厭而 之試 其他 驗室。 室 中

云者。 業國內又並 望原有局面。且難支持續續歸來之如許高才生如何位置此今日一大問題也然學成云望。原有局面。且難支持續續歸來之如許高才生如何位置此今日一大問題也然學成云 成 派生赴美一九一四年余回國時達八百七十 回國者在千人以上政局兀饒不寧學風較前益劣一切事業受時局影響非但發 九〇九年。全美留學大學及高等學校之中 理想之儲備而已以實驗 無大規模之各種試驗室供其實驗而求學術上之精進則學成回 論則尙付缺 如農工商鑛等實科生竟無從投身於各本 人年來幾達二千人連歐洲及日 國學生一百三十餘人是年秋清華 回國者大多 本 毎 學 校始 展 年 無

數 無 地投效。人才之廢棄至堪痛惜余回憶嘉君之試驗不禁感嘅係之也。

同 ·餘人朝夕過從彼此情感甚密惟時用華語而與彼邦人士交際較少求學所得實

藕 初 五. 自 述

未 助余棲止於鄕間避暑處同寓者約二十餘人非但其地山明水秀足以悅目怡情。 必多庚戌暑假時余獨自出外避暑藉廣聞見威士康辛州避暑處甚多問 有勝蹟足資 而終

日 與彼都 人士相接近一齊衆楚得益殊不淺。

談

日。 日余 再至彼處甫下車卽有 與同寓者數人乘馬車回遺失一小包件儲物無幾不甚值錢故置之不措意越數 人持包詢問此物當爲君等所遺因已向當日到是地人中徧詢

之均非彼物。

本之固 張。 數 上 年後中美留學生在密歇根首都開年會有同學失去一皮夾內儲洋百元及名片若干 古善政夜不閉戶路不拾遺已渺不可見不謂於新大陸目覩之風俗之厚人心之純。 m 拾 於此 得此物者向同學中徧詢始得失 可見雖然此特在鄕間耳者在通都大邑五方雜處人類不齊恐未必然矣。 主原璧奉還失主欲酬謝之其人堅不肯受而去。

習領 引 在 威士 生攀荆附棘奮勇而上時當早晨八句鐘無幾何。 男 女學生七八十人赴魔鬼山。 康辛第二年第二學期曾研究地質學暑假之前實地調查時當 山勢險惡無路可尋滿 回首 山 向山 荆 棘。 麓 人 望覺山 跡 所 中夏清晨八 不易 麓之下人已 到教習導 、時教

此以往卽 覺需 忽然行 同行諸· 難 休之時敎習輒 不致求過於供供過於求。 高聲大呼日。『來待斯否司 展全視乎各業當局者有無健全之腦 IIII 見。 需 種服從精神尊敬婦女精 量 山勢非常 要甚急續飲第二 時機發在機 要之程度竟 而已以上數者俱完備 人間 到平地上一小村落 使 有人 有 常 :峻險諸: 身 口 先投人 大相 被毒 講指 施以 畫啓迪 懸 威力或進以甘言强之使飲。 杯水時尚還合用進第三杯· 蟲 生甚疲憊祗 **小繼長增高** 所 所螫痛 殊 脱』譯義爲『婦女先飮』 無缺矣然欲 中見自立 好所出物品為大衆所需要能若是 如此夫商業之道不 神。一時表現出來余於此外又得一)諸生直 癢難當者。 日趨極 來 能 小水發水 至逾中 ※後 更進 Ŀ 力敏銳之眼光與靈活之手腕堅固之信用雄 進。不 端。 全部 午 能 機關各生爭先恐後急 而 十二時 步。 分遊 外乎供求之相 後退均繼續 來社會經濟破裂之險象商業之能否發 在 而不 水時雖大汗奇渴 口渴諸生一 山 商業策畫之實施上問當局 數分許式 之學生莫不 欲接受矣同一人同 奮勇直 律遵 種感想因飲第一 則 濟供求適合則 方 銷路 始 - 汗流不止。 上。每 示退後。 之餘已覺不需要過 欲取 環 自暢門之 游 水飲之而 此 逢 一時同 捱 山 叫 市 物 次 以 口 而 渴 杯 無羅 價 取 止足 者 下 斯子。 平 飲。 異 水 時。 其 地。

藕初五十自述

雖 僅 取 薄 利。 ;而能日 進紛紛多量賣出利潤之來不求自至此商戰中最要之一

因 飮 水 問 題。 而聯想及此在商言商倫亦閱者諸彥所默許者 乎。

之翻 時 把握處言則歉然疚然不敢自信者幾乎有同病也蓋此輩實業家之起而圖 我國 ·之愛國思想好奇觀念致富期望不惜絞腦筋費資財而從事於此卒之久困於進 尋故紙覓得幾個製造方式而耗費金錢者不知凡幾然以實際上立脚點及競 人之有志於實業者不乏其人而市上流行之實業參考書亦漸增多二十年來私人 此或出 退維 於一 爭上

谷之境者何哉不知社會之需要及供給之方法故也。

組 以 物。 各 織 社會一國家乃至全地球一切處所林林總總不知誰何之恆河沙數衆日常所需要之 行之庶幾成 甚多甚多雖僅舉其概名亦擢髮而難數以一個人之事業供給此需要其機會亦甚多。 此 個 事業之前。 人之學識財力環境精神及其組織之能力與性情之所宜而決定一 功多 必須精確調 而失敗 少矣。余因我國人向 查 一邑多邑一國多國乃至全世界人衆需要之所在。 來徑情直往事前不知調查 事業。 三與考慮。 在 未曾 貿然 然後

從

昧於商業之需求徒自熱心而虛擲金錢損失個人之富力卽所以損失國家之富力。

幸邦人君子今後一致注意及此。

精 論 爲之。午後天氣甚熟故中 作凡擠牛乳採鮮果耕田土餧牲畜以及收拾糞穢等種種工作均隨同衆人不 園菜園牧場牧場內有乳牛數十一 **資抵膳宿兩不給值該田主有地二百英畝『合華田十二頃卽一千二百畝』內有農** 是年暑假後余卽 神轉旺盛食量驟增加。 一切頗多興味。初到時覺每日七小時工作甚爲困憊旬日以後不覺其困但覺其樂而 在農家實習余與田 睡休息三時以後瀏覽書籍三四小時晚間與農家 頭此外雞豕亦甚多。余每晨四時半起身五 主約定每日 午前 做七小 時工作午後須 有經驗 一時 即 辭辛 自 上工 修。 苦以 田 以工 操

美政 到 美國農戶皆係大農制普 而 二百英畝代價甚廉故人口激增農產日旺迨橫亙 成。 先 收優良! 運輸 府採取招徠農家開闢荒土之制度每一 便 農地早已有人承領除沙漠帶不得耕種乏人占領 利工商業縣然發達而農業益繁盛余 通有地 一二百英畝因美係新造 歐人入境報告法庭願入 在美時調查 東西美之鐵路造成後各地支路。 國五六十年前人口 者外不復有整片膏腴之 此 **冯制度仍**。 (籍美 **入國者**卽能領 未取 尙 稀少故 消。 但先 接踵

五十自述

藕

初

四十

藕初五十自述

可得矣美國普通人民之富饒實基於此。

輪流 條 家田 收麥者駕車者使用 流 耕 家 打麥次序按豫定日 出 不紊主家僅須供給優良之食品 種 器具 畝 資貨 \mathcal{I} 作 較多住址隔 、悉用機械。 知之打 時亦不給資量人工之多寡而以工作抵還之農家有互助精 |麥機 離 打麥機者管理原動力者豫爲派定各盡所 而機件之較大不能家家置備者合若干戶推舉資力最厚者置 期捱戶輪打天雨順延甲家打麥時其餘各家均前: 較遠各家各盡其心力利用 卽貸用機件之一也當麥子成熟將 其餘乙丙丁戊輪值各家亦如之田畝: 地力勞力學力發達 \ddot{X} 時。 長和同操作 一範 圍 天產。 神無爭論機會每 中之農戶議定 作若網 較多之農戶行。 往協助工作。 厚培國· 在 力。 備。 綱。 凡 有

來攘往但覺城市以外皆樂土不知宇宙之中有愁城。

威 下 雪。 士 一途不 康辛 見土。 州。 天氣嚴寒十月間『約當 載 重之馬克 車卸去四輪。 中 而 國寒露霜降 用鋼皮在冰地 時』下雪後雪見日 上滑流 而過 至翌年春暮。 光融化成 冰。 冰 始 連

路 復 迹。 出 見 主 化學室門見一 色冬季下雪 長髯老者鬚髮幾盡白狀亦不 一二尺爲其地所常見。一日 余出 ·
甚健旺在門外鏟 自化學室天將暝大雪 雪時作時 紛 息 飛。 狀 不 辨 頗

可以任何 以活動予之筋絡藉保康强。 問之曰君旣有令子。今年老若此而仍執賤役以自活何也老者喘息而笑答之曰予借: 業於大學校現在兩日 不支余甚哀憐之俟其稍休時即其年齡答曰六十五歲矣余問其有子否答有三子均 與用資磨練。 分遺產勗其上進助其業務之發展。而養成一 任 兒子爲生活故老父奔馳無好子之俗諺深印吾人之腦中而 日後家庭之墮落而已積金以遺子孫子孫未必能守洵至言也因家庭制老父不能不依 孫而不賢藉遺產以造孽問有中材因遺產而廢棄者不知凡幾故祖父之遺產適足以促 也我國重家族制苟有資產即傳之子孫子孫而賢長其依賴之性不克盡力發皇事業子。 業問 **「亦較淡父年雖老猶操勞役雖不能堪不顧也余以爲二者皆非也子若賢應給予一部** 不 便給與何 可不 如是則賢者不致墮落不賢者亦可 獎勵而又不能不甄別俾實心爲善者知所警勉而借名弋利者亦不得謬 人或補助社會上一切公益事業惟以遺囑爲重故子之對於父母之責 子在某大學作教習。 予又何樂而不爲耶老者雖如是說然余終不直其子之爲 一子在政界各人地位頗 服務社會國家之人才苟不賢也。 愧奮交作勉求自立之道矣社會之公共 西俗則不然祖父遺產通例 高俸給亦不薄余怪 可 靳 丽 畢 此

藕初五十自述

各業 述老 荷 施 人掃 有機會卽可獲利惟用之於不偏不倚之途。 而空耗社會之富 雪 事痛論中西遺產制之未盡適當不禁馨香禱祝自今以往吾邦人士 力也也· 人成 知獲利難不知有錢而能施用於正當之途爲 而適應社會之需要爲可貴 耳。故

遺產庶有標準焉。

辛亥夏余轉入伊立諾大學校該大學之教授及精神不亞於威士康辛而該大學之農科 權 在 可 肫 + 根 各教授尤爲著名學問淹博啓發後進成效卓著名震遐邇者尤以土壤學主任教員 民固 人。同 在 占 擊無異嚴父之訓子弟然令余至今謹記不忘是年秋革 斯爲最副校長鏗來君對於我國學生尤爲關切此時 民 去 一幾何 也。而 而余獨不 .學會組織後屢請鏗來君到會演說其一種希望我 云云者。 人卽不自私 中國蚩蚩羣氓號稱四百 不過在少數有組織力並有操縱能力者之手 不敢欣然喜色然驚者蓋以吾人所負之責任更覺重大耳共和 自 利而昧於國情暗於時勢短於判決 兆試問有知識者幾何卽使有知 中國學生之留學是校者約計三 國改善之精 命告成留學生之歡欣鼓 中於人民無與也故欲實行 力者又占去 神勉勵 識。 而 幾 醉 訓 何 17 國之主權 誨。 人。 於自 舞。 則主 殷勤

之所適宜除去我國之弱點採取他國之長處無黨無私一以造成高尙之人格爲目的。 共和,非普及真正之國民教育不爲功而設施此項普及教育須根據我國歷 史及國民性 庶

能內定國是外睦强鄰造成人類之幸福。

雖然此豈易言哉國人受暴政專制數千年於茲矣一旦解放昌言平權無異野馬之奔騰。

怒濤之橫溢於國民教育未曾普及時狂妄者流相與倒行逆施爲所欲爲各個性之劣點。

不到於盡情暴露不止故於此時名之曰過渡時期而過渡時期之長短視各界中堅人物

之道德識見能力而定之。中外歷史昭然若揭不難覆按而 知也。

失共和國之主權在民間也然而全部分人民之知識萬有不齊茲就余若干年來之觀察。 約舉而類別之似乎不外下列之六種。

强暴者多囂張。

有知識者方能思精 而 慮

几 愚 昩 者易動感情而受人煽惑。

藕

初

五

+ 自 述

四

藕

五 稍有恒產者類多持重。

六 無恒產者往往為生計所迫易趨極

識 精 誰 非 則 民 便 而 自 由 階級 自相殘殺而已 己故余嘗謂民國成立 國 是觀 相 義。 屬。 有 成立以· 我 其實 在 殘 如 無古今中 顚 殿覆之憂國立 殺所 欲 之。若 手 立 中乎則教育墮落事業凋 主權在 於人民 存者僅碩果 來忽忽已閱 或 於 外。 兴地球之上。 家主權 如同 無 之有 所謂 民。 m 漫無限制。 轍。 以來所宣布之主義 十四寒暑問 知識 主權也夫國之有主 耳在政客乎則前仆 而無所屬其 非 其權應屬 如 有恒 此。 則 敝。 產 適 泛危險不 不可得 水生不 於事 者之手 成其爲暴民 國家主權究屬誰 業界中 千萬 心方鍼 得。 訴 也。 權無異航行之有舵把舵者偶 中。試 後繼坐視人 此 非余 倍於顚覆之舟乎然則 、觀各國· 專制而 之有 苦無門坐視 也乃至策略 之私言也實政治學 知識者苟不 手恐無人能置答之。在軍閥 已細繹政治 之選 才之消乏而 學法便 百業之蕭條。 也鬭爭也紛紛擾 欲 治學中主 己在事業界之知 可了 立國 國家之主 中之精 二疏忽。 於地 國力之耗損 然 矣。 權在 球 其舟 平。則 権果 擾。 無

盆

淺例以證

之家有多子賢否各別苟以家務而付之克家令子之手家道未有不昌

於 盛者反是鮮有不失敗者聚家 生產能力實立國之命脈爭存之要素也國 官吏之俸給賴以支應人類之幸福賴 教育。 或從 事於農工商礦等凡一 而成國國 百實業則問 以保 事 「家主權」 全故事業界中人簡言之卽生產 國家之富力賴以 亦猶是耳國 而 不 在 中 之有 此 增進。 種 知 有生產能力之國 識 人民之供 而 有 事 業者。 者國 求賴 以 或從 民手 民 調 而

癸丑夏畢業於伊立諾大學農科得學士學位。 能富强者吾未之前聞也。余深願讀是編者之三致意

也。

而國

業前 織。 難以立足卽 我國以農立國地大物博發展較易無如政局未靖苟回國 果能 往 ·來於胸· 組織 以所得粗淺之農業知識施之實 與否尙屬另一問題。 中者幾及一載故決計 而個 研究社 人 投身 7於田間。 會問 地乎而大規模之農場恐非 用途甚繁而於農產品 恐不能與鄉人競爭此種感想。 後 m 投 入政界余無媚 及 短 副 時 期 產品 所能 骨。 上有 於畢 自問 組

在挨茂 車絡繹雞犬不寧余之舊宅離製造局不遠戰耗傳來令人失色除課程外。 切 關係之肥皂業。 專門學校研究肥皂製造是時 及紡織業畢業後旅行至 値國 內二次革 東美以廣眼界回至芝加 命外報又張大其辭張 哥。 與張 與張君惟 君居 (君鏡 無 錫兵

藕 初 五 + 自 述

四十六

酒 及看 · 秋 張 影以資排遣有時相對泫然而不知涕之所從來也追憶當年猶令人 君返國余卽赴美南方塔克塞斯州之塔克塞斯農工 專修學校全力注意於植 八心悸不置。

棉及紡織理想與實驗同時並進並研習科學的管理法。

余於是年秋未入校之前聞該州塔虎脫農場之名馳往調查其詳情已見塔虎脫農場記。

不復贅述。

故 少。 美國南方之大學校及專門學校其發達程度較中美東美各學校爲遲其學生人 有 威 莮 歐 生千人但該校所特殊之點非常注意於兵式操全校學生由政府特派武員 戰起時該校畢業生之充作將校而効命於疆場者不在少數該校名譽遂因此 士康辛與伊立諾兩大學校中男女學生各六千人而塔克塞斯農工專修學校中僅 訓練之。 製亦 而 較

著

余係 故 中國 皆下榻於此余在此雖僅 屬余寓校外之客棧內校址面積甚廣其地除校用屋舍外只有此一客棧獨 學生入該校畢業之第一人校長恐學生與余有所誤會且余來研究高 一年而與各教習晨夕盤桓與各同學往來甚密因僅 身之教 等學問

華人。 故日常 均 操英語是時余英語之流 利。 可以不 加思索隨 口 應付竟與 操華 干語同。此:

余宛然寄身 於世 外 桃 源爲留 學期內最高 俯仰自得之一 時期。

甲寅夏得農學碩士學位。

是年夏返國從事於紡織業或肥皂業一時未能確定初以肥皂廠成本較輕 紡織事業於是始知我國紡織業前途大有發展之希望途決計向紡織業中開闢爭存之 之碱類早被某某洋碱 亦早籌定故從事調查擬從輕而易舉之肥皂廠爲入 公司所操縱而。 舶來品之肥皂亦不易與之競爭遂 世津梁殊不. 知 製造 肥皂重 轉換方鍼調 m 全 要原 一廠規 查 料

壁壘。

難。 庀材定機籌款竭力進行以二十萬兩之資本及八個月之精神方始就緒創辦實業之艱 機器雖定因款項無著而交貨 是時恕再家兄已辭去警長之職亦有志於實業擬共同 生集股良不易適有一 此 可見不謂問 艱難辛苦所組織之廠卒以幾方面之拖累而 廠 因經 無期余得悉備細與家兄商妥後於中 濟告竭忽焉停頓廠房僅築至二三尺而停工已半年餘 組織一紗廠是年八月間。 瀕於絕地不克保守此不 秋節前收買之鳩工 歐 戰 發

藕初五十自述

能不歎息不置者也。

屛 組 翰 織 紗廠。 租 地六十畝從事於改良棉質之研究時閱五載中國之移植美棉雖不自余所 確係要事惟棉質不改良紡織事業亦難求充分之發展故就甲廠附近向郁君 設之

係重要於此可見。

棉場

始惟上海爲全國

耳目所屬之地其提倡

之影響神速而廣及較勝於他處地利之關

於社 研 郁 郁君屛翰老公茂洋行之買辦也儉樸! 君慨然以 究於本邑法華鎭旁闢地播種歲擲多金雇人經管以資提倡余向郁君租用植棉地畝。 會公益及地方教育莫不熱心資助二十年來頗醉心於實業凡栽桑植棉無不竭誠 \基旁餘: 地整片劃出俟種作得成效後始收受租 而誠懇肅然有古人風性慷慨見義勇爲樂善不倦。 金此亦熱 心提倡植 棉

我國自通商以

起而 使 財納賄。 自通商以來道德墮落廉恥喪亡相習成 雪此 爲我國 恥者余嘗深思默慮以爲此種使財行賄之風各國有之不過我國自 人之第二天性我國人被外人 風。 不以爲怪而外人之譏笑我詆 吐罵竟受之而弗辭三十年 毁我者。 來。罕 通 有人 商

製出品。 商務日增事業廣大而此風頓盛耳蓋買辦 花樣既層 出不窮製造亦異常迅速苟無特 係洋商 別事故製造家決不願停工而致 推廣商業之雇員洋 ·商經 理各國 之機 折

於是乎機製物品勢若排 推消力之强 弱而判之但銷數之暢否在在 山倒海而 來 我中國佣金厚則趨之者衆其買 與其人收入上有密切之關 係則 (辨能力之良否。 吸收主顧廣

闢 出路之努力自無待言昔之充軍裝買辦者例須捐一府道銜翎頂輝煌方得奔競出路之努力。 於督

撫 營也納賄也乃至嫖賭逍遙以結買方之歡心於是我國有心人向所不屑爲之請託。 之門卽普通機件洋人所給之佣金亦較昂不惜運用全力以求得主顧於是請託 也。鑽

納賄嫖賭逍遙等等不名譽行爲一變而爲社會上普通之習慣迨買辨既售其技攫 有巨

贅。 復浸淫而及於全國有識者雖欲矯正之卒苦於莫可如何。 鮮有不趾高氣揚揮金如土無所不爲者此種不幸之事適發現於水陸交通之上海繼

身當其 余非謂買辦之異於常人亦非有所不滿於心而發此言也買辦亦不 事第讀者勿謂秦無人蓋買辦中與余相知而品格高尙爲舉世所尊重者大有人 衝者爲業務所累大勢所趨而 有不得不然之苦久而久之不覺其非亦屬至堪憫 過行業中之一 耳**。** 在

藕初五十自述

四十九

藕

茲 因 植 棉 事。 偶憶及老友 (都君 足解歸品 純行粹。 德 高 望 重。 不 禁有 所感觸。 而 切 望 舉 世

崇德毋讓郁君一類之賢達者獨步於前也。

外人 之 國 淡。 不 不 掠 應 市。 可 ·惜犧牲 之人オ 營救 無人不 行 以 口 息兵匪横 交 以 暢所 爲。 不 自 之來我國 Ŀ 無術。 亦 負責 然 沭 疾首 欲 切。 無 種 而 日 趨 爲。 行。 非 任之言自 種。 從 如 與外 蹙頞。 於鞏 無難 此紛 以致 爲 也 如 事 增加 求 賴 於政治使蠹 民不聊 人交涉 彼國商 擾。 宣利 無 固。 唾 難强 地不 餒 關 手而 國 税。 雖 的 也。 得之蓋 失敗動 景況難 國亦 商 弱。 取 生老弱轉於溝壑壯 務之發展 消治 務 國 丽 病 國 無 而 岂。卽 外法 堪。 輒謂 民與政府 各 民 外交之可言何況積 之輩不 非 國 而 間有野 權。以 己然余竊觀 所需 但內 弱 國 者。 能廁 國 之善於謀 及廢除 無 7心家拓土 商業。 者散 外交。 務而 身 其間。 之 不 蒙 此實荒謬之言也何 我國 平等條約。 2四方農蕪# 其不 已商 國 弱 _地攫財權, 政 者。 則 如 務上 我國 利。 政 府。 正 治 卽 向 可 其田。 妙用 來 既發 清 者 外 有 哉。 及 昧 實 明。 人 余敢 生密 於 種 商 工 事 其外交之手 人 外情。 者蓋 民 輟 種 實 行。 《樂業於 力以 其 切 斷 亦 不 言荷 多交 機。商 之關 暗於 連 正當之侵 箝 车 易 是乎 集 停其 政 事 係。 外 我 冷

者。 綱。 業以其心得著成『標準動作』一 國採 毎日 否出數之多寡悉聽之於工頭所謂經 版之管理 任其勞是時紗廠之工作均託之於工 中 國 三年已譯成英法日德俄: 華書局· 刨 管理法戴 組 辦 從事 用此 屬至少之數余於甲 織 操勞達十四五 大 局出版印行十餘年來全球各工廠幾無一不採用此最新進步,甲廠時卽於百忙中抽出一部分時間譯成華文名曰工廠適用 規模之工廠管理法爲最要之一點癸丑 於甲廠以二十萬兩之資本組織一紗廠築建廠房安排機件規畫督策。 學一類書籍雖 方式實施於工廠管理上者尚不多見戴君之高足弟子吉爾培來君出身 君者提倡科 小時是時年富力强且當創造時期不能不 廠開 汗牛充棟一言以敬之卽節 荷蘭西班牙等國文字者達十餘國余研 學的管理法之鼻祖 機前後約計半年。日 書。 理者僅管錢 頭廠內各部並無稽 風行全球余曾與戴吉二君反覆討論。 也戴 甲寅間。余在 間督策工作夜間創製各 財及營業而已雖問 君所著科 省時間 核調 精 南 學的管理 勤奮從事 查及各种 神物質而已余 新進步之管理法各門 美研 究此 究戴 項新 種 學理的管理 法一 有內容尚 報告紗質 樂 故樂此不疲也。 獲益甚 書。出 種 管 爾 理法 君之 報 本此三大 告表 爲 版 一親 多。回 於圬 時。各 國 整齊 科 由

勤奮 不祥 人 西 是時 也。 余未 龙。 未覺悟名之爲害雖不求名而名自至居之不疑迄今回溯。 間 矣。 人 之物也。 有 時 若干 有老友代余不 出洋以前 如 □商標竟膾炙人口。 市 雖幸 恆言 何。 上 種。 薪 棉 得高 水可不 因此 Ē, 逐 紗。 1世界不 四年間。 一檢驗其優點所在。 舶來品尙多其紗質之精良售價之高昂以日本 薪。 而墮落者毀壞者不知凡幾三代以下惟恐不好名余是時 て計果な 平者余笑應之曰人生處世惟當自問能 亦難乎爲繼 問汝爲何 在海關龍門師 有用 翌年北京賽會得列第一不幸而 也。 人只 也故不患人之不能用我特患己之無才能 日後定能出類 並 問汝能作何事審乎此。 範及蘇省鐵路月薪: 將各紗優點彙集於 拔萃實至名歸。 均百元辨甲廠 令余心惴惴 個人不虞之譽隨 甲廠所出之紗不 力精 大可以嚴於責 丽 紗爲最余搜集市上 神才識 利 亦隨之果關茸 不 安有餘 如何。 後。 年少氣 以俱 數月 薪 以 供世 水僅 及任 而 歉 至。 不 而 盛。 名者 事之 所 最 用 無 八 十 能 耳。

余於民三 學制 不 甚 回 適 國 時。 用校風亦漸壞故延師 青驥二 見。 年十二一甫 在家課讀。 九歲余意小 余隨時溫 學課程 **温課始則頗** 大繁 、雜廢除經濟 見進步至第二 書。 專重 年 無

周爲 兒效奔馳以協助之捕蟋蟀則羣兒爭挑選以貢獻之種種特殊待遇適足長其傲慢之氣 廠中員司及工人之宿舍羣兒游戲時,大有惟菁驥二兒馬首是瞻之概放紙鳶 步頗驚訝之稍事調查始知鄰家兒以小總辦目之奉承之惟恐不暇無形中竟受損。 心志不免趨於放逸之一途學業遂因此而荒蕪也蓋余家住在甲廠對面 出之弄內環 测羣

種惡趨勢年來軍閥正 諛者乞憐者隨時曲盡其能以獻其殷勤習非成是受者竟居之不疑互相摹效遂養成 阻 雖 逢 然此種奉承習慣吾人習見之矣豈獨小兒爲然哉吾人入世地位稍高或資產稍豐面。 迎阿諛遂以養成一種傲睨自大恣我所欲任我所爲縱橫自便不可一世之概。 其 進取之心故余卽將二兒送入學校以避却社會之薰染。 一坐此弊入伍以後自伍長什長乃至連營團旅長各各受其部下之

步而 遠夫一省之政治法律警務教育交通 至督辦握綜理全省軍民事務之大權生殺予奪威權無限遇見之人無不望顏 水利農工商業等等種別旣多事情極 繁雖 色而

再

進

專門學者當此亦不能博洽融 幾其結果不至自害害人流毒國家不 通而因應裕 止然此尙爲自好者言之其不肖 如一軍人耳知識能有幾 何而 乃剛 者竟視各本 愎自 用。 處

五 + 自 述

暴戾 聯 乙 敷 以 日 商 所 絡 卯 經 困 本 舉動。 冬。因 諸 一氣。 出。 於不 理 征 問題 |勢難羈 先 服 均 余辦甲廠粗有成績。 計 進 而 地。 受人 經濟 國。 組 也把持貨車借商 販土 類故議決 事 織 蒙蔽慫慂誘惑之所致也。 問 業之能發皇者賴有大 也特稅也濫發紙幣吸收民膏也豫徵錢漕 題用 規模稍大之工廠蓋範圍較大則實力自厚既省耗費又 增加 人問 題股東 余之薪水並允 而邀余另組紗廠者 運以圖自肥 中無 組織 時不 也霸占民產爲 就其致病之 元余另行! 耳。 發生衝 殊不知按之我國情勢則大謬不 凡有數起余初意 組織兼顧 2點言無非意 突而甲廠董事。 所 欲 重 爲 疊至數年 兩 奉承 廠。 而 與 莫之奈何 好 兵 其 另 組 明 上發生之 在 也强行苛派。 甲乙 知 余之所, 利競 兩廠。 也 小 然。 悪果 厰。 爭, 其 入不 近在 何則。 歐 不 美 如

其 民 五. 地 夏。 人 址。 八士。對 公始著! 手購 於 有 地建造 焉。 志 創辦 實業 乙廠夫歐美各國之建設工廠也於原 者。 非常歡 以後。 迎之甚至於由當 地之居民胥受 地 有 (其利) 力 料 團 人 八工市場に 體。 如 商 會等。 相

尺容易照容

顧。

備

廠

舉

以

奉

贈

蓋深知設

廠

該廠

所在

而

其

地

商

業

之

出

資購

宜

之

地

濟

之富

裕。

凡百

事

業直接間接俱利賴之爲

地方上公共利益計所以不

, 惜犧牲竭5

定。 遁 許 地 販 置 能 致 河 之。 毎 有 之 畝 以 處 廠 不 丽 詢 不 也。 矣。 余 之鄉 酬報。 基者。 余日。 余是否 深 借 達 並 地。 詢 何 丽 價。 知 非 其 其 而 重 我 答云約 不謂 莫不 託 董 其 國 多 地 目 聽 如 購 販。 弊。 之可 購 的 君 余 也。 L 某 詢 故 昧 購 不 地。 如 迨 不 距 密託 購 於此 需 余究 休 余均否認 蟻 也。 地。 水 君 出 之 艺 較 數 余 何 地 此 萬 **| 遠之地三**| 竟。 並 條 附 義。 成 槪。 卽 價 金。 日 地 後 羶。 交。 招 件 將 在 且 丽 之。然 又不 竭誠 販。 惑於 復 之 如 上 余 若 余 購 蠅 來謂 海 向 與 有。 何。 置 之逐 能 某 加 獻 彼 事 市 小已之私 者 某 廠 殷 外 實 不 所 君 價。 卽 地 余 |臭羣| 借 接 勤。 終 託 語 兀 開 販 所 基 Ż 調 購 余 四 重 近 塞。 出 所 不 之地。 訂 知 + 相 鄕 新 利。 臨 换 可 地 四 畝。 董 販 掩。 地 條 購 不 勾 闢 往 行 結羣 閲二 與 馬 往 來余處密談。 時 段。 件。 地 中 可 余 日 謂 瞞。 地 路 百 限 有 月可 笑謂 計 柏 保。 處 余 延 價。 且. 忽 於是 把持。 所欲 朔 塊。約 阻 所 有 日。 毎 芝曰。 畝 購 舊 確 撓。 君 購 友某 購 各 羣 地 出 所 地。 僅 二畝 如 詢 託 柏 販 余 地。 其 其 太 余 千二百 鬼 Z 與君 急恐 業 許。 君 意 欺 鄕 數 如 將告 來訪。 董 悉 蒙。 蜮 十 何 地 須 難 高 數 畝 伎 係 地 經 應 販。 竣。故 某 保。 成 年 整 倆。 付 不 故 成 兩 價 :若輩是否言 交。 累 君 聞 塊 堪 事。 出 求 友。 也。 月。 訟 不 時 售。 間 之 飽 直 乃 有 卒不 累將 告之。 余 余 便 劃 余 有 人 田 私 欲 唐 姑 詢 所 他 囊。 減 地。 並 能 忍 購 購 其 地 不

藕初五十自述

方知 者實 六十 考古 文。 不 允 妣 此 魚肉 屛 余調 一畝之事完 ·知交情。 保 之事外於是由公堂出傳票將主持其事 而 加 謂彼 (一某買辦) 時設 此 者 價收買而長此阻撓實業利己 餘歲之老母藏匿他處並 鄕 度而 不 心愚之特權. 事 能 幾 實詳 更不 已失敗轉託股東向 何 置 輩 不 對 有所 郷董 若 付彼 吾於鄉董 有 知 亦余之舊友也余卽 加研究悉該地販已付定洋二百元交與有地二畝之業主而 感嘆 面子。 地保 何爲實業及實業與地方民生之關係交情旣窮不得不 方或聽彼方之唆使而逃遁該地販願聽余之調 上 海 之意。 亦不 華洋雜處地 地 也。 雖然。 保。 心未嘗不: 致 何責 作此 余疏 一誘其母 生計 · 善 而 種行為 損 日迫。 產買 通。 向 略為 人之惡習閱一星期毫 .各方疏解日彼此同係交情息茲爭執。 與彼方另立契約借洋商 法 賣。 風 律蕩然細 其事 俗日 矣後竟不加分文而完成購地手續。 加價收買以顧全面子。全堅拒之不 之某買辦提究不到再傳。 甚 非。 多而 人心不古至於今日。 祭 /多數國· 若輩 無效果。 **歛錢之機會亦** 人之行爲其不 出面以爲依靠。 度余卽將彼方所 蓋此 叉不 郷董 用理先 到。 種 2牌票拘拿3 甚多。 然余 地保竟享有 人 彼方將業 願增 類 但 而 將洋 於 噫。 堅執 主 知 其 私 抽 鄕 余因 加 彼 商 利。 去

美國農部調查專員克雷克君著日本紗布業-書詳述日本棉業發達史調查精確深 特殊要點附加按語鍼砭我國棉業之腐敗及種 **《余於百忙中抽暇譯出以餉國人之有志經營紡織事業者此** 取法名之日中國花紗布業指南凡一巨帙迻譯工竣達十閱月· 種應行第一 步改良方法俾我 編關 係 印行。 我 國紡 國 |紡織| 織業。 中 有

有所

由

余

能不受暗虧然較之停工坐待便宜實多惟此種 殼之半數遭刧消息後。余卽函電津漢各處及就近向 六箱頭二三號各裝二箱幸獲三箱三種俱全有是則全廠半 造業應時勢需要非常發展續訂之件至少須費牛年光陰方能運到苟無此種錠殼全廠 粗紗上之錠殼三種由美廠購自英國共計六箱適歐戰劇烈潛艇爲害裝運錠殼之船。 不能開工。坐待半年,損失何可計數故百方策畫函電交馳達兩閱月方始查到共計錠殼 途遭魚雷襲擊或云沉沒或云擱淺莫知究竟若再由美廠另行製造運滬應用時美國 民七戊午春『當西曆一九一八年』乙廠紡織機器均購自美國交貨尚 數照給 之粗紗錠殼到時竭力設法始將全廠開齊然而應付各事疲精瘁神者達半年 **舊錠殼僅覓到全廠需要十分之三四迨** 申 地設法羅致舊錠殼雖 數 可以開出自 不致愆期後得悉 [得悉此] 出 製上不 種 製 錠 中

Ŧi. 十 自 述

五十八

之久。役腦過度不知大病之侵襲於後也六月二十七號乙廠所有機件悉數排妥電力

疲憊不堪。不能支持起牀耳當卽延請德國名醫福醫生診治福醫生謂余日君用腦過度。 發全廠機軸轉動。余心始安回家一睡經四十八小時家人惶懼莫知所措余頭腦尙淸惟

甲廠內部確已整理妥貼然營業及製造方面苟一 宜請假出外靜養方能收效否則一二年後卽將成爲廢人矣余頗然之第乙廠方 7始開業。

懈怠損失隨之而挽回亦良不易余雖

甚感謝福醫生之忠告然雅不願請假外出也.

其慰情散鬱之心法者也當時與余作一度之問答迄今回溯其口氣及神致繁繞於余之 福醫生時來診視見余病勢稍轉機乃爲逗機之談話殆深於醫道於一 切手法之外行使

腦際無少遺忘蓋病中事息心淸所得影像倍覺淸楚耳試述如次。

福醫生出其誠 懇和愛之精神詢余日君回國幾年 矣。

答曰足四年。

問。 曾設幾廠。

答已設甲乙兩

答約四百元問。月薪共若干

問房金若干。

答約六元。問君每月需膳費幾何。答二十四元。

玩『琴指鋼琴』陳設精美。起居舒適此皆服役後用以恰情養性恢復腦力之必需品 費僅十分之一。君勿誤會歐人之自奉奢侈也入其門有亭園花木入其室有琴書古 **屬醫生笑謂余日君自視太輕矣自奉亦太薄矣君月俸四百元不爲少而君自奉之**

獨厚留學生如君者有幾人。余願君愛惜精神爲國家社會效力也。 也君回國纔四年組織兩廠已先後開工君之建設能 力不爲 小而君之社會信用亦

不能避免之用途爲數亦不小。余正當盛年卽 余應之曰先生良言甚感余月薪固不 薄然仰事俯畜與兒女教育費以及其 有餘裕亦宜 以血汗所得之財供 他 祉 種

耦初五十自述

五十九

六十

正當之用。余安敢以一人之怡情養性消耗有用之財力也。

福醫生日君言甚是余惟君精神之健全是祝浩大之事業由健全精神所產出苟

之精神不繼一二年後其尙能服務於社會耶君其勉之。

危險萬狀靜養四閱月使余有機會苦思冥索從見地上豁然轉變另闢 少氣盛迷信於自衣衣人自飽飽人之宗旨專注意於建設直至四十六歲又得大病。 是時余雖甚 佩福醫生之殷勤垂愛懇切勸告然不信一二年後余將成爲廢 一新境界並 人蓋年

於靜 中檢點而悟精神之不能不節用處世之不能太猛進雖然此種情況余以爲此

乃年齡之關係。蓋方當盛年所向無阻決不能有此種覺悟也。

甲 本卽隨以增加我國建設偉大事業方在萌芽有限確比 **廠資本僅二十萬兩係無限性質乙廠一百二十萬兩作爲有限公司以後逐漸推** 無限 爲相宜苟股東與經 理不 廣。 明

有 限 公司之精義不但困難滋多且於事業發展上多所窒礙爱就鄙見約述有限公司及

無限公司之利害如左。

無限公司。以少數各個人之資力而創設之範圍未免狹小交易因之而微細資本百 萬以

外,另由關係密切之股東爲之監督及指導雖問有不然者不過少數而已錢莊其最著者。 設 有 一者實不多見惟無限公司 虧折總理個 人若不營私舞弊亦可稍輕其責任而 雖得良經理而爲股東身家計時時須請命於股東盈 無限公司之性質除經 理及員司 則 固

資本僅數萬 兩虧負竟達一二百萬兩股東因此 元而破產者。 亦數見不鮮。

職事業甚發達而股東有因私見而多方挑剔者蓋股東人數衆多而總協理又不能盡如 理爲敷衍起見不得不稍稍遷就同事 然其弊之屬於股東方面者股東不明權限而挾經濟勢力任意安插私人以爲耳目總協 能累及股東,其利益卽總協理能全權發展營業由股東會考核之董事會監督而指導之。 有限公司則不然除規定資本額數繳付外公司如有額外之損失公司卽宣告破產。 中不免黨派紛歧以致內部分裂間有總協理 甚盡 而

人意則往往因細故而起不斷之爭端事業因之而暗損。

竟完全不 關於董事方面者董事之支配大都僅在於經濟而不在於學識故一公司之董事 理之爲 識 此種事業如何 所欲爲而莫奈之何董事無才識以監督之指導更不必言矣。 組織營業如何發展總協 理而 果賢尙能支持有方否則一任 著干人。

藕初五十自逃

藕

界 之事 被 關 出 局 任 未 之障礙 於不 意侵 困 來 推 於 總協 業。 爲總協 Ż 而 問。墮 困難。 因此 蝕股東乙易與者蒙蔽之自利 入亨否則只爲 也。 理 理經濟上 者。 落 由此發生者。 m 人格。 股東資本較大往 倒 閉者。 摧殘實業妨害民生消耗國力。 旣 不 個 亦復不 有特 人私 知 凡幾嗚 (利計不為) 殊 少總協 往被 之勢力總協 呼。 亦 者賄賂之閃爍其辭。 推爲總協 公司 運而 知 世局 愛惜名 利害計往往汲引 理之應付各 何 理。 余自有識以 或 日 1澄清法律2 口譽者自能力 有 專 所 學 識 股 上下 東。 ·其手惟 來僅三 何 克 私人培養己 不 組織能力。 免有 時 盡 一厥職以 有 一十餘年。 私圖 效。 肵 而 偏 建設事業 之自 力買 枯。 主持之逐漸 掃 環 除 而 顧 便。 賣 公司 此 交易。 置 實 國 全 内 中

雖 之才識充裕 蝕。 好。 然為 虧。 韾 無 雖 如 限 有 我 少 亦 國 萬 賺。 好。 能 有錢者 總 而 尙 協理盡 克盡 之總 有進 厥 協 款 辨 理。 也。 事。 職 職 無他希 丁 然 也 固 此 而 好。 不 時艱。 好惟總協 誉 天 望。其 時 私 舞 點 人 事。 弊亦 唯 金 一之目的。 變化 理 無 之狡 狮。 好。 營業 靡定。 蓋 點 得 大氣鼓 者。 在 而 有 雖蒙蔽之欺 虧 盈 平 ,賺錢而 餘。 本。 有限 鑄。 卽 使被總統 誰 與抗 不 J營業子 瞞 好。 之侵蝕 協 爭。 無 是以商 理所蒙 限 而 也 苟 之股 有 不 好。 盈 業 蔽 東 餘、 總 有 欺 不 協 盈 瞞 有

理

必

限

好噫中國之有錢者大率如此事業之發皇到若何程度亦可想而 知矣。

我國棉育 軋花機建設軋花廠優價採收各地之改良新棉以助發展: 只能從商業的眼光著想僅稍求改良及推廣而已民六間卽約同聶君雲台吳君 棉質者雖不多就中以滬紳郁君屏翰爲最熱心惟未悉社會需要且並 長刋印植棉淺說及各種。 君首民等組織植棉改良社都君屏翰德高望重提倡植棉爲最早逐推舉郁君爲名譽社 試驗場與紗廠同時進行且是時留美學生之歸自南美而研究植棉者竟不得其人故余 紗所用之花其纖微長度僅需一。 不足美棉較華棉爲不易栽培而於長絲棉爲尤甚是時本國紗廠僅紡二十支以下之粗不足。 美國長絲棉與埃及棉種種植三數年犧牲已多成效殊鮮夫揚子江下流雨量過多燐肥 助力致未得若何之把握但開風氣之先而能 紗廠 聯合會於民八一月二十日紗廠聯合會內添設植棉改良會對於提倡全國植 產。向 以蘇省之通崇海三屬爲最產量多而棉質佳陝西湖 印刷品並購備大批美國種子分布各省余又購置美國鋸齒式 英寸以內長絲棉實不適用也余雖稍曾研究植棉。 百折 不回以圖之斯難能而可貴耳君採用 藉資提倡後由聶 北 次之是時 無植棉 君雲台等組 專家 熱 一善卿黃 ال 然必 爲之 改 良

業由該科主 設場 是年 余不禁爲東大農科各專家賀並爲我全國棉業慶焉。 者殊不多見此。 會諸會員熱心贊助之賜也留學生之回國者亦多矣用其所學而能造福社會衣被羣 事 國十年起迄十三年 業迄今尚知 十六處年需經費萬兩。 九月二十日議 力。 稍 形 有 任鄒君秉文與過君探先主持之余雖擔任委員 擴 非一 可觀者皆賴鄒過二君及東大各農學專家熱誠任事之結果與紗廠: 大。 時 止每年 般留學生之不願服務也實國事蜩 余被 決由余代聘過君探先主持推廣全國植棉事 學爲植棉委員長惟余身兼兩廠事務殷繁且另有新 由紗廠聯合會捐洋二萬元津貼東南大學農科擔任植 厥後場務日 漸擴展需才甚多亦甚亟。 ·螗百業俱廢展布無途故致此耳。 (長僅用其名而已我國植: 業先就江浙 過君勢難獨 低爱於民 直野豫湘。 組織途 聯合 棉 棉 事

集於太和殿 歡。 九一 人員均穿禮服就中威武之氣騰於行列溢於眉宇者厥惟陸軍身穿制服腰懸寶刀。 得 未曾 九年冬歐戰告終余時在京適逢歐洲戰勝紀念蒙邀入府躬與盛 有。 前。 中西來賓蹌蹌濟濟穆穆雝雝使此禮場倍形莊 由徐大總統行大閱式武士糾 糾盡屬干城之選威儀煊 重誠空前之盛 赫、氣 典各國聯盟 象莊 典也。 嚴。 斯時 諸 軍。

以爲容坐 典之一般文官披燕尾服。 處 余不 心公正而實能爲 **傴僂者蹣跚者搖擺不穩者欲前且卻** 不 **蠻觸於蝸** 有啼痕之句。余無暇爲若輩惜而惟深痛 知是時 佩 知此 金章帽戴白 角卒之身 輩懷著何 之幾輩 臥 念之何以爲 高級 國爲民者固不 纓豪闊哉革新時 敗名 種 軍官其孑然存 肺 l裂爲國· 戴高 心引鏡窺形何以施眉目之數語者髣髴爲 腸囊者朱叔元與彭寵書有云與吏民語何 黑帽穿白手套儒 乏其 人所共棄曾不轉瞬死 代之驕子也今僅民國十四年與彼時相隔 人然因個-在者尙有幾人讀 者然皆溫文爾雅亦趨亦步。雍容揖讓於其間其宅 中華民國國民之生不逢辰 人權位計列 酸亦幾乎脫盡服裝競取 石 無葬身之地者亦大有其人嗚呼。 而竭 達開我志未酬 知盡 以爲 若輩攝影而寫真誅 能導兄弟於閱 心其躬 **薊顏行步起**至 其 人已苦東 入 時。 纔 與 雖 此 牆鬭 蕳 次大 拜。 年 南

後。 原定覲見禮節首各公使及男女西賓次文武特簡記 雖 有 童 大 禮 婦 僕役為 官導行但人數衆 有力者所汲引為此次國際間慶祝大典中 多秩序紊亂各部發給觀禮 任官及委任官又次各省 一份時。 固甚 之點綴品此輩未受教育 謹 愼 而 代表而· 鄭 重。

心

而

剖

膽。

嗟乎斯人也

而

欲其保全面子得毋

太

众重視 其

人乎。

初五十自述

藕

内。 無 日 括 不 方。 心 陳 知約 設 以 目 有 婦 間。 去 僕 玷 西 者。 束 點。 斯會之莊嚴損傷國 役。 愼 勿謂: 心以款嘉賓。 二刹那 其家人誰爲達官而當時相 其不 知自 小德 間罄其所有首善之區演此 而 可踰閑先聖所特許須知閉關時代融通遷就之一家言不 也。固 彼輩 無知 家之榮譽殊爲有 無足怪以致謔浪笑傲之聲譁然雜 無識之童 與鑄 成 婦 《此大錯》 醜劇外交大典鬧此笑柄。 僕役者流任意取食間有 心 人所同 不啻自暴其 嘅尤足令人 作。 殺國 維 吐 誰爲家 棄 之罪於各國 出 者。如 其所 ·適用於 太 攜 者。 主。 之巾。 和 而 制 平 止

新時代不得率意引證以自掩其醜也。

余自 飒 惟 之以 業底 辨 省 通崇海三 钾 所產 بخ 充分之勞力施 定不 棉花 兩 一屬産 爲 廠 之由 後調查 功。 品是 欲求 彼 ~賴何年 東下 事業 全國 之以精密之管 |棉業狀| 者。 歉收紡織界不 爲 數 **以況知外**古 甚 必先調查原料人工市場務求來源出 理方能· 鉅。 且其 力逐 免蒙甚大之影 地介於京漢隴 有偉效之可 漸侵人爲我 收。 響鄭 國棉 Ŀ 海 海 兩 各廠 業爭存計非 路 州 線之 地當 所 用較 路節 間。 中 樞。 東 良之原 節 西 陜 先 靈通。 將 西 個 Щ

暢連

交通

便利銷場甚廣煤斤勞力色色較廉苟於此設廠製造不但能就近

一供給諸

詭謂 鄭縣 爭後鄭州竟成 國工業膨脹機器 江君固請謂機價甚便宜市面 第二三萬機未到。 之建議蘇 家產甚殷富宜 誤會故支廠之計畫未售而不能 可失民七臘底囑余赴 人。 便 之建 江君曰渠對 益。 且 議。 君 申 亦贊 鄭二廠聯 乙廠者蘇江邵 一乎發此大言。余依 爲政爭之衝 成之江 遲到。 叉討 於鄭州設廠 也。 鄭 坐失大好機 論添機事。邵君及某君等以丙廠資 爲 購 君 一氣原 要地 地。 尙 曾 亦好機會勿 事亦不甚贊 明正 在猶 四君 點此五 違 不 料 會先 另組 豫曾君 之所組 金融互 硱 商 可對於 訂 機器嗣知機器嗣知 令又 六年來左右支絀大有捉 丙廠時紗業正盛招股 失之交臂日後倘需款項。 成江 煩謹 織 相 奇 加 也。 調 機不甚 跌致 君信之後聞機器已訂 邵 劑。 江邵二君談 飭而股份僅 君 利 受甚 賴 與余交誼 反 孔 大之暗虧。 《對後卒通》 多。 本小錠數多期 及此 及 遂 八十分之一。 亦易一萬錠 獨 有 冷 襟 現 肘 事邵君 厚。 有 叉不 過初 子儘 愛國 由 購。 2 之概。 料民 可籌填。 期以 出言素 邵 不 江 厰 心 料 切。深 訂 君 君 添 九皖 歐 爲 購 設 因 知 後。 戦後。 蓋江 贊成 致 誠 不 此 機 支 可。 而 續訂 自 發生 會 直 實。 廠 累 忽 戰 君 不 於

民 九元 旦余 初 在 五 省教育會聚餐晤黃任之沈信卿蔣夢麟郭鴻聲余日章諸 + 自 述 先 詢 以

累

不禁滋痛

於

心

六十七

万十八

今後 真 求 寅 並 決 財 小學余雖對於 金田後堪思 金目之余聞之爲大慰快今均已回 初 定捐資 應 大局早日平 諸 如 先生輔助之而 何 五 使 於爲 萬 爲各界之領袖者爲合格。 用。 兩派遺學生赴 而 國儲材 靖實業重上 於國 所派 「家社會得最大之利益、食謂宜用之於教育。余頗然其說嗣 事稍盡棉薄適値紡織業一落千丈之日使余之大願未 (學生備) 軌道。 **心歐美求** 余決當盡余棉 極 請北 國服務社會矣厥後又由 學不限省分不限科目以男生而道德能 一時之選其德性之堅定教育鉅子以 大校長蔡子 力繼續行 民先生主其事。 此志願 [他方面] 也。 蔣夢 派遣六七人出外 一鱗胡 曾經 力與 全酬倘 百 適 後 煉之 乏馬 余 學問 始

元月間徐大總統及農商田總長聘余爲名譽實業顧問。

項。 是年 拜 於 惟 ·五月間。 舉 注 莊君答曰 日。 一世崇奉 重 君 於科 輩 余因 欲求籤乎余問係何 」否吾不用: 學之實 之神前也時北大正在鼎沸蔡校長早已離京。 事赴京偕蔣君夢麟莊君達卿 (験於古· 此。莊 人神 君在伊立諾 神答日關 道設 段教素不良 與余同校習 帝余等不覺肅然起敬余 表同情當時 游喇嘛 建築學學術 廟至某殿有一 由蔣君代理蔣君 非 故示 顧謂 異 湛深。 致 喇 爲 嘛 丽 莊 人 君日。 僧。 不 欲 肯 忽然 正 詢 低 直 君 大 向 頭 而 欲 强 求

之前途。余則詢一生休咨至誠膜拜。余求得七十八籤中吉蔣君求得六十一籤中平追檢

閱籤書余等不覺毛骨悚然余所得之第七十八籤云。

家道豐腴自飽溫。

也須肚裏立乾坤。

蔣君所得之第六十一籤云, 財多害己君當省。

福有胚胎禍有門。

嘯聚山林兇惡傳。

善良無事苦煎憂。

主人大笑出門去。

不用干戈盜賊休。

則指 此二籤書上所云余與蔣君所遇確有此情一若默知余之捐資助學並使余堅決爲 示 北大風潮不難解決不及兩月某系失勢軒然大波竟指日盪平甚矣冥冥昭昭之 此。

毫髮無間也有如此。

宇宙之間。 卒至 隔閡 而不相感通者徒以七情六欲爲之遮障故感而莫應窒而難通耳。 切處所無往不爲萬靈所寄託人秉此靈機以生其實息息與萬靈相感。 人心猶 通。其

止不擾則 澈底澄清萬有畢現搖動生波則光力渙散無物能鑑此昏暗之徵也易日至誠

藕初五十自述

六十九

機。 傳 實從 之道。 明明導人研求唯心之學之一大路徑也故詳記之世有以留學界不應提倡迷信之說 障障人但詔以義諦格不相入者徵之事相可以立 心中來有此真心方不涉兒 達無 蕭然起敬之一真心中來及各各胸 可 以前 線 **電信與吸收** 知。 國 諺亦 言誠 收無線電浪然彼肉眼凡情以爲太虛之中虛無所 則 一戲有此一心方不涉游移故所叩者如鏡取影無稍差忒此。 靈靈知云云本來充滿 中 懷抱唯一之待決疑竇而 破疑團矣喇嘛廟 世人心量 中萬靈通 並無 中兩 感正 第二三歧念之 紙籤 有。 執著斷見自 当之靈應。 如無線 進

者流 者。 鬧 救 民國成立 完売 赤地千日 濟較易爲 漿集散均易北方災情奇重地面廣大施救較難猶幸義賑之舉向有慈善機關專 、亦太輕視自家本具之靈知甚矣故敬附片言以告來哲。 爲匪人弱者轉乎溝壑聞者傷心見之慘目惟是南省偏災仁人長者呼號奔走義粟 以來頻降天災人民苦狀報不絕書然水旱風災大都所及之地 里籽粒無收鬻女抛兒以求苟活草根樹皮胡亂充饑流離盈。 力孰意民九一年以內浙湘閩三省先後告荒而直魯秦晉豫北五省又相繼 不甚寥 途。 風餐露棲强 闊。量

查報告消息靈捷,其交通較便之地受惠孔多惟僻荒之區殊多向隅如豫省西部彌

餓斃遺骸路多逃荒難民所遇之人類皆鵠面鳩形面黃於菜骨瘦如柴尤以 非 非筆墨所能形容矣自 師二三人輕裝首途斯時也吳孚威坐鎭洛陽聞滬: 責任。咄嗟之間集款五十萬元派人四出調查此時余所辦之丙廠業已開工廠 動之義組織北方工賑協會時我國紗業方在全盛時代於是紡織界鉅子。 望皆· 狹不平之險道尚且戰 州路不及百里而 較近。考察豫西災況亦較便故余擔任調查豫西災情十月間 錢業公會紗厰聯合會三會同 人備盡保護之至意特遣副官二人隨之俱行當時豫西車道僅達觀音堂自觀音堂至 查咸苦呼籲之無門猶幸 苦不 山盗賊負嵎。行人裹足萬 ·勝言之概日 山勢險惡行程艱困在老於行旅慣常往還於此途者度此節節 田 中 |陝州| 所種 戰兢兢喪氣而鎖眉其南方新客之不得已而 內地客商暗逗消息未逾時日喧傳滬上於是乎上沒 糧食黍菽等等多數枯槁棉榦 經函谷關闋鄉靈寶而達潼關爲時閱 人憫念災區之慘狀同 山農戶旣受匪徒之蹂躪復遭旱魃之肆虐誰敢冒 人士有此義舉對於調查豫西災況諸 .懷宏濟之深心求施 不及六寸花鈴狀 偕同熟悉豫 五日。 出 入 路 此途者其苦狀 起負豫賑 西情形之工程 賑之中 隱寓: 曲沃 如雀 聞 海銀 聞 址 見見無 卵。野 行公會。 作 距 難 豫 重 陜 西 大

耦初五十自述

七十二

饑腸。 山 帶饑 其饑荒而 民之困狀爲甚蓋其地人民久已糧盡資竭乞貸無門生機 兼受兵匪蹂躪。 其地現狀爲余等所目睹者如闋鄉縣首鎭之文底 垂 一絕惟賴樹葉以充 市聞

是年六七月間。匪兵兩次過境計共九營約三千餘人第一次住鎭四日第二 一次住 鎭 八

不論 居家舖戶一 概入內搜刮搶掠無遺匪兵曾幾次發土拆椽得到藏金因之大 一發狂 熱。

拆 匪 ;掘幾徧余等過彼尙見地面 兵綁票四人因勒贖不遂鎗斃其一鎭人不堪其擾四散逃避全市爲空所留存者僅家 有新泥承塵有新迹聞當日並有地方無賴爲虎作倀協 助

徒四 壁之一二貧戶而已余等至時見市 內房屋十之八九閉門未啓闃無一人嗚呼天災

人 禍。 相逼 而 至斯民何辜遭此浩劫不禁爲後之撫有茲土者切望其關 心民膜妥籌保障

之 方 也。

自 陜 州 至 |潼關此 路素爲盜匪出沒之區余等幸賴馬隊十餘騎嚴裝警備。 路保 護。

無事

水 余等素聞 路 約 百 黃河潮流易於爲患欲親往考察水勢故雇民船兩艘 五六十里順流而下故舟行甚速河身因! 「潮流冲 激之趨 **乘流東下自潼** 勢而 時漲 時 關 陷。 至靈寶。 船

較 身 側 行 低大水經行之處一 一動。 動。 面 向 無一定標準。 依 前。 然前 大有 行。 落花 因 順流 地河身當秋水發時。 流水不克自主之狀。 望汪洋故以河 而 下水勢甚急故 得名一至旱季累月無雨。 自高 遇擱淺時。 有時 而下其勢甚猛· 船 舟子 頭 向 赤其下 前。 有 大 時 卽 有 身。 船 下微雨。 排 下 尾 水屑 山倒 向 前。 海之概。 僅 船。 有 助 時 灑 其活 船 輕 塵。 凡 身 地 横 土不 動。

無幾或 惟 車 透濕此時諸河十之七八水涸底現石 黄河 走 馬。 水淺處近岸灘處亦復 偶然在彼冒險行走者黃河爲萬流貫注之巨 者露底白泥向天以余度之。自中國 如 他河然故忽狹 **卵累累彌望皆是多數河** 有史以來罕有注意及此而 如漕。 忽分雨 河。 與他 歧乃至三五深則 河 身無異馬路亦頗 不 一同故終年 出人 力以 無斷 丈餘。 水之時。 整 有 理者。 人。驅 淺 則

故觸目多呈此現狀也。

出 行 。函 故一 谷關介乎靈寶閱鄉之間縣延長 口。 有 行入口。 牆 時 入口行 壁立。 彼 年久不瀉最高處約十丈許低者亦有四五丈鄙意數千年 | 數百 此須照呼讓候在稍闊處交車 尺即 出 口。 出 八十餘里中! 口 時 卽爲 間 片寬敞之平地泥 而過。 僅 二車道。 狹窄之車 闊約六七尺止 F道有時入 性堅韌。 -前當為 故 口行 有 車 道 半 車 里 兩 可 許 極 以 4 通

自述

藕

初

五

+-

常 之通 行 車 道。 嗣 後疊經上 山水冲激雪融凍裂遞析成沙勁風過時逐漸將浮泥刮 去遂致

成 此 險 簌。 此 種境界完全出於天然必非出於人力也。

調 查 告竣。 余 擬採行工 賑法將函谷關車道之狹處開鑿至少能使兩車往來得以暢行

阻。 如 果 因 暢 函 公關窒礙。 行將來 商業發達,量僅豫西一隅永永受惠而 經排除。 則觀潼大道節節靈通實爲秦晉隴新數省貨物捷運之要道。 西北各省亦且同蒙其利。 即以 早時

絕 大惜乎同床 異夢主張各別用財多途以致事不果行至今有遺憾也雖然苟 有賢 者 而

糴

雨

季排

水

小論此路工

程

告竣之日。

卽無限利益。

可以並收之候擲資殊

有限。

而

收

效

則

握 致。 此 省政 利 用 柄。 厚生之道所以繁望於賢人在位政治淸明之日 或出省財或委商辦工 竣之後課以低廉之車 中稅而償· 也。 之則無窮利 益。 口 以立

尙 我 國 嫌 最 地 大之實業爲棉業棉業唯一 更無餘 地 種棉國 「不產棉」 之勁敵爲日本日本一 而竟 以紡織業著名於世實因 東洋島医 國 日 |本政 耳。 地 (府之盡· 瘠 而 人 力提倡。 衆。

產

今。 不 日 本 過六十年耳除歐戰終結以後日本棉業又起特殊變化外前此經過境界可 商 民之 善 於團結精於 治 事。 明於燭機勇於進 取遂收偉 效查日本自 有 紡 織 畫 業至

五時期。

- 一九〇〇年至一九〇四年底中國拳匪亂後之四年間日本棉業 在經濟上未見
- 佳況可稱之爲衰落時期。
- 時 期。 二 一九〇五年至一九〇七年日俄戰爭後銷路大暢可稱之爲日本紗業初步
- (三) 一九〇八年至一九一一年之四年內各廠因營業不利而縮短工作之時可稱之

爲日本棉業由盛轉衰時期。

- 回 一九一二年至一九一四年可稱之爲日本棉業轉機時期。
- (五) 歐戰期內可稱為日本棉業雄飛時期。

就日本紡織業歷史觀之三十年來甚形發達歐戰期內獲利甚豐故競爭之實 力愈雄 厚。

之以日政府所頒之夜工條例不久將實行我國民 各廠大部分製造品莫不以我國各市場爲 尾閭。 增加進 惟彼國 生活程度日高工 口税亦將施 行我國紡織業又逐 價日品 i 貴又加

漸發展因 此 種種日本政治家紡織家均抱有野心擬用實力撲滅我國 | 倘在幼 稚 時代之

藕初五十自述

七十五

以 所 被 司。 究。錠 紡 布 少製 財 為 另有 製約十 事 交易所 出 再 刨 數繁多已 害。 壟 關 過 造 國。 業。 交易所』之利 十年後。 費。 斷 故 重 而 大故 至若 关 於中國以 萬 日本 後 避 組 左 去 得]有壓倒 亦列 我國 紡織 何程 合俟我國內亂稍爲 入口 右迄今十年間錠數激增一 以 暢所欲爲操縱市場此種政策各國向所 度 凡我國· 一紡織業 名發起祇以繳股不甚 爲 結合余遂宣告脫離。 稅。 益。 界集成若干大組合。 將來操持市價之起 華廠之氣 制吾 未幾遂有 華紗布之死 不知受若何之影響我國 人不能不深抱紀憂 機關西 某 平靖。 取引所之組織閱 財團 擬盡力搜刮 至一 命歐戰前日人 來華設廠借 點民國三 **|** 頭躍。 百五十二 來華設廠成績。 主 其 也。 五. 四年年許る 六年間。 大多 並聞 我國 我土 事 萬枚竟及我國 者雜亂 在我國經營之紗廠僅 一地作戰 日 數 |淹淹 對 又有某交易所 人 如是之可驚。 人日用所需之棉 待 有某男爵等來滬 其屬國者。 凝接照三品辦法。 無 垂斃之紗廠並 章。 壘役我工人 一秒錠 빞 多業 之半數。 日 而 組 外 最 本 」數家紡: 織物。 織 為戰 近 將 L 演 組 關 出 不 成 講 設 織 一一加 立。余 識 品 花 不知 員。 取 新 東之 此 講 紗 減

民國

八年

中

月

中

旬。

| 紗價

受

人

、操縱竟達二百三十餘兩不兩

月竟跌去八十

兩花

價亦

中

利

而

暗與

外人

受其影響漲落不定花紗業中之倒閉或脫逃者踵相接而紗廠家之原料賤 表十一廠派人赴京向當局陳述利害卽蒙批准著手組織余於是 國廠家不得不研究自衞方法必另組一交易所以維持之遂於民九冬集合同志六人代國廠家不得不研究自衞方法必另組一交易所以維持之。 之被人操縱已損失不貲花紗貿易主權與我國紡織界之關係重要無待饒舌矣於是我 投機心切希望略一轉手稍獲微利而已是時十二元半之收條竟可售四五十元而購者 者甚踴躍竟達三千萬元不知者以爲我國社會富有資金而羣衆熱心建設殊不知由於 所資本三百萬元每股五十元共六萬股先收四分之一。至開業時再交四分之一而認股 主任因事久不在申其組織及攤股等事宜隨時與同志接洽一切均由余負責執行之此 方竟不交貨其出品之售與紗布號者受方亦不出貨其時廠家受虧爲數甚巨短時 滿欲望者甚多不免稍有後言然辦事豈能盡如人意耶問心無愧斯可矣。 數多寡攤派股份外並未私留股份以圖自肥余當時以經手派股故向: 份踴躍原發起之同志六人事前商決不圖全利除所經辦之各紗廠按照同業決議依錠 奉承者幾至戶限爲穿余雖盡力應付之而余心總覺不快當卽本之良心秉公分配致未 時被推爲副主任適正 余說情者敷衍者。 價購進 者。對 期內

藕初五十自述

品。均 利益者殆如鳳毛麟角之不多見也噫。 獲利者虧累者不知凡幾雖然祗經濟之偶一搬移消費之驟然激增而已於各本業確有 職而發皇之耶明眼人早知之矣名之曰交易所熱誰曰不宜今所存者僅六所而 民國 口等處亦接踵而起豈真我國人熱心建設事業耶抑對於各本業思有以盡其應盡之天 有交易所時告白中查見者達一百四十七種之多間 十年十一年間各交易所之組織者如雨後之春笋競相怒發不可遏止無論 有一 物品 而設數所者京 往 何 時之 津漢 種

矣我國人 交易所於各本業果有利益乎曰有蓋交易所係實業界之輔助機關也交通日便營業之 追證金而勝方之權利因以固定且買賣兩方得做六個月之期貨實業界可因此而 擔保不可恃有交易所而後消息乃靈通。價格有平準買賣交易因價格之漲落負方須繳 範圍日就擴大營業之數量亦日見增加貨價漲落難億中人心愈趨於險詐舊式之信用 旋之餘地事業賴以鞏固而發展亦較易進圖也歐美日本各國已先我行 東施效顰倍顯其短者其弊在於業外人投機弋利勝則固 ·喜髣髴· 之。而 推 行 得 虚 利

雨金負則至可憐動至破家而喪身故余於華商紗布交易所開幕之日以水火喻交易所。

可

如

水多易溺火烈斯焚人生日 用必需之水火尙如此彼交易 所可 想 而知 矣願業中人 苚

之並願業外人勿妄用之。

實業雖爲 社會所需要然在在賴金融之調劑縱覽各國歷史農工商百業發展之主 因。無

健金融 不以金融機關爲入手先著金融 流通無滯而後百業始有發揮之餘地余因之而有組織銀行之計畫至民國十年。 與百業發生之關係無異乎血脈 與 人體。 ML. 脈 旺 則 人體

機械成熟此項計畫即竭力進行越牛載始就緒此銀行範圍雖較小而成功頗不易於是

益悟個· 行經理之消息傳出後輿論翕如交股頗踴躍由是積極進行購地建屋從事經營余以非 人創業之艱難。幸得某君爲銀行經理某君係錢業老手信用卓著自允許擔任該

金融界中人此行成立後卽將全權付之正副行長以專責成。

去冬季棧房內又遭火災時紡織業隆運尙未來惟因管理合法出數可 回國後翌年甲廠 初開時驟遭風災廠房內省費之一部分白鐵屋頂被勁 觀雖損 关較巨点 風揭

底結帳尚有盈餘民五春袁氏稱帝國事 仍 有 盈 餘蓋是時內 部 組 織完密故營業得進順境民六紗業轉機獲利 蜩螗全國紗廠同受絕大之損 失而 余所經 理之

藕初五十自述

七十九

十

務社會之大願立建設事業之鴻圖快刀直入所向無前而 年。 帆 風 順。 於 此六年· 中余一手組織紗廠三交易所一銀行一年少氣盛。 不知其役腦過度體力就 抱服

雖覺悟追悔奚及。

不自 實際上得無窮之教訓於余之見地上精神上宛然別闢一新領域塞翁失馬焉知非 出發後覺精神甚疲憊翌日召集崑劇界同志開曲會以娛樂不意當晚卽患來勢甚 民代表二人余君日章蔣君夢麟於陽曆九月十五號首途時余奔走過勞故於國民代表 是年華府會議國民擬派遣代表監督 痢疾緜延至六十日病幾不起痢止後叉靜養二月方能勉力外出料理廠務余雖病甚然 量願告奮勇當卽邀集銀行教育實業各界中熱心同志卽席認定經費八萬 政府代表。此助所不及惟經費浩繁款無所出余 元。 而

仍健 當余之初患痢也因久未抱病甚忽視之初被某中醫所誤諺謂喫不 無效不得已入某醫院而所得之經歷竟有不能不爲我國人痛哭流涕而道者余患痢 食余性又饕餮詢之醫生能食何物卽暢食之而不知病之加重 煞的 也後請某西醫診視。 痢疾痢 疾

此益

應忌。 食物。 侍者。 卽答 疾。 水 日 帶 太 易 中 照 白。此 涼太 開 爲 而 較 水 西 醫院 門入為 君 煖 未 法 、熱真難 関 余分 者。後 生 應 注 一火爐 滿。 中 毎 日 晨 所備之菜花湯。 内 余 中 生火 水太 耳。 事。 間 洗 服 事 不 存 腸。 干汝 熱。 白。 爐。 矣。 第 有 余 余 幾 其 詢 部 並 使 事。 日 重。 人 甚粗 以 余 以 余 空 侍 未 大恐。 及 用 不 氣。 者 知 囑 國聲大 其 難 汝 能 余 水 代 以 糾 余洗 他 來。 應 承 理 且 受。 正 調 取 震耳。 余郎 之。并 一余並 胃之佐食品。 喻。 幾 腸。 何之熱 覺 卽 令病 告侍 以 教 水 不 一覺冷生火 被掩 以 太 凉。 者 水 人 竟均 難 今 耳而 平 甚 堪。 日水 線 不 臥焉。 余 之 適 不 何 有 詢 太 理。 意。 知。 爲。 油 以深 第 叉 次日 使 熱。 沃 忽 患痢 余不 侍 出。 晚。 余 夜 者 日 叉 疾最忌 初 能 何 半 代 傲 水 安眠。 然答 夜 故 仍 余 不 作 時。 洗 知 太 油 彼 大 又 凉。 腸。 油 日。 聲。 膩 來 君 囑 膩 卽 而 Ź 之 厲 嫌 皮

法。重。 余 時 余 牛 甚。 適 君怪 留美同 知 組 織 彼 醫 留 而 學牛惠生 院 美同 詢 將誤 之余告以 學 會擬借為 我 醫 生從 此醫院 事。 余 卽 毅 百 所 忙 然 創 中 常 中。 立 出 院。 進 抽 之某銀行 此 回 出 家調 種 ___ 油 部 養。 湯。 分 餘 即 牛 時 屋 敦請 作 君 光。 詳 特 會 4 告 來 所。 醫 余 余 視 生診治。 患 久不 疾。 見 痢 赴會會議。 余 者 之所 牛 所 醫 飲 息。 之湯。 生 各同 妙 及 手 調 油 攝 膩 口 方

放膽食·

之。病

勢遂

漸

加

余

初 五 + 自 述

藕

初 歪 十 自

此 大 病 竟賴以迅 速治

後從友· 持院務者務必特加注意即出資贊助者以及當地智識階級中人亦應爲之糾 以致下劣之人。有恃無恐損壞院規甚至互相勾結不可收拾此醫院之興替存滅問 遠矣余對於此次生病之經 對彼苦楚在身非常柔弱之病人有施其詬詈呼喝之橫暴行爲者其去慈善之本旨 者不當一日容留以垂惡範且院內僕役萬不應由高級僱員及其他有權力者。 經過多日之訓練嚴格之剔選更加以隨時之督率始能裨益病者增高院譽如 之意義醫院僕役之一切舉動及服務性質較之其他僕役爲獨異醫院中合格之僕 人處得悉該醫院待遇病人往往非常膜視對於病人。 歷有兩重之感想世人謀事往往僅爲餬口計絲毫不 會也。 非但 不 盡 心服事且 正不 有不 任便 知服 甚 能充 合格 役。當 汲 題。 也太

耳 無聞。 任憑無 知 人之氣質迥乎不同醫治調養方法亦應酌 無識之徒廁身慈善事業中流毒社 量變通。

吾華

與西

華語言文字卽認爲萬能輕行武斷誤聽傳譯每一 重 研 究理想與事 實融通處多扞格時少惟西人而在吾華有所設施切忌因 舉措動多隔膜蓋因文字言語風俗習 粗 知吾

以求合宜。

而

收

厚

效。

慣乃至其他種種均有不能徑情率意一 例而推之勢,其昧乎此旨而自作聰明者每致動

多遺憾亦無怪其然耳。

趨於悲境之一事令余起大覺悟中國事業須由中國賢有才者整理之若外人越爼代謀。 辦一小小醫院尙如此何況國家大事觀某醫院主持者不得其道致悍僕使性使院務日,

余於此七年中奮勇任事除注力於建設外無他觀念追病後調養時使余於冷靜中悟往 定無良果余深願我國之辦慈善事業者及借外力而辦國事者及早澈底覺悟也。

日之非而起三感想。

故物色人才與善用人才實爲事業家首務才旣屬我使各盡所長以治各事者莫妙於 應於暫時者期之以久遠若不早爲之計儲備人才事業何能固定人才爲事業之靈魂。 (一) 一人之精神才力至有限支撐危局並應付多方面力求一一無遺憾奚能以妙

施行將將法。

以治多事者不如集多數才力以治一事。 社會需求至無限一人才力至有限以有限應無限何往而不窮故用少數才力

藕初五十自述

八十四

努力建設爲羣衆開生活之源不惑之年即須離欲攝心爲世界息鬭爭之禍勵 人生不過數十寒暑耳生老病死爲一切生靈不能避免之境界壯盛時代固宜 行

畢君雲程趙君桂芬於十月六日乘威爾遜總統號啓行赴檀香 華今後與太平洋各國商務殊有增加之機會故由董事會議決推余爲出席代表九月十 九日黎總統及農商部任余爲 壬戌秋檀香山福特君邀集太平洋商務會議上海總商會以事關商務前途者非細且吾 度人之事業則宗教之推行尙已開究竟覺悟之路程則佛化之宣傳尤要已。 出席太平洋商務會議代表同行 Щ. 者有趙君晉卿鄭君希陶。

精 間誤會四力謀海內外聯絡及施行傳達消息上一切計畫期喚起僑衆合力 間睦誼二鼓吹我國與太平洋諸國互利的商務之發展三宣達國情揭 余等此行之大任務約言之凡有數端一從邦交上及國民外交上鞏固太平 不 復贅敍。 神其詳已具載余等『參與太平洋商務會議日記』中此書由畢君雲程編輯業 出真 7捍衞祖1 相。破 洋諸 岂判 除國 國國 國之

是年棉業盛極否來營業狀況逐步衰落加以日人之在華設廠競爭者月新而歲異大有

奪主之概日商投間抵險乘我之空虛制我之死命競爭劇烈銳不可當查日廠所以

制勝之點凡七。

息率甚輕。 日人在華各廠大都由日本老廠所分設者資本雄厚。 (三)各部分執事技術精良。 (四) 航權在握輸運便利。 (一)有經濟界爲彼作後援。 (五)享有三聯單

紗廠 以上 之權 爭方劇閣議停頓遂分頭向閣員疏通然卒未能同時出席其議遂寢。 一七者。 利原料便宜。 之計畫擬助華商紗廠之爭存期以鞏固我國唯一之實業與中外銀行家略事接洽。 事尙可行遂於癸亥新正偕聶君雲台赴京求政府之輔助敦濟垂危之棉業。 我國紗廠完全無之故中國紗廠難以立足余因之有三千萬兩借款維持 (六)各處都設有機關推銷便利。 (七)各紗廠團結力甚堅固。 不意政 中國

時 歲 在癸亥乙廠範圍擴大而資本僅 一百二十萬兩雖各股東經濟充實信用卓著究屬

萬 周 轉 除辛 不易 而 酉 车 紗業 存廠之股 漸衰。 金融界亦不敢放手借款余建議董事會『卽全體股東』增資 東紅 利三十萬兩劃作資本外再添五十萬兩照股勻加。 此 八十

+ 及三月初十日兩次董事會議決照加迨三月望日以後風聞某股 東翻 悔

藕初五十自述

月

初

八十五

八十六

設因 前 略 爲 到 叉開緊急會議叉議決即日付 實際受虧者。 得 事 而 司。 期款 有股 七人 彼 事解釋即將董事 股 數如許之巨總理何不 議。 東不 周轉 余卽 放此廠名爲 此推諉款仍不交二十四日又開緊急會議仍議決卽日付款而款仍不交二十七日 份以無股份 百零 中某董之股分由某某兩股東借與 一百七十萬兩往來款五十餘萬兩金融界頓起恐慌咸 負經濟責 不 向 決在股 其竭 靈而致擱淺不但偌大實 七 萬並 力疏 有限實則無限今不幸而拖累金融界達二百餘萬兩余一 東他人不與也某君唯唯二十二日開緊急董事會議決定即 之人 會議決案宣示大衆衆始恍然衆人又詢余此廠已 未開過股 任君應如何料理庶不牽動金融余答之曰此廠係四股東所獨 解謂 而充作股東此不合於公司條例者一 **平日籌畫款項。直至今日到期尙無眉** 大局 放東會。 款而該款直 如斯資本不能 業。 切大事悉由董事會議決 蹶不 之其餘兩股東以某兩大股東經理之資格故 至三月三十日上午十時方始陸續交下三底 i振。 不加若股東不維持他 而股東責任所在仍不能 也此廠由余經辨 之此不合於公司 目實不能辭疏忽之咎。余 來坐索并質余三底長 人焉 無形擱淺有限公 能越俎 人敢 袖手旁 Ħ 條 以 付 觀。 期。

利歸還分毫不敢累及諸君衆始滿意而退。

業與他事業繁複關係上逐日消耗者亦不在少數心力之分用爲立脚事業 之景況雖罄南山之竹不足以描寫其萬一。余向不慣於諂媚競競自矢不 盛也年有盈餘股東對余之恭而且敬實不能以言語形容及至紗市衰落余所身受不 相與了了於其心事業上 應付事業之隆替隨全球大勢而起浩大之變化此中甘苦余甚了了然不能必投資 織事業而已一事業動與社會上其他事業發生繁複之關係而余之時間與精 無巨細必待一一躬自整理又何用彼百執事爲且余當時不但經理此甲乙丙三廠 其犖犖大者蓋三四千人之紗廠凡營業經濟製造種種事情之綱要悉繫之於一 目肥安肯奴顏婢膝爲口腹計爲營私舞 壬戌 間。 免時股東派入 紗業逐漸衰落余自辛酉冬大病後尚未復原而余之辦理廠務但總其 派紛立互相擠軋危盲微辭聳動股東冀邀龍而超遷故是年之董事會中。 八乙廠任 無形之暗礁由此伏紡織界不幸之命運由此來矣當紗廠之方 事而外間紛傳所謂股 、弊自利計 而詔事他人以故無意中開罪於股東。 東耳目者頗有 人施行 取 非義之財以 而起繁複之 其小 神。因 身。 成 慧私 丽 而 堪 事

稱初五十 自述

八十八

盡吾 組織 部主 加 不 待 時 決增加資本余於彼時請求董事會聘請協理以補余之所不逮各董事允爲物色迨三底 東允於來春到廠追邵君實習未幾而三底之事發生矣當時乙廠並無協理癸亥正。 股 多 時 幸事發生余仍擬始終勉任其事至年底結束時告退余以紗業剛衰落倘立將余 熟 來余處 争 部 心力。著手整理、廠事非不可爲也。 事因股東江君目光短淺味於事而嗇於財以一人之因循遺誤大局然處此 之廠置之不顧毅然引退非但易受言者之譏評且有背乎曩年熱心建設之初 故一切計畫均由二君操縱其間。 電 主 執。 話悉江君已聘任季君爲協理。已得到蘇君之同意蓋蘇江二君占全部股 後。 由 任。 余所汲引同事所謂屬於總理派之人也季君不自知其不滿意於各股東以 而 俾余得卸仔肩。邵君年僅弱 |雖爲 政訐季君囑余去之余爲之委曲求 余求去之心因之而起遂於是年冬約小股東邵君『時其父已故』來廠 紗部主任於紡織工務上一切關係仍茫如 季君者前曾由某股東介紹來廠學習紡織。 而孰知事有大謬不然者三月三十日深晚余接到 冠而頭腦淸晰機警過人辦事有條理深鑒余之苦 全將季君與布部主 也嗣因不愜於某股 任 對 調。 以 觀 份四分 危局。 後 東。 逐 效。 漸升 東至 親 月議 荷

意見相 受布 部主任之挑撥而致降調蓋紗部範 左。 有 如水 火余卽將季某辭退並將某主任亦辭 圍 大於布部十倍也因起誤會紗布 退而 調至他廠任用某主任 兩部主任途

事 上份能盡力 心同時罷職另調他廠者期平季君之氣而 己。

淺雖相 未得, 貨物俾顯真相而釋疑團各股東深然余說卽實行停廠盤查三日檢點竢事至初七 集緊急會議並不揭破聘請協理之一事余僅謂外間傳: 集會議請董事調查 不可忍故余於是晚接電話後怒不可遏而求去之心遂決翌晨卽發柬於四月初二 余所不能不去之理由各股東愕然相 十萬兩然余深信雖有虧折決不致如是之巨爲表明實在計故請求停廠三日盤查 全體董事會及余之同意私自聘請協理。而所聘之人又經余所開除者是可忍也孰 處多年。尙不知余之爲人故以訛傳訛而演成此使余不得不去之形勢然追 **賑**目。 雖有虧損爲數甚微至是時余遂將聘定協理之事 顧無言余亦深知各董事並不決 :說本年三 一個月中本廠已虧 心去 余惟 **揭破**: 識 並 一全廠 日召 見短 縷述 日邀

以來公私款項之界限甚爲明晰而商業中錢財出入較巨銀錢手續淸割尤關 初 五. + 自 狘

無

及

具請妥爲 矣。 囑余 卽 理 決不再與其 全 帳 重 由 人所掌管花。 要故余 體 無 於是晚乘輪 房三、共計八人皆由大股東 余 損工人 念創業 各股 所汲引 監 督。 派 去 東 組 之艱難。 人接收花台 善自謀· 來廠之人善 紗布 人爲友大丈夫磊 與余感情獨厚停廠時 留 織 北 則 紗 上。 廠 及 由余決定故乙廠之總 之。慎 視 一班自 時。 紗 切物料之檢查由各主任· 察余經辦 即拏定主義。 利 事新總理勿以余爲 毋犧牲個 物料及銀錢。 而害公毋自 落光明財色 介紹來廠任事 之内 人 並 凡 地事 之私 如 賬 無 卑 有 房棧 何 帳 業。 生死關頭尚須打 種 房 產而間接消耗 錯誤應由各主任負責余並未拖借分文余函 而 二花紗 念如 者余 媚 問題發生帳房棧 房物料均請股 出立 上。 一毋敷衍 有不 辭去 報告外均經鎖閉現有鑰匙三十二 布 總理 **遵余之囑咐抛棄** 棧房主任三物料主 因循 國家 被何况: 東選 職 房及物 務時向 而犧牲此良好 之富力也余幷深願 派 此 妥 料皆由君等心 股東云機器均完 人主管 圓 品 職 任一。 務而 小事 海業 其 去者。 批 哉。 事。 新 我行 也。 發所 隨 余 腹 總 肼

富 有 有辯才尤工國語雅度高致軼類超羣律己謹嚴待人讓和當抵制美貨時慷慨激昂於 某 君 者二十二 年 前 創 辨 滬 學會之老 友 也。 性 聰 穎 而耿介。 書畫琴歌 地理金石窟 魔不精 通。

報務聞而 激發國 劫沉淪輒深悲悼爲開方便隨印師後勸修淨業惟切切以末劫時代魔道方熾正法: 行僧處治律藏足不履地嚴持淨戒示範人天憫念羣生縱貪瞋癡行殺盜淫造罪自 教職多年余雖不常見然私 苟非大昌戒律力障狂瀾何以杜世界之亂源出生靈於水火故年來闡發律藏精義鍼對 余時方興高采烈從事於實業聞君發出世想心竊非之而君竟毅然決然脫俗出家。 留學界白眉臨去索其近作畫稿一幅刋布大隈伯報竭意榆揚視爲晚近人瑞見 民愛國天良非常殷切嗣後赴日求學賢名籍甚鄰邦人士驚爲稀有時大隈 奇之特地往訪覺其人骨格清奇精神超越談吐俊拔作品粹雅迥 心甚欽崇之越若干年忽聞某君將出家來申 與諸 異常人。 n故舊話別。 。 回 國 作苦 衰替。 縛。 伯主 後任 認

千余甚敬畏之。談次歷將懷疑各點詢問之大師一一予以圓滿之答復末謂余近閱 期蹉跎。直至三月底方始抵滬是時之廠務轇轕萬分余心緒甚惡劣聞世外高人至。 癸亥二月中。余自北省歸來聞律宗某大師有來滬之消息惟時節因緣動多牽絆以故行 輪皓月臨 我幽室余乃放下一 切專誠至滬北之太平寺參拜見大師目光炯 炯氣

現代人心有逗機之作數種付刋宏布。

願學佛道领 觀菩薩 文化 深信 慰 萬 國 大 過 心。 出 推 衰 罪 敗 勿被 之亂 師答 甚之 家 行 人 佛 過 Ì 佛 至 心。 及 化首 正。 非 辭雖 四宏 其哲學頗詆 亦講孝悌忠 日居士所見 非 更無已時云云作者並 教於人生有大益但余喜在家自修不 使 眼 人 前 無 輕殊堪憫惻。 上誓願 誓願 之富貴 在感移 全力支 提 不以爲 超 精 便 心信亦主張者 〈持恐國: 然但信 者屬 毀佛 知。 人 成一切新學菩薩息息以 神。 地 八心以祈慈照 服 位 並 四宏誓願 教。 小 務 所 勗 余勤 乘 并斷 惑。 將 向 社 的、 會。 而 未 盡 不 佛 |願成 自利 化之心則 看 |本諸 **力建** 云何。 國。 然言曰假使佛化 致 知 佛教精的 墮 故 佛 惡莫作 卽衆 余不 經。 設。 修殺機永息並 落。 的。 出家 余 淸 造 非 經 淨 義。 生 甚 福 願向 常淺薄故寫 贊成 徒逞 蒼 此 衆 無邊誓願度煩惱 人 此 心 自 並 善 地。 生至於言中西文化者。 非屬於 奉 番 勵念念利濟衆 凡 私 出 大 熱鬧場裏造 興中 行 議。 現 一非希望人盡 世 開 之主 在 示 的 復 浪 後覺佛教 八消極 佛 云余 國 地 造 之亂 意。 口業 教。 位 二派基 因。 僅 甚 無盡誓願斷法 不 做 識 許 更無 生救時要道。 而 高 而 出 知 家。 者。 已。 我 佛 取 多 自 師 煩惱 教係 已時。 以爲 出家 夙 口 實 好 可 積 唱 以 生 將 事 之果。 余對 佛 於 糾 地 邪 須 出 極 何 教大 門 到萬 世 說。 有 此 以 世 正 位 間。 教 於 冈 爲 人 障 無 的。 亦 緣。而 急務。 分。試 甚高。 Ž. 心。安 興 量誓 我國 該 中

便缓將夙昔經 挫折 知此 自癸亥三底事情發生後余深 而自餒。 義。 而 百 折不 故繼續不已鼓勵精 手之一切額 回處之泰然者惟有 外雜 知辨順 務。 神愼爲 根器 律結束俾得聚精會神整理廠務藉以 手事易辨逆手事難然磨折爲煅 應付並悟範圍廣則 人能之耳先哲有言多難 罅漏多範 所 圍較 煉 以 興 人 六邦。余安: 恢 小則 才之機 復商 應 業上 敢以 會。 付 心

而於商-之忘情所以 幹都從磨難 之範圍年來稍稍就緒然余心尙覺歉 人性質觀之更透澈。社會情狀。亦知之更正確,并覺得識見毅力及妙應不窮之才 困苦· 有 時忿火中燒頗有按捺不住之苦除夕夜閒暇無事爲菁驥二見督課偶 中得來余受此絕大挫折雖常常以達觀自慰但此 然不自安雖 在最短時期中所 歷 心未死何能 諸境界甚感苦痛。 學太上

閱古文得唐睢說信陵君一 人之有德於我 也不可忘也我有 篇唐睢曰人之憎我也。 德於人也不可不忘也余 不可不 心大慰與兒輩細 知 也。 我 (憎人也不) 可得 講。 憂悶 而 知 也。

不 汝 胸 也。 襟爲之一快頓覺此 知 凡 甲子乙丑或局日 幾大勢所趨莫之奈何造成此大勢者原因至複雜 心如 非余之事業不 明月 之皎潔無點塵之翳障雖然癸亥癸亥我終不 免又受意外之損 失。 而喫 然而國人之同余受損失者亦 重之點在乎多數人尙未 能忘 情於

藕初五十自述

九十四

危局。 澈底覺悟旣了 何而作種種 範圍只得從略卽余在此連續不斷之時間中自今以往經過種種煩惱種種痛苦乃至如 如何着手挽救對彼民衆如何使之覺悟覺悟至何種程度方算澈底此 排遣。 知病因 如何 所在當別求挽救之道不當以無謂之憤慨隨聲附和 而得種種安慰其在乙丑以後者不屬本篇範圍亦止得從略余旣 沿皆不屬· 也至於對此 本篇

輟筆 更有不能已於一 好事成殘局。 世界原無事。 切憑誰造。 言者謹借韻語總挈是編主旨所在以罄鄙懷。 貪瞋更帶癡。 吾人自擾之。 咸 痛 **疑生恐怖。** 心由失者。 追

寄語當途客。

咸宜慎設施。

前車

·應借鑑。

補

益

有毫絲。

艱難隻手支。 機緣來莫喜。 世味 性海 悔 浪翻時。 已嫌遲。 耐尋 思。

藕初文錄上卷

目錄

對於浦東實業之主張三八	振興棉業芻議一五	在留美同學會歡送清華學生出洋演說辭	在引翔郷太平寺內宣講辭	在體育場之演說辭一六	日本紡織托賴斯之大計畫一四	改良國際稅法之平議一一一	論國民不當純抱悲觀	遊美國塔虎脫農場記	
-------------	----------	-------------------	-------------	------------	---------------	--------------	-----------	-----------	--

藕初

文·錄

上卷

日錄

藕 初 文 錄 上卷 目錄	組織華商紗布交易所之釋疑	與日本某侯爵改良華棉之一席談	花貴紗賤之原因	勸工銀行與各小工業之關係	迎神賽會之心理平議	米貴之原因及其補救之方法	實業界對於學生之希望	實業與教育之關係	中國實業失敗之原因及補救方法	上海總商會近事之談片	對於浦東電車公司之平議	對於中國實業破產之感言	予之木機布業觀
Ξ		一四一				一二八	一二四			一〇五	1011	100	

五 .	藕 初 文 錄 上卷 目錄
——————————————————————————————————————	代杭州韜光寺募捐啓
	太虛法師講佛學記
	地理辯正談氏新解序
1110	談氏三元地理大玄空實驗序
	太平洋會議之參考資料序
10六	農業問題序
	商品陳列所序
1100	中國花紗布業指南自序
	學理的管理法自序
	追悼奚君萼銘演說辭
	追悼王君志公演說辭
一八八	解決五卅案之我見
	增進商人智識以期發展商業

藕初文錄上卷

遊美國塔虎脫農場記

當時 之借鏡 闡 詳 槐君。即前塔克衰司農工學校教授、牧牛部長湯林孫君及各部長司事暨機匠 學之學識策農事之進行以故聲名藉甚而獲利亦厚余於去夏畢業後往南部研究花果。 加詢問考其究竟自問有所得不敢自祕歸而記之以饗吾國人且以資吾國 其名心竊羨之。遂登車而往凡寢食於是場者越三星期自總理葛林君植棉部長愛爾 平 洲南部塔克衰司市府之極南離墨西哥海灣約二十里之遙有塔虎脫農場焉以科 沙無垠。 焉當一千八百七十年間有企業家三人自中美而至南部抵墨西哥海 人跡罕見遂向美政府領得田三百四十八萬畝運牛數千頭而牧養於其 傭工。 灣間 大實業家 而 無不

文 錄 上卷

初

牧牛部。 君物故後或 於是塔克 營木 大家 長。 人占七十四分。葛林君占二十分餘六分。皆屬 君。 而 之。 合資 牛。 已塔葛二君以 叉 是自 也雄 業。 勒 無 逐 內 購 君 漸 君 且採用隨墾 科 哥 其遺 於資。 分二 哥爾 設 改 在 爲 學之農業 爾 乳 良 東 軋 花廠。 產均 門福 其 小 方 亦 福爾 酪 隨 肉 部。 任 擬 部 質牧猪 經濟葛 墾隨賣、 爾登牧 長治田 謀實業 傳授於其獨養女任受當一千九百年之間約計 一隨賣、 知識。 由 登牧場惟交通 爲 一勞伯 傳 主 及 義。 於南部。 君棄律 主義。 場。 整 學家 部 次君主任 種 理 牛。 而 亦 暫由 仍從事 獲利 法。忽 愛爾 不足以言振興實業 爲 逐共 師 不 **||肉牛其牛科** 類豐而 忽二十 業。 便。且 湯 之兼收軋鄰近農家之籽花工人居民漸 槐 林 親 於牧牛是時雖交通 其壻塔虎 君 駐牧 爲 諸 孫 年間。 企業家志 之零星附股而牧場之區 植 君 於農業物質之改良尙未 場總 種 棉 兼 有二。 脱君。 未能 部 理。 心遂定植 嗣逐 理其 長。 棉 卽前 大 雖 不事聘牧牛 爲 有餘。 展 漸 花 已便。 擴 美總 短 厥 出 角牛。 棉 志。 充。 數 而 是時 較 及工 統 才力 **一** 之介弟。 紅形 專 股 7財力均不1 域僅存 有秦登 爲 商業 分塔虎 君 暇 勃 家 湯林 花轉 皆遠 朗 歐 顧 及 發 及焉。 君 福 展之政策。 孫君。 十萬 脱及 律 君 在 運。 爲 種。 足以 牧 者。 甚 兼 自 東 師 英畝 其夫 秦登 猪 不 用 掌 方 葛 銀 理 林 沂

百畝。 事極 約得 織、 動 成績也自葛君: 第見雪白之棉花及蠕蠕 英里分四車站日秦登日塔虎脫日葛來各來日拋脫倫 牛 其作 無 產 油 冰 西 忙之際。 毎畝平: 华一 用。 四百 四 布 及花 也。 等廠。 設製 年 海 萬五 前。 萬 核 灣 自 《油製成 冰廠. 大約 之地 均六十元則 來水 美總統塔虎脫氏蒞臨後名始大著近年又頻受實業界鉅子之研 元總共約得千 其農場面 總 一千頭羊五千頭馬驢豬各千 义花核 明歲 廠以 理以來並未提息歷 方名日考伯 起可 濟其灌 種 積 田 之性 多雜 十萬 數千噸轉運 - 萬左右近三 從事 價得· 英畝。 畜 克 物 漑。 展拓。 而已此 六百萬元廠 力司梯作爲避暑地位。 如 市 內分植物 日 口 更逐 費鉅 繁盛。 年 惟 用之白他油。 -所得盈餘的 此 皆 場 棉 漸 十年以來塔葛二君。 頭乳牛三百頭雇工 也設榨油廠鍊油廠。 肉食昂貴於是設宰牲場。 地 推 屋棧房汽機市房電線 廣。 萬 點。 四百畝植石 装貯品 位 植棉! 均充擴張營業資· 於極 錫罐銷 當八九月間。 場擬展至五 往來者亦衆於是設 南。 美邦 王 及諸 蜀黍及御粟等約三千六 運油 五千人,其場綿長二十六 售全國當余調 人 士以 一萬畝 部長所 又以儲 又嫌費 自來水管及牲畜等。 自秦登至抛 本余約略計算之不 前 而 止。 昂 鮮 苦心經營之 藏 電 求。 並 查 肉 有 也。 燈 靡不 脱倫站。 籌 一時。正 料。 不 於是以 知 廞 畫紡 以

藕 初 文 錄 上卷

揚 十倍者尙多今舍彼而述此者何哉余詳加究察得其致富之道 其 發達之神速且有採取其整理法而作實業學校教科資料者然美國農場牧場。 九焉爱縷述 如下以 大此 吾

國人之參考。

計謀深遠也當葛君任事之始以擴充植棉場爲起點其後各場廠因時制宜次第建設。

各部之程序謀定後舉故其建設也無虛耗而獲利: 往往一場廠之設置必計畫於數年之前而 每期復會議數次研求發展事業之方法整頓 也愈豐厚。

餗尸位之譏有措置咸宜之象故成 效速。

用人得當也各場廠主任部長皆係畢業專門人才出其所學各司其事爲事擇人。

無覆

之戒之而 三勤職守也每晨入時至下午五時各場廠長往來巡視遇辦事之勤奮者獎之愈忽者戒 不悛者退之賞罰嚴明無敢或懈卽 作全夜工 一者按時更替亦莫敢

或遲。

其

退有定時工人咸以嬉戲 曠職 為大戏。

誠布 四 和 公各抒所見平時交相 衷共濟也各司其事則 事 推許交相勉勵。 權 專 而不相侵越同事 無傾 (軋虛詐 和 愛如兄弟。 之習。 即各部長密商時。 亦推

結帳不惟全部之盈 五. |簿記| 百 一畝爲 清晰也各部收支均以部 一段或一 **温絀一望而** 千二百畝 知卽分部分段之盈絀亦 爲 長簽字為憑各部簿記分門別類不容紊雜卽 段之帳籍亦由 各段長主管一律條分縷晰故至 一目了然也。 植 棉 部。 或

弊復無外溢 臟腑等均製成肥料售之植棉部他部大都類此其交易均依市 植棉部花子餅售於牧牛部宰牲場。 軋廠以花衣售於紗廠。 手於人耗回扣及轉運 六連帶貿 易也各部辦事之聯絡固 己利廢棄之物的頭木屑悉皆有用。 之資。且 花核售於油 無廢棄之物是爲該場一大特色譬如植 收買 無待言而各部所出之貨設互相消納之法不僅不假 廠油廠除運 本場之豬牛羊除牛羊皮及蹄 此晋 銷出 國 口或製造參雜物外。 人所最宜 價計算旣無低 注 意者。 棉部。 他售外其血 也。 以花子殼售 售花 昂 於軋 爭 論之 骨及 於

蒙。 有 神日 七 助 教堂 長周備 餘不 用 者。 依 無不 以 X維繫道德。 也該場助長 人 畢備皆由農場 以生活居家傭工咸有樂不思蜀之概。 有銀 事 業除電燈及自 行以周轉金融。 派 人主持故二十六英里之農場。儼若 |來水 有郵 外有醫院以治 電局 以 便 利交通。 撩 餘 疾 病。 如 小國焉農產物 客 有 棧 學堂以啓迪愚 **強貨店等** 有

藕 初 文 錄 上卷

學 識充 足 也各部廠均由專 門人才主任故其布置均臻完善各種機器亦均 係最 新

最精 良以科 學的 知識機警的腦力敏捷的手段整 理全場事 務宜 五其勃焉 而 興 也。

不 其 九堅 爲所屈凡遇挫折必研究其 創 忍不撓也以上八者雖爲該場致富之根本法然苟乏堅忍不撓之氣亦安克臻 辦之始,挫折頗鉅乃葛君等以爲辦大事者挫折事所恆有是以專心致 **一致挫之由**。 一去其不善以至於善始克轉危爲安轉敗爲 念。 意 進 行。 此。 溯

余述 固 有今日人第知其 無 竟於是知皮相的振 可勉强 外餘皆吾國 獲 刹而 人所素知且曾昌言者也而吾國之實業數年以來 興實業不足與 不知其絞腦汁耗心血慘淡經營孜孜不倦者蓋已 有爲也塔虎脫農場獲利之原因除農學的 一十餘稔 仍 無 進 步 知

耶蓋僅言之而未嘗施之於實行或行之不力之故也以人例我空言 慨 然余自離 祖 國條已 **〕六年。自國** 體經此大改革後社會經濟必起絕大 無 /之恐慌: 補。瞻 **%念吾國能** 此 者

何

無

敢 斷言者欲回 復國民之生活 力舍振興實業。其道末由而外人成績昭著良足爲吾國之

所

者尤彰彰如是吾實業家其亦可以興矣。

論國民不當純抱悲觀

現象。 喧賓 圖。隨 夜。 向 爲 內 若洗仰債款以偷生聚斂多方認搜刮 我 《驕人日日驟然得志 E 國 國 中 家溫 上級 **養主**。 便私 一匪悍無歸者變爲劇盜弱且點 紛紛擾擾迄未少休哀我蒸民固 政 一商百業生氣索然因工商百業不 體 而視 革 對地方上事且不 飽計奔走衣食惟恐不及數口之家坐食 社 贈武人當路。 新以 會概况言之。其 為故常。 來。逝 者類 恶稅之逆施損我益 貨車之輸運 水年華忽已八易裘葛 暇顧又何論乎國家此外更有大多數人味於立業要圖而 若斯幾不知人間 |翹然秀出者毎毎智! 不靈蠹 者流 爲能事學校固 無日 振遂使 為拐騙。 人而儼同化 更殃民釐卡之陋 不 矣。 有羞 在 **渦機編** 水深 控術馭蠹國自肥結奧援謀要津乞憐 多數平民謀 而 恥 事焉其 不能 回溯之覺此 植 火 伏舉目 外種 熱中 材重 生利者恆占三之二此 生無 種困 規層 潔身自好者 地。 不 也。 四 內 进。 路。 迫情狀罄竹難書以 情摧殘路礦⁶ 亂 八 瞻幾無尺寸乾淨土 未平。 閱 由是而 更加以外 年 流。亦 外侮 中。國 强 方商之壟斷。 爲立 僅 家所! 疊至帑藏 有 力者激 所以 僅 呈之 國 負 致 更

文 錄 上卷

初

者。 踵 獲 趾 之心 車)) 相 所役使痴疑 覆。 接。 小則一 誠屢頒後來者毫無覺悟對此絕 市場或 然以未來之富家翁自期典質挪借孤注一擲於投機場 一部分之金 ·融爲彼牽亞 地。 量動大則諸吉 依舊趨之若鶩 市場諸部分之金融受其影 也識者觀彩 中破產 票獎券營

業

不之變本

加

厲。

知倖獲

心之中毒於社會大有不

可收拾之勢焉。嗟

三子政治則第

一廢弛

甚。

憂也。

則

陷

溺

易避 不 覊 我 火。 主 上,所發現之種種惡現象。在過渡時代所不能免僕以爲無足怪者正 歷若干 足以爲怪 意 國 而 勒鷙鳥之突 免之 曾幾何 積 然。 數千載 每 向 年方始奠定鑒於往事知羣情之不能翕然相容而激起軒然之波瀾 一事此殆進化之公例 愈上久之終底於至善之地 也。 時而民德民智民力之墮落一至於此雖然平心論之此亦生存 試檢點 出樊籠各處衝突不可阻 專制之淫威數百年相沿之秕政一朝改爲共和全國人民如爲 世界變政諸國之舊史每當政體變易全國鼎沸。 心蓋國 民程 位至善之地 扼無非假借名義誤用精 度須經過幾何時日受四 位表 可以 一种奔赴其 蹴幾 立在乎此。 他是以政: 方情 新舊 競 自 勢 兩 爭之常態。 馬之脱 之包 者誠 派。互 私 自利之 圍。自 相 祉 水

前愆何以至政 某要人其潔身自好之流耶宜竭智盡忠以圖補救其推波助瀾之流耶宜 斯言不禁悵然者久之繼念某要人。係政界中負時望者政治之良否某要人與 僕 近 自 泂 南鄭州歸。途遇京友。談次、唏嘘不置述某要人之言曰中國不亡是無 象日非國幾不 國而發此懊喪之言僕以爲無論 何種困難不足以亡中國。 力自 懺 天理僕聞 有 功罪焉。 悔。 以

而此種謬見如不及早消除卽足以亡中國而有餘。

利中國必不亡。 穀之地以次墾植即僅就地利言我國人果能利用之已足以致富强中國有此天賜之地 中國擁絕大膏腴之地物產豐饒爲全球各國所驚羨苟治理有道游食之民使盡歸 農。

中國擁最大多數之人力性甚馴良而善耐勞苦生活簡單而傭值低廉天資又不弱稍經中國擁最大多數之人力性甚馴良而善耐勞苦生活簡單而傭值低廉天資又不弱稍經

即得 訓練。卽成良工。卽使無他憑藉僅此四萬數千萬人之腕力善於使用之可以創造 恃此四萬數千萬人之腕力造成堅固悠久之地盤。 中國有此舉世弗及之人力中國 新 世

必不亡

然則 中國 前途其途 無所憂乎日是又不然可憂者果安在卽國民對於國家不抱樂觀是

藕 初 文 錄 上卷

積 而 成。 人 無 樂觀卽 有 死 氣國民 而多數不作樂觀卽爲亡徵此 一僕之所 以引

呼達 憂 者 也。 觀自許者消磨其志氣於醇酒 。蓋不樂觀。 則處事 無 進 取精 前不進則 婦人憤世過甚者犧牲其素抱而投江自殺或則入 退不 取 則舍於是乎生灰 心以灰 心 故於是 空

之肩 頭荷抱: |才者| 而肥遯鳴高置理亂於不問夫豈國家之福 哉。

而

深山匿

迹。

或

則避禍機而

披髮佯狂天生吾

一人於國家多難之秋救援責任卽在

菩

觀之精 徹 高 就 麗 刑。 其 被倂僅九載 主張讀大易先天而天 駢死黑獄之間天道茫茫高麗民族有此舍身救國 神發揮光大於九年之前靖國難 耳高麗人民飽受剝膚噬臍敲骨吸髓之痛苦徒 ,弗違後天而 (斥神奸) 奉天時之明訓深惜高麗人士之不能以今日樂 而拒絕外力之侵犯也。 中國 ___ 致之精 手奮鬥 神。 以謀獨立含 時竟未能貫

救。 中 尙 未爲 國今 干年後效法高麗 |義各就所立地位悉力做去之爲愈也民心不死其國不亡哀莫大於心死不抱樂 晚尚失此不圖安知高麗之厄運不移轉於我 日國步之顚躓國命之垂 人士之徒手奮鬥以求自存何 危因前 此一 任少 如 數有權力者之操縱而 中原大陸之上 乘令茲大足有爲之時。 市 與其創 致此。 人 及今營 人抱定 巨痛

改良國際稅法之平議

貨充斥莫之能禦內國工商東手待斃我國民在此艱難困苦之時尙能 情依然敦樸。生計未形竭蹶自一千九百年迄今僅十八年耳歷年賠款大傷元氣兼以: 年間。可分之爲兩時代。在西歷一 我國以及立國垂四千餘年民情敦樸酷愛和平物產豐饒寶藏未啓雖有史以來累經鼎 國商民之舉釐金惡稅漫無限度膏血己盡羅掘將窮社會生計 對於凡百事業未曾實力獎勵而 之釁受挫於英遂締金陵條約開廣州福州廈門寧波上海五口爲商埠自此迄今七十六 革而民情之敦樸如故財力之富裕如故迨前淸道光二十二年卽西歷 線生氣皆國民富於自立性質有以致之然而國家受國際稅法之束縛轉一 千九百年拳匪鬧事之前: 我國民之自爲謀者旋仆旋起毫不自棄今日實業 雖受中法中日等役之挫折民 <u>愈逼愈促盜賊</u> 建起民不 一八四二年 力圖自立。 m 爲 雖 重 政府 鴉片 困內

+

初文錄

上卷

_£.

改則稅 之競 實起 引證 稅 稅 欲 續 利。 聊 落發表保障世界和 **以重修以十**分 約 之拘 仍屬各友邦 則。 安寧則各國 生百 、因 本係獨 時代應完全掃除國際間 争。 五 通 十六條 於國 故改 課仍照前章完納復俟十年再行更改以後均照此限此式辦理永行 商 束數十年來吾全國人民所受敲骨吸髓之痛苦實 條約 蕭 一際間 年爲 良 立 索。 商業。 中 國固有之主 一則餘 內之第二十七款其文日。 也我國與各國通商條約之誤 而外人事業亦受影響是故國際稅法不改良恐中國永無安寧之日。 國 待遇之不 限期滿須於六個月之前。 國 平之精義國無論 萬不能有充分之發展故國際稅法平等直接之利 際稅 可類 法問 公允現在我中國不 權今本條內用彼此二字輕輕拋棄國定稅 推。 不平等之待遇以擴 如咸豐八年五 題為 力謀 大小民無論貧富宜一體待遇之停戰條約簽字後。 一此次新定稅則並通商各款。 先行知 世 界和 、 點實由: 月十六日。即一八五 平等之國際稅 平 大 照酌量更改若彼 之 於當 世界和平 自此 事 重 大問 者不 法實足 類條約 之主旨蓋前 八年六日 題美國大總 明稅 此 之權利。 法原理 始今爲 日後 在中 引 未曾先期聲 起 月十六日 勿替。 各 被 國。 此 方面 統 所 之不 此 而 而 IE 義 受協 夫 致。 間 光 兩 今請 中 接之 中國 和 明 制 國 無 明 人 英 謂 道 定 定 更 再

照之限制。 吾全國 除奢侈稅外。至多不過百分之二十。苟本此意實行裁釐加稅之約廢去十年重修先行知 學的制稅法。(甲)免稅如本國不能自製之機件等類。(乙)普通稅。人生日用之物。值百抽學的制稅法。 等稅法與各國仍無損也我國得此允許卽應明白宣言依據科學的制稅法制定之查科 等之稅法不但我中國人民力求剷除度保障世界和平之各友邦亦必樂於剷除以求全 智謀公共幸福發揮和平之真諦乃竟以不平等之國際稅法束縛之而壓迫之無時無處 世界各國自由之發展。剷除之法奈何卽允許我國制定與各國平等之稅法而已制定平 無 道正義而戰 酷愛和平。善耐勞苦之民族。且擁有極大之沃壤不竭之寶藏正可追隨諸先進國竭誠盡 (丙)特別稅如外貨之與國貨劇烈競爭者抽百分之十二五(丁)奢侈稅隨時酌定之。 人不在水深火熱之中致使我國民不克多盡良心上之責任其誰之過歟故此種不平 乏糧法首相宣言欲振救敵國 國 民所一致厚望者也。 利己利人事無有善於此者予等甚願各友邦之鑒及於此而善意玉成之是則 也嗚呼此二偉人者誠無愧乎爲和平之天使矣我國忝居參戰國之一以我 人民毋使凍餓各協約國爲 人道正義而 戰非反對人

藕 初 文 錄 上卷

日本紡織托賴斯之大計畫(譯一九一七年六月三號大陸報)

烈不得不預爲布置從事於大組合以求經濟地位之鞏固。

日本紡織家正在預備一偉大計畫預料歐戰結束後英美德紡織業上之競爭必非常劇

年來 日本 紗布業因歐洲戰事 而非常發達故日本各紗廠獲利甚厚亞洲各大國向消英

德貨之市場。遂被日本紗業所占據,其得利情形。在日本紗業史上,呈空前之盛況若非歐

戰何由致: 此。

戰事 平後棉紗貿易之情勢必變彼英德紡織家勢必力謀恢復遠東商場上已失之地

故近 日 本紗業商以爲欲保守現時地位非改良貨質不爲功。且必須厚集經濟勢力以防不測。 頃日人盡力豫備不但於紗廠內然卽於織布漂白印花染色廠內亦百方結集蘄

極 大之組合。

鐘淵紡織公司勢將實行此方法不但推廣紡紗廠且組織漂白及印花廠然猶以爲未足

也所以再行吸收他廠庶幾以最速時間。最良方法達到此目的而與大阪地方之福島

廠融化組成一日本最大之紡織托賴斯。

鐘淵首先作此計畫其他著名之廠家亦步彼後塵據聞尼崎廠與立馬廠亦將拼合假使

竟見之事實此新組合有五十四萬椗子亦可稱之爲全世界最大之紡織托賴斯之一。

愛媛浪速與松山聞亦將融合成一大公司作爲鐘淵紡織托賴斯之支廠。

東亞紗廠原爲日本第二最大紗廠聞將拼合日之出紗廠及長崎紗廠其餘較小之紗廠。

雖尙有若干小廠未盡歸拼在內而鐘淵東亞雙鹿富士及尼崎與立馬所組織之一。共成 聞將拼合於富士或雙鹿廠自今以往日本多數紡紗廠將一變而爲五大紡織托 賴斯。

五大紡織托賴斯。

雖組成此紡織托賴斯不無困難之處然在歐戰平復之前勢將做到因日人深信此

本紗業生死存亡之關鍵故也

玥按此項紡織托賴斯之大計畫名爲歐戰平復後與英美德三國競爭於東亞市場. 市場謂誰質言之卽吾中國市場也」實則厚其勢力以與吾中國紗布業相決

蒋 初 文 錄 上卷

<u>+</u>

之尚未爲 來也。 果爾將來操衣被吾蒼生之主權者其惟吾最近之東鄰乎張皇四顧而不知涕之所從 得不急爲堅我脚跟固我屏藩計也失此不圖則我內國紗布業行將無有幾何立脚地。 注意 鬭 本 國 也。 一紗布 起圖自衞方法要不僅內國 吾 中 **灬晚此項驚** 國 之暢消於本國市場上更厚集團結力防備外貨之壓迫有備斯無患及今圖 紗布 業中人其有所悚惕否苟有所悚惕急急焉從事於物質之改良 心動魄之消息凡有國家觀念及國民經濟觀念之愛國志士皆當 紗布業所當戒懼振奮而 內國紗布業實首當其衝不 以求

在體育場之演說辭

乏經驗惟對於體育則素所注意故撥冗來此躬 意見辭不獲命故僅就拙見所及略陳如下若云演說則吾豈敢。 今日爲上海公共體育場開幕之日。在座諸君以上海教育界爲多數鄙人於教育事 與其盛本場主任吳畹九先生囑予發表 業素

更贅 作 誚 近 漠視之。雖然之兩. 崩。 外 年 人故近 一辭乙說 甲 來教育界 强健· 時 净體。 教育 爲 中 種作用宜品 一人。以爲 抽 (乙)鍛 界於體 象 **%的陶鎔** 德智體三育宜 分途並 城 練 精 神 育尤三致意焉雖然體 性質 進果爾則 於不 甲說 分途 為具 知不 覺之游戲場中故收效似不易見而 體 並進三者缺 體育之功用 的。 育豈僅發皇體 人 人 八知其當然云 全吾人所受體育之效益 時 乃 而人 無功。我國 力已哉夫體 人見其 一素以 育 效 文弱 驗。 L 有 亦 無 兩 種 見

大請將各種 進 取 小小 可 藉以 體 育 養 如 成 何 心即以 鍛 鍊 精 賽 神之處與教育 、跑論與 賽者 勇往 界諸君子一 直前。 不 研究之可乎。 稍退卻於此 得漸漸養成

進

取

之心於他口 現勝過 艱 難。 日 旁 任 人覺其甚難 事 時 間遇若 者當 何 難 境則昔 局竟 不 知 H 1競走場· 其 爲 難焉。 中所得 勇 猛 進 取之 潛 在 精 神。 時 湧

俱 團 進 響於此 結 退 則俱 力 可 藉以 退。 若隱 與 (堅結責) 軍 示吾人 隊 同 任心 性質。 團 結 可 力之必 藉 而 十一 以 振 要而 起也。 分中之一。無論 各分子 球 隊以 ,責任 + 何 一分子。 人組織· 之不 可 之而此· 疏 怠不 忽 盡責。 也。 + 則 人中。 全 隊 進 則

夫賴 以策 勵 他即以 游 泳言游 泳一 道。我 人素不 講求然游泳 不 -但在游 戲

藕

初

文

錄

上卷

藕

文 錄

能 於此 博 入 而悟 興采卽臨危急時間得保人生命使游泳者而氣分不足水卽由鼻灌入而危 我人在社會上辦事。須求內力充實方能抵禦外力。求內力之充實。 到不 得不 險隨

從修養上下工夫矣。

四 服 從規則之美德賴以培育也凡學校中之運動隊員受運動教習之訓練起居飲食監

視 謹嚴而赳赳之青年不能不低首下心服從教師之命令無敢稍越範圍服從規則之教

訓已深入少年之腦筋矣。

雖 然體育豈易事哉而體育中 無論何項求其入彀非下數年苦工不爲功有 志青年於下

時其一種毅力有足令人欽佩者故體育並非游戲性質蓋球之大小重量場之廣。

池之深淺以及他項之運動器械全球一致初無異同是則 心團結力責任心以迄修養工夫服從規則處 體 有一道實漸漸範 起語一人

闊。

此

苦工

於軌 種 道而已故體育養成吾人進取 種良好性質苟青年學生受三五年 之校內校外教育體力雖 改 5良而性質5 則 事毅 未 改

其 誰 之過

夫入於軌道 云云有廣狹 義日出而作日入而息無廢時無廢財日。 で孳孳以盡個

之。 毋 玥深願本場辦事人運動員。及扶持本場之諸君子。互相砥礪而入於軌道則本場前途豈 軌道者有若干分苟吾中國各界中人盡入於軌道也則我輩惟有蕭規曹隨循軌道 教育界之入於軌道者有若干分而我實業界之入於軌道者有若干分以及他界之入於 天職則個人之入於軌道一人如是一國皆然則國之入於軌道也諸君 使踰越苟其未也則教導後起使入軌道者其誰之貴歟是則不可不研究者也故湘 其試細思之現今 而行

在引翔鄉太平寺內之宣講辭

有涯

哉。

此時固 貨業、甄瓦業小菜市及其他 非常冷落橋下止有一來煽茶館來煽云者顧客無多須客至然後催爐應客其冷落可 予今日請將改良社會習尙爲聽者諸君暢論之請先述社會之起源譬 不成爲社會也迨德大紗廠開業後如糧食業薪炭業南北貨業魚肉業糟坊業雜 一切小貿易與小車夫人力車夫運貨脚夫等先後來集於此 如 為原橋二 **岢** 年 知。前

十九

藕初文錄

上卷

榛。 等介乎其中者爲中等此實 能 進 開 國。 人 金 相 化之事。 **一**勞。 業。 覺 動阻閱牆矛戟凡種種惠羣息事之美德俯拾皆是不費囊底分文止須 所分 與各方面相融洽。 明 或 石 利 仗 人則 實望大衆起自敬之心放下屠刀立地成佛人人以菩薩自勉卽降一步言。 工業竹木油漆 甚 相 **須其人** 義 地方上 階級之謬誤 有 賴。 教之 之前 殊不 味較之接近 在乎各挾私見各不相能 而 社 受福 會成 、所作之事有益於地方或有益於國家者. 然以其胸襟擴大不存階級觀念對於各界皆善於交接悉皆融洽最 近 力行有益於世之事。 多矣如此寺中所供之神像其生平大都作有益 人人能勉為有益 工業又劃分崖岸者等是工業 而 矣社會內容又有 致自舊見解觀 他業感情不 一謬解以予之眼光觀之不必有 同於是乎有士農工商各分其類者。 不善處羣即其人之不善於自 於社會之人。今日社 去以富貴者爲 種 死後 種區 分如 方克受人馨香跪 中而分各種階級其 紗廠工人與紗廠工 上等力食之人與一 即可爲上等人例如 會精 何錢財有何 拜予為 神之不 處予甚望地方上人人 人世之事或赤 此言並 振類皆中 **繁始出** 亦有纖 勢力有何高 人 遇相 切勞働家爲下 舉手 拔除 於天 非導 微工 人人當勉 談紡 毒於 礙 啓齒 阻 然。 業。 深之 小 道 紗 前 荆 愛 礙 但 與

界試問其一 判別 之眼光視。 得大衆之尊視卽至樂請大衆仔細審量看破此關勉爲好人增高社會程度當以培養此 齒不齒於大衆爲人生最痛苦之事與人家聚處之樂尚非真樂能與各方面人相接近而 害於地方或有害於國家故卽得決言其爲下等人。世界上若多此等人。世界將成爲獸世 窮苦已無愧乎爲上等之人。予甚敬之重之認之爲友然則人欲爲上等人亦至易耳止爭 爲良善之人。人能束身自愛且能推誠處羣無論何等不名譽事立誓不爲卽其處境 自 而增多予所主張之上等人。予所云下等人者無論其富有千萬貴至極品其所作所爲。 有益地方,有益國家之事則寂寂無聞此爲中等人,吾願吾地方,吾國家甯減少此中等人。 在一善念之發動間次則勤懇爲事安守本分不肯爲作惡犯罪之事惟止顧一身一家於 然進步自是而後大衆互相警惕互相勉勵惴惴焉惟恐一言一行之失當遭大衆之不 注意在此一點既人人持此特異之眼光以定人賢否社會程度自然增高社會羣衆。 人類賢否特異之眼光爲先決問題中國社會程度何以甚低因百分之九十九重視 人作爲之有益社會與否而定其人之賢不肖欲防止不肖之流毒於社會止須 人何不幸而至此。日聲色貨利驕奢淫佚有以陷之耳予甚望大衆操練此特異

帮初文錄 上卷

其一 易亦至緊要人人可以力行者也。 詐欺之事不復作凡此種種皆發靱於努力向上之一念此予改良社會習尙之主張至平 大羣務推誠務相愛地方百業蒸蒸日上地方秩序井井有條毆鬥獄訟之事不復生盜竊 自策人若自賤 人如此則地方不堪各地方如此則全國不堪予深望大衆對於自己務刻勵務自敬對於 有權勢及有錢財人不恤自家身分甘心媚之為問貢媚之人果能得彼分毫之餘潤或得 力之拔擢否乎不能也然則媚術之無濟可早看破矣然則何不舍此趨附工夫轉以 而爲媚人之人留此醜狀供其他無志者之觀摩最足阻礙社會之進步多

在留美同學會歡送清華學生出洋演說辭

例敷 此次諸君子壯游新大陸各團體之歡送者不在少數歡送通例類多諛辭同人等未敢 曾受此同樣之恭組。及邦人士無限之期望回國以來究屬於教育實業有幾何發展於社 衍。 m 有所貢 獻。 亦篤志之士所樂聞者歟同 人等回想若干年前聯袂西 **□渡之日亦**

若是而! 中向 等爲特掬誠忠告幸採納焉清華學 操政治生涯者不知凡幾今日政局 代抱杞憂者又一也前 不堪之社會相接近。我國人情風俗之若何物產交通之若何環周實況之若何恐諸 子者。一也諸君子由小學而中 庶足以饜國人之期望並得以慰美 子有此際遇益宜勇猛精進。 轉 何 會國家有幾何 瞬 而 豈非二十年來自名爲新學家及一輩貶節之留學生首尸其咎乎前車之覆後車之 間。 少注意者未免多少隔膜他日學成歸來學位則 令得實益同到實際的考驗地位諸君子真正榮耀之構 |欲貫澈今日邦人士對於諸君子非常之期望恐非易事。 亦將如吾等爲過去之留學生究竟於教育實業。 神益捫 此回 心自問慚赧實多今日之諸君子宛焉同人等昔日之西 知行並 國留學生中曾習農工商礦等各種 學漸入大學而得學位十餘年中如入世外桃源未與苦痛。 生畢 如斯有心人所痛哭流涕長太息者也誰實 人還我賠款爲我植材之盛意此同 勵養成幹濟長才亦比較各校產出之人才爲 業後悉數遣送出洋爲他校學生所豔羨者諸 既得矣或者不屑屈 如何 成其 而使之進 [專門學術] 此同人等不禁爲諸君子 在 此 展於社 後 人等切望於諸 就以 因 可 百 無 資歷 爲之而 會國 無 疑 渡 多如 時 也同人 君子 如

有机 文錄 上卷

四

鑑。 團 體。 士喜服 此 社 同 會日墮落政治日惡劣皆種毒於此也國家 人等切望諸君子及早愼於抉擇者又一也美人士習尙敏捷吾國人習尙因 務社 會吾國人多求快私圖惟因循故一 派遣諸君 切 機會皆坐失惟徇 赴美求學抵美以 私。 故三人以 公後正宜留 Ŀ

心考察美人士創造社

會之精

神爲我國人因循徇

私對症發藥取彼之長補我之短。

此

同

常震駭而豔羨者不知此奇特之一境界非一蹴所能幾夷考一 之橋。某市最高之屋、某家爲最大之公司,某氏爲最富之財主。諸如此類曾通 凡耳之所聞。 人等切望諸君子勿虛 目之所接在在皆足引起傾注之精 此行者又一也人情於環境乍換之頃至易關懷。 神而於奇特之境界爲尤甚如某地 法故國 人所對 而登 之異 最長 新

界。 人 士早已看 無 往不 從 小規模而起。 破 矣願諸君子屏 亦無一不 棄虛榮進求實學刻 從勤儉耐 苦中進行不已年 (苦自勵) 務期 切偉. 來歐美學位代價 歸 國 以 大之事業超越之境 後。 不憚煩 勞。 如 不嫌 何。 邦

小 能 就。 不愁 力。 、盡其 無良好 所長服 機會 務社 而 會。不 惟愁歲月之空拋 因目覩美國大規模事業而 不 憂無雄厚資金 阻其最初之進程。 而 惟憂信用之不 千里之行。 龙。 入人 始 出

步百尺之臺累自寸土功成處無非力所到處用力得當從無虛擲學不 致用。 鳥

隨處研究社會及國家種種之組織以及一切事業之屹立及發展。世界乃最大之學校人 成。 事乃最大之文庫無文字言語處所含精義爲尤富誠能善於尋求而又善於運用之則 日終業歸來。庶能盡國民一分子之義務。夫然後任投何地措施於萬目睽睽之下可告無 此同人等爲諸君子懇切勸勉者又一也抑尙有不能已於言者諸君子課餘更宜 隨 他 時

振興棉業芻議

圖國· 上水 雄。 歐和告竣鐵血之戰爭甫閉幕經濟之奮鬥已開場各先進 取 深火熱之後患正不堪設想也是在乎全國工商業家之一致乘時奮圖焉玥託跡棉 將以 積 力之拓展而 極主義開發固有之富源以圖供求之相劑則我不自謀而 知 慮所及者爲我同業諸君子及各界關懷棉業之諸 我龐然四千年古國處此經濟競爭時代間苟不 國莫不厲精淬神厚植元氣以 君子陳之。 後人始代謀東方大陸 力求善處之道發憤爲

藕 初 文 錄 上卷

業

在

人民日用百物間所占之地

位

藕

業。 以 以 觀 也。 高 用 數計之已達一 開。 後。 我 民國 振 往。 待用 必需品· 度迨不亞於食糧而我國 H 日 國 與棉 所以 本 一自海通以 不 本乘戰勝餘威竭力振 七年僅由日 圖 孔 工商業家得此千載一時之機會乘勢推廣日貨之充斥於我市場者多 業不 救 補 亟。 中幾乎舉目皆是。 救。 貧。 而自給能 亦所以 全部 但於平民 百七十四兆 來門戶洞闢。 日本 仰給 (救國非 力相 生計 國 之數姑不備論。 輸入 人民。 差殊遠以故我國 百貨雲集輸入 四億一萬三千餘元。衣食爲人生生活之大原衣着物需要之 但 興其商工業推廣銷路於我國以我各市場爲 虚 上。 其 有密切關係。 之棉 尤以需用棉貨為最多數其需用毛絨等貨則 中以 語也凡我愛國 棉紗 紗布項溢出 刨 此 布占數為最互即僅以民國七年日 額逐年激增輸出額逐年銳減。 進 而 人民需用外來棉貨占入口全額 志 於 口 棉貨 士安可不急起而 全國經濟 巨額之金錢能 項已足竭 5上亦生莫大? 勿愕然驚懼哉 我膏血絕於 力圖 八影響故 之子。 其尾 自中 不 閣歐 我 爲 紗 三分之一 日日 振 荷 數 可計。 命 布 興棉 長此 尚微 戦旣 脈是 俄 輸 戰 入 H

中

外

人口

及需棉約數之比

例

查一九一四年全世界人口。總額達二千一百七十七兆四十一萬三千六百人。其中我國

人口占四百三十九兆二十一萬四千人。

產額達四百十八萬一千三百包(根據農商部報告一九〇九年至一九一一年三年平 吾人研究之資料。 **均扯數)此後我國棉花產額當逐年激增惟現時尙無新報告披露故僅就上述產額作** 至一九一四年五年平均扯數)此產額總數中我國產出棉花數亦計算在內我國 全世界棉花產額。一千五百七十六萬七千五百包每包計重五百磅(此係一九一

以是年全世界人口及棉花產額比量之每人每年需用棉花統扯五磅九二更進一步以 我國人口照上述扯數五磅九二計算年需棉花量二千六百兆零零十四萬六千八百八 分之一即此可見我國產棉區域之急宜力求擴展也。 十磅。合十三兆零零零七百三十四包以上述出數四百十八萬一千三百包計之僅得三

中外人口及紡紗椗數之比例

九一七年全世界紡紗椗數共有一百五十一兆二十萬枚而我國椗數連英日商紗厰

藕 初 文 錄 上卷

民救時 戮 業俾蚩蚩羣衆不必仰賴外人以保體溫克自供求國家獨立之精神乃大顯知 質。 要之務扼要言之吾人今日最大之任務有二一方面盡力推廣植棉區域並從 舉國人民最痛心之一事也見兔而顧犬羨魚而結網未爲晚也故添設紗廠亦爲 仍舊運入我國市場以網羅厚利者以子之矛。陷子之盾。是叉我棉業界最羞恥 爲 椗數百分之一。而我國人口約占全世界人口五分之一。以此緣由我國進 力一 力求原料之充裕及適合紡織界應時之需要一方面悉力籌備建設紗廠大興紡 大宗非但外來之棉紗布歲吸我巨額金錢且更有向我市場採辦我國棉花。 在內。一九一九年三月底止共計一百五十七萬五千零三十六枚僅占全世界紡紗 心發揮光大我東方大陸之紡織事業。庶幾乎民生國計 之天職庶無虧紡織業在一切工商業中占最重要之地位願我國資本家技術家、 有寬裕 之日 口貨以棉紗布 也。 事改 事亦 行合一國 加 今日 T 製造。 良棉 織 卽 至

原料與紡織前途之關係

輕脫售易營業因之而暢旺反是未有不失敗者棉花爲紡織業主要原料如前: 業之命脈 在原料原料之足否工業之隆替繫之。苟國內原料充足無須仰給外 此所述 人。 則 成

性則精製品とする。法日人厚集資本開拓航路 消相 以宏提 計新 倍苟產額不力求增殖。 場以專門人 絲絨 年六月底我 瞻 我 及改良棉產之兩 (一) 凡實行 顧 國 之供給 産棉 添 抵已覺不敷甚 前 途能 倡。 一百三十七萬七千零八十枚僅就國 宜 額。 (國紡錠) 八才主持 一種計 耶。由 及全國 勿震悚。 棉 而 此言之推廣產區改良棉質刻不容緩已姑就管見所及約 大主義凡五 向 巨則 之。實 畫須 新添 今幸受歐戰之影響棉業獲利 人 未植棉處固當悉力指導之向來產棉 八口需用日 而紡紗錠敷激增不已此危 路向 與 花價當昂騰。 九 有 行 推廣 系統。 十二萬七千零八十枚日人在我境 日俱進苟我國 量。 則。 印美各國直接採辦原 以迄 與改 有 兩相比較產額僅得三之一。不敷竟達三之二,棉荒 系 良之兩 關於棉花貿易者凡五 統。 而 紗價成本遂加重於斯時也我國棉業界其 而 後 不從事棉質之改良將長此 大主義並 主義 內各紗廠消費計需棉 道也卽 較豐新廠勃 可 貫澈。 料耶。 就 且文化 使所產棉花完全停止 宜 進 m 墨 棉 則。 步 可立 願 內新設者四十五 興宛若雨餘之春筍至九 守舊習處更當協 品 日進舍粗 與 域。 我 致是當設立 額 酌設分場星 棉業 仰望 比之往 美 取精。 中人 述 實行 國 時 力圖之。 埃 出 須 萬 植 助 羅 人 能效 枚。 推 及長 類 增 棉 口 若 通 產

稱 初 文 錄 上卷

之各分場選用農科畢業生受轄於總場以收臂指相聯進行一 致之實效。

故貧困殊甚苟設法開濬水道旣免泛濫之禍復收灌漑之利且地面植物繁茂後空氣因故貧困殊甚茍設法開濬水道旣免泛濫之禍復收灌漑之利且地面植物繁茂後空氣因 而滋潤旱魃無從肆虐濱海漲灘之未經墾種者大可仿照張南通之植棉開墾法着手種 (二)國內閒地觸目皆是卽以我蘇之江北論荒蕪滿目比年受水旱偏災農民不事耕作。

感動愈大而普及自易。 業之論著喚起大衆注意此項植棉救時主義。首由城鎭間樹其風聲漸次傳達於鄉 (三) 國民能閱書報者雖占至少數然欲鼓動全國人民植棉興味應撰述或迻譯植棉 曲則

作俾地無廢利人無廢時一舉而

兩善備矣。

拔能耐勞苦之農學畢業生置之總場訓育之以便任用並宜於各分場中就近訓練農家 棉場。恐難收圓滿之效果。是宜一面調查農學生中之有植棉經驗者擇尤使用。一 之專門植棉雖包括於農業之中設以東西洋農學畢業生之向無植棉經驗者使之管理 (四)我國向不注重專門故專門人才遂不多觀殊不知學業之徑途至繁賾各種有各種 弟謀植棉知識之普及。 面應選

成績。 無新穎之講材。而農校遂虛設今欲增殖棉產應聯絡各農校擴充農場面積畫出一 與種 **舊時農校大都徒讀死書而少實驗凡農校以農場爲主體** 種 失敗之點及其補救方法作學術上最新之研究故無農場卽無 而學校 不過搜集農場之 新穎之講材。 部 分。

作植棉之用。俾有志振興棉產之學生得隨時實地: 練習養成需要之人才。

軌道 研究其出路及各地種植貿易關稅交通等種種情形俾製造家得按圖索驥而入於商競 乎供求之比例。暗中摸索類無把握事業之盈虧付之天命良可 亦不少雖然棉業而不求振 (六)凡百事業之最大缺點。在乎無調查無調查則: 興則已苟欲振興之各地方產額自 此盈彼 絀不相調劑商業中人大都 應詳細調查刋布報告并 慨也棉業中類 此者爲數 味

買機關羣情自然奮 **乎隨增殖新棉各產** 七)推廣改良棉產決非口舌所能爲力農夫固陋中外皆然宜利導之其利導方法。 此 種 計畫不宜 | 興不致觀望不前矣但棉價低昂隨世界大市而活變設廠收花。 地徧設軋花廠抬價收買改良新棉則於提倡植棉。 隸屬於植棉場內以免經濟之牽動及精神之分散故此項軋花廠。 更進一步設 此收 係商 不

初

文

次攙入 抑社 不償失爲可 蔽 進 八)我華商 較高之貨中。魚目混珠不但陝通薄有令名之棉花因之低貶卽平常之本花火機。 棉花之優劣而判之今市上花品低劣雖受其蒙蔽者厥惟管理不良之紗廠然而藉蒙 以 射 會多數自行墮落致此耶前此有攙水着沙礫雜棉核等弊端近今又發現以次貨攙 利 設 更劣之棉亦無純貨棉質關係紗廠出品甚巨凡出貨之遲速紗質之美惡全視購 者破壞信用奚啻花商之自殺不過此輩無識狃於目前小利混雜低價次貨得 置。 憐耳彼等豈知貨品低劣則出口無望出口無望則花價低貶苟不 由各地熱 向重信用。第自革政以來。商業道德日就淪喪,其殆受惡政治之影響使然耶。 心棉業冢組織之若就近紗廠從事於收買改良新棉則更爲 及早 亦以 相

獨 動。 不 於狼虎狡黠貪 釐 然棉業占全國 花商之黠者便矣愚者苦矣故釐卡不 稅 病 商怨聲載道此種惡稅實 鄙。 工商業最大部分願我棉業 無所 不爲。 m 國 民道德亦多墮落自上而 爲束縛商業發展之一大原因內地釐卡重 廢除棉業永無發展 中人首先設法廢除釐卡以蘇 下幾乎無一不受金錢之 之希望棉業然 他業 商 重。 亦 扞 何

革除此

項

積弊棉花業一敗塗地之日不遠矣。

銀所 擾。官 買客何方得利不煩言而自見以故腹地棉業往往受日人之控制轇轕日多。 腹地採購棉 爲日人所囊括。 日 十)日人與我國通商當然享有採購土貨之權利惟日人思深慮遠茹苦耐勞往往 X 更紳士棉商均畏懼之噤不敢聲嗚呼此事 產棉花概須 在夏季往往深入腹地直接貸資於農 花。輸 而 運出 吾全國紡織業之生死 由日人收買已完全失卻自由 口夫採購棉花本無足怪惟日人之採購方法獨異於 命豈不操之日人手中哉。 人。每畝自二三元至七八元不等。農人受此 而不 脫售之權。因其曾受定洋。致受壓迫貨主 立 即阻 止之內地棉業採購權。 人民 人。爲 不 可怪 ·堪其 深 定

振興內國紡織業主要之研究

植棉 國 臨 一之紗廠新者占 無 手中此係目前缺る 險 既推廣矣改良矣棉花貿 他。 地。 顛躓之禍。 不過占優勝之地位 多數然考其 亦在在 乏專門人才無 可慮故明常謂 而已否則如 八內容。 (易商) 無 亦知自救之道矣而環 法補 所謂 久已傾 無論 救之實況驟欲 新 舊全廠 礼殆盡。 何項事業苟無 工作權完全操諸 雖然以盲人 顧 挽回良非容 內國之紗廠。 專門人才主持之斷乎不 人 瞎 1易紗廠 馬。 無 意 則 而 言 識 何 馳 之 無 如。 責 尙 驅。 目 能 任之 今我 卽 持 使

藕 初 文 錄 上卷

與言進 取。 而 收終局 之勝利也茲將我國紡織業之三可慰及八可危臚舉如下以作有

心人研究之資料。

宜。 內 國多數 成 本途輕雖紗質欠精而價值低廉故尙未被舶來品擠去此關於原料取給便利 人民需用布疋品質較粗故本國棉花現尙合用如設廠於產棉區域內原 之可 料便

慰者一也。

人 口繁盛需用棉布為數絕巨市場廣而且多雖精良外貨盤據各市場而本 上 紗本布。 尚能

瀏跡其中,消行無滯。此關於市場廣袤之可慰者二也。

百業待興地方人民。謀生無路因人衆而工價遂廉雖工作未精美而 兩 國 覺爲低廉。 此關 於傭工易得工費較省之可慰者三也。 普通工值。 曾通工值。 比之印

日

揆之經濟 學原 理工業發達 有四要端一 資本二原料三傭工 四銷路今我國 具備此 四

端。 專 一 技 而 I 業尚 術 家。 無從訓練管理之致工人不 未 如何 ·發展者。 雖日爲國民富力及團結力薄弱所限然其最大原 稱職。 而工作不 良 (也僅僅) 希望工人之克盡 因。 在 缺乏 厥職。

河 清 無日。 無已。 惟有根本解決努力培植 海門· 人才以收督察指導之功於方來而 我國

織專門人才甫在培植此時 止得將就支持。留心弱點。廠務遂無起色此缺乏專門人才之

可危者一也。

紗廠 管理欠密難收實效且我國 工人衆多動以干計雖工作部分在在有負專責者督察之然範圍較大組織斯難苟 人短於自治自治尙且未能又安能管理工人以自治 夫欠

缺故遂致秩序紊 ^{朱如影響出記} 財影虧損的 ·斯來此管理不得其道之可危者二也。

全廠 劇 刻。 **苟内部長此不整頓**。 雖廉其如工作之不精良何現時我國 工作無專門人才督察之。管理之則出數少出品劣,一任工人之任意妄爲漫無限 轉瞬間已無斯人留殘喘之餘地此 出數較少尙能含混過去將來工廠林立競爭 工作不精良之可危 制。

然以大股 坐收 國 民富力未充自私自利之心卻反濃厚萬錠紗廠動需資本金五十萬兩投資一二萬儼 漁利。 此股 東自 I命攘奪權F 東無公德 利位置 心之可危者四也。 私 人馴至股 東間 自相 傾 1、東京 輟業。 不 +甘休授外-

也。

廠 務用 人行政責 任綦 重爲經理者宜如何盡心籌畫期無 負股 東之付托乃購

初文 錄 上卷

甉

件墮人術中吞聲飲恨者有之假公濟私滿載而歸者有之徜徉花天酒地。 者亦有之廠未開基金百。 萬已消蝕殆盡矣或則位置私 人狼狽爲奸股東之血本雖虧耗。 間攜嬌妾而

總協理之私囊已充滿此當事人無天良之可危者五也。

危者六也。 靈不虞之虧損遂至無從彌補而擱淺或因信用掃地竟致閉歇此各廠缺少公積金之可靈不虞之虧損遂至無從彌補而擱淺或因信用掃地竟致閉歇此各廠缺少公積金之可 股東狃於目前小利偶有盈餘分散靡遺公積一項素未注意一旦市況變動以致周轉不

回復 政爭日起。政象日非。商業凋敝紙幣充斥現金缺乏遂致息率日增擔負愈重立業愈難偷 無期殊難持久此息率過重之可危者七也。

外人之保護也內國實業國家不自保護之而托庇於客籍法治機關之旗下已甚痛 振興實業。須着眼於內地。而我國之實業僅發達於上海天津漢口等各口岸者何也以有 加之以軍隊萬能蹂躪地方之軍隊布滿全國軍隊愈多不但內地實業不振興卽, 府不但不加保護且於不知不覺間阻撓之而紗業遂無起色矣此政府不知保護之可 願振興內 地實業者亦無從措手況乎軍隊愈多國事愈紛亂貨物愈窒滯。 而不 易流通。 各商 心乃

危者入也。

以上八者有一於此卽足以妨礙紗業之發展況八者兼而有之乎故我紗業中人應澈底 覺悟。一心一力。急起直追掃除此八種可危之缺點,利用三種可慰之優點堅結 目的悉力做去精誠所至。金石爲裂。邍斯道以行之。紗業發達之期。當必不遠,且不但此更 團體確定

有兩種猛進計劃約列如左。

盤旋之餘地。 求貨品精良代價較爲相宜以堵塞其銷路使舶來品步步減縮卒至在我國市場上再無 (甲) 我紗業中人。不乏眼光遠大統籌全局之人。首宜在各口岸調查舶來品設法仿製務

凡水陸交通之產棉區域或棉花集中地點添設紗廠大小可不計以供給附近用戶之需 (乙) 宜結合大團體用步步爲營之方法由口岸而及內地由內地更進而及僻遠之腹地。

要無待外求爲惟一之目的。

我棉業中人誠能本此計畫開誠相見合力進圖則我國棉業之振興可翹足而待矣世有我棉業中人誠能本此計畫開誠相見合力進圖則我國棉業之振興可翹足而待矣世有 抱棉主義救時之宏大主張爲國家謀公福不爲個人營私利者明雖魯愚深願執

藕 初 文 錄 上卷

=

追隨左右向工戰商戰場裏作衝鋒陷陣之一戰員也。

對於浦東實業之主張

痛癢無論間接直接在在皆及之蓋地方人民而富饒也直接間接得賴以安居樂業而交 千門萬戶賴以舉炊者厥惟毛巾花邊織襁業三項今則開業未幾衰兆又見苟不早爲之 名出品爲小布以無團結無研究被人擠排小民生計一蹶不振而今日號稱民間新生計。 僕入川沙境查得毛巾花邊織機三項實業關係於川沙南滙兩邑民生甚巨前此境內著 淡漠視之,夫事業之興替。俱有其主因種竹得筍植棘生刺有斷然者僕今爲在座諸君子 實業將墮入險境而來歇業破產之憂豈惟當局者蒙此不幸然則地方人士對此又何得 受其利個人不能脫離社會其理顯而易明社會而有實業其社會即成好社會苟社會中 所失敗在所不免,川南兩邑人民生計上所受影響決然甚巨吾人生息於此舉凡地方上 暢論之。吾邦人士之創辦實業者非失之於過闊即失之於過陋非失之於過寬即失之

處一筆抹煞之短處壞處盡情暴露之一人如是衆人同化遂造成一萬惡之社會夫吾人 喜人之失望忌心愈重則機械心愈工。一切奸險之手段亦愈甚其結果將他人之長處**善** 此實業救時之一主義則內國實業之發展可立待也雖然欲振興實業則阻實業進行之 興業之人,一鑑前此之覆轍改絃而更張之重信用集資財使學術絞腦汁奮精神以奔赴 各方面紛相汲引植黨營私衆股東各樹黨派互相水火而營業遂至破裂況辨實業之人。 生當此世時刻接觸於眼簾耳鼓者無一非形形色色之惡新聞其善者則渺不 頭角者絕少致資本家相率裹足而不前熱心者相與束手而無策良可慨也苟我國有志頭角者絕少致資本家相率裹足而不前熱心者相與束手而無策良可慨也苟我國有志 往往無常識少精神。重意氣輕血本以至於國內可與之實業雖多而能在實業界嶄然見 經理之爲所欲爲遂致破產過苛云何卽股東投資後起無限之苛求顧自己一方面。 人之成功卻喜人之失敗惟忌故不喜人之致富卻喜人之破產惟忌故不喜人之得意卻 大障礙物不可不首先掃除之曷爲阻實業進行之障礙物則妬忌心是也惟忌故不喜 一节過闊! 種劣性的社會觀之愁雲慘霧中漸漸養成一種消極的 則母財易竭。過陋則出貨滯銷。過寬則股東交股後即放棄股東之權利。一任 性質因此不能提倡 可得 社會上 也。卽 而忘

不用初文 錄 上卷

藕

揚惡之一觀念而: 種 有望 事業而社會愈不堪聞問矣故吾人欲希望社會事業之發展須先打破此 改 向隱惡揚 善一邊盡力做去於實在希望社會事業之進步應有 把 隱 握 善

也。

難以成功幸而成立亦終難收效嗚呼來日大難迫近眉睫切身痛苦卽在吾人平素漠不難以成功。 經心之地方事業上發難欲爲久遠計 更請扼要言之前此事業場裏習慣互相攻擊致失其團結力因失去團結力故大公司 者安得不盡力革除前此不 良之積習而堅結團 卽

大奮鬭於生存進取上以期 **今再言毛巾花邊織襪三業失敗之理由及其補救方法與諸君子一研究之。** 爭回絕大之主權乎。

(二)毛巾 機戶 , 購紗後將4 紗一小絞『 每小 絞計紗八百四 十根。一入紅漿之漿後晾乾。

扣 未乾前須將紗 即從事織造因紗已受損故織時常斷 一一分開不 知紗身已於此時微受損傷乾後搖上筒管套在經 而使巾質 不良織後 (再行漂白。 加漂 紗架上 粉過 多則

往 巾 往以銷路不 質益 傷 損。 暢而 用便不能耐 致虧本無識之機戶不 久漂後卽託 鄉 得不減少分量縮小尺寸以圖 人向四方兜售其 脱售之困難情 ||補益|| 豈知: 形概 可 信用 想 見。

四十

掃地營業益復無望矣。

元。下 損失而閉歇者往往有之且爲數已不少卽. 自便。洋行家每每藉辭推託以便貶價買收以此因緣花邊業中人因出貨不易脫手蒙大自便。洋行家每每藉辭推託以便貶價買收以此因緣花邊業中人。 售花邊並未訂立合同。率然 花邊 牛年銷數不但銳減且多折本售去者前途之險惡。 每方寸眼數自七眼至十一眼不等而花樣亦層出不窮織戶 向 洋商 取 得花樣後即按圖結就他日洋商之購買 如去年上半年。川沙消售花邊多至五十餘萬 可想而知 矣。 往往往 (與否。 间 洋 商 任

脱售 則故寬密不能一 邊業略勝然而除二三大廠外餘恐不免在淘汰之列耳。 零碎購線代價較昂人自爲謀之小工業能 後顏色光澤業已減少於銷行上不無幾何之阻力又所出之貨因人自爲謀無一 (三) 織襁 方法。 外餘均各逃生命零星兜售冬季線襪銷路不暢時小本營生者不能 各色線襪。皆由色線織成以日光空氣之侵蝕手漬塵垢之浸加故織 律。 得顧主堅固之信用。 有幾 且織就後止二三大廠於申 何立足餘 地雖複業之活動地盤較之花 地 不減價售現且 有批發所從容 定之準 工告成

藕 初 文 錄 上卷

行然後交與洋商其織襪事業由總公司臺購四十二支原色雙股線平 聯 碼 代經代漿做成紗場餅售於織戶織成毛巾後將原色毛巾售入分行剔選後運至 之針數取其優者。去其劣者由總公司 白裝匣。躉數售出。其花邊事業。由總行向洋商直接定貨。訂立合同。載明每方寸眼數式樣 南 數交貨日期後躉數購進蠟線連樣分發於各女工結就後亦由分行 滙 絡 一新場等處各分公司內派有看貨 川南及申 地熱心實業之人集資組織一川南實業總公司於上海設分公司於川 與紗廠接洽用稍次之花紡成合用支 人。限定毛巾之尺寸分量花邊毎方寸 價分售於 員司剔選運至總 ?紗再· 之眼 數線 由紗廠 總行 各 織 襁 漂 沙

限定針數由分行員司剔選後運至總行漂白染色裝匣躉數銷售。

貶 其 求 回 [抑(三) 挑選出貨方能精美此方面促工業進步他方面使顧主樂用(四) 組織此項總公司之概要凡有數端。 鮮 點然惟有大團 以得時機退可 明既易引起買客採用興致。 |結始克享受苟一 以堅壁壘與人競 更能幫助販戶流通無滯。 仍舊 利方可獨操勝算以 (一) 躉買以便零星小戶(二) 置因循敷衍此三業 上 五 五 集合大團體。 之失敗可以立 種 利 **躉**賣貨價不至任 益。 爲工 商 則資 漂染色澤力 一致故僕 業家 力 雄 必争 厚。 L

望川 造福家鄕之主義。早日貫澈也。 南有志振興實業之士。急起直追合力圖之凡僕力所能及之處願助一 臂期諸君子

今後東方紡織業競爭之大勢

當其衝無一不摧枯拉朽然始則喧賓奪主繼則反主爲客曾不轉瞬胥入破產之窮境鳴 業此者類皆聯成一氣各業如各聯隊然長驅猛進所向無敵以我國異常渙散之商情直 之油豆餅業銀行錢業醬園燒酒業等等。我國人業此者莫不人自爲謀各不相顧而日人 亦有必然者以此理徵諸今日產業界戰鬭之現狀其成敗得失之數亦殊顯明如南滿洲 者一國之地位以天然形勢之限制而活動於向外奮鬭之一事則其國之稱雄於世界也。 孟子有言生於憂患死於安樂斯言也徵諸立身而驗徵諸立國而驗徵之世界生存競爭 之心力以四周情勢之壓抑而專用於向上奮進之一途則斯人之不終於徼弱也有必然 之結果亦無往而不驗原其所以致此之主因無在不起點於精神之團結與渙散上。一人

帮 初 文 錄 上卷

四十三

以 暇 泛論 1 中 日 數 業。不 業。 二切僅 間 受彼 商 競之劇 摧殘。 就吾紡織 想來日之危機而驚 今則凡百工商業皆將受彼雄 烈豈第南滿 業言之。怡堂燕雀不 洲今則我內地各市場皆授彼 知 也。 厝 大勢力之支配焉玥托跡紡織業 火之將燃誦先哲明訓對我精神 及鋒而 試之)機會焉。 豊第

織

懼

實業之 界之眼 之紡 除 歐 戦 恢 復 告終交戰國之生產 愛着於是歐美 光向之持門羅主義者態度爲之一變以商業論。 已失之市場及開 禁懸 入士。 拓 力頓形薄弱。 が市場。末七 入口貨中主要之商品。 一致注意於東方之市 由 恢復元氣除振興內國實 完 置 見效美國自加入 場我國 亦以開 偌大之市場尤爲 戰團以後美國人士大放 業無他策發 拓國外貿易爲發皇 品。 展 東方商 內國 競之 其 實 內 世

半 東 新 方 最 不 舊之廠。 大之戰鬭 又泰牛 地 可 ·缺乏專門人才爲之整頓而· 也。 回 顧 我國之紡織業 則 何 少日新 如老廠 已陳 之氣象況乎 舊不 堪。 各廠 新廠 各不 則. 很基 柏 **未**固。 顧。

中

心。

而棉貨又為

我國大宗

雖謂各國紡

織界出

낈

我國

市

場爲

博 家 社 痛 會之歡迎言製造則耗損殊多安望成本之輕減際此競爭劇烈之時代其不受淘 癢。 無異秦越 人之視 肥瘠無 聯絡斯無結 合。無 結合斯無系 《統言出 品。 則 多差不

會百業朋 希圖 則 渙散 固以致不能堅 益 大之影響而 紡 便 均 者 近。 織業家不圖自衞則 利 離 則 抵 今後 處為 撲滅 而競 之不 抗 我 希 力 國 矣。 戦鬭 足以 興金融 之恐 日 我國 外。 爭愈 然 較 無 X 其爲 遠。 而 他良法 紡織業 慌不 (所艷羨) 力愈 壁自 烈雖然我國 決勝於千 而 在 活 我國 製造 歐 難悉數 守乎玥以爲 洲 天。 動。 **岂**。 一 品類。 也團結之法維 一紡織界 夫如是而 而握東方紡織界霸權。 如意 而 則 弗 里之外也急將 戰 圖自 **叉皆精緻**。 掃除之按商學之原則應世界之新 得。 一紡織業之不 指 後 揮業將我 心腹大患 而 瘡 I衞須進 所以走 我國人 痍 後原料品不受把持製造品不 未 何卽將各大埠 故 復。 振遗 新稅繁苛。 一步儲備 者其惟是 之學識能 其國 東方 競 人下風者其 争雖 最 並 內 學識能力之不 烈於我因 無數 在 大 日 我國境內意 市 典 力實不輸於日人。且於管理 本 在 最大缺 · 子。 日 紗廠聯合成三 人 小 場 美國 、廠聯合 奮鬭之實 Ĺ 國 **| 歐美棉** 乙紡織業 人 則 點實 編設: 若人 生活 在 受傾 運非從速組 而 歐 力欲儲備式 **爭抑** 在於無團結 紗廠與我紡織界接 成九大公司 貨擠軋殆盡。 一戰時 上。現 程度較 礼迎機 一數大公司。 時 精 得 千載 神 尙 高。 進 渙 織 此 不 I 上故 散團 資力 處心 奮鬭 一價昂 我國紡 取。 Ŀ. 猶恐 一時 生若 與 有 之機 貴。且 之實 我 積 種 精 何

觸

角

國

業托 賴斯不爲功不識我紡織界諸鉅公惕於危機之日近亦思有以準備 而 補救之否耶。

報告美棉遷地之效驗

鑒於該國情勢大有遷地爲良之意爭向吾國 業悉力進行皆因年來紗廠勃興日本吸收華棉亦逐漸增加苟我政府及棉業中人不盡 霜降前尙有多數棉果。未全開裂致少收穫而招損失,玥對此兩說。未敢苟同而於植棉事 見甲說謂我國天氣地質不適美棉之生存故移植一二年。卽行變劣乙說美棉收成較晚。 劣知美棉與我國天氣地質並無如許窒礙之虞而邦人士之移植美棉者類皆存兩種意 設法培育逐年選種以保美質至去秋歷四足年所穫美棉纖微之長度性質韌力並未變 於民國三年秋組織棉場至四年春卽將親自攜回之美國喬奇亞省之克離佛倫大球種。 設法恐不十年後,吾民生活大源胥落人手矣、况乎印度日本棉紗接蹤, 操彼 手而 :我國紡織業前途亦駸駸乎有受彼支配之趨勢茍邦人士不 境內擴展其工戰商戰之範圍。 而至日 善爲 不 但 **糾謀急圖** 資 出 本 口 華

家謀 軋 不統 以爲 之結果凡移植美棉。 之時。(八)不注意害蟲之防止。(九)工作苟且。(十)執事人意志不專及希望不遠大精 植處熱度之上。(四)播種太遲(五)播種太密(六)缺少相當之肥料(七) 如下。(一)耕地太淺(二)溝淺畦平出水不爽(三) 上、 奔赴 棉家移植美棉後須盡 之報告即足以 補 出 |經驗上諸般之心得觀之知失敗之因約有十端有一於此卽難: 救。 美棉 花 方 振 一乙說美棉收成較晚霜降時多數棉果未開裂不 則 衣。 便。 興棉產 不 特於去秋作一試驗於 卽 不合於我國天氣 轉瞬間爭存之大勢一去噬臍之悔恐無及矣以故明夙 在 厚生 解除移植美棉之疑難並得於改良棉質推廣 之兩大主義此主義維 紗廠內試驗其韌力表 未有幾何閱 力注意於嚴格選種及治 地質 (霜降) 歷之家往往不免上列之失敗原因。 而 致變劣殊不 前數日,將未裂之棉果摘下用人工乾燥法使開 何卽推廣 如下。 知移植 田疎栽培肥捕蟲之種 棉產及改良棉質是此 種子不嚴於剔選及來處熱度遠 知亦同犯上述之病而 棉 種。 在美國 綿産 收圓滿· 上。進 夜震驚忘其 而致歉 亦 行 種 有 項試 工作 方法。 之結果謹 無 此 收。 種 驗 阻 得此不 | 玥爲植 茲從學 :失去相 困難。 也彼 美棉 固 陋。 在 摘 故 全 甲 紡 良

神

宜

移

錄

理

植

力

力

初 文 錄 上卷

甲本場天然開裂之美棉 乙本場人工乾燥之美棉 丙美國烏克來化邁之棉

每寸轉數 一一一一一一一一一一一一一一一一一一一一一一一一一一一一一一一一一一一一	八五八〇 八五八〇 八五八〇	四二 八·一六 八五八〇	二 八 四 八 一 寸 九八五
每分時 椗子轉數	八五八〇	八五八〇	八四五八〇
每寸轉數	二五·六五三	ニセ・一六二	
靱力磅數	三六	三八	三〇八
十小時出紗磅數	<u>-</u> 四 五	・一三三九	=======================================
o	0	0	

按此 者乙爲同種及同年之棉果在霜降前摘下未裂之棉果由人力使乾燥而開裂者丙係來 口之棉之種類又無從深悉而仍用以試驗作比較者不過使大衆得悉中國移植四年之 自美國者夫此項試驗係甲與乙之比較並非丙與甲乙之比較蓋美國棉花種類甚 項試驗用甲乙丙棉三種甲爲移植本場之第四年美棉其棉果在霜降前天然開裂 多進

美棉。並未較劣於進口之美棉耳。此項試驗自花至紗逐步工作及重量甲乙丙三種。一律

足以 失。 可 相 同。 補天事之窮於移植美棉之障礙可力除也苟移植美棉家仿此法行之則 無復過慮矣。 而 又在同日中所試驗故所受熱度及濕度亦復相等由此可 曉然於 晩收 乾燥 之損 法。

交通與商業之關係

興衰爲判決 媒介盡集散之天職以弭 立國之要點在民生人民生活必須品大都產之於農而成之於工其酌 人國 强弱之標準焉。 人間缺憾者則 惟商業是賴近百年來覘國運者方 盈劑虛作供 丘 以 商 求之

夫我國今日之商業·蕭索極矣推究其所以不振之原因。其種別甚多站: 人通病言則智識錮蔽 商 |則政府| 市 金 融言。 不加保護也外商故意 幣制 紊亂 也道德墮落 也。 滙 **兌不靈也息率高昂** 鉗制 心。 連。 也蠹 力薄 更剝 弱 也基金不足也辨 也挹注維 ?蝕無異蟣 附也武 艱 也。 以市場商品言則 法不善也以 人 後割。 約舉之如下。 無 術 商 防 人 堵也。 之環 以商 科

初文錄 上卷

四十九

初

環顧 相率旁落也有一於此皆足以陷商業於不幸之途而況各種阻礙商業發展之惡境界一 熾買空賣空者之破產習聞也以運輸貨物之交通言則水運陸運之多滯阻航權路 發達。 而莫不接觸於目前也挽救之道干端萬緒非片言所能盡無已請僅就一端言僅就 藝有 退步無進化也以商家趨勢言則整頓無能力賭博幸獲者之邪 風日

交通

與商業關係之一端言。

地 用產品。除當地人民消費外莫之奈何而任其陳腐者有之工業上需要之材料除合於當 溝通者雖此代價相差之懸殊不必全屬之轉運上而轉輸之不便運費之多耗則爲不可 等一貨也產地與商埠之代價。每每相差一倍以上或竟有相差至三四倍之多而尙不易 無形中損失若干兆金錢也此交通事業不發達,且足以致國家於貧困受害者固不僅商 掩之事實且此尙係去通航通車之地不甚寫遠之處然耳至於偏僻省分雖有絕好之食 人民消費外。莫之奈何而視同廢物者有之合全國產額計每歲因交通不 商業上所受之痛苦則尤顯著焉。 便利故不 知

交通不便利。有妨商業之發展。已如上所述。而交通便利處因路政之不修航業不競於商

不知設 知 車輛 而各船大副至今仍雇用外人。以如此年齡之航輪公司。絕不計及應用人才之培育而惟 之不過四萬七千六百有餘噸其航行線不過在揚子江及閩粵浙津間。 事我國航業之最早舉辦者則爲招商局開業迄今已四十有餘年盡所有諸船之噸位計 航業之不振船隻之稀少。噸位之缺乏航海人才之不知及時儲備則又爲可恥可悲之一 乘機漁利。商人苟有不諳其隱情者。遂從此貨滯於各站而至霉爛者觸目皆是焉此外如 關係之輩借威軍符濫行勢力攘奪車輛車輛既不敷應用貨物益堆積如 能挨次裝車。而積壓之流弊久之且習非成是。視爲當然矣加之以軍界要人及與有 商家爲急務而深居簡出予員役以上下其手之機緣點者聯絡要人便於運輸貨物旣不 業發展上仍多若干之阻礙交通當局之不能體恤商艱固屬無 仰首客卿夫航輪 招 少而 商 法解救相與隱忍不言亦不能完全諉爲無罪 局 不敷應用員役雜 雇用乳 嫗至四十餘年之久然則航業無顯著之進步可斷言也此外後起諸 初駛時雇用客卿如生兒乏乳者之雇用乳嫗以暫代撫育之職 而需索無厭貨物到站多時不爲運送路局主事亦不以 也何。 以言之現在路局 所逃罪而商 向未出國門一步 加当事者 家切 之缺點在乎 身痛苦。 耳。而 便利 大可 若何

潮 初 文 錄 上卷

中。 乎英日兩國航輪公司起承其乏代我腹地大効輸運之勞矣航運全權旣 噸 航 之噸位計 輪公司 亦未: 位。 大達肇興新益諸公司各得千有餘噸政記公司。得 始非發展商業上一大缺憾也。 之。僅得七萬 等之自儈以下如開平礦務局有船數艘駛行津滬營口間者僅 四千餘噸以生齒 至繁需貨至巨之中國。 四千餘噸合全國 而航輪噸 位僅有此 航輪 有一 不 盡屬國 萬左 公司 數宜 所 一右之 有

勃興之望。 先 事 然則 河 同 省 致虚 道。期 聲吾知海 各本省鐵路工程。俾欲築未築之諸幹線得以陸 時振興水利開濬便於貨物輸運之河道馬路期與省會幹路或車站相 毗 連之處至少築三四丈闊之大幹路若干條各縣至少須築二三丈闊之支路 挽救之道將安在一則利用以工代賑之機會從事各當地馬路工 與輪埠或其他熱鬧商埠相貫通以便貨物之輸送一則利用 糜將來之路款大可節省使病民之軍 丽 餉 內之聞風興起者必大有人在也。 源亦可漸免匱乏之憂軍界領 袖。 士。 不 乏深明大體之人誠能毅然舉辦樹 變而 續與工節節告成。 爲 有用之工人非但 如是則 閒 一程例如此的 逸 銜接。 無 商業因之有 今後之軍 事之軍士從 內 地 省與 一條。 開潛 彼 並

地築路。 在也。 以免爭執及愚民之誤會此造福地方。一勞永逸有益無損之舉地方人士固有應盡 士共圖之內 又各地方人士須了然於地 亦採此法則勞力問題無難解決惟路邊塡去地畝應由地方公款項內公平給值。 地開潛 河流向有計田畝多寡匀派工作之辦法無財者出力省力者出 方貧瘠原因第一在乎交通之不便地方上要政應由 地 了 資。 內 方 天職

宗貨 其在 河 。範 航業培養航業 前 糾察隨時淘汰。並酌量商業發展情形隨時添備車輛務使往來貨物不稍延擱並對於大 流若織 圍狹小之交通事業如北方及一 此缺憾另行組織航業公司。一面推廣海外航線以便國貨之直接輸出一面改良內 物減輕噸位運價確定計算方法公布國人以促商業之發展並釐訂 區百 交通當局急宜確定便商方法遴選公正勤愼之人管理路局要政其貪鄙之徒 之區。 物不致以 應用人才力圖航業 推行小火輪或小汽油船誠能舉國一 無人過 問而低貶需貨之處不致以來源告竭而暴漲。 切平原之上推行長途汽車在南方及一切人煙稠 之振作而在 內地僻遠之區則地方人士應集資舉辦 致萬衆一心從此便利交通 航行新章掃除 便商卽所以便 上着手。 嚴行

初文 錄 上卷

藕

興商業之故而 上。 **上抵得** 裕 商 即所以足國況乎交通事業發皇之日亦卽其他凡百事業發達之日固莫不因振 半工程焉故僅就拙見所及一推論之。 洪沐交通之賜也振興商業之要圖非一端便利交通則髣髴於發展商業

普通人士之目光及心理感其處境之艱困生活之不易變易傾向屬意商業以爲兩相比 枯繫於交通之便否。一般懷才莫展及謀就未獲者應及早覺悟放開眼 較猶覺彼善於此於是百計營謀有憑藉經濟勢力而至者有憑藉文字運動而 呼謀生而失望。坐守以待斃。夫亦計之太左矣。卽有幸而獲就亦大都爲現成受享之人。徒 以商業爲謀生之捷徑而紛紛投效以故謀就而不獲者恆十百千倍於可以消納之數鳴 日者失勢之官僚無聊之學者讀書不成之青年。輟耕而嘆之農夫,手藝難活之工徒莫不 人之不願自媒不輕啓齒不苟通問以貶節求人爲可恥之高風殊難於今日見之矣蓋今 歲 耗商業中若干之菁華而於增進商業之繁榮罕有計及者苟大多數人深知商業 光振起精神。 三者如智 之榮

他

圖。

事業方向一變世界驟寬希望無限誦西先哲吾無機會吾可自造機會之說有志振

如上文所述。濬河築路長途汽車內河小輪等助商務發展之新事業及其他附一

屬之

商業之士,有志振興交通事業之士,可以興矣。

上海總商會研究裁釐辦法及其理由之報告書

我國 大必須仔細研求妥實辦法期於國於民交受其益而便推行推某等組織裁釐加 何設法使政府免收入不足之虞故財部咨文到會請討論辦法本會以此事關係至爲 金之病民思慰薄海人民之期望但裁釐加税之初財政當局於收入之數恐無把握應 七年。仍未見之實行。年來工商業不但不發達且呈逐步衰微之現象。而人民負擔。 會茲就同人管見所及擬定辦法六則並理由六條如 一年。生活益陷於困境。本會同人以國民渴望裁釐加稅之實行屢次請願政府亦漸知釐 工商業不振之最大原因在釐金國民深受其累婦孺皆知但裁釐加稅之說已十六 税研究 崱 年重 重 如

(甲)辦法

應請政府與各國 交涉裁釐加稅須同時並舉如各國堅持先裁釐再加稅之議應切

錄 上卷

初文

五十五

藕

實商定一方面布告裁釐一方面卽布告加稅。

或二年)年息若干釐本息均以新增之關稅爲擔保由總稅務司簽字此項公債須得 加稅之確定時期方能發行。 (一一) 實行 裁釐後由政府查 照最近一年全國釐金收入總額發行裁釐抵補公債 年

裁釐. 加稅後. 如關稅所加之數已足抵最近一年全國釐金總數尙有餘款時應儘先

攤還此項抵補公債。

四)此項公債由各省商會查照本會最近一年之釐金收入總數招集各業領袖議定分

別攤認之法須認足原額。

約第 行一面卽公告各國實行前淸光緒二十八年至三十年各商約 (五)此項公債條例由財政部派員與各省商會領袖協議可定草案交國會議決公布施 四款、 日約第 一款葡約第九款) 進口關稅值百抽 十二五之規定。 (英約第八款第 二節、 美

(六)此項公債如新增之關稅。一年內已足抵前次全國釐金一年之總數第二次不再發

乙) 理由

加稅之後我國工商業可因此而發展因進口稅加重後外貨之壓迫力減國貨驟進

發展之軌道。

(二) 革除中飽中間人藉以侵蝕之數奚止超出政府實在收得之數二三倍此項中飽之

數皆商民額外多納之金錢亦卽政府代受無窮之怨謗。

(三) 釐金裁後運輸上旣無障礙出產地至消費地非但輸運靈捷而良好時機亦鮮

坐失。

商家獲益不在少數。

品輸入內地無有滯阻則製造家所出物品達暢銷內地之希望各用戶日常所需得物價 現在工商業之發達大半屬之各口岸貨品行銷內地久感困難釐金裁後各口岸商

低廉之利益。

外貨競爭之物品自能立足於不敗之地事業逐因之而鞏 (五)現在洋貨進口完正半稅後通行全國而國貨則重重敲吸處處留難鳌金裁後凡與 固。

낈 上五者因直接與工商界有大益但政府所得之利益亦復非細進口 稅 加增 後國

藕 初 文 錄 上卷

內出品必日盛工商業必乘時猛進可以推廣至內地使全國各大都會得均等之開發故

最後結果政府收入數必有盈而無絀。

利民之萬急急務也謹陳膚見伏祈公決。 於此者是故裁釐加稅。全國人民皆蒙其利解百業之倒懸慰兆民之渴望是誠今日福國 其年富力强宅心公正之人不患無立足地去蠧國之惡證進而爲生利之良民事無有善 無有不樂行者惟一部分釐卡人員於初裁時稍感不便但各地方工商業皆將乘時勃興。 次而六十年來所受之痛苦。一旦連根剷除政府果有除弊之決心。商人果有愛國之真意。 除無數之中飽故各業所攤之數比原繳釐金減去何止數倍且各業至多攤認公債一二 五且可省去如許收稅人員之俸給各業攤認之公債尙得收還本息而各省實際上已剔。 扼要言之服上列辦法推行政府不過認公債年息之若干釐而關稅得增至值百抽十二

改良進口稅則之詰問及期望

國元 吾國 年實爲 進 口 稅 則自光 修改之期徒以政局 《緒二十八年修改後。定期每十年修改一次訂在各 紛擾遷延至去年冬間方始進行。 本年元日 國 通商 月五 日。集 條 約 中。 十 Ŧī. 民

國 四十一 稅則專員。 在上海開第一次會議吾國工商業界大多數人深盼此事 及早 圓滿

解決の /欲決| 主張以棉貨 而 未果者迄今已三閱月矣究竟此事進行。至若何程 五金照現行稅率統加四成雜貨統加三成各國稅則委員。 度。同 外人無 從知 悉惟

辦 法。簡 明而易行故多贊成之惟日本則否日 本始則擬將一九一 三年 海關估價册之物

一分謂

此

項

聞各國

國稅則委員以爲如依 價作標準後擬將一九一三年及一九一。 年度作標準應以 五年 最近之一九一七年爲標準而日人以爲 兩年之平均物價作徵收 進 口稅之標 一去年物 準我

夫海關估價册所列之價是否能作爲應徵物價之標準歐戰終結後工少而稅重將來來 價最昂歐戰終結後物價必跌落故反對之嗣因日本獨持異議逐將此案移至北 京解決。

貨是否比去年物價爲更廉此吾人所急欲詰問者也。

予係紗業 所 得本月以前。 中人他項 税則。 兩年內之日本進口紗平均價格精確之數目作為 姑 不 具論請論紗稅日本紗進 口每擔 抽關 平 銀 八九錢五 表附錄於下以 一分茲將

初 文 鍛 上卷

黐

資研究於 增高之勢也表列如左(表略) 市價八十九兩六錢九分四釐丁巳七月棉紗飛漲日本進口十六支紗每件平均市價 百八十一 兩二錢五分故此兩年內之平均價格可以作爲抽稅之標準將來恐仍 此 兩年中帝制發生時。全國譁然故丙辰五月內日本進口十六支紗平均每件 有

秘稅額之應增加 比 照加 何在此又吾人所急欲詰問者也。 兩六錢三分一釐六毫五照吾國曾經贊成之加四成之稅額計之僅一兩三錢三分卽 表上二十四個月十六支紗平均市價每件值上海規元一百二十五兩七錢二分三釐以 息等項十成之一。每擔得海關銀三十二兩六錢三分三釐以值百抽五計之應納稅銀 海關銀一一一四折之每件值一百十二兩八錢五分七釐每件扯重四百十五磅合司馬 E 四成辦法行去。在吾國進口稅歲入數上受損尙多況乎十六支以上之紗及股線等。 |擔十一斤四兩。每擔值海關銀三十六兩二錢五分九釐內除去關稅及佣金棧| 項所述十六支紗之價值還高。苟詳爲分晰則進 耳棉紗如此他貨又何獨不然而日本竟將加成之辦法反對之其理由 口紗稅當更增加 也此第言進 租利 使

鉗 據 分之三十九德國百分之四十五爲發展本國工商業計固應爾爾而 尙難如登天 何徵收進 查各國抽 耶。 制。 九一四 而無立足之餘地吾民直接受此絕大之痛苦則安能禁其不 一般,有自由權華茶至英徵稅百分之五十。華絲至美徵稅百分之三十五至六十。 年。調 查法蘭西全國 口稅率之不平允一 | 平均抽進 至於此進口 口稅百分之二十英國百分之二十二美國百 稅不得增加。 動 色相 即內國工商業永受 我國僅抽百分之五。 告。 而 力求挽

月十六日 本獨 本商 加一 也 大有舉國一致之概我邦人士下 日本自現 反對。 事亦未始非 人之負擔間 日 一致之概我邦人士下風逖聽莫不歡欣鼓舞卽如此次商権進口稅則。內閣秉政以來大倡中日親善之說無幾何時日本朝野間悉力鼓吹親 密勒氏評論報第 而不肯周旋 接仍 與日本以實行親善主義之機會况乎進 一曰原料。一曰資本。一曰傭工。一曰市場。日本除資本傭工外原料 **此之。致使** 出我國· 七十五 我國 人所負擔藉以加增國家歲 頁) 恐非倡言親善之本旨 每日受五萬五千五 百五 入而 口稅 十五 :維持 也。 稍 兩之損 有增加。 國家現狀者 失。 亦 並 見 非 本年三 善主 也。 加 酌 乃 增 量 日 增 日

藕 初 文 錄 上卷 業之四大要素。

以爲後盾無使我國改良稅則當局獨任其難也。 加增進口稅一事早日結束以慰我全國人士喁喁之期望並盼望中日親善主義於茲事 求改良進口稅則之加成辦法。有所中梗而大傷我國人民之感情也予所以馨香禱祝此 矣日本一般賢達諒必有見及此或能勉力履行此中日親善之主義而勿任我國和平請 場係客體而主顧爲主體。苟其失去主顧之感情則雖有絕大市場。恐無復有盤旋之餘地 賴於我國而我國生齒衆多實爲日本銷行百貨之最大市場予敢忠告親善之日本日市 上發其始聲故不覺其言之率直並願我邦人君子注意此事之進行發表意見造成輿論。

永久抵制劣貨之方法

所受抑鬱不平之氣向苦無從宣洩者今以日人侵凌我國權違背我民意蹂躪人道以致 **今對於日貨文明抵制萬衆一心舉國一致能堅持到底做去並非出於偶然蓋年來國人** 青島失則山東亡山東亡則全國隨亡洵非虛語然僕以爲尙未足懼也所懼者人心死耳。

實 全國憤慨忍無可忍不約而同起圖自衞其一 前 此 所未 有則收回靑島之問題或能因此精 往無前進而 神。 而 得良好之結果消極之抵制。 不已之一 種沉毅果 **(敢之精神。**

此精 判 鐘熱度遂造成吾民之惡諡回溯往事深堪浩歎而今已矣。向之癡願今已絕望如 **倘乏澈底之自覺並含幾分之希望故曾不轉瞬觀望者卒無表示憤激者亦歸!** 權各國必仗義執言爲我援助取消此二十一條苛酷之條件存此癡願故用力不專五。 時更有多人。以爲日本逞此霸圖必招各國之深忌一旦歐戰告終和議席上重公道,抑强 未收若何之效力。徒惹外人之訕笑此何故歟蓋主持其事者僅空言抵制。 民國四年間因二十一條苛酷條件之要求曾有抵制! 顯。 禍 濟方法。且當時有一部分人,重私利而略公義、團結力遂因以薄弱故卒招失敗耳況乎彼 決死 將臨之日力圖自救抵制 神則 久之道即此萬衆一心全國一 刑更無申訴之餘地惟行刑 今後積極之建設亦本此精神誰謂 日貨雖屬消極然釜底 致之精神予日本工商業界經濟上巨大之痛苦促彼 之日。尚未至耳存亡呼吸爲時雖甚促吾人 中國 「無救藥耶。 抽 日貨之舉彼時慷慨激昂 薪大可摧折 强 權愈持 而 久而 無 心之輿情中。 八應乘此· 緩和卒致 實際之救 罪 效 力愈 徒之 分

藕 初 文 錄 上卷

藕

政府之反省舍此無他道也。

結合之也是故僕對於商學兩界作更進 今日 與 消納法,將全國人民括之以商學兩界因農工各界,概得以商 積 極的 我 國 四百 兩方面並進請約述 兆人民中能代表全國啓迪全國以共禦外侮者當首推商 如左。 一步之請願商學兩界實 學兩界救國 力抵制應各 之精 學兩界僕姑採 1從消 神。聯 絡

之實業排 現金制我因 於他省 使之流還日本嗣後各本其愛國之天良勿復收用此項禍國殃民之日本老頭票。 漁人之利計 千萬日金此種老頭 法悉力進行堅持到底(二)不用日幣及斷絕商業上經濟關係(三) 商界抵制日貨之兩 者約 擠 國死命之毒計「說明」日本歷年所發之老頭票行使於中國境內約有一 畫之刻 我 為四千萬日本政府發行 國之實業並貸債於我國政府使我國 方面事。 毒無 **|票流行於東三省者幾及八千萬流行於山東福** 有過於 甲商界消極的抵制(一)依照現在全國各商幫所定之方 此者深願我國 此種 不 兌換券吸取我國現金用此現 人手 自相 中 執有 **飛殘殺同歸** 此 項不 兌換券 於盡彼 破除日本吸收 建 者達三千萬。 **者。** 逐 則安 金振 漸 坐 典 萬五 我國 設法 彼國 而 取

界積 與硫 罰之(二)調查全國銷行之日本貨物約可別之爲三(甲)可以完全勿用者如太陽啤酒。 總之此項組織須有系統事業進行須有秩序各會員須有清監 組 有人鳩集巨資組織五九工業社從事製造不久卽可大批供給』 味之素化裝品。小兒玩具等奢侈品(乙)有國貨可以代用者如毛巾琺瑯器洋傘 『聞已 之事如下(一)會員隨時監察各團體抵制狀況如有破壞抵制辦法者立 宜各地方設立一所由各地方商業團體選舉熱心而公正者若干人作爲會員社 勢力下之一日。鄙意永宜以五 可少者如漂白粉之類。『聞上海炳新肥皂廠主任。已在着手研究製造漂白粉及保險粉』 時之哀的 織 。硝强水等以及股線之類除甲項奢侈品不計外乙丙兩項工業可以逐漸舉辦(三) 極 的抵制。 勸工銀行扶助各項工業之發展。 謠。 美敦書於我國政府。 及傾軋 組織 本業之鄙薄行爲願與我愛國志士革面洗 永 久 團體 定名 五 月九日爲國 至九日我國政府 九社。 『聞此項銀行已有人組織。 「恥日全國一致以免歧異。」 此項商界五 『民國 被逼簽字故五月九日爲 四年五 醒之頭腦切勿爭意氣鬭私 月七日日政 心以圖之。 (丙)工業用品之必不 不久可見之實行。 卽糾正之或懲 我 府致二 國 屈 + 中應 服 元社。 於 应 小

顆 初 文 錄 上卷

苛酷 悉 之書 貨。 大衆 新 祉 會需 育 報 心 社。 爲 工業之發展。 之條 業發生 鑒 學生 合當 應盡 永遠 會頒布 籍。 告各 抵 制 求。 别 名曰 件。 不 自己不用 地 地 天 日 丽 而 各學 增進 嚴 職。 忘此 貨 方 蒔。 全國 五 之兩 踴躍 此 抵 九。 取 五 各學校。 最大之恥辱並懇 捨。 校 次失敗原 此 地 用 制 書分初 各 方 更 組 日 日 方 投 日 成之其 面 1地方學 動告各 生產能 貨。 貨 貨 .資。 並於星期 (藉以 爲 事。 之方 用 因作為: 作教 丢失 小 界五 貫 力。三 高 用戶勿誤購。 應爲之事 甲 法及現狀並 學 科 澈 體 小 界消極的抵制。 書。 九 請 面。 日 修 中 永 提倡 家長 及暑 久抵 身 學三 祉 啓發全國 講 如下 2 中。 材。隨 制之目]學界積| 假年 並須 種 特 及 節 力 闢 儉。 \subseteq 編 青年 利 公同 俍 以 勸 時 法。 國 ?提及常作致 供給 貨 用 協 親 時。 撙節所得 的。 極 就力之所及隨 之自 餘 助 紹 的 戚 推 四 時研 各學校將靑島歷史 商 鄰 介欄。 抵 定 **見**力。 種 界調 惠 制。組 里。 之錢財。 究日貨 警醒全 及 力較 學: 五 律實 織學 查 校 新 並 九 大 編 發 之 日 社。 代用品。 界五 處演 之五 國青 |本進 白 取 明物 行。 從 努力儲蓄遇 用。 事 俾 話 發 九 大 說。 年 九 體 編 紹 口 衆以 以圖 之暮 及二 製造 貨 社。 社。 勵 刋 輯 介 發行 物。 恥 後。 欄。 毎 法。以 鼓 干 普 請 並 地 不 書 種 以 有 星期 隨 用 及。 俾 各 地 勵 促 省 鐘。 應 俾 粗 內 方 時 恥 H

識字義之人。咸能寓目以補普及教育之所不逮。

府支一百萬元日金於該會社作移民之用。(二)該會社每年必須移出一千五百戶日本 消息日本東方發展會社於四月十六日決定日人及高麗 夫日 載哈爾濱俄國 專管理該村落中之自治教育衞生宗教等事(六)日政府除供給軍火於各村落自行保 力者皆係軍閥中人然世界潮流趨於民主日 戶不准村中住民居留村落之外(五)此項有組織的村落。 三萬戶。共計二十萬人。充實我中國之滿蒙各地。(四) 有組織的村落一村落至少集五百 人及高麗人至滿蒙各地(三) 該會社前曾議決在十年內移日本農家二萬戶高麗農家 分。並派遣警察軍隊等實行保護之以上譯密勒氏評論報第八卷第四百五 之歡心觀下列日本殖民政策之譯文一則可曉然於一 在故彼國中暗潮甚烈而軍閥中人爲鞏固其權勢地位起見不得不力圖侵掠以 人對華政策着着進逼者實因日本全國 日報僕按日本拓殖政策實行於滿蒙為時已久其影響於我滿蒙之統治 本不乏賢者年來深信民治主義 人民曾受軍事教育而日本現 內置 般日人謀我之心機矣據 人移殖滿蒙之政策(一) 村長副村長各一書記 政 十四頁。 者正 府 之有權 日政 可靠 博

稱 初 文 錄 上卷

惜犧牲所有之精力財力。暗隨諸君子之後願我舉國愛國人士交相勉策之。 髓之痛苦。高麗臺灣之慘劇將徧演於我腹地吾黃帝子孫其將從此無噍類矣嗚呼此次 僕溷跡商學界中除離國之日不計外已有二十五年矣默察我國人之最大缺點卽無 權 抵制日貨之偉舉實關係我中華民國之存亡絕續者至大願我全國人士盡力做去僕不 統及無毅力然此時千鈞一髮關係重大若再如前此之虎頭蛇尾國其不國矣而敲骨吸 日人之殖民地高麗埃及覆亡之殷鑒其不遠矣乎嗟我國民淸夜思之亦曾有動於中否。 者 爲 何 如此項政策安知現在不施行 於我中國其他省分嗚呼我神洲大陸將盡爲彼 系

對於華商創辦交易所在棉業聯合會演講辭

今日中 織 題不敢不言僕紗業中人與棉業有密切關係更不能不言然有兩事不能不豫先聲明者。 上 海棉業交易所。而抵制日人擬設在上海之三品花紗布取引所此事為同業生死問 華棉業聯合會爲組織上海交易所事約僕蒞會共同研究僕係棉業後起對於組

言論。 僕今日所發之言論並非攻擊何人亦並非 而僕發揮此言論。 並非 欲插) 身其· 中藉謀位置。 阿諛 何人但盡我良知發揮 此兩層意思應請諸 君子 本 問 先行 題 中 注意者 應

年各產 也。 情形。 以 美花漲落 也。 花上市以前曾派幹員至各鄉調查實况否亦尙未 頭棉市消息有傳達機關否無有也問印度美國日本逐 色走相告曰市面漲矣。得一市面衰落之信息則蹙蹙然憂曰噫市面衰落矣市 員三數百人團體不可謂微小。每年交易爲數至五 中華棉業聯合會合軋花廠花行通崇海餘姚太倉七部分而成棉花掮客亦附了 如 所辦者官廳之文牘耳所備者尋常酬應之煙茶耳而數一 曲 上 外 地出數若干吾同業確認 所 人 述。 如何三品價格漲落如 (之口述) 商 知自奮之情態宜乎商業 而定嗚呼商 有所見否無有也問 何。 情 東洋滙 如 此商 水如 戰云乎哉政 一蹶不振矣雖然及今圖之亡羊補牢尙未 何。 **外辨也問何了** 六千萬 由外人處一得潑起信則欣 出 口 貨 府 日通電報告花市否無有也。 兩營業亦不 不 百花商日日至洋行內探 有統計表否無 加 不逐項籌備。 保護更困之以 可謂 有 愈日乏經 不大問⁵ 也。 重 欣 問 屬 面 税。 之 然 此 毎 加之 聽印 濟故 中。會 漲 有 歲 問 各

初文 錄 上卷

爲 晚。 苟能 推 誠 相 與堅結團力。共謀挽救亦未始不能自衞 於萬 也。

章程 月以 觸吾人 爲只能 今者日 三品 中。 日 再 人 有 我 招股業 機緣 主持。 來。 國 如 取引所股票之踴躍。 不奔走京 耳 商 以 何。 X 目間。 千 辦 艇 能 無 人。 但受其壟斷。 我 分之一之股 理 將次第舉行吾棉業 在 與 如何。 上 諸 滬間農商部當局。 可憐 人 君 海設立花 插足之餘 無人 亦 子 可 在 仰其鼻 份售與 嘆 知 則 此 聚談否吾 相去不 紗布 心間日人! 悉彼認股者爭先恐後未幾已數及百萬以 地。 將 **洋華人**。 亦以 來貿 取 息。 中 可以道 應 引 如 **|交易所|** 所於是紛 1心甚憂不: え 易情形因 に 招五 設在 、故願 大連之豆市 干股現 運計 購千 上海 不能 紛設 識 · 股者 僅得 細 之三品取 也當數日前三品取 章未見知 在僅招 不自 諸 而 已荷 法 君子 藉 行 此 無從 引 圖 得三千餘股。 組 有 一二百股。 所內部? 益織途卽! 抵 何 取 制。 揣 種 引 感情 所 測。 組 批 君洽卿熱心毅 惟 引 而 上在 所。宣 種觖 准。 織。 事。 而 成 大 吾 飭商 立 權 心望情形。 布招 操 切 日 人 趕 示 諸 職 人 對 辦。 識 腏 於 方 務。 外 時。 力。 此 均 常 面。 其 以 由 接 後

保 夫 交易 證。 何方愆: 所之 約。 性 資雖不 由彼理處貨品 過 種 暖劣由 法定機 |彼定斷| 關。 。 但其任務 。 盈 虚 消 關 息由 係商 彼 况者 傳佈。 甚 大舉 此 外 凡關 凡賣 買 於 本 成 炎。 由

種 事 如 促物質之進步,助市况之發展。固貿易之信用完全責任均 ,由其 、擔負證 諸

各國 商 場 中不論何業。 皆有此一 種團體樹交易上鮮 明之旗幟堅固 之壁 壘 者 也。

姑不具論。 夫我: 曾反對此所之設置彼時政府與商· 棉業 中所受之痛苦亦已深矣鄕販紛爭無歲無之而 而吾華人所出口之棉花須受外人創設之棉花驗 經驗。 未能洞悉其利弊今日已 無 水所檢查之數年前商 法以善其後。 此 僅 對內之事。 矣。 X 亦

[人無何]

一明驗

耶否

之。諸 諸 上也。 耶現在日人將設立三品取引所於我上海亦以我商人之不自爲謀而後他人起而。 君子縱不爲自身計獨不爲子孫計乎諸君子其細思之履霜卽見堅冰之肇端勢有必 君子其試思之我國商人急起直追自行設立交易所能否已乎決定方鍼次第舉辦。 受外界之刺 激而設法抵制之次也至於受刺激而仍空言無補觀望 不前斯爲下矣。

至並非僕言之過激也諸君子其交勉之。

他 近日報載日本將退還賠款要求在各大埠建設紗廠鐵廠以爲酬報設取引所 在紗布業之第一步也設紗廠於各商埠傾軋我國紗布廠之第二步也花紗布業 亦 何獨不然茫茫大陸上之實業權能握在吾本國人手中者能有幾何嗚呼痛 於上 海。 如 此。

初 文

行業資· 僕仔 商人未知此事關係之重大(乙)我國商人對於股份公司鑑於前 份 有限公司詳細章程尚未刊行而各方面接洽者尚未能將此事原委懇切述 細研究花業中人認股不甚踴躍之原因約有數端請分別言之(甲)上海交易所股 本五百萬元事業浩大以一人獨當繁劇恐未能勝此重任。 車意存觀望。 明故 丙 各業

之空機關之 機 事恐難辨到蓋萬無此全知全能之人足以獨當八面勝任而愉快況欲以七大行業貿易 易所正式成立後再行定奪(丙)照原訂章程七種行業連倉庫業僅受成於一 而 并分頭詳細演講各本業生死關係使各業咸知本業交易所成立之必要(乙) 據僕看來此三項疑問皆不足慮也(甲)請原發起人協同各業重要人物釐訂各業細章 事實上容有阻隔。一時未能辦到則各該業不妨公請一 關聚於一處環球各國無此辦法故鄙見以爲各業交易所當由各業自行 論由七團體中各舉一人擔任收款彙存銀行非各團體代表如數簽字不得 亦未爲不可。 理事長名譽職設 組 **灬織之苟其** 理事長此 動用。 卽就 承 Ŀ 俟交

僕於此事呈文及部批尚未曾仔細研究然有一事請諸君子切勿誤會此次農商部批 准

其端耳幸諸君子量力認股成此偉業不獨本業之幸抑亦我中國之幸也。 非有私於己也。苟各業知自謀處君叉焉能越俎代謀故此事之主體在於各業處君特發 此 由 項交易所大可以抵制外人壟斷故不惜犧牲其寶貴精神組織斯舉實爲 虞 君洽卿組織交易所云云。虞君係原發起人資望才力信用道德爲滬商冠而虞 大局計耳並 君以

箴 國 民

予蹂躪 我舉國 交失敗陷我國於屈抑之地位者實我國民前 其私置國事於不問而後武 益信此言之不謬蓋國民爲國家之主體民德不競卽國家危殆之禍所由起國 先哲有言義勝欲則昌欲勝義則亡敬勝怠則吉怠勝敬則滅證之我國革政以來之往事。 人權者以一種有力之警告一方面追源禍始集矢於曹陸章輩人民與政府徒手 人民澈底覺悟犧牲一切置 人政客得逞其爭雄攘利之陰謀辱國喪權罔知羞 |身家於不 顧以救國爲 此不負其愛護國家之責任有以致之今者 // 前提。 方面 厲行消極之抵制。 離。年 民 而 來外 各私

錄 上卷

藕初文

十四

富强。 奮鬭愛國 學養未到。及有所假借者流怠氣中之欲念敗之相率而趨於自殺之一途或牽連而遺誤 **意務使若輩不得稍逞其奸謀則政海澄淸政治庶進於軌道我中華民族之精** 今後之大局,吾爲此懼,用特引亞聖願無伐善之名言爲吾國民勗。 民起而處理者至繁則今後應如何儲養其學力煅煉其志行淬厲其精神爲國效用。 小小試驗以勇於赴義敬以將事故爲舉世所諒解卒得初步之貫澈然時事糾紛待 塵依然禍國 利。 府惕於民氣之激昂。 然而國政腐敗若此除曹陸章三人外尸其咎者正大有人在自今以往步曹陸章之後 知多數國士決能服膺六韜尙義主敬之教訓以發揮吾國民報國之任 學子羣起 |殃民而毫無顧忌者未必遂無其人則我國民今後對於政府之措置| 爭持。商工各界咸表同情罷課罷市幾及罷工全國響應莫之能禦政 勉從國民請 求罷免曹陸章以平衆怒誠可謂國民 與政 府戰爭之勝 一務性 神。經經 更宜注 所患 以求 我國 此

屬。 績某某之夕如。 回溯民國革新後所謂大偉人中偉人小偉人者幾乎舉國皆是聆其言論。 然吾人試平情思之革政時喪失生命者不知凡幾此若存若亡之共和政體不 何遇險某某之役如何盡力傲睨一世一若成立民國之巨 功。 無 非斯人 非誇伐 知犠牲 其誰

藕

初 文 錄

上卷

在國諺有之日善捕鼠之貓不 痛 苦政局紛更民生凋疲皆發端 數真正 愛國志士之頸血之心力而得之彼紛紛擾擾者徒促國家之命運增進 善鳴然則以有功於國自鳴者其人格亦可槪見矣鑒前矜 於此伐善之一念故予嘗謂此種偉 上人罪則 有之功 國 劐 民之 安

後吾人又何敢已於一言哉。

阿私所好。人人光明磊落始終恪守尙義主敬之良訓以蘄達救國之目的則我國前途庶 所得無幾而羣力之活動國譽之增高實足令人欽敬深願我國民本此强毅不 以救今後之難局,毋因循,毋驕縱毋偏激犧牲小己顧全大局不求名不圖利不涉黨 可欺相待。在外人間以無能力無團結相譏諷此次羣起力爭表示吾民族固 天職。本無功績之可言惟吾民以習於寧靜無擾故在己以安守本分自策在政府以柔愚 此次抵抗政府全國 一致無論男女老幼智愚賢否皆有所犧牲此不過 **心聊盡國** 同有之精 屈之 民應 神。 派。

箴青年

七十五

藕

有恆。 於每 常。 予年十七時嚴父見背知非 勗。 焉 爲成 予何 規耶雖然申報諸賢哲切望我國凡百事業能發揮民治的: 民國 立言綱要傳述『已往事跡足爲表率』者及 報宣達 社 如是已三十年。並無所苦但覺在在覓得無窮之樂趣人生不 會本此精力 年元旦 敢重 學無 、功耶且予素落落不克與世 人斯曷克當此予廁身實業界僅辦小廠三數家比之歐美事業家不 + 不成事 年。 民治的 **遠雅意藏我一得之愚乎故不揣簡陋將素所服膺之數大端。** 神於各學術上伸己願 海 無 積 申 茅 極的精 報 舉矣願我 館因雙十紀念特出增刊策勵共和意至美也擾攘 自立不足以圖存始黽 義牖啓國民願至宏· 舉國 周旋撫躬自問缺點 青年 水水。可 注意者 永 『跡其成 得不 他 此 斷之進步不 勉力學植提綱挈領愼始要終之主張。 尚多自懺 也。 功之史足樹圭臬以 次紀念囑予撰辭用 積極 論治 ·時刻餘 過 的精神使予進一言以 尚不暇安能爲青年 數 何 + 學術 寒暑 日依 與諸青年商権 及百 作南 廣策 十載。 耳。離 何 時 攻治以 (發並導: 一。豊遂 已成 事 針 學校 功。 者。 進箴 如 陳 足 而 噫。 以

人

治演進事業繁興雖然有事業不能

無組

織。

而組織

全賴

乎團結團力之固否即

事

之場亦無 己待遇之失宜。有爲之士。當引以爲大戒勿輕責人先求在我之所自盡願我舉國青年 敗之所由 事以誠苟或有力所不逮處事卒無不濟痛 判。 往 團結 而 非誠意感通之地我果 因 何 堅固 永久乎日惟恃誠意而 待人以誠卽偶 心國情者動日難覓三人以上之團 己,人與人交接間。 有 不如人意處。 人 無 /恆能相: 往 而 非 性 諒。 體。 情 我 而 忘自 果處 試 注 驗

意者二也。

力冀大成當 今之計惟有修養我定力。啓發我智慧增進 之十一齡童子耳於此短時期中事事欲求與歐美相 人心如斯政局: |機不問違順不懾| 如斯幾乎無一不令人失望而灰心雖然民國成立僅十年合今歲計之猶 不 **驕從容審處運**種 我道德鍛鍊我精神。 極的心思才力與循環起伏之困難 匹敵共和大業豈 應務不求近功不厭不倦。 如是之易就 哉為

不成 功 不罷休成功亦不罷休願 我舉國 青 华 注意者三也。

不 相 人 生在 助。 害 有 他 志之士。儲能 世飲食居處無一不賴人力之相助以 人自立之精 蓄力。 神爲限若不勞而得食爲吾人絕端所不許濫助 勿存乞助之心以求自立。 小例大國家社會之成立莫不深賴羣 自立 有餘 力當扶危濟困。 M 開 幸獲之 量 力助 **)**風。)風 力之

藕 初 文 錄 上卷

七十七

多數 情 德 色 無 咄 知 一咄逼 無 恥 心 是 是 非 助· 者於不自拔之途是鳥乎可此予所竭力主張 人者所宜 出。 善乎唐睢之言曰。吾之有德於人也不可 限 制 的援 助法門也雖然吝 不忘 也。 如

是而

後

可以言助

人願我

舉國

青年注意者四也。

有己不. 相 自 人 小 宙。 草滿· 1然斷除 各 忌。 由忌 有 庭咸 知有 二小天 起謗遂開 口 他植物何 性海始 孽祇求所以自立之道不 賴陽 /地安能逞 光以滋長甲求途已之生而 衝突徒知責 知。 性拓展 原無足怪人類素號靈物宜以禮義自制示異於無 人不 自己地位侵入他人之範圍逞舌鋒以誇人 、敢信口雌黃。 知 返省。 掩乙乙求遂已之生而掩丙互求滋長。 也。 紛擾由此抑 與人以難堪矣彼世俗恆情。 知掩 ²短表長怨憤¹ 知之物 者。 可息澄清宇 一一時心意。 同 名 情。 但 利 則

業所産 無 用 我 之如是立一 國 才之可用嗚呼人特患不知 土 廣 生物質胥人類之幸福。 人 衆。 可 轉貧 而 日患貧弱 而 爲富轉弱五 者。 無他多廢 勉為有用 無一可廢苟多數學 而 爲 强。 之才尤患不知利用廢時廢物作新業 人日 人廢時廢物而已人才爲國家之元氣。 求 事。 者明此。 而苦無業之可 急將向 所委棄 託豈知事 者。 日 時間 求 之領域 設 人。 法利 正苦 刀

原

自澄清

願我舉國青

年注意者五

苟知所以利用之。便覺一切時一 切處中都有賢者發揮之餘地又何必向 傾 軋上 討

極

耳。

哉願我舉國青年注意者六也。

思想也人自爲戰之無互助精神也喜自衒以市譽每傾軋而妬功使多少人才互 以造國家無限之福利果爾則十年二十年後中國之富强可立致而申報諸賢哲指導策 青年悉心問學從事修養勵行衆善 **嗟乎此**皆前人徒有才智而少修養之所致也吾青年其誌之使團某西友有言日中國現 不次升擢。某也一敗塗地。戾氣所在。殃禍踵至兵凶水旱無歲無之。蒼生何辜死亡枕藉吁 於積不相能之中。謗毀盛行流毒國家之至堪驚懼也若干年來某也富貴某也逃亡。 十年來擾攘原 民國十年紛擾無已我國豈 在無希望所希望者惟小學生雖然小學生能生而擔當國事耶西友此言乃希望我全國 勵於民國者至此可大慰矣。 因在乎見異思遷之無恆心也爾詐我虞之無誠意也因循苟且之無 無出衆人才特不知所以救之之道故成此不易收拾之局 斷除諸惡人人植以一抵萬合萬爲一之大願力羣起 相 某也 消滅 積

藕 初 文 錄 上卷

今日青年之任務

羊補牢責在今日蓋來者雖 欲 年 價亦稍有區別諺云。青年時代之光陰如黃金幼年時代之光陰如白銀。暮年時代之光陰 抵萬金凡善用今日之時 此 惟 芍斲喪其道德 而 如青鉛以終身言則青年時代之光陰爲最有價值之光陰也但同爲青: 者因有純粹之學問道德 無限之缺憾者惟賴今日。 問 青年會所能 爲 成效昭昭無煩贅述予今不爲青年會進若何之讚辭而僅就青年自身乘時進取 罪 過往。今日之所受者是欲問將來今日之所爲者是往者不 徒或有孤陋寡聞 也蓋青年會乃陶鑄青年之機關 學問 及體魄者斷乎不能嶄然露頭角於社會中也夫青年之所貴乎爲青 `光者皆默許其然也雖然人生於世皆有今日而今日每刻之代 而爲蠢漢或有體質 耳然而誰能 展後此無限之希望者亦惟賴今日今日之代價一 可 **追**。 未雨綢繆惟在今日也今日之爲時雖至暫。 栽培青年德性才智魄力以成完全之人格: 虧弱而爲病夫其何故邪蓋凡在青年之時。 也青年會之有益於社會國家以及 可諫來者猶 年或有放僻 可 刻之微足 追。 但 |欲補 然 者。日 邪侈 世界 而 前

思 維 之鄭 重 提 出 今日青 年 任務 之一 大問 題。 爲 舉 世青年 告。

歷 貶主 又富工業原料。 擴 宜 奈 中 況 可 H 身 膺偉 刼 國乎寶藏 展 剷 日 何。 以 乎 得 爲 販路之中引領 世 年。 此 不 礟 除。 - 磨之大業。 /奴咎由· 權謀 界大 轉 大 彈 不 穫。 使 知 相 瞬 不 命。 無 利 見酷烈之戰 戰 白 獵 術 一數之行 | 髪 改 量為 取之 自 用 入 爭 不 已告終· 此 前 可以 時 取。)無禁。用: 機。 造自己 湔 全 新 不 几 見古 爲。 球 世 滌 顧。 得 界當 争雖告 以其誰爲 羣相 求 總。 止 數 視 命運。 人。後 千年 線所 之不 矣。 建 不 設 漁 屛 知 竭。 野 棄。 之積 集注。 終經 際 與改造世界命運胥從汝 者之罪言非 汝 不 世界百貨之最大 不 見來 身 有 可 和 平空氣 互相! 以 爲 恥。 濟 大 衡 /勢所趨: 者。 發揮 全球。 聯 得 世 界 盟。 如 提 魚。 青年人 其誰 中、大 攜以 所 和 此 無 不 奮發不 責 非 有。 限 平之戰爭 八排洩地 謀實 (有吾人) 更當 深閉 任。 量 能 乏光 出最 口 均 裏 進 固 可 知 在 大之貢獻。 吾千 榮擒 棲息 之建 以圖 者。 已 小 所 世 拒 非 界 開 機 應 可了 議。 中 億 拏 始。 出。 爲 我 地 存。 乎日否否 汝 此萬 而弱肉 蹉跎 青 中國 休 干 事。 轉 所 養 我 年 補 年 生息於振 ·之雙肩青空 一乎農產 蹉跎。 念 古 有。 不 人 瞬之時 蕳 自 手 間 不磨之公例 强食之計 不然不 爲。 缺 無 人 斧柯。 (憾者: 既豐。 夀 L 機。 始 興百 幾 年 · · · 沙 爲之 代 何 創 非 礦 耕 畫。 謀。 藏 也 造 我

稱 初 文 錄 上卷

八十二

已詔 美國 |威邇| 示 汝 前 遜 總統 矣今日最大之任務已來 單軌主義造成光明燦爛之新事業爲全地 汝 前。 幸勿 遲疑 觀望一任大好 球 人所馨香拜倒 時機 之逸去請 者之祕訣。 進

一頁周容迢退及之意生)與靑年諸君論今日任務之必要。

步

一須陶鎔超越羣衆之德性

夫。 吾其 吾其 貪鄙 奢侈乃自滅之媒吾其救之以樸儉蹉跎 皆 刻 欲築莊嚴宏大之住宅必先奠定至堅實穩固之根基德性者乃人生堅實穩固之根: 薄 可 教之以 以 救之以誠實傲慢乃集矢之的,吾其救之以謙恭暴戾乃孤立之階。吾其救之以 乃召 乃殺身 俯 仰 禍 貞 之漸吾其救之以淸廉鹵莽乃 無 之機。吾其救之以 憾青年人欲爲 恆紛歧乃致敗之門。吾其救之以專一、輕浮乃必傾之 仁恕具此 今日任務之準備不 人 乃 人格無論: 自戕 之刃吾其救之以精勤詐欺 之由吾其救之以愼密厭 可不 入 何 方面。 首 在 此煅 皆 nl 以 煉德性上下至大之工 水乳 兆吾其救之以深沉。 交融。 棄乃 乃取亡之途。 無成之證。 任 孰 和 基

一須儲蓄建設事業之能力

慮中覓出 經驗僅 之前途最寥闊何者與吾性習才能最相近何者於吾聲應氣求 與言辦事之要旨世界可圖之事業無限量未下手前宜先熟審何者爲社會最需要 大地位即因之而 與艱難戰戰勝若干層艱難即增長若干分閱歷造出若干分成績信用卽因之而逐步 事業家初入世時類皆不憚艱難不避勞苦不辭地位之卑陋不求酬報之豐厚竭智盡能。 事者。除學識經驗外信用問題: 擬 物 議 辨 切事業皆須得富 育。 之事 事能 而不能建設有學識有經驗苟不 有實在經驗而無專門學識。 根 業家建設之事繁扼要言之可分爲四時期者調查若組 具有前述各種之德性以及上述造成信用之諸定例即 力之所由出凡有兩途一爲 據地擇業旣定而後可以言進取進取之途亦有二一爲佐理一爲建設。 逐步加高此古今中外事業家成就大業之不二法門也審 有辨 事能力之事業家爲之主幹而後一 尙矣雖然信用非憑空可獵取亦非旦暮可幸致故篤· 叫 爲各方面所取信斷乎不能據 適 小就而不可大授僅有專門學識而 用各該業之專門學識。 切事業賴之以舉此 中最適合即從 一爲處理各該業之實在 織若開業者拓展均 得步步成 有活 無 動 地位則 功。 實 乎此然後可 此 在 經驗。 精 主 爲 欲集 佐理 志之 卓 何 幹 然 者 擴

耦初 文 錄 上卷

藕

業 建設家必不可缺之程序予也插足棉業中請就予在棉業 中建設之大概為青年

約述之以備職業界後起之英之隅反。

額與消費的 其 調查 數之比較以及歐美各紡織廠之優點內國各紡織 上所有之事如原料之產區出數之多寡物質之改進輸運之利病全世界產 廠 之弱點凡此種種。 皆實 地 出

考求至了然於胸中確有把握而後已。

會需要 其次組織 要之種別勞力供給之狀況工場氣溫之調劑發動原力之取 上所有之事。 如 地盤之規定經濟之概算建築工程之主張機械能力之研究社 舍保持拓展 成之豫計<u>。</u>

外不 測之防備凡此種種皆精密籌措至毫髮無憾而 後已。

衆 叉 則 其 次開業 待 遇 以誠收臂指 後所有之事如處事處羣方面。 相 聯之實益受時事 定權限 影響措施不 則 部 亂。出 分淸劃俾各知職責之當 百 折不 一回之精 神任局 專對 外試

破 坦白 人 情物 無 理。 私。 是非 無內部糾 一豊容 紛 混 視。 之現象覷 取當 機立 準出路來源買賣 一斷之施 爲。 勿謂言之匪艱行 白有 權 衡。 總持穩健不搖之態度看 之實難。 凡此 種 種。 皆

予承受資本家付託以來夙夜非懈以自 勉 策。 而 行之有效者也此外如出品方面。 以 質 地

業務之要圖。 設 收力原有一定之限度吾不善供給人必代爲供給之吾國工商 殊 展 揮已有之局勢補救現在之缺點而力圖開發爲世界各國工商業家惟一之方鍼故某地 之自殺政策耳。兄乎謀轉輸之便捷望原料之低廉造費務使其減輕銷場力求其增廣發 慾望。他國人必代爲滿足之。穴空則風至必然之勢也故言保守而不求奮進者乃實業界 嫌。 ^{展者}必其在 且待時 二總行。 用 則 達未有不節節 不可掩之事 戸滿 剔選 何。 ···意·當· 機。 拼合之不苟以信行言則尺寸分量之必準以聲譽言則色澤韌力常令販戶無 地點之當 無幾何時某地某某地又設置若干分行以擴張其營業之範圍。 兩俱不 但此中有兩要點一爲人 原有地盤上措施不甚適當事業不 實也最後則爲拓展上所有之事不進取則退休不擴大則收斂蓋人間 事諸人。固類能赤誠自矢然以管理稽核上言之兢兢業業到底勿怠則 進行。 否則尤視乎主事人胸中有無智珠以爲斷。 得毋寧守拙至於拓展後功效之若何則視第二三步 如軍事家力尋優越之陣地者雖然最後拓展固爲工商家發皇其 才問題一爲財力問題兩者具備進必有濟。 甚發達者也苟措施旣甚適當。 非可按圖 家不能滿足吾國人民之 及後此 |其不能從事拓 m 索驥此 事業既甚 所占 如 失其 地 吸

業然辦其他 良朋至戚必開除 昧。 今日 物 不 地。 不 真才不失於交臂邇言好察下問不棄夫芻蕘事前必豫算不 則爭之不使遺誤於 各如其性以諒 他 未易 間。 憚 遺過誤於再四事機已至不觀望以因循意嚮宜 不涉足於政治之旋渦尊重公財不 如材各有短長不持成見各稱其材以用之則 真 世 煩 界 肝膽 勞。 中 必 開誠以 各 揭示也一言以蔽之事業之榮悴一視乎當事者辨 所 之。則 事亦 由表 不納浸潤譖言攻訐之風不啓不受苞苴請託鑽營之輩不 高可 何獨不然引伸觸類變化無方胥在乎建設家之活用其 見。大 相告任誰投信 大局聯恩義則不立屏藩雖機匠木工可共席定處分則 左右無難處之人人有善可揚則揚之不失直道於斯民人有 以 功 忽諸。 業所由 成 則 芍焉以挪用·愛惜零物不一任其 就之惟一 不 情紙 墨 一必隨答 俯仰 徑途也我青年諸 再不 無可棄之材。人各有習性不忍苛 兼營而 而 勿稽。 致竭蹶於臨時事後 凡此 並 事 君。人 騺。 能力之足否嗚呼辨 1種種皆吾 不置身於投機 人欲 消 耗。 來片語 不徇 有客就 心才 有所 人 情面。 過當 而 必 建 應 付量。 立 談。 之險 事 商。則 接 雖

青年

乎天不生吾人於百年前關山鎖閉之時代天又不生吾人於百年後政教修明之時

爲誰中堅人物福國益羣係汝責任振頹起衰係汝本務願與吾舉國青年交相勉之。 代乃偏 腕千載難逢之機會。已至汝跟前百年不朽之事功卽在汝掌裏今日何日萬金一刻青年 位所操之業務。發揮之光大之。盡汝應盡之天職爲舉世青年立青年人格之標準。去其倚 賴他人之謬見而拏定希望自己之決心,更去其坐待將來之迂計。而實施利用現在之敏 吾甚望吾全國青年。各就所有之地位盡汝天職。吾尤望各地青年會青年。各就所有之地 乎浩浩前途造詣有誰敢汝限冥冥屬意使命已畀於汝身今日青年之任務關係至重大。 炭非常紛擾之中國雖然困厄者幸運所從生憂危者聖明所由出吾青年而果不自菲薄 之歐羅巴。天又不生吾人於主張正義人道之美利堅乃竟生吾人於共和草創後生靈塗 生吾人於廿世紀初葉生活競爭非常酷烈之時代天不生吾人於連年血飛肉搏

派遣女學生出洋遊學意見

管 氏有言一年之計樹穀十年之計樹木百年之計樹人人才與國運有密切關係古人已

柄初文錄 上卷

八十七

特以 先我 進在 舊人 計及 在需才於是乎派遣遊學之事起。 才馭新氣運恆 矣吾國自海 通以還與外人接觸步步退後至近年益形窘迫非吾國無人 一有不能從容應付之憾近二十年來時局愈艱難。 實業 愈消 才也。

至近 人至民國三年,明回國時留美學生已增至八百七十餘 達千人。此僅就留美學生言之耳,其留歐與留日學生之盛更不待言矣。 年出洋遊學之士益盛憶入年前卽前淸宣統无年明在美時留美學生僅有百四 人視宣統元年。已增六倍有奇聞

蠢 費生 務 留學生分自費官費 者。 義 務者。 有幾 回國後定章須任義務官費生畢業回國者已大有人在其由政 何人舉不得而確 有幾何人其 回國後政府了 兩種自費生畢業回國後任何職務姑不備論今祗就 未 由政 知之吾人之所知者。 府派任義務。 而由本 **示過少** 人自盡義務或迫於處境勢不 世所用者或能· 數急於就事用非 府 派 以相當 所 官費生言凡 **冷學之人。其** 能 職 虚 任。使

造福 盡 務。 於 邦 或 力有不 家然由實際上觀之脫離宦途獻身社會亦寥寥若晨星吾人之所確 遠不能盡義務均之用 其所學 也。即 使長 才 短 用循序 漸 進。 展 知 布 者。 其 抱

數

新

人

才畢業回

不之用其懷才

而

深願為

在

社

會

事

業上。

高等人物無所事事覓一地位難如登天使各人自己之大好光陰與國 **図家前此** 輩 出

大學費舉消磨於無何有之鄕亦良足痛已男學生且然又何論乎女學生。

雖然社會新潮流方層出而不已出洋遊學亦新潮流之一種前此之新潮流爲派遣 生後此之新潮流爲派遣女學 社會無數之金錢實際不能收幾何之效果。是空增國家社會之負擔而已於福國利民乎 此新潮流大足以福國利民如其不能盡爲國家社會效用。 生有此潮流既經造就之人才如其盡爲國 則此新潮流徒足以消耗 家社會效 用。 男學 則

何 有。

子苟無高等學問將來辦學不免起幾何窒礙之處。 今請就派遣女學生言之彼提倡女子遊學者以爲女子天性與教育事業有巨大關係女

然則競言派遣女學生矣而其未嘗出洋以前如何堅立根柢如何十分預備。 文學程度。既不甚關心更降一步叩其所習科學之目的若西文也若美術若家政若醫學 者以故被派遣之人。西文程度到彼能卽入大學與否不問也國文之程度更不問。 也是爲最普通之目 的故占數爲最多其他有裨於自立立羣之新學術男學生有視爲畏 則罕 ·有計及 也。 中西

帮 初 文 錄 上卷

八十九

藕 初 文 錄 上 卷

途者固不 得苛求吾女學生。

玥不 敢謂女學生不應派遣留學惟以中國金源窘迫。上下交困之現狀言之覺此舉大可敢謂女學生不應派遣留學惟以中國金源窘迫。上下交困之現狀言之覺此舉大可

從緩耳請進言可以從緩之理由。

女子讀西文非急務即西洋音樂圖畫等美術亦非甚急之務夫音樂舍學校與會場調節 外不過求家庭間之歡感而已然中國自有雅樂如古琴等精其藝者可以驚風

鬼 神。 此項國有絕藝反弁髦棄之偏讓日本音樂專家銳心研求起承斯乏。 心神

者於家庭之布置兒女之訓育以及凡百工業之助進於女子獨立自助事業上有無限之。 西 畫長於寫生與我國畫術之重意匠略天然者相比較固大足供吾人之研求得其神致

作 用然擲國家巨萬金錢而僅易得此戔戔之美術似已得不償失況學焉未必果盡盡爲

未 必果用則 不值益 甚矣。

若家政 烹調 裁縫各學術國習旣不同施行卽不適假令爲自己家庭作歐化計種種設備。

耗費多金生利之程 至於醫學爲進化國 度未嘗增高用財之數日隣於豪奢是自趨窘境而已夫何苦而 重要學科人民之程度既高生命之防衞益急邦人士苟由是竭 力注 出此。

我國權之事可以斂戢是醫學之研求固宜急急然而 重家庭衞生公衆衞生自治事業則必隨與俱進則他人雖挾蠶食野心以來而 女子學此須得終身守不嫁主義方 藉 口 以蝕

克鞠躬盡瘁造福人間否則所結之果能有幾何。

思想非有國 求之現在欲覓若干中西兼長之女界人才恐不多得。 他國精華僅有國學根柢亦有所未能必也兼有極高深之西文程度始能進彼大學然而 更進一步言有高等學術之女子方於社會有關係然在社會上作事非有思想不 學根柢不可國學根柢既深方能吸收他國精華以補養內國之不足欲 一可欲有 吸收

學業旣告大成一 計是一人學費須備金錢萬元藉令中西兼長之女學界人才旣得每人萬金之學費旣備。 云云。求之男學生中。尙不多得而況女學生乎。 即萬一得此中西兼長之人才遊學耗金卽以留美論歲必每人擲金二千元卒業以五卽萬一得此中西兼長之人才遊學耗金卽以留美論歲必每人擲金二千元卒業以五 旦回國必在國家社會擔任義務始有裨益然獻身國家社會擔任義務

由是觀之。浪擲內國多金僅代獲一女學士頭銜而已雖得與外國女子相媲美而實際則

無補

藕初文錄 上卷

然則 也。 以 可 金 歲 一錢多設若干女學校使一般女界俊秀、共增知識使我中國國家社會實際受益之爲得。 一日緩者屬之女學界之普通教育因普通教育最適用於現社會最爲社會所需 派女學生十人出洋遊學投金錢二萬元於不必收獲效果之鄉誠遠不如節省此項 女學可不必急急提倡乎日否否不然女學之提倡實不可一日緩惟拙見之所謂不

玥並. 學生一事。誠非當務之急故發表拙見求教育界相與研究而討論之知我罪我舉不計也。 要所缺乏之學術有若干種及到美後見一般學子所學者大半非國家社會所需用之學。 經濟力充足,有一不足即以從緩爲宜明未出洋以前涉足社會多年確見國家社會所需 回國後已一年有半。益痛心於幹濟之才之缺乏培育之力之不足照現今大勢論。 非反對派遣女學生如能在派遣女學生出洋遊學時第一中西學問程度充足第二 派遣女

質業上之職業教育觀

我 職業教育社舉行第 一屆周 年紀念大會承黃任之沈信卿 兩先 生推 重囑備 演 詞。 固

不獲勉將鄙見所及者爲諸君子揚權陳之。

夫職業之解釋有二一就人事上言之凡社會中人各出其本能以就多方面謀生之途統二、祖子是一人,以外,其一人,以外,其一人,以外,其一人,以外,其一人,以外,其一人,以外,其一人,以外,其一人,以外,其一人,以外, 非新名詞即孟子所謂古之人修其天爵者是人不論託業何途對於所立地位皆有發達 謂之職業如農人之務力田工人之務勞作。商人之務貿易等皆是一 其業始終不遷。一則徒爲餬 定之行客則吾人於其所業之業當以行業名之職業與行業之異點容易區 裏隨意變動視自身 其業務之天職必如是方可以無愧乎爲職業家世人不察以致無專業常遷轉在事 之地位此蓋不以泛泛之職司視之。而確認自己對於所事有絕大天職在此天職二字並 上 且 百業之衰敗。胥由乎此凡若此者。鳥足以職業家之徽號字之其人對於所業旣如去 無 以 論 其時常變動。 何種微細事業。業之者皆得提起其精神發揮其能力擴大自家之責任增高 故 不 如旅客對職守如傳舍不負其應負之責任不盡其當盡之心力我國 暇研究本業盛衰得失之原因無研究故無進步其能力之薄弱如 口計。 惟利祿之是求此 外概置 不顧其居心之不 就天良上言之世界 良固 别。 一則久於 無 待言。 業場 所業 來 無

柄初文錄 上卷

出 轍。 嗚 呼以爲謀不忠無 甚進步之行業家尸位於百業中陷百業於頹敗處此生存

爭之時代。倘何有保留殘喘之餘地乎。

遠 振 面 願 乎合全國 播響應 、興實業。 進 教育界之提倡職業 行 奈 湛捷。 各學校共入 救 何。 卽 濟 **吾人提倡此** 無論舉何 現社會困狀之呼聲日高振興職業教育力謀實業發展之主張 於職 教育者從實之一方面進行。勿從名之一方面: 事業行實地之研究是也。 職業教育說僅及一 業教育之一途矣何君子豹變之神速也雖然名者實之賓竊 載。 職業教育之聲已洋洋乎盈 進行也從實之一方 耳幾幾 致。 風

之關 不耗 僕 商 查。 以 紗業 中· 廠 取最善之處置。 費材料。 之管 業家 係凡處理其事者又鳥得一 理方法。 應盡 人 也。 且能愛護機件尊重 芝天職。 請以 亦非常 舉凡原料 √紗業論: 而改 重 良物質。 要全廠工人至少有千人以上。 出 欲求紗業之逐步發達得永立於不 數之多寡品質之優劣以及社會需求之狀 日疏 廠 規。 振興農產亦屬 忽之。 惟 日孜 孜。 心工作彼微物細故間。 一秒業 中人 如 何 所應注意之 敗之地必須行 而 使各工 (況)動 往往發生至 二要事: 人不 空費 精密 盈 此 劑 待問。 芝 外 虚。 如 固

要必一 **顚撲不破之地**振 至於製造方面。 在準此手法以行之實業救時之主張始克遂然而 而 如傳舍視自身。 棉業之發展隨之矣互相競爭互相進步循環精進靡有已時夫然後 無憾。 了如行旅而了 然後銷路日暢而信用日厚苟其一廠如是各廠皆然則 如何使造費節減以增進事業之繁昌。 興紗業之道如是振興他業之道亦 不知責任者所能爲 力歟。 此 種 何獨不然如凡百農工商 如何使出品精美以投合主顧 種 大問 題豈彼遊移不定視職業 我國 文明之競 2秒業立 礦各業在 争 定於 斯起。 之需

叉爲一 育之事業活 至於教育事業亦何莫不然夫教育二字含義甚廣須將教育二字分別言之教爲一 見容於實業界所如 課堂外誤以爲責任已盡無所 育之爲業不尙 談 何容易然惟其不容易愈不 事育成之一 動之範圍。 口。而 事比之教授事項尤爲重要鄙見以爲教授尙非甚難 **尙躬行不限之於講堂以** 輒 西諺 左。 謂世 絕其生活之途也智慧學術。固不可少然立身處世之大道 事 可以不講求。 界爲大學校不其然歟乃世多忽忽教育界中 事去育之本旨遠矣宜 內而講堂以 小學重育高小以上諸學校。 乎各學校所產出之新 外至廣至繁之地方。 亦未嘗不重育。 之事至育成之 人。 往 在在 人物。 事。 皆爲 往 不能

文 錄 上卷

初

九十六

尙 者一一進求無復遺憾然後可以與人角勝於市場否則人巧我拙人賤我貴吾未見其 美如何方合用戶心理。如何可以不浪擲工作時間如何可以不耗費各種原料必於此記 豈知製造物品。非但僅求其能模仿物品之形式而已更須精密思考。如何方能使出品 諸生表率隨時溫習研究毋抛荒舊學業更吸收新智識如是以言教育庶乎近矣有此篤 業旣身任之矣則必苦心從事堅持到底勿起遷動之念並宜隨時保存穩重嚴肅氣象爲 今日 濟也雖然果使如上所云一一辦到尙屬職業教育上表面工 育範圍是蓋彼輩但知教導諸生能製出諸種物件竊自欣慰以爲已盡職業教育之能事。 志教育家庶可以言職業教育然尙有一層之誤會足爲職業前途障礙者即狹視職業 成效之可言鄙見以爲 在 其裏面 要務。 得 而 更努力育成其耐勞習慣持久性質克己復禮工夫斬除一切巧取倖獲之觀念。 然教育界中 忽諸。 裏面云何卽除上項所云各要點一一辦到外而對於灌輸此 但欲求 ·人往往輕視職守雖認教育事業爲一 脚跟 不應泛視教育事業爲一 未定之教員培成實業界需要之人才島可哉職業教育確爲 種職業當以一校中事爲自己確定之 一夫而真正職業教育之精神。 種職業而見異思遷致無何 職業 知識能 有 數 力

知。 諸 急須 否適用於實業界能否挽救今日社 由於缺少適用人才並缺少獨樹 界不問汝爲誰但問汝能作何事竊謂此語非常適用於吾國職業界吾國各業之不振皆 左右國運之大權現時之紛紛擾擾皆前此舊教育之遺孽也由是以觀則今後之人才說 無多也人亦求自奮而已孔氏: 之餘地人日求事事日求人在失業者方嗟嘆活計之難尋在事業界方憂慮需要 夫然後職業教育始進於完美無疵 於莫可奈何之窮境吾則以爲 君子多賢明職業教育採何方針當胸有成竹無待鄙人之喋喋矣。 注重之一事。 而確立斯業之根基也社會生計 有云不患人之不己知患己之無以見知於 一幟之人才耳教育界諸君子實負勁削 之地步。吾知諸大教育家當確認 會生計之困狀則叩諸今日教育界造因之如何 不盡然凡真有學識經驗者。 日益 迫促世· 人每以 社會之中正 斯言為 (生活途窮) 人才之重 人也西諺云世 多斯 職 業 人 教育 時 勢逼 任。 而 上

歡迎美使演說辭

藕 初 文 錄 上卷

藕

九十八

時。 同 以 最 轉 如 人 各 所 賴 好 而 許 貧 H 人等數 所 以 機 力 得 有 退 本 也美國退還庚子 **华業之發展**。 之人種 爲富。 敬 還 會。 博士 高 報答美國 犧 深 牲 我 學成 仰。 轉弱 使許 聚 當許 適 學問發展工商百業者正自有人立國以工商爲本我國得能以發展工 國 私 **庚子賠款** 因 掌康乃爾 利 歸 堂。 **.博士任** 爾滿 日夕惕 之人 爲 國。 者 退還庚子賠款之德意 在此。 一爲國 强。 (才。起) 循 賠款俾我國莘莘學子貧笈西渡學成後爲祖國效力會員 視 博士惠然蒞會同人等不勝慶幸許博士 家社會効力。 康乃 種此 流溯源豈非美國退還庚子賠款 厲無稍懈怠。 結果者在此。 大學退款植 曩者留學美國時。 而 爾大學校校長時。 良 挽 因。 救之人貴自立 獲 此勝果。 前 秉母校良教 今日聚首一 材原動力發於美國之教育界而許 途希 也。 校長 奮袂 望正復無量。 與學生之歡聚正復相 本會會員 耳。 訓。 堂其歡欣鼓舞爲何 得失何足論 而 起者。 不驚虛名不營私 中。 當不 他國 而 有多人親受教誨。 有以致此 願我同 乏其 學問 不 乏深 道 入 德。超 同。 他我 識遠見之士見 利。 乎當退還庚子賠款 如 人奮力作 其情義 勤勤 也。同 博士爲此 國處此 出 今日蒞 懇懇注 人等得 凡 和学 流久為 :去報國卽 中因賠款 一商之故。 時代。 事 美國 此 主 力 爲 會。 與 於 良 張 何

予之木機布業觀

邇 來花價昂貴幾及一倍致本機布銷路頓行停滯閉門歇業者十居八九貧民生計大受

障礙良堪浩歎。

各 减 查 粗 交戰國截留棉花作火藥之用三也以此三因而中國花之運往日本者驟然激增歐美 少而來源不足。一也印度盧比不易購買中印問匯兌頓生障礙致印花難以收買二也。 此次棉花昂貴原因美國花印度花運至日本及中國者因潛艇爲害運費奇昂致噸位 布 進 口甚少而日本又盡力供給布疋於俄國以致中日兩國存布甚少布少則布價昂。

稍 紗 花價 留原 料。以 亦隨之而昂此經濟學中不可逃之公理也買空賣空不與焉。 維持棉織事業此類乎一 種慈善家之主張不合乎商業通例言之非艱行之

玥嘗以爲 艱身 一大憾事。 其中者自能喻於此旨因絲繭出洋過多恐礙本國綢業而設法限制絲繭出洋。 蓋出 口貨金額逾於入口貨金額其國未有 不 興盛者反是未有不衰

維

初 文 上卷

九十九

百

獨 敗 者。 不然乎盡力提倡植棉改良並請求地方或中央政府扶助之此其 限制 絲 繭出洋之消極抵制不如提倡蠶桑之積極進行爲 愈也絲業 ·時 焉。 如此棉業亦何

雖當 所以 代之應用三二線者勿以四二線代之尺寸門面 其學力精力能力: 更 有 遲遲 進者商業以信用爲根本苟布業製造家力顧大局保守信用應用雙線者勿以 此 風 不振 雨飄搖之時或無難樹立赤幟也維持云乎哉維持之聲不絕於耳鼓此國貨 乎。 以袪除積弊整理廠務務使人無廢時工無廢料日夜孜孜以從 分量皆有準則。 不以價賤 而參差之且 事 於斯。 里 之 紗

辔 於中國實業破產之感言

國 讀 不 得已至於破 興辦實業已二三十年矣凡百實業在此二三十年長時期中當能堅定 九月二十五 產將二十餘年之老廠出售於日商嗚呼何其言之傷 日滬上各報所載前某紗廠主某君復總商會函謂其受內訌 1 而 根基而 抱 有餘 外患之影響。 年 痛 來各 也。 我

受此次歐戰影響以致一 識會盡此商人之天職否歐戰迄今已四年餘百物昂騰倍於曩昔我國工商界往往藉 我實業界諸巨公對於自己事業之生死問題宜如何其經 復顧惜售諸外商者。年不知其凡幾政府雖不良對於內國工商業放棄保護之責任。 則 言振興實業,亦且難於登天雖然平情以衡之我國實業失敗之原因是僅內訌之爲害已 融因之以枯竭。 自有公判無煩予人之多言矣我國自辛亥以來戰鬭頻年內訌 政策日日言維持。日日言售賣以中日兩國之工商業家之程度及學識相比較良心以內。 則反是言進取則缺乏邁往之精神。言保守則並無堅實之壁壘爭出其不謀而合之 時之機會發展其 又設置實業廳以策勵之實業之振興又當乘時猛 何 如。 其基礎堅定嶄然現頭角者爲數雖不少其始而請求維持繼而宣告破產終 細推 一敲而恍然於我國實業家之所以失敗者厥有四大端(甲)以實業界老輩 不受兵匪却掠之慘禍即受苛稅纍加之痛苦百貨停滯羣商束手今日而 內國實業至於極點。金源滿溢大有滿谷滿坑之概而我國之工商業 蹶而不振然而日本之大小工商業在此歐戰期中利用此 **進而環顧我國實業界所呈之現象** 心如何其注力試返躬自 徧 地商業因之以蕭 問。不 自殺 千載 乃無 然而 索 口

有机 文 錄 上卷

時惟此 數於氣 營私毫 之爲 此 窮終至歇業此失之於倖求者四也歐戰之於我工商業爲禍爲福言人人 之不顧惟私便之是圖股: 馬。 所指 迨歐 所 此失之於傲慢者一也(乙)購貨不問其優劣祇 項厄運終有盡期內訌因外資之接濟而烈一旦押無可押借 事 無精 前無 底止惟恐若干年後茫茫大陸上。尙能飄揚我五色國旗否予念及此不知予涕之何 意孤 無顧 四種 出之四種劣根 戰已終內訌已息各國工商業 運託去取之權於神鬼視貿易如賭博作孤注之一 神此失之於疏忽者二也(丙) 預算臨事無研究事後無覺察對於事物可以謂 行。 劣根性不識何日方能拔除淨盡有一於此卽足以召失敗兼而有之更不堪 忌此失之於舞弊者三也(丁)不從實際上立 習非成是雖有忠言不能納雖受挫折不能悟視 性尙未拔除則我國如許有望之實業仍恐輾轉 東血本視若糞土自家責任棄如弁髦買賣出入惟意所爲。 家且將重振旗 或則以侵蝕爲能 水其低克 鼓逐鹿中原苟我國實業界中於以 擲信用未立不知抱慚挪 脚專向幻空中捉摸望盈餘之 廉出品不究其良窳但望其脫 事或則以豪奢爲闊手旣大局 之爲無管理叩其身 司事如. 無可借閱牆羞 奴隸。 入於外人之手而 八殊無須贅治 待工 盛劇閉幕有 心可以謂 述。然 移術 如

從來 也。不 知我國實業家能否有動於中鑒彼前車而力求自拔之道也耶。

對於浦東電車公司之平議

會便利行. 車 事 Ŀ 軌道之密布幾如掌上螺紋凡城市中繁盛之處往往有大多數居民麕集其間。 見諸實行者所在皆是姑將此事一研究之。夫敷設電 尙能裝載大批貨物以助偏僻之區農工商業之發展,若電車則止能在短距離之繁盛都 生上經濟 一通行後。 與否報紙傳聞。尙未徵實但始則發緒言論以探我國民心理苟有隙可乘卽 海日日新聞及英文滬報載外人擬在浦東沿海敷設上南川電車軌道之消息果 東沿岸外人所 上至 人故電車之通行雖謂之僅便於交通亦無不可是故各先進國之城 地方居民每多由 工有神益。 設之貨棧林立其並無交通不便之處、概可想見即以上南川三邑論。 今浦 城市 東通 行電車 而 移徙 鄉間。 則何 如。 通行電車使居民由 非 惟 無以上所述之關係且其 車與火車不同火車 聚居而散處於個 自便利交通 %市中電車 但一 進一 地濱臨黃 步而 經電 有其 人 衞

初文錄 上卷

一百四

光遠 歲 大德 歐洲 務 放 體 欲 上 月創深痛 \$使其破產\ 敷設 議 國 晴 不 南 的 光爲期當 民之憤 川沿海 大思慮周詳何至再蹈前 會义值開 久將受大衆之屛棄。 帝國主義消滅之時則帝國主義 自大德帝國主義唱道以來。垂四十年。卒至窮兵黷武。塗炭生靈。歐戰結束之日。 規 水 陸交 畫謀 此 不 (三國) 慨 至不能贖回而後已况乎電車敷設後對於各種事業皆可由是節節 通往來客商尚稱便捷亦無通行電車之必要今外人不惜費千萬元 敷設電車軌道成立之日即上南川三縣主權剝落之始應之曰否否不 人國者亦然不觀夫某鐵路某公司及種種外 甚需要之電 也。 會之期各地方優秀分子日夕討論益國惠羣之方策對於此 不遠覘人 民前此 且上南 川 國者首當鑒及於此諒 由是羣情一致振刷 對於政治上感情冷澹之遺誤業已憬然覺悟現時 車軌道何其計之左也或者曰子迂甚矣外人之辨 人 八才輩出。 人之覆轍而求遂吞併之大欲歟況乎我國內 則對 之不能行於今日也明矣。 此剝 精神。力圖自衞以符立國之大經去陰 膚 不 「噬臍 致濫 切身之痛苦諒 使陳腐之吞倂政策。 人所經營之事業乎任意 東西各國外交家類 必不 所 政紊亂。 致於 事往 種 而激 有 重 大問題。 進行。 膜視。 之資 往 動 擾 翳 幾經 亦即 揮 有 我 亂 分 則 而 而

之。他一舉也不識民氣與財力之爭持終局之勝利果屬誰也願我海內愛國人士注意及准此一舉也不識民氣與財力之爭持終局之勝利果屬誰也願我海內愛國人士注意及 必有以弭患於未形而免後此之風潮雖然外人之見利忘害者方且挾款赴京要求 批

上海總商會近事之談片

聞所見為 爲 内。 惶恐萬狀無地自容本不敢藉文字以表示意見惟默念當此科學昌明時代凡事皆求實 際而上海總商會近日之紛擾主因。局外人罕有知者苟不明白揭出之則紛擾恐無 列會董之末因才識經驗均甚膚淺故就事迄今無何建白受會員之抨擊及多衆之非難。 上海總商會自發生佳電以來已閱多日矣不負責任者之宣言及報紙之評論於此時期 特將上海總商會年來所立之地位及會員對於會務之熱心本吾良心及就事以後所 幾乎無日無之而會員之能明其真相者恐無幾人非會員與外埠人士更無論矣玥忝 我國人道之庶日後對於會務之改革知所適從乎。

不初文 錄 上卷

一百五

辛亥以前。 國 非 袁氏當國鑒於往事不得不籠絡上海總商會爲假借名義地步於是乎上海總商會會長。 人。 有視會董之地位亦隨以加高者以故會董額數三十三名似嫌太少矣平心論之苟 會通電全國首倡贊成各省商會聞風響應淸室遂覆而上海總商會之名由是震動遠 倡行貴族主義故作此 各地方團體有若干志行合一 能注力於所覓之職務則會董人數有三分之一已足否則卽十倍此 躍 而爲上海道尹官銜煊赫而會長之地位因是而高淺識者流援母以子貴之成 上海總商會除行使其職務外對於各方面並無別種關係辛亥革命上海 論蓋吾人芍放開眼光觀察英美法德議員中之中堅人物。 之士。無不呈發皇氣象者可證明斯言之不謬矣。 製亦 (無所用) 及我 有其 例。 玥並

之僅富: 凡 歐 有四五 戰告終外人 於商業經驗。 國觥籌交錯聯絡友誼於商務知識 一挾全力以經營遠東商務上海實首當其衝而外人之在上海設 而未諳外交方略者對茲不免有難色矣。 外更須具有外交知識之專門 人才然 成有商會者。 則向

各 南 方面之來探察商民意見者頗衆而上海總商會介於兩大代表團之問應付遂不 北 議和時我國之大政治家大學問家及偉人 名士醫集滬濱而上海總商 會。 |素有虚

之新 缺少專門學識以致僨事會長會董不能獨任其咎也何則蓋會長會董皆會員所公舉向 然 使會員而能尊重其選舉權則愼選賢能會務當不致有隕墜之憂也然而 應付一切卽不能 意見紛歧討論是非研究得失本開會時所習見原無足怪惟據理辯難則可肆意 我國自辛亥革政以來民氣勃發思潮泉湧革新觀念亦如春筍之怒生第主張迭 及把持會務之說所由來也今幸會員覺悟日後選舉時當能一掃從前之積 務之謂並非爲人奴僕之謂 不可奴視當 口不能辭其咎者則違背商會法第二十四條再被選者以一次爲限之一 總 向 職 使 商會除依據商會法第十六條行使職 務亦日繁外人日求 僅 僅 對 事 付 而傷人人格 面 兩方面尙 面俱到矣此皆會長與會董缺少專門學識有以致之雖然會長會董。 擴張商業而商會之外交亦日劇於是主持商會者左支 非難事而對 則 也玥目睹此等侮辱知其不可以爲世訓故不嫌辭費而 更不可蓋機關之辦 付無數方面斯爲難矣概括言之自辛亥迄 務外又增加 、事人確係公僕然公僕云者爲社 加 國事 了外交兩日 項。 語故世 事 今日會董等百 弊歟。 日 非。 襲會董。 进。 而 謾 右 商 會服 罵 迻

初 文 錄 上卷

則

致

足法定-薄。 董等以不得開會解決一切懊喪殊甚會董等以爲此次改革會章實爲急務於是依 意方得決議。是故各會員當認定宗旨盡力會務度能收效設使到會者不足法定人 關係重大,照商會法第二十八條有會員三分之二以上到會得到會者三分之二以上同 會全體會員對於會務素具熱心此次召集大會實行改革度必有一致主張而變更會章 海總商會章程第十條第二項召集全體大會決定八月四日舉行解決重要會務玥深信 會而事前口君等登報設立籌備會并發三聯單通告此種舉動合法與否玥法律觀。 此次大會乃試驗會員是否真正熱心改良會務以到會之人數及會員之態度決之言行 口君口口等對於六十五人之團體。並無意見不過借此機會研究會員應守之範圍。 **山君口口等六十五** 無從懸揣然因此舉動引起口口口君等一百十五人之反對致臨時大會不果開。 顧古訓昭然願我全體會員共勉之。 人數而意見紛歧則此會雖開等於未開則改良會務之期望仍歸泡影故玥敢謂 一人以會長問題請求開會會董贊成之擇於七月二十六日開臨 數或 據上 念淺 時大 而 而會

中國實業失敗之原因及補救方法

大有研究之餘地矣。 言民族之精勤鴻篇鉅製斐然成章然環顧國中除外人之工廠日新月異及三數華人自 設之工廠外。竟無實業之可言。豈吾華人無振興實業之能力歟抑振興不得其法歟此中 範且編訂條例用資獎勵此外振興實業之論說策疏觸目皆是或侈談中國之富力或昌 中 國提倡實業四十年於茲矣竭政府之才力財力於通都大邑設船局建工廠作國

默察吾國社會之狀況、恍然見吾國實業失敗之理由凡八是否確當不敢自斷倘亦足供 僕不敏近十年來亦頗注意於實業抵美後東奔西馳於各方面細探新大陸致富之源幷

吾國人之研究者乎。 人苟有志於實業皆可從事要須得富有科學智識及經驗者主持之庶辦理較有把握則

實業學生尙矣比年以來歐美日本及本國之實業學生亦實繁有徒顧與實業無絲毫之

影響者何哉是其中得歸咎於學生者半而半由於社會無遠識政府無宗旨有以致之耳。

稱 初 文 錄 上卷

農忽而 夫求 國方收派遣學生之效留學生中注全力以研究專科而學問深造者固多然忽而 因政黨而改學科者矣此學生之目的不定一也。 學貴有目的隨性之所近譯定一科竭四五年之精力以求 叉改他科但求一紙文憑誇耀鄕里不從他日辨事上著想者亦頗不少甚有因 其融會貫通歸而貢諸祖 Ï. 忽而

事

此 習故實業學生中頗有不願在場廠練習者如此之人回國辦事眼高。 以全權佈置一紙廠 時間於試驗室然此實驗不過一小模型耳於場廠之管理用 歐美日本大學之實業科。往往學理與實驗並重故農工醫礦及各科學之學生費極多之 學生缺乏實習工夫。二 應用化學家於造紙製肥皂等法靡不心領神會叩其所學則津津而樂道之倘一旦授 或肥皂廠恐不免張皇失色手足無措矣且吾國 也。 人行政仍覺紙上談兵設有 手生焉得不生阻力。 人自幼養成懶惰惡

緊商人自顧 生在家平時受父兄師長之約束於他種社會少接觸迨遠遊五六年遄返祖 其爲何許人雖具大學問大志願。 一份不暇安能及於實業而集股難矣此學生缺乏社會信用三也。 而社會上之信用毫無所見加之商業彫零銀根奇 國。而 社

實業家所最應注意者則管理法是也而管理法之要旨則場廠總理應熟諳全部份之手 續庶幾有利則與有弊則革用人行政均得其宜歷觀吾國實業之失敗關於管理法者其。

故有三。

大抵總理一缺往往屬於稍有時望之人至於此人之於此事有何學說有何經驗不計也。

即無學識經驗而此人之能否專心致志以辦此事亦不問也總理與事隔膜而使事業失

敗者。

吾國人愛排場重情面一廠之設尙未開張交易而某部若干人某科若干人冠冕堂皇與

衙署相伯仲。一若噉飯之人不多事業不能振興者此失於過寬者二也。

間有苛刻之輩以扣減辛工爲能事但求有形之減省罔知無形之消耗蓋刻減辛工大非 工人之所樂工人而不能樂其業則惰心生惰則出貨遲而成本遂加重此失之於過嚴者。

三也

力自治尙不暇焉能治人即實業學生何獨不然受學時期往往不注意於此迨回國辦事。 且吾國普通之人,具管理之才者爲最缺乏蓋管理法卽治人之法也吾國人素乏自治能

初文錄 上卷

藕

覺左 支 右 絀處置爲難此實業學生味於管理法者四也。

點在 及實 游 不 融 之 荒寶貴 辦 種 才者除農學生尙能自用其才外餘則 而 貪逸惡勞人之常情而實業學生甘心操作於場廠者。 阻滯。 問 之感觸。 五者有一於此足阻實業進行而况不止於一乎然亦不能全歸咎於 光 辨 《業用當: 實業。 寵。 其 焉。 鐵路者矣欲其收效也。 至於民 道德 資本 當 之光陰作行政界之點綴品用非所學比比皆是有工業家入銀行者 -1-於社會之感情漸相冷淡或且趨重仕途爲 幸而告成心血已 其材。 學 牟 家 問 雖 生大計實非 以 前。 能 注意於實業亦 尙 力 非 社會之崇拜 如何。 其時而學生又與社會少接觸。 社會中人 及素所研 不過影響談耳此 耗去大牛。且薪 留學 有志未伸蓋吾國實業失敗之原因關 究者何可 生竟不 、夢想所及嗣後 非 政府用卽社會用今政 水亦薄每月百兩以上者殆不多見故不 可思議。 種 實業學生貪於逸樂致使實業 學問。 以 為 但願 且地 恐不 留學者日 其薪俸優厚不負責任倫於社 藉 方不 救 及伴數迨 中國 此 夥。 府遭此 靖。 得 之貧弱。 人品 號令紛更商業停 進身之階爲 回國徒受社會 於社 迻 多事之秋何。 學生也蓋所謂 雜。 惟 尖敗者。 **| 矣有農**| m 留 會者 學生是 留學 親 亦 暇顧 ·頓。 金 惜拋 生之 會上 有 五. 上種 也。 人

物質改良即建設之謂非歷年久遠安可以收改良之效今不期其久遠而 改良社會習慣夫改良政治及社會習慣動需數十年或百年改良物質何獨不然蓋 易 中人大肆其簧鼓之舌詆毀不遺餘力殊不 假使有學生於此改良工藝試驗農產品行之數年而未見效果。且間有失敗者於是社 則失望更易因失望而致灰心而實業界竟暗中遭一打擊此失於社會期望過奢者六 手段能力間有更劣於舊官僚派者於是向之崇拜者今則鄙 而 完人殊不知 建設難破壞由於自然如水之就下其性然也建設全在人爲如水之受激而向上 力以研究之或可成一專家假使用非所習與常人等安用此留學生爲。 知留 學生不過多讀數年外國書僅得科 知改良工藝及農產品,其難等於改良政治。 學之皮毛耳苟能用 棄之輕視之幾疑留 但求其 其所 凡期望過 **八速效稍** 學竭 學 破 生 也。 與 壤

欲全國之實業振興是南轅而北轍也蓋獎勵者虛榮也保護者實益也爭名者於朝爭利 至於吾國實業之失敗關於政府一方面者則 獎勵是也今不行保護政策惟獎勵之是務。

有挫折卽大肆譏評務使任事者灰心奪氣而實業前途愈不可問矣此失於社會求效過

速者七也。

藕 初 文 錄 上卷

今吾國: 者 而賞 多方挑剔關卡節節 夫倡辦實業其艱難困苦自不待言而橫征暴斂罔卹民艱土 途無絲毫之補救此政府不採保護政策而使實業失敗者八也。 地政府卽不獎之亦復何損反是雖獎之亦復何益此不過一種愚民之政策耳於實業前。 於市。 一章賜一牌未嘗不足以彰政府提倡實業之盛德。 人之衣食用三品來自外洋者甚多振興本國實業即 而 實業家乃爭利者非如熱中之官僚派徒尙虛榮者可比也。 留難僥倖成立而持久者能 有幾家果能支持較久出貨 然出貨既優市場上已占得立足 貨之稅。 抵 制外貨而 重於洋質 更進 財 份優政府 貨。 層 源 而言之目 不 致外 至局 從 溢。

切之關係 則。 至於補救之法,千條萬緒,,短篇所能了。簡言之則吾國理財家應以遠大之眼, 苟 其收效當 主任 學生所最注意者。卽除去數千年遺傳之官更思想是也無論居官者 尙。 係。 !者放浪淫佚所致尙當盡 熙 而 在五 來攘往得人生之樂趣然尤 社 會健康 六年後竭澤而漁 與否應視有 無實業爲 之政策自殺政策耳社會中人須知社 力 維 持。 必 以求 一班求 準有實業之社會則 速成。 最 ¥後之勝利。 毋具奢願即 蓋失敗者成 有倡 人 民生計 實業 會與 如何 功 之前 裕 而 、身家有 光釐訂? 遭 錦 如。 驅 道 失 德 敗 也。 稅 因

以達振興實業之目的則吾國前途庶有豸乎。 如何 坐擁萬金實業學生斷不可爲所誘惑變吾素志世有韙吾說者乎願各自努力進行。

實業與教育之關係

弁言

學識膚淺义加之以短於辭令有所陳說知多疏漏深望諸君子進而教之。 驗定今後進取之方鍼立國家百年之大計當務之急惟此爲最用意之美莫與比倫湘玥 蘇省第二次教育行政會議,吾蘇政界教育界諸君子雲集一堂討論教育之得失及其經蘇省第二次教育行政會議,吾蘇政界教育界諸君子雲集一堂討論教育之得失及其經

中國今日最要者何事乎

應付。終非善策主張理財以益稅餉者有之觀商戰劇烈貿遷無術足以陷多數於破產地 之見解觀世界各國以武力擴張國勢主張練海陸軍者有之觀凡百要政非財不舉仰債 處此內憂外患交迫之秋,吾國所急宜振興者何事乎。各方面解決此問題者知各有獨到

有机 文 錄 上卷

一百十五

一百十六

國 位。 家 社會之繁榮主張大興實業者有之。 張振興商業以圖抵禦者有之觀農工路礦種種事業足以安置游民開闢閒地。 增益

排除難局之大方鍼

消歇。 進行。 宰割之苦哉書日自作孽不 同時振作。同赴民富國强之一方向庶乎成功捷而實效見。各界中人誠能竭盡 湘玥以爲此種種主張。誠屬要圖然萬不可顧此失彼僅僅焉作偏面之進行必也各方面 如我何彼自知難而退矣特恐自己無知無識。 其每日每時價事耳人雖百計欲圖吾國我苟能與邦人士戮力同心。在在猛求進步。 精神萎頓。坐待死亡不務振拔果爾則人雖不欲亡我我已以俎上肉自居其能 無論何項事業皆足振興所患者一輩持悲觀主義之人敷衍所事。 可逭其斯人之謂 歟。 如縣羊然惟日夜懾人之威怵人之勢志氣 奄奄無生氣。 心志積紅 人無 但見 極

實業與國家之關係

精 立 於工 國 於地球 一藝或長於商戰或富於農產或豪於鑛藏或厚於水利或則單獨制勝或則以次畢 之上。嶄然見頭角於昔日於今茲者若英若德若美若法若俄若日 本等 國或

力而今皆受强鄰之支解之吞沒矣然則實業關係國家之興替之存亡顧不重且大哉。 苦經營並致富强。 他如 埃及波 斯印度高麗等國無企圖實業之計畫無發展實業之

實業與社會之關係

子略述之。 今日湘玥赴此盛會由滬至寧在汽車中縱目觀之默自忖量起無限之憂思今請爲諸君

言之成理姑舍上 數萬計或謂上海爲中外互市之要港富商巨賈薈萃於此集資興業較便內地或者此 天氣之溫和物產之豐盛亦無偏枯然則人事之修實業之興宜其相若而不相懸矣豈知 市菁華幾幾乎一 有大不然者。夫上海商業雖大半入於洋人之手而華人工廠亦頗不少賴以生活 由滬至寧自上海縣境經過蘇州無錫常州諸名城之數境者水陸之交通利便實相齊等。 興加之以風尙趨於空文人情安於小就其上焉者依舊宦情濃! 分利之人舉目皆是生利之業罕乎有聞而彼投我蘇人嗜好之玩物商窺我蘇人罅隙 萎而不能復盛自辛亥淸政推翻以後公館鎖閉幾幾乎一蹶而不克再 海而以蘇錫常相比較蘇州爲人文傑出之區自滬寧鐵軌通行以來商 厚其下焉者始終門戶爭 者以十

稱 初 文 錄 上卷

一百十八

籌畫善經營且富於冒險性質易受外界刺戟而 革新先於諸邑學生界教育界人才之盛甲於他處錫邑人民中有一大部分勤樸耐勞工 常州則大不然無錫境內各項實業之發達之競進有殊足令人稱羨者若麵粉廠若絲廠之樂物販則已據我蘇人之堂奧也不禁爲蘇人士一憂念一汗下焉自蘇以西若無錫若 境內實業亦在活動比之蘇州則略勝比之無錫則不 耶以諸君子之高 具他無論矣由是以觀實業關係於社會之盛衰爲何 於此多血質與膽汁質之混合體乎境以內機聲隆隆百業繁昌人民生計因之而裕武陽 合團力乘時而起企圖諸般新事業者正未有艾試問以何因緣而結此果日無錫教育之 若紗廠若布廠若電燈廠若榨油廠區區一縣境耳大小廠場。著名者已得二十餘家其結 明不難探索其究竟而 得相當之救藥方術 有一往直前之概其因以集事者殆得力 如豈地 如遠甚由鎭而寧實業雛形份 矣。 位 使然歟抑人力有所未盡 未 備

生產力低落之三大原因

也。

要而言之同是國家同是社會有實業則盛而强無實業則衰而亡天演公理無從倖免者

生番之類。 往不急急焉 因實業之不振興而國民之生產力遂低落生產力低落而國民之道德心遂梏亡循此 在閉關時代原民或能生存當此羣雄角逐之秋有不 補救之其不淪而 爲原民者幾希矣。 (原民係未受教化之野 俛首哀 鳴於强 蠻。 如 世 有 俗 所 謂 以

之前降而爲 奴隸爲牛馬哉按生產 力低落之原因約有三大端。

微弱腦筋遲 人才亦大不易無真正國民教育之害有如 無國民教育。 一鈍在此委靡不振之團體 無國民教育故無國家之經濟觀 中雖集千百人衆而遴選一二適合於高等事業之 是。 念。 與國防之捍衞觀念致精神萎縮。 氣 力

好時 國 有之,其所謂機智而又薄有才能薄有資力之人民。無男女無老少相率圍 心 無時間研究其所謂安分之人民大抵飽食終日無所用心終其身無尺寸建樹者往往 無夜究其流弊廢時失業者其害猶 以無 戲 光之事。正不止此。 劇。 推 時 間 而至 研究故竟浪廢千金一刻之時光曾泥土之不若民德墮落一至於此能 於杯 中醇 如自 ·號達人之輩不 酒。 口裹捲煙何 有限名節掃地盜賊窩藏 惜以社会 莫非剝奪社 會高級之人相率 會金源戕害國 者其害伊胡 一冶游景 家元氣之事。 坐。 **一從事賭** 況稍寬之家。 底且空擲大 嗚呼 博。

初文 錄 上卷

一百十九

痛歟

望出品之不良產額之不旺推本窮源鳥得不歸咎於管理之乏術。 惰工無所警良工無所勸。 失之於尖刻或失之於混同操切則易於激變放任則養成偷惰尖刻則大失 進而豐於所獲者。 怕用始終不懈之精 無管理方術出資者役人勞力者受役於人出資者與勞力者地位雖異求其生產力增 實彼此 力不能處處用精密之檢查大抵不失之於操切或失之於放任。 有同 不久同化爲工場之蠹物工徒無 一之希望。苟管理得訣彼此自能各償所 可用之才工 願。 事 又鳥有 人心。 般主 振作之 混 同 則

密之稽查員時時處處督率記錄以爲獎勸懲罰之備去其閒廢無謂之積習振 倍。 略 之興 生産 天工 爲 而 **| 整理略爲**| 味 工 力漲縮之大問題吾國 作 資 可乎設有一廠於此。 加足 得 銀 九元者。 比 獎勸使良工 平 ·時加 今則增多至十三元半工徒作 增十分之五。 有高 日夜工徒計六百人。得一 人多數尙未研究及之今姑作一譬喻以引起研究家研 值 希望惰工 如平時每工三角者今則 一無幸獲 心思每 事 時間研究行 之精 神。自 日或每夜 毎エ 動研 然 大振。 一四角 毎 究之良管理家。 半平 人多出 更得 其 勤 時 毎三 力

整頓是每年中有無量大數無形之損失益當有使人驚駭者拙譯最新學理管理法可 律整賴實業界每年有無量大數增收之額當有令人驚駭者反是以思國內各廠 足以應付裕如是一年以內。得淨盈六萬元也一廠之所得如此。設國內大小各廠場一 六萬三千元。去添用稽查員若干人及一切新管理法一切表册證券等費有三千元亦 爲九萬元去加增工資額二萬七千元則該工廠一整頓後一年以內已可得額外盈餘 多得十八萬工額外之工作設一工所作之出產品。最低價得銀半元十八萬工所得者 就加增產額一倍計之則該廠每日可多得六百工額外之工作以一月二十五天計之。 爲雄之精神。多作工一倍亦屬極平常事或竟增多產額二倍以上亦恆有之事今請: 『除去休息日』一月可多得一萬五千工額外之工作以一年十二個月幷計之一年可

實業種因於教育

廣儲實業知識之豫備卒敗所事彼因噎廢食者流輒以辨實業易招失敗以相惕相率而 實業足以救時。此種口頭禪幾乎盡人能言之然而實業重知識彼鹵莽從事者偏不

上卷

初文錄

不儲備 以缺乏實業人才故致得不良之結果更進而究之。他國實業人才之隆盛賴平素之發育 與儲備,吾國實業人才之缺乏。因平素不知所以發育而儲備之。窮原竟委當歸咎於教育 之不修不播佳穀不費耕耘之勞而望此後之豐收世界寧有此倖致之福哉。 獨 善一身一家計廿心爲與國家休戚不相關之人前者後者均甚謬誤是皆實業知識 不普及有以致之也詳考我國二十年來累辦新業而累招失敗之最大原因。 莫不


三種實業人才

實業人才之盛否關係於教育之興替旣如上所述今請進論實業人才之派別夫實業人 裕胥出此輩 第二三兩種 其二爲富有組織實業能力之中堅人才,其三爲實業界各部分克盡厥職之輔佐, 才用概括法區別之。大約可分爲三種其一 人才之手由是言之教育其亟亟矣。 人才恆可由人力培養成之實爲實業界之主要人物國家之康强。 爲無藉 乎教育之天才如鋼鐵王銀行王等是。 社會之富 人才此

教育果以何者爲主旨乎

育最重要之點可分之爲甲乙兩種甲爲道德教育乙爲科學教育完全受此兩種教育。

實業界中堅人物逐由此產出其兩種教育之綱要得列表如左



任務時不可缺少之兩特質

特質不可少。請備言之任務時不可缺少之兩特質一爲能力一爲毅力能力與毅力之範 圍至廣大例如熟悉機械之原理於機械之構造之拆卸之裝置之修理之使用之保護無 既受上項所述教育中完全之培養而擁有辦理實業之才略至於出而任務之時更有兩 自家能力戰勝之。推而至於進貨出貨之事以迄補助物料之採入及應用。一切利病無不 不了了。使不肖工徒不能掣肘後至工徒能自訓練而管理機械管理工徒之困難胥得以

棄 初 文 錄 上卷

百二十三

一百二十四

了了。 難受挫於一 畫 力 至煩雜事機之變幻至無定意外之不幸百慮所不及細小之罅漏大患所隱伏一 上之困難亦無往 有所疑慮有所搖惑有所驚怖。有所顧忌有所鬆懈,有所退悔而經若干年月孕育之花無 八戰勝之此: 波又起在教育不普及人類不齊等之秋而欲收如願以償之良果大非易事苟主持者。 應付則多方使賢能者處處得自效之機奸險者在在無生存之地於是乎用 在 我之精神更足以貫澈之而後進出貨物使用貨物之困難亦一律以自己之能 外如上下人等之遴選或委任與黜陟以及風紀之整飭弊害之防止主張 旦寒威之下則毅力尙已能力從學養中來毅力從審決中來具此兩偉力出 而不以自家能力戰勝之雖然猶有慮事業之範圍旣擴大事情之接觸 波未平。 人行 政 則

而任事其成功也猶反掌耳。

湘 如 何 玥不文忝與盛會未能在主持風教之諸君子前多所貢獻僅就膚見所及約略陳之至 採 取。 如 何 執行屬於教育行政 範圍內事未敢少參末議也。

實業界對於學生之希望

無顧 處事尙實力學生徒抱赤誠以罷課表示民意然而藉兵力以固 比比皆是。空言要挾安能有效、光乎青年學子。年少氣盛受愛國二字之激刺。 數偉人奇士之不壞金身無一不從烈火中毀 利今回之重受痛創。 器罷課之外繼以演說未曾喚起羣衆已受軍警之蹂躪夫前此 **寶貴光陰以求** 至深且擊者不第玥等也用敢不揣鄙陋出其 生於憂患之哲理觀之安得不爲多士慶也明廁身實業界中知我實業界之期望於靑年。 而 五 一四以 且勢刦利誘進迫不已於是乎莘莘學子繼續抗爭苦乏良策依舊以 慮疏於觀己更忽於觀 來學生愛國熱誠達於極點痛外交之險惡睹政 內外 不得視爲失敗有挫折而後有大進步有磨鍊而 軍閥之覺悟早爲各方所共諒欽敬咸深然外交情勢非 人以爲利刃在手。 鍊而來今最大多數愛國志士遭此 可 愚者一得之見實諸全國靑年學生之前。 無怯懼不知寶此鋒芒以專用於批 象之日非徒手奮鬭。 地盤吸外資以 之稍有貫澈。 後 (有真精) 龍課? 爲 犧牲 不 但 往直 肥私 神。古 得 要挾 無 痛 視 有 無 苦。以 轉機。 來 前。 量

玥嘗綜 核時 事。 默察 我 邦人士惟一之主張大都爲消極的對待而絕 處必然之勢也。 少 積極

窾。 遂

致摧

折。

非不

幸也實

藕 初 文 錄 上卷

之成 國之運 界內部微呈分裂之狀足致危害即全中國 於 牽 境。 生 去 究反是未有不 制。以 旣 對待之中。殊可痛也對待則骨肉竟變爲仇敵互助則吳越亦化爲弟兄二者得失之相 在 功玥甚望學生諸君。自今以往益將互助精神發揮而擴大之然余所慮者不但 如是學生中深明互助之有益者已不乏人惜尙未充分豫備廣而善用之進求 世。 致政 惟互 動此不可不澈底覺悟者一也。 象日非國本益危忍令全國人士有爲之腦力可寶之光陰不知不覺竟消磨 不淪於危殆者也八九年來政府政黨官吏人民無不紛紛然用對待法以相 助主義爲最有裨益互相助力則人羣進化愈速而社會亦因之而日趨於善 內部偶呈分裂之狀亦問接足以危害學生愛 學生 更大

進。 科 作用故科學精深之國其普通國民之視察力推想力及公平之判斷力。 世 學入門有三要點一視察 通 病根。 於焉 人 但知科學係一種學問而不知科學家出其科學方式以處理一切人事。 層出。 在乎缺乏此三種真力量故是非黑白無有定論而中原鼎沸之禍患途由 ,魑魅魍魎之輩自然絕迹而政治社會遂日趨於上進之軌道我國 力。 推想力三公平之判斷力各種學業無不由此三者 亦較富健 更有 國 此 民之 全之 而

成 (矣)今日一般青年。即來日國家社會中中心人物。國運之否泰。羣治之升降。胥於此三種

能力之足不足上判之此不可不充分修養者又一也。

忠告諸青年之前者愛國熱誠宜深蓄而不宜輕洩俾日後蔚成大材爲國效用將來任處 而今何如乎。由此可見我輩青年。淬厲自己志氣尤爲前途成敗生死關頭因: 意志之堅定宗旨之不變回憶十五年前對俄對日等同志會發現時熱誠慷慨。 鬭之大成功期固在他日而不在目前諸君等所以終抵此大成功之境界者全在乎各人 挫折之來,其又奚免雖然亢進固爲失策。受微挫而灰心因外鑠而變志尤當力戒青年奮 之弱點與各界周圍之情勢不十分審量僅憑一往直前之氣概屢演此一成不變之手法。 應借他事以發洩愛國熱誠如前此之愛國運動偶一爲之本無不可然於國民方面。 最大表示之豫備在乎專心向學作他日獻身社會之整備玥並非謂學生研究學術外不 矢一鵠達此救國之大目的青年當求學時代故青年最大之愛國表示尙在來日而 救國之道不一有政治教育實業及種種方法並行不悖當各界盡各界應盡之責任蘄萬 此 而玥 更有 種種 來日

藕 初 文 錄 上卷

何事不變初衷此不

可不夙夜自勵者又其一也。

諸君乎國際競爭於今爲烈經濟之戰甚於鐵血東方大陸原料豐富市場廣袤萬國視線。 羣相集注爲主人者苟不善自謀。 則巴爾幹半島之戰禍或不免見諸東方然則 我 國

能努力振興實業非但足以圖本國 界之公福雖然振興實業談何容易今日我國實業之不昌患不在乎資力之不 地位之安全亦足以消弭他國之侵掠與衝 突而 定。 足而 間接

造世 在乎主幹人才之缺乏主幹人才既缺乏即一切有望之新舊事業不足健進而 坐失 此

之挫折作良教訓益自奮勵力求實學以養成有用之全才並熟觀世界大勢洞。 一時之機會諸君乎我中國實業前途未可限量明深願我全國青年學子以此次所受 悉社 會真

載

相。擴 充互 一助精 神發揮視察推想公平判斷之諸能 力更濟之以百折不 回之節操投 净各

界本諸所學力謀發展則中國未來之新命運與學生諸 君事業前途俱無限量也曷勝擊

米貴之原因及其補救之方法

香以

米價每石已漲至十六元為曠古所未聞生計界恐慌情形不可終日僕不揣固陋請述 傷農之說聳動政府而 米貴風潮迭起日商勾串吾國奸人百方設策盡量吸收出口漫無限制少數黠者借穀 照之小利故公然運米出洋不但不加限制反推波助瀾種其毒害於民間故至於此 安守其本業加之以農學未興農政不修糧食產額恆有不給之虞更加以門戶 張糧食之關係有如此。今者吾國受歐戰之影響糧食出口較前激增內亂頻仍農民 民以食爲天古來善治國者莫不以足食爲先務足食則民生遂教化行禮義廉 政府中人。 因大借日債關係希冀見好於日人。一 因眩 洞闢。 沁。四維 於發給護 日來 不能 日 賤

米貴之遠因與近因

原因及補救方法如左。

無伸。 我國雖以農立國於農學素不講求地 力日竭農民生活惟艱儉於培肥致產 有

下一角。 一人口繁殖因不衞生故死亡枕籍纍纍荒墳觸目皆是熟 一人口繁殖

亦日增爲害遂日烈雖墾荒事業亦逐年進行終究得不償失。 藕 初 文 錄 上卷

一百二十九

田日削荒塚日多而害蟲巢穴

一百三十

三兵禍連年擴張權勢者流日事招募一旦失敗散而爲匪生產之農夫變而爲消耗國力

四東南人滿西北土滿於此多失業遊民於彼多荒廢田畝凡人滿之區食料偶告缺乏價, 之兵士更流而爲擾害地方之盜賊其結果使良民不能安堵農事廢弛產額遂減。

值因而驟增而於上海爲尤甚。

五米販巧於運動請領護照借名軍米以避稽查況金錢萬能沿途疏通一照且可屢用出

口數目益無底止。

六沿海口岸隨處可以運米出洋海關無從稽察。

七卽非口岸。而日本商船便於通行隨處可以接受此 項偸運之食糧。

八棉價高昂沿海產棉區域因之不照棉穀輪種之舊制連年栽棉以 期厚獲米糧減

復不少。

九因運米出洋囤積居奇者日多而米價因之步步提高。

偶有因米糧發生事故報紙記載獨詳當地人民恐慌大起有餘力者爭先恐後購而儲

藏故米糧益缺。

糧食恐慌發生後各報爭相傳布產米區域亦起恐慌此地運至彼地設法限制申地

來源遂日見稀少。

積極與消極之救濟方法

由官廳設法限制價格「此事已由仁穀堂函請總商會登報以安民心」

一組織糧食調查會調查存棧米糧數目。設法使其平價出售「此事已由總商會議決進

行。

三各處添設平糶局廉價出售「此事已由各當地熱心善士實行已兩星期」

左右、江西產米亦多聞南昌米價每石僅六七元。苟當局者以救濟民生爲念集二三十萬 廉無古今中外其理一也湖南兵禍連年。交通阻塞米糧陳朽苦乏現金聞每石僅三四元。 然鄙意尙不止此也按物價之低昂實出於供求之定例求過於供則價昂供過於求 則價

流動資本。運輸來申不但有益於上海、湘贛兩省人民,亦交受其利。移粟之古訓豈當局者

竟未之前聞耶及今急起圖之。尙未爲晚此係積極的治標方法也積極的治本將奈何日

惟務農而已無農卽無工商無農工商卽無生利之途而國無與立故立國之道首在務農。

藕 初 文 錄 上卷

百三十一

此 清夜思之。其能有動於中否米貴之主因及人民之不富裕均應歸咎於農政之不修僕借 士之行爲指導之而糾正之是乃救濟民困之要着也。 經省長交省議會核議不謂省議會袞袞諸公竟將此案打消之意者振興農林之計畫其 之大計畫因地制宜規畫全省農場採用科學方法增多產額藉裕民生此案曾經通過曾 衣食足而 有害於本省耶或議員諸公有比振興農林更好之計畫在耶抑別有不能明言之苦衷耶。 機會抉出究竟希望全省人士及全國人士咸着手於農業之改良並注意於監督代議 後可以言治安本年四月間省長召集實業行政會議僕等曾有振興本省農林

迎神賽會之心理平議

燄 讀四月十號某報時評別佈某君迎賽神會之心理謂愚民平時畏官如虎一旦聚衆則氣 (明於此 愈盛。 不惜犧牲其財力心力體 更進一解焉按我國向來沿行多神教而神教之究有何種作用研究神 力出而反抗以傲睨官廳斯言何其沉 痛 而 有餘恨 於教尚在 心。雖

者鄉愚無知 滿車滿篝之癡想耳按農業通例收成之豐歉視乎鄕民之智識程度而定故善謀國是者。 策。 北然而國內紛爭愈演愈烈而政府應辦之惠民事業愈遷延而愈絕望至使國本動搖國 不禁而自絕矣我國自改政以來因私人權利起見爭執迄今尚未解: 家亦間接受其利而鄉人之對於善謀國是者敬之若帝天奉之若神明而 使教育普及科學昌明交通便利。息率減輕更求產額增多物品進步。農人直接受其益國 收而今歲稻麥登場仍盼福 萌芽時代故玥不 威墮地國權旁落國命將終無教育實業之可言無道德廉恥 如 福我者則 人之共和 祉 稷之類害神 使鄉民之崇祀否乎此雖鄉人之心理實卽我全國大多數人民之心理也不識袞袞 知素味 崇祀之雖土木偶像。 也伸民權我之共和也絕民命嗚呼鄕民之所欲者無他卽安居樂業 於益 敢斷其有亦不 者如五聖之類鄉愚之崇祀害神者以求其不爲己害而已其崇祀 神生前之功績。而姑且崇祀之者不過以爲向叨神佑去年竟獲豐 神之庇護俾得穰穰滿家之豐饒此不過類於一壺酒一豚蹄。 亦所不計不知我國謀國是之袞袞諸公亦思實行 敢必其 無姑就神教而別之爲二有益神有害神益 之足恃舉國皇皇。 決同一國也無分南 無謂之崇祀亦 禍 而 惠 至 無日。 神者。 益

藕 初 文 錄 上卷

初 文 上卷

諸公其亦加之意否。

勸 一銀行與各小工業之關繫

謂爲 相排 商各業雖無政府保護。尙能竭智盡能以爭一線生機紆迴曲折以有今日則吾工 士。 我國自提倡實業以來垂數十年於茲矣乃富國之成效未見各業反瀕於窮途自給之虛 願難償百貨大開其漏巵試縱觀內國工業界現狀不特固有之殘局不能支持且 人之能力經驗。 不克在愛用國貨聲中求一立脚地有職之士怒焉憂之謂爲國內無人才乎則優秀之 斥以致終歸於失敗乎然各都會無限公司乘時進取以擴展其本業者爲數亦不少。 在都有謂爲國民無財力乎則鉅萬金錢咄嗟立集謂爲當事之人。止知爭權攘利互 工商界無遠識之士以操縱之故等於冥行者之擿埴索途自然陷於困境乎然而 亦不可爲不厚然則內國實業不發達之原因果安在 耶。 每光愈 商 界中

人之生也必須

有旺盛之血液營養全體然後五官四肢方克各盡其天職內國實業之發

百三十四

之於人身關係之大可不言而 展 也。 全賴雄厚之經濟左右調護然後 喻矣今者內國 地方百業自然日躋於隆盛經濟之於實業猶 |經濟萬 分竭蹶息率驟增匯兌不通。 此 時 血 液

欲希望實業之發達豈不憂憂乎其難哉

者居多問· 工業 年來我國 則 更 無論 銀行事業發展頗速固我國經濟界之好現象第前此舉辦之各銀行商業性質 有以實業之名義立業者然與工業界不相接近故工業界之獲益者良鮮。 矣此則勸工銀行之設立有未 可一日緩者。 而小

之以宏提 民應 政 國人籌畫積 間嘗研究 府能 虚之天 援助 倡者。 東西各國工業發達之原因莫不仰賴 極 職由是言之勸工銀行之組織。 之固屬佳事如其不 進行之方策而謀國家之富强雖然共和國國民凡 而在我國 則政爭紛擾一般野 能援助。 則合力自謀以求發達內國之富源爲 亦 共 心家日夕孳孳以 銀行之挹注。 和 國 國 民分 內事 一此類銀行大都由 個 事須 也。 人 權 有自 利爲急務安 「動之精 政 共 府 和 暇 組 神。 國 織

自 四運 動 以 來民氣日盛抵制劣貨全國響應乃爲時 無 幾。 鋭氣 驟減嗚呼豈我 國

民

與 毅 力。 有以 致之乎夫亦以家常日用品中國貨稀少故不 能不 仰給於人而 作此

称 初 七 錄 上卷

後 飮 外來之劣貨無可乘之隙矣。其計維何即盡力促成此勸工銀行作各小工業之補 鴆 止 渴之舉耳。世不乏熱心遠識之士持百年久長之計以求國內各小工業之發達而 助

關。 維持之而發達之起點雖小收效自宏焉。

查者 任 應 客曰子與諸同志組織之勸工銀行雖集資百萬爲數究屬無幾安能以發展全國實業爲 步與客言之勸工銀行除普通營業外更有關係於振興內國實業之要計數則。 時勢需求也況乎此勸工銀行成立後其同類銀行之接踵而起者固屬意計 務哉應之日君言良是然百萬資本特始基耳按之盈科而進之公理正可逐步 四屬於建設及促進者二請約述如下。 中事請進 渡張以 屬 於調

甲)調查歐美日本及本國學堂之工科畢業生並曾辦各項實業失敗而 各人之專門學識與所得 湮沒。 閱歷通信聯絡遇有機會卽介紹而聘用 、之使專門人才不致 有經驗者詳記

乙)請各 俾 地 無 地 棄材以達利用厚生之目的。 方熱 心家調查各當地各種特產品之足供工業原料用者藉以推廣各工業。

非历

用。

而長

此

·丙)調查海關進口貨物。俾國人曉然於金源外溢之鉅大。而圖補敕。

(丁)調查全國已設立之各工廠各項工業。每年出數若干。並對照每年進口之製造品若

干擇其最急者設法提倡以圖抵制。

戊)邀請專門人才擔任顧問工程師各廠如有組織或改良等事可向勸工銀行延請認

南 針。 免耗費。

(己) 編輯勸工月報將調查所得之資料及全國工業進行狀況隨時報告國人藉作

之願 少有調 之遠大。有如此雖然勸工銀行此日之成立來日之發展全賴各方面 前此類皆暗中摸索事業之成敗素無規畫一一委之於命運千車一轍故失敗多而 以上所擬辦之調查事項及出版事業所費無幾而於工業上則有大關係蓋我國工商業。 助此係提倡國貨杜塞漏巵造福 力以促進。 查報告則作事有根據補救有徑途其失敗當然可減少勸工銀行關係工業 之不禁馨香 禱祝以觀厥成也。 社會鞏固國力之積極 的事業出各自 熱心愛國志士之贊 積極之眼光積 成 前 功

藕 初 文 錄 上卷

花貴紗賤之原因

紗賤之原因所以不得不研究而謀所以補救之也。 不知所以保全之。 形觀之則異是。紗價頻跌。而花價頻漲、業紗廠者無不受虧而普通社會猶視紗廠爲 棉花爲紗廠惟一之原料近數年來因紗價之高昂花價亦隨之而增漲宜也惟自本年情 旦紗廠業不能支持則全國金融無論直接間接咸將蒙其害此花貴 利藪。

價之所以如此高昂與紗價背道而馳者雖在國內亦有一部分之關係而其最重要之原現世界之商務已有天下一家之勢商市之低昂高下其原因有在數萬里以外者本年花 僅 因。 百九十萬包預算至明年七月底將盡數用罄此美棉價高之原因 則在國外美爲全世界第一產棉國前昨兩年花價低落因而減少種植以致 有八百三十四萬 包本年收穫僅有九百四十四萬包至本年七月底調查存棉僅 二 也。 **《去年收穫**。 有四

又美以歐戰之故國家富力增高遂致一切物價昂貴異常生活費異常巨大年前曾有羣

必 多購 運 動。 以補 力持節購主義以減低物價本年物價低落已至相當限度衣料爲人生所必需。 不足。匹頭棉貨之廣銷。 美棉價高之原因二也。

戰 後 商務陡衰工業受虧因而 減 少工 此 作工人失業者日衆遂不得不抑志降心。以求食於

廠之門於是向之僅願! 工作八小時者。今已工作九小時或十小時而 其工工 作 且 愈 加 勤

次於美而以 奮。 俾 免爲廠 中所淘汰美之棉織業遂 棉產著名者爲 印度印棉價格向以 因而 獲利。 美棉爲轉移之標準美棉旣貴於是 數盛需棉多此美棉價高 之原因 印 三也。

之價格亦不能低下矣。

吾國 「爲全世」 界之第三棉 產 國近年以時勢之需要產額時有增加然以去年通花歉收存

底 本 少又本 年新 廠陸續開工 增 添需要甚巨以 致 本 车棉產雖大致甚佳然以 紗椗 增

之多。供求究不相抵此華棉價高之原因一也

又以政! 局 不 ·靖。 土 匪蜂起。 内 地 植棉之農民運棉出 售既多困難攜銀歸家尤多危險以

存 棉 不售心 存 觀 堂。 各 口 .岸之棉花來源途形減 多。 此 華 棉價高 之原因二 也。

到 市 棉 花。 途 遇 軍 隊 雖 己完釐稅仍須任 意加 征。 或美其名日保險費苛稅 重 重。 成 本日

初文 錄 上卷

藕

一百三十九

百

四十

藕 初 文 錄 上卷

此華棉價高之原因三也

數華 日 本 棉掘 棉織業夙以美棉印棉爲 載以去以供急需而 美國方面。 大宗原料本年美棉飛漲印棉亦昂遂向吾國方面收買巨 亦以 棉價過高有上等 華棉運去此 華棉價高 之

原因四也。

約 敏捷之消息以大購華棉此華棉價高之原因五 H 本在華新設紗廠甚多現上海青島二地約計 百萬椗華棉雖昂尙較美棉低廉。 日本 在華旣擁 也。 已有日商紗廠 有巨數紗椗又 一百五十萬椗已開 利用 其雄 厚之經 車

數多 日英雖同 顺 銷 爲島國 路滯。 不得不以中國爲尾閭。 然英之棉織業皆紡 E 細紗故尙能競存於今後之世界日本 海 紗 號每將日本之三品爲 準繩。 日 本 則 · 氣象不佳。 出

則中國紗市亦難起色此紗價低落之原因一也。

內亂 進 貨。 頻仍。 各口岸存紗以軍隊忙於運輸交通爲之阻塞以此 內 地 紗號已不敢放 脹。 益 以土匪時 · 發無形損 失極巨雖存底已空亦 種種因由棉紗遂不易 暢銷 줖 敢 放 内

此

紗價低落之原因二也。

卽 而 售者為 使內地 數多此紗價低落之原因三也。 稍有銷路。日本紗既蜂擁而至在華日廠又盡力開出現貨或期貨買者爲 數少

吾國 迫。 百 合觀上述花貴 售銀八十四兩。 1商業。 可求助於政府內政紛亂決不能求助於外人若內政常此紛亂。 | 紗業之不振。由於外力之壓迫者半由於內政之紛亂者亦半。然吾國民當知外 一不受其痛苦。是以在商言商之舊習已不復適用於今日吾商民對於政 而購花成本須八十六兩工繳完全無着紗廠受虧匪淺今其時又再見矣。 一紗賤之原因。 已可概見憶 民國五年。袁氏稱帝時三四五月間十六支紗僅 則不但 紗業受其害凡 力壓 治

與日 本某侯爵改良華棉之一 席談

業庶

有恢復之望否則商業愈衰生計

須進

而

盡其應盡之責任急起聯合商界重要分子,用各種方法逼迫政府改良內政則商

愈艱非至全國淪亡不

止紗業不振猶

其

於小焉者也。

必

日 本 臨 時產業調查 局事務官某侯爵訪予於德大紗廠批發所寒暄 既畢某侯爵 問日。

初 文 錄

内為 宜 應從何處入手、某俟爵答曰漢口揚子江一 爲培育逐年將良種子供給農家以圖普及此卽爲本場一大目的繼而轉問某侯爵曰先 收穫之棉紡成細紗後將樣紗分贈有志改良棉產之諸君子以供研究某侯爵又 相符合。又問某俟爵曰頃者先生言來華目的。 他 二支及四十二支之細紗今歲棉質亦已檢查過棉質佳良其纖微亦並 生來華之目的 之棉場在何 各宜棉 |處設立植棉試驗場情年來政局擾攘|未能注力於此但設置總場於漢口設分場於其 某侯爵答曰大約出於貸資貴國政府之一途又問曰貴國借款於敝國政府謀改良棉 設總場於此數處以圖普及余日敝國政府曾在直隸之正定江蘇之南 設立植棉試 ,時已晚農事將次告竣矣某侯爵又問君試驗美棉之目的何在答剔選優良種子善 品 處畝數若干能一去瞻覽否答曰場地在上 域僕曾於五年九月十日呈農商部文中詳言之此種主 、驗場。 何在某侯爵答曰考察華棉狀況藉圖改良又問曰據先生高見改良華棉。 有年矣其成績若何答曰今已四閱年去年收穫之花 帶極宜植棉此外 有改良華棉語設使此計實行則用何 海之引翔鄕共有田六十畝。 如河南陝西等處土質亦好。 一張實與先生所言者 未變劣擬的 通湖北 衣曾紡一 問 將 之武 種 惜

為當務· 等。 之試 要 以 亦 能凑 絕 日。 府 產。 費。 外 入物。 須借 端 之同 加 先 出 L 験場 人代謀 改良及 設 集。 生 於貴國 反 之急。 對此 東西 崩 謀廣及會員 中華 所言甚是敝國 而借 外資。 然決 外。 《改良至 改良則 二二年 植棉 曾有 洋 舉至於借資 外資苟借外 政 得毋 已回 非民 府 中 改 其 内。 良祉。 |國之農 意。 已達八百 於普及上恐不 何 他 太不近情理乎况改良農 人之意思歟抑出 [各省宜] 程度但改良之期當必不 改良棉質之機會乎應之日 年 更續 資 來 社 而 學 改良 内亂 內 而 言 亦設 棉 人。 生及各地方 無 Ē. 派傷主權· **人農產。** 設試 副 頻 僕 域 免反生障礙某侯爵 仍。 個 驗場者。 內當 試 向貴 更屬荒 自貴國之民意軟某侯爵答曰此 人 驗場 不贊 本 無不 必 熱 國貸款爲數已 **灬**謬蓋築路 於上 有 數近 產 成 小小 遠敝 改 可惟改良農產而 此 具 而 良棉 圖普 有。 說 體 百 海 戶光各省 國 之規 之楊 去年 因恐貴 爾是者 及誠爲吾邦 開 人民深 產 之士。 礦。 僕曾 畫 思郷。 不 動須 貲。 出 國 現僕不 謝 省 示 其 誤 偕 再。 而 貴國 議 設 設試 製百 入 會 同 迻 在 (會者皆花) 進 人 會 分 郁 敝 有 會以 主 驗場。 人士 能 中。 萬。 君 而 國 事 外 確 藉 有識 交意 問 文 亦 屏 應 日。除 希望 以 免 翰 盡 爲 約 定 口 紛 改 數 何 紗 聶 之天 於 者 味 或 良 年 歧。 布 君 君 無 之 故 能 (職若 澳論。 時 幾乃 內 不 所 也予 能 收 不

藕 初 文 錄 上卷。

達之美意但不出數年貴國或能在敝國市場上購買改良棉花也暢談至十二時始握手

百四十四

組織華商紗布交易所之釋疑

年擲二三萬金已從事於植棉事業力謀產量增多與棉質之改良矣未聞有人起而反對 計三大端一原料之增植及改良二製造之力求其精美三推廣銷路以杜巵漏今紗廠家 我紗業買賣之實權萬不能落於蓄意傾覆我國棉業之外人手中。途有華商紗布交易所 之組織小之爲本業前途計大之爲國家經濟計此項組織實所必要夫發展實業之原理。 萬萬有零國內紗業在近若干年中雖稍稍發達而事業之拓展尚須羣策羣力庶能有濟。 予遂孑身引退與該所脫離關係繼念紗業係我國最大之實業去年棉織品進口竟達二 織當時予亦爲發起人之一。而股款無多且受有力者之牽掣該所致招收受外款之嫌疑。 自日人在吾滬設立取引所以後各商界受種種之感觸途有上海證券物品交易所之組

開 於 洋 此 乎。 家 織 權 展。 紗 中 Ε. 會當 廠 與 洋 種 閱 紗 而 試 利。 此 農夫事。 業外 紗業 日 全 布 灑 日 與 問 與 六 紗業 唇 齒 に 報悉 慮逐 交易 全球 廠 體 時 始 灑 之大 大會。 公推 人 重 見 無 一要分子。 昨日 所。 涉。 之。 反 有 與 與工 雖然。 演 垣相 得 紗業 此 組 m 説 會長 操 先 相 織 廠無涉增植與改良奚爲今紗廠 提挈互 下 外。 關。 例 重 紗 縱 而 此交易所奚以爲。 -午三時。 業 於其 否麵 無 應 不 君 要分子組織 不 合謀 應合 到。 豈 爲 須 臨 間 相 無 人發表意 粉 紗業 組 研 廠 人 再 時 本業之發展 耶。 乎不 家已組: 主 明白 四 紗布交易所 究發展全國 公會特別 差 交易 席。 過脚踏實 見。 此 人 報 事 又何也。 邀請。 告開 理者 說 所。 織 若 而 麵 而 會理 之棉 粉交易所 也。 何 全 流。 反對 反 確。 此中 體 荷平 也 則 地研究發展 則 對 製造 業。 者 家鑒於本業貿易主權之旁落 到 由。 大 者 已 个會。 -真相。 者三 並請 開 小 白汝 則 而 矣。 靜 辦 歸 日 抵 否豈業 之取 百餘 號 之エ 氣以 明 工廠 制 本 會 紗厰 眼 舶 同 來品。 心買 業 長 業 思 引 厰。 人當 家。 ;所等是何· 索之得 除臨 不 者。 家 銷 中 受 到 其 能 Ì 售之主 與 賣係吾等 時主 者三 誰 (紗業) 君 不 知 威 之 應 蒞 毋 日 會云云。 紗 百 謀 權。 席 脋 哑 不 重 人 要分子組 業 餘 宜。 利 然 所 歸 中 本 一業之發 失笑否 之販買 無 家。 槆 間 外 君 組 振鈴 紗 人 織

藕初文錄 上卷

一百四十六

甘同 未 悉推廣本業之原理故作此以釋羣疑。 流合污與雞鶩爭食已耳予讀口君之演說有所感且喜紗業中大有人在而恐我國

論交易所之利弊

所遂 常衰 間。 孤 畫斯遠大際此商 原理物價漸 歐戰期內出口貿易勃興加以先令奇漲一部分商業獲利殊豐厚迨戰事告終依供求之 交易所卽大賭場也父誡其子兄勉其弟以愼勿入此賭場相警惕嗚呼其信然耶其不盡 形形 注之一擲以故交易所門庭若市每一開盤空頭者多頭者其歡樂憂苦均在各 類之情狀我國商 風發雲起後先屹立交易所旣 色色真相畢露死者死逃者逃變產質衣者踵趾相接於是有識 平而先令又奇縮前此 況不振受世界潮流最大之衝激後共謀各本業地位之鞏 人於是恍然悟商業與全世界在 所獲之利益。遠不敵後此所受之損失。商業上頓呈 如 此 其 勃 與而業外者因各本業衰微羣趨交易所作 在有密切之關係眼光旣開展計 者皇皇然相告日。 固於是交易 人眉宇

然耶。

所 憑。 出者存銀愈多兩方買賣由交易所作 當商業將如何使其安然插足於市場乎然則改善之道將安出卽組織交易所是也交易當商業將如何使其安然插足於市場乎。 措手。而一部分棉商之信用。因之大爲損失。去年秋冬間十六支棉紗最高價漲至二百八措手。而一部分棉商之信用。因之大爲損失。去年秋冬間十六支棉紗。最高價漲至二百八 我 知矣世界大通物價漲落時所恆有苟長此不思良法以改善之則棉商紗商以及種 棉 多頭 花論。 内。 兩後竟跌至一百三十兩而一部分紗商之信用亦遭損失其對方所受影響亦不言可 國 年 無論購進售出須照定例存銀若干爲物價變動時保全信用之餘 《空頭損失不知凡幾因交易手續太簡單。且雙方均無充分之保證卽: 在交易所買賣者又須具有實力彼此交易。 來 民國六年七月最高至四十五 商業漸與消息亦較前靈動交易亦逐漸增多然商業道德反因之而薄弱。 中間人爲穩健之保證倘一旦市情激 兩不出兩月貶至二十三兩交易買賣向以 有實 力。有保證則正當營業正 地物 ì欲清理。 價愈 變。對 方 漲。 承票為 可從此 即以 無從 不 則 種 售 致 正

賴 初 文 錄 上卷

進逐步發展之軌道。此設立交易所之利於商業者一。

告成各國注全力於遠東商務而我國身當其衝安得不急起直追以求

一百四十七

自

衞。

實 貿 而 大 具權完全在上 年來棉 易要政消息靈 出 產品。 業 如絲茶等受傾軋而短縮者十去八九地方生計頓失所依國家稅源因 本業人手中不致受外人操縱與擠軋此設立交易所之利於商業者二 競爭較前益 **通。** 機不致坐失規畫周密市況得以保持。各本業自衞及力謀開拓 烈卽他業亦何獨不然自組織交易所後以本業中人。主持本業 己之銳減。

爲 我 哉。 利 是故歐美日各國各業均有交易所紐約棉業交易所自設海底電線由太平洋直達英國 密 國 煮 物浦棉業市場彼此於棉業上重要消息互相傳達非常靈捷而兩國棉業 一之盛與漫無把握耳雖然我國交易所中之賭博性質豈獨業外人之狂熱所致哉當 切其營業範圍拓展亦愈大其魄力之雄厚亦概可想見而世人並未 交易之成立均爲本業中人間 有業外之人以爭時鬭智故間接投機於其 視為詬病 上之關 中。 惟不 係更 如 何

局 者 實不能辭其 於 為 。

交易

所中

-之經紀

交易所中而許非本業者作經紀人以啓業外人投機之漸此爲交易所中之弊害一也。 經紀 人對 於本業情形。必甚熟悉代人買 人卽俗所謂掮客者是也。 賣。 花業論經紀人應以向操花業者爲 致昧於市情而使委託者受甚大之痛苦者

以

限。

則

業外皆不得在本所作交易而於理事長及常務理事爲尤甚蓋彼輩均係主持全所 之結果。今市上譁然某氏盈餘數十萬某氏虧耗數十萬卽以此耳故交易所雇員在本所 之人。多頭空頭之細帳完全在彼輩掌握中故彼輩而在所交易其勢必如大連 交易所中理事長以下皆爲所中雇員除各本業理事勢不能因充當理事而 停止 豆市所得 間 事務 接營

私做交易等於監守自盜此爲交易所中之弊害二也。

所重要人物私設銀行而任意挪移本所經濟者此爲交易所中之弊害三也。 行甚或擅用存款收押本交易所各項證券因此謀利者其違背公司條例可知矣故交易 日來信託公司如春筍之怒生結果如何雖難預測設使以某所之主任將某所之股票抵 過多存在某處。主任雖有特權。然該公司存款全數或大多數而存於該主任所 按公司條例公司主任如總理局長或理事長等對於本公司經濟不能任意侵挪即存款 私立之銀

設或 押於該所主任自設之信託公司內此亦違背法律之事雖難保其必有然不敢保其必無。 有之則爲交易所中之弊害四也。

我國有能力者於商業中隨處有發展之餘地惟發展之狀況及限度則視發展者之合宜

初文 錄 上卷

黐

百四十九

百五十

金融 與否爲斷 地中堅人物亦隨時注意盡其監察之職遇有如上述各項弊害發現則設法抑制以減 願各交易所之股東隨時研究公司條例監察重要所員之舉動。 會中人賭興之豪闊若此。且一般人於法律觀念薄弱又若此因果相尋不知伊於胡底僕 無庸豔羨其 上發生之險狀則當局者私心或可稍戢社會賭風或可斂息矣。 耳奸巧詐偽者終歸傾覆最後勝利恆歸之公正誠實者是則幸致巧取之途可 脚踏實地。循正軌以謀自然之拓展者亦無庸退卻也交易所之現狀若 **配有以** 取締之幷願各當 此心

華商紗布交易所開幕演說辭

今日本所行開幕禮承政商學各界實臨鄙人敬代表本所致感謝意並略陳本所所負之

責任及鄙人等所抱之期望。

夫世界日文明交通日利便消息日靈捷地球面積似乎逐漸收縮呈密緻狀生齒日繁需 求日廣事業亦日漸擴張事業日擴張而信息靈通條漲條落瞬息千變事業家所用之智

之乎。 善用 國 益。 由 聲 册之紗廠及上海 耗已綽乎有餘。 百七十八萬餘 八百十餘萬兩。 社 慮 一百二十萬兩 氣隨 是 九年華洋貿易總册。是年 會。 應 而 愈周。 之。固 實益 得 亦 時將各國棉市消息貢獻同業消息旣靈同 人等鑒此 利 以 回賴 之以 之如 達 賴之世界文明各 所負之責任亦 兩 有零出 棉 種 則棉 何 兩竟占進 **狂瀾起圖** 之目的。 生而 確 紗進口達 紗布業大部分重 業 實 |入相抵溢: 不能 締造。 在內國占重要地位。 口總額三分之一。苟設法杜絕棉貨巵漏以抵補出入相抵之虧 愈重故事業 一保障棉業免受意外之虧折。 國從 我國出 卽 挽救除天津各 七千八百六十八萬餘 日離交易所亦猶是耳同人等深願悉心盡 爲 事商業。 同 出二萬二千零六十餘萬 要商. 口貨達五 人等日夜研究而 愈擴 且注 人組織斯所擬與英印美日棉業市場相 可想而 張地位 紗廠自辦交易所外聯絡全國 萬四千一百六十餘萬 全力於商競 宜 知 兩。 中人不致暗中摸索而受不 矣。 邦· 共計 **水實** 日求其穩固夫然後 (施者也) 發展棉業鞏固 **| 棉業項|** 者正以 人士夙夜思 兩是年棉貨進 一 下 此 兩進 也閱 進口達二萬四千六 維亦 口、達 力蘄 火 曾在農商部註 同業均等之利 口貨七萬 最近出版 人已交益。 菽 思所 个虞之虧損。 達到 氣然。 一萬六千 聯 以 補 六千 之民 國家 今日 絡。 救

有机 文錄 上卷

百五十二

展則非惟棉業之幸亦卽國家社會之幸也。 所懸之兩大目的更深望社會及與本所有關係者監視吾人使本所事業永爲合法之發

交易所之性質責任及其功效

保障。始能爲促進商業之利器此鄙人所以樂與諸君一言也。 瞭毫無疑慮如是則交易所在吾國商業上始能發達而 爲交易所之老友。更有互相握手歡談之必要良以交易所之爲交易所在吾國商業上。尙 經紀人或爲交易所之愛護者總之皆爲交易所之老友鄙人似無須更爲喋喋然正 今日鄙人代表上海華商紗布交易所歡迎諸君諸君或爲交易所之主顧或爲交易所之 未有悠久之歷史,其性質如何,其責任如何,其功效如何。必須時時研究討論務求十 立於穩固 一之地位。始能爲商業之 以 分明 其

者所必須十分注意而保守勿失者何爲精義。即於代客買賣之外交易所之自身不做絲 交易所之性質爲代客買賣此語諒諸君已熟聞之然代客買賣之精義則爲從事交易所

證金如此則無論市價漲跌如何。在交易所自身。毫無絲毫風險此交易所之特色其營業 毫買賣是也代客買賣買主賣主皆有保證金偷遇市價高下較戶則有追證金或特 別

非常穩妥。若以不明交易所性質之人爲之不免見獵心喜則交易所之危機四伏矣。

外不得移作別用。以防流弊此爲交易所之責任若在不明交易所責任之人。任意放款或 兼營代客買賣以外之事則交易所又不免處於危險中矣。 不動用。盆以保證金之收入爲數甚巨其保管責任自屬非常重大除存放殷實銀行錢莊不動用。盆以保證金之收入爲數甚巨其保管責任。自屬非常重大除存放殷實銀行錢莊 公司之藉以爲營運之資乃所以保證買賣兩方之信用。除爲營業用之設備費外其 交易所之責任與銀行相同。在保管存款。及謹愼放款交易所之巨大資本非如 他 種商業 餘概

以其交易成立之始即存有保證金。一遇市價低昂則又有追證金及特別追 m 上之保障。故交易所之保障信用。除當事人不守章程外。真可謂萬 交易所之功效則爲保障信用增進效率其交易非常公正無論何人或買或賣皆極可靠。 受損失者。咸樂交易所之穩固可靠此交易所之所以發達也。 方不能履行契約則根據營業細則履行違約處分至經紀 人自身則有保證金爲 無一失凡因對人買賣 一證金萬 身分

有机 交级 人名

百五十三

百五十四

非常良好。並願吾國現存之交易所皆能注意交易所之性質及責任而收良好之效果。 諸 ?鄙人之所希望者也。 君皆交易所之老友願諸君時時注意交易所之性質及責任如是則交易所之效果必

華商紗布交易所新屋落成演說辭

則

吾國 貨進口之數已有值銀三萬萬元之巨額一國之金融爲一 吾國棉業尙在萌芽時代以吾國紗椗與世界紗椗之比例言則吾國尙遠在各國之後以 源源流出。常此不圖挽救必有金盡血枯之一日故推廣棉業實爲吾國民自救之根本要 今日始有此 人士之愛護與信用並全體經紀人與主顧方面之和洽從事俾一 上 海華商紗布交易所自上年七月一日開幕迄今已一年有半矣此一年半中重荷社會 民經濟尙未發達生活程度尙未提高購買力尙未充足而民國十年來平均每 建築告成遷居新屋之盛會同人至深感謝竊願乘此機會爲諸君 國之血脈棉貨源源進 切得以 順利進行以達 進一 口現金 吉。 年棉

圖吉國棉業以 上海爲中 一心故全國智 紗廠、 與上 海紗號聯合組織 此 上海 華商紗布交易所。

卽以推廣棉業鞏固金融爲宗旨也。

用且又爲買賣兩方之保證既可顧全商業上之信用且又能增進貿易上之效率此上海 損失如此買賣無相當之保障實於棉業之發展大有妨礙交易所不但有 高之時紗廠 在十四兩以上。於是賣主方面。又多有不能履行契約者以致買主方面又受同 月棉花價格最低之時紗廠購進期花甚多然其後花價步漲每擔價格最大與 之巨於是買主方面不得履行契約者甚多賣主方面咸受非常巨大之意外損失上 欲知交易所 紗號售出 與推廣棉業之關係不 期紗甚多其。 後紗價步跌每包價格最大與最 得不略敘事 實以爲之證民國 九年一月棉 小相 平準物價之功 差至八十餘 最 樣之巨大 紗價 小相 俗最 至 差 四 兩

華商 《紗布交易所即以保障信用增加效率爲目的而設立者也。

因經紀人 交易所之事業以保守信用爲原則。一年半以來所以不隨狂潮怒濤而 自以爲功經紀 八與主顧有於 人全體 如一家人。互相和洽保守信用則雙方各有利益而 與主 顧方面之能守此原則而和洽從 事實爲事業發達之最大原 社會對於交易所 俱逝 者同 人不 敢

藕 初 文 錄 上卷

之信用實爲一切成功之基**礎也**。

尙須設法聯絡歐美日本之交易所以發達全世界之經濟事業此爲同人之所希望荷愛 需然萬一不善用之則可以破壞信用擾亂市面爲害亦非淺鮮總之事在人爲萬事得 回憶 易所爲推廣棉業之重要事業願吾國民注意其事嚴加監督倘蒙加以責善尤所歡 矣吾國棉業尙在幼稚時代其盛其衰不僅關係一業而實與全國經濟命脈同其休 不善用之則水可溺火 臨無任榮幸敬述一言藉伸謝意。 務達保障商業增進效率之目的以貫澈推廣棉業鞏固金融之宗旨將來進行成熟。 人與全體經紀人及主顧三方面自今以往尤必慎益加慎遵守交易所之原則。 世固無有百利而無一害之事物貴在人之審於得失之幾愼於取捨則弊去而 上年七月一日開幕演 可焚其害固甚巨大也交易所亦於人有大利。在商業上亦在所必 說以交易所喻水火水火於人有大利。一日不 可或缺然萬 一般力 迎。至 戚。 利 見

中國實業進行滯緩之原因

衞。 國 推 攘 本究 地擾民盡其荳相煎 奠基於茲十年。禍 原以爲國 勢之所以陵夷至此端 亂 《之能成南 相 尋迄無寧日 北 分裂 馴 之局鉤。 至民生凋敝 由實業之不 心鬭 角召亂 振。 更甚 於前 歸咎於軍 滋 紛。 國 祗 庫 閥 空虚 便 私 武 人之養 毎况 圖。 罔 顧 於 兵自

而 政客議 員。 又復壽 張爲 幻嘘 氣成雲藉政 公黨議院: 之美名依軍 閥 武 人以自己 重。 乍 離 旋合。

朝楚暮秦載鬼 盈車。 聚鬨 二室。 而 於關 係 國 計 民生之至計。 非特不加保護抑 且從 而 摧

業。 國家元氣之所由 其患之延及於國家 酆 喪祉 **沁社會誠** 會 事業 如論 之所由墮 者所云。 落咸 惟余 因於斯道謀築室。 以 爲 中 -國實業 所 漏 以 **亟蕭牆**。 不 振 之故其受病 其影響於實

之原尚有大於此 者若舉委其責於軍閥武 人政客議 員此 語所謂審 於腠理之疾而。 忽於

膏肓之病矣。

我 規 底 征 畫指 國實業本在幼稚時代尙須待政府之扶翼維護俾之前 止。 歛 而當局 道以樹百分 之中促進此 諸公又方依違 年不 略 具雛形 拔之基所賴 於軍 之實業使其規模逐漸擴充事業逐逐 閥政客之間。 全國 人士。 補苴 視此 罅漏苟安旦 爲 救 Ľ 要圖。 進。 顧 三夕復奚云 我國政 出其全 漸進步勇猛 局。清 暇 力於兵荒 留 意 亂 迷離。 實業。 水 旱暴 靡有 爲之

初文 錄 上卷

藕

百五十七

進旅退· 方爲 病之原則不出 得。 之狀瞻念前 乃返觀吾國 一乎四端。 途不寒而慄,其所以進行滯緩之故雖千端萬緒。 近數年來實業之外表似有蓬蓬勃勃之勢而 一察其內容則頗 不可更僕數而 有旅

已無及言之可痛吾國出口貨榮譽之掃地半因於此。 徒見目前之小利而不顧信用之喪失茶業一落干丈職是之由。迨事後補救大勢已 羣起拾抉奸僞貪詐恬不爲怪人方精益求精。 日祗 求近利古稱戎狄之師勝不相讓敗不相救我國商人情都類是每有微利 而我 乃得過且過甚且冒牌戲影 視同 可圖。 固常。 則

愈久而可 方可致遠故近世實業家往往有以至微之資本經營歷一二十年。途成偉大之事業蓋積 其目光於全國故其範圍小而獲利亦不大深願全國人士協力同心通盤籌畫爲有條不 日目光太近古人言植果之利五年植木則倍之而所獲則三焉夫汲深必須綆修徐行 甚至於辦理實業 遇緩急易致竭蹶之象而 利亦愈厚今之資本家昧於此義。 人士又多喜逐步效颦乏創造開 貽瓶罍之羞是所得且未償所失然其足爲實業之障礙莫此 甚有朝投資而夕卽責償者責償既勤獲 拓之能 力物 局於一隅之見不 利 自非。 能移

紊之組織以開拓吾國固有之富源而杜塞無窮之漏巵焉。

之 事 公司 往 否 業 友 其 循 不 地位。 之經 敷應 則恐 者産 中無 序 心非特足以質 往 日多 之風 學 漸 專 生之物 人勝任 企業而 進 歷 慌立 而不 用之患非謀 用 重 企業。 學識自能 而言深覺此 不 起雲湧識 見而 相 知自審其學 品全賴 少實業 方曩歲 稱。 而 令之辨 市 事。 中 ·輟。 亦且戕賊人 事之非易而謀事者存徼倖苟得之心故遂覺其非易夫就職 者以 與經歷並增此古人所謂大器晚成也。 面 種論 疋 企業爲輔助實業之事業苟能運用 且 企業者爲之先導而 果無人 爲 事 力其所希望者恆逾其學力之所勝是以每有創 頭 爲之紛擾不寧吾國辦理實業 一業因先 調。似有未當之處。嘗私謂吾國今日非人浮 者無不曰人浮於事謀 將蹈橡皮股分之覆轍誠非過慮之論。 、才使之不能詣乎深造之域其阻礙實 ,勝任也能勝任者願已不止此矣此種躐等而 令之驟縮 虚 工宣洩之妙惟是所須分量當 而 事 失敗幾至牽動 者無 人 不日謀事非易然就余數年辦 士大都寡於經驗。 得宜自能收指臂相 而今之爲事 天局。 非 企業之不 者大都是 近 業之進行 於事之患人 建輒 日 交易所 短於識 與實業 以環 但求 維 安希 व 心之效實 任 也 事當 信託 非 見故 相 實 增進 顧 知

稱 初 文 錄 上卷

實業者亦咸以其所辦事爲企業之投機舍本根而謀枝葉長此不已何堪設想此則不能 今日之經營企業者大都以身家生命爲孤注之一擲又無商業之智識以爲之輔而辦理 不望吾國實業界之謹愼將事者也。

害之僅及腠理也。夫病宜求其所由不外乎缺乏工商業智識而不肯安乎其位之故以今 以上四端均爲吾國實業進行滯緩之因而其病則深中膏肓非如軍閥武人政客議員爲 育之界線此 戰之場故增加智識。 所嗜投彼所好。否則人步亦步。人趨亦趨彼已占其先著我方隨其後塵復何能立足 日 ·交通便利萬國輻凑商業情形一瞬千變經營實業者當放其目光於世界然後能 則余所持以爲培本之法者也。 爲今日辨理實業人士惟一之要圖而提倡實業教育溝通實業與教 於商 知

振興實業之程序

年 來我國實業如日方升各項事業中呈活潑進展之大觀者尤以紗業麵粉業爲最而各

展。 逐 以供振興實業者事前之考量藉減以後之困難倘亦海內有 便利處實業所以發展之原因及內地 事之熟誠亦且隨之以俱去當此國家多難實業萌芽時代何以 前 苟 不 漸 悉心籌畫倘偶蹈 移開 地 點。 大都 闢富 源 在 之主張於內 水陸交通 絕地則振拔 便利之處此 2地予亦夙; 無出。 通有之障礙以及農工商發展之程序約略言之聊 植此 外則 不但金錢化爲鳥有卽國 殊沉寂焉有心 主張之一人也。 (堪此) 人力謀 組 織公司。 不揣愚 民 /濟時 內地 之希望。 良非 得均 數。 陋爱將交通 易 平 一及赴 事。 事 Ż

心

人所樂聞

者

凡幾。 金融此 夫組 隆 電 融 工業能增高農產之代價助進商業之繁昌實爲惠農益商裕民足國之樞紐請先言工業。 運可 流 氣 織 蓋 轉 運輸 製端 以 工廠 電 畫。 立 方 品 致此交通 便捷。 之要點有九日 者缺一不足以使公司發達至於極點而交通 圓 切 租 原 界 料勞工羅致 動力之母。有一大電氣公司供給電力則 便利處實業勃與之主因 內電力竟達三四萬基羅 人才日母金日原料日 俱易製出貨品行銷暢達。 [也令以 華 脱年 機器日傭工日管理日交 來境 上 荷主 便利處。 海 無 內工業之因 隅 持 論 入煙稠密· 得 論。 大小各工 人管 五 年 以振 前 理合法公 通。 一廠所用· 人才薈萃金 \mathcal{I} 百市場。 興者。 部 局 司之 不 推 知 廣

薊 初 文 錄 上卷

一百六十二

動 力。 可 由 此 而 出發成本因之輕減管理 因之簡 便他埠無 此便 利。 實業發展之情形。 不 覺

瞠乎其後僅原動力之便利其收效尙如此餘可槪想矣。

埠資 此 內 非 地 因 本家類多故步自封是以雖有少 內 地 教 實業之不克振 育不興民智閉塞交通不便金融呆滯。 興也蓋尙有先決之問 數有 力者起而圖之往往以 題在 於發展實業諸要點所缺過多加之各 也。 種 種 原 因旋 作而旋

人民罔知? 農產之改良尤為! 以豐富蠶 工業· 進步。且日見其退 有餘乃以農也不 中所最重要者厥惟原料棉質不改良紗布競爭難於制勝麥子不改良麵 命脈所 桑不 改良絲繭產量曷望增加舉 化民生 學學也不 在絕 振興 內 少研究地利 地實業惟 H 一農故蹉跎日 用竟減 縮自給之能 無 要圖。 暴棄。 限天 製千 惠可 無 一二以概其餘知改良農產實 如 ·驚荷稍 執政當 力。反 ·年著名之農業國於農產 相率仰給於外 稍整 局。 類 理。 皆人自爲謀。 日用 來物品 百物。 應俯 無暇 上。非 爲當務之急。 不 顧及。 但互 粉 但 仰 出 無 自 巾 尺 內 給 Ż 寸 地 而 何 而

亦可慨已

場。舶

品跋扈;

卽

機陋偏

僻之鄉若者爲

心需品者者爲奢侈品亦莫不喧賓奪主

美利 第一物產豐饒之國者固然歸功於農產然扼要言之無非受交通之賜 洋大西洋瞬息相通速力甚大輸運便捷世無其匹棉帶麥帶黃金徧地使美利堅爲 地自東徂西橫貫全洲之第一鐵道線由此告成同 附近 已通行之各鐵道線三數著名大站規模粗 四十分之一。農產物淤塞陳腐於腹地者不知凡幾遑論改良暴殄天物,其誰 美國更爲廣袤經營鐵道事業至今已閱四十 里之多幹線之旁廣築支路星羅棋布密於蛛網總延長超出全球鐵道線二分之一 大業因以循環開發由是益努力謀陸地交通當一八六〇年有鐵道三萬英里至一 ○年相距僅四十載增加至二十萬英里至一九一五年。全美國鐵道線竟有二十五日 (全球鐵道線不過四十九萬英里)全美境有橫貫大陸自東而西之五大幹線連絡 年至一八六〇年) 堅立國以後二十五年間國內實業尚無若何之發展厥後四十五年間。 园 域。 未曾銜接一氣廣闢大道以致交通仍滯運費殊昂行 爲國 內實業逐步發展之時代時彼國 具餘均鄙陋荒 載全國鐵道線號稱六千里不及美國 時發現加利 蕪毫無精采此無 執政諸賢戮力一 福尼島金礦厚生利 銷爲 阻。不 而已我國面 之咎歟即久 他。 但 自一 心。開 此 但 也即使 有 以上。 九〇 闢新 八一 世界 太平 萬英 鐵道 積。較 幹路。 用諸

藕 初 文 錄 上卷

百六十三

農 苦 積 其 自救之方焉嗚呼長此仰人鼻息不 如 產 無 相 率裹足而 自 物 山。 運送 行 任 組 到 織 風 雨之 之運輸機關。 內地之財源。 站以後鐵道管理殊欠完密需車者手段靈敏而 摧殘往往停滯 直裝歐美商 逐末由開發矣設使內地貨物。 兼旬不能 知何時得以自拔也。 而 不 運出母金因之而 通所獲遂微而有時且受人之壟斷 竭智盡能竟送至各口岸而 虧耗時機因之而: 路員亦狡黠殊 甚。 把持。 逸 坐 失商 一使貨

彦果能 農 酌 大 鄙 不 尤 道以 改絃易轍。 渴 量各 工。 人於此敢下一斷語曰。 望賢 (便運輸)。 方面 開 地 情形。 誠 人 求 在 相 改良農作增進 位。 見互 其在 所以自立之道若干年後吾民將爲奴隸之不暇遑論實業之發達 次第謀畫各項質業農工並 交通當 公治澄清。 相 聯絡。 [欲圖振興內地實業。 荷常此 分途並 產量使內地金 事急宜伤行歐美便 南 進 不 征 北討。 出十年。吾知 真而 融逐步呈活潑 爭權攘利 ___ 方面 商業 利貨物轉運方法將路政嚴行整 中國 應先推廣鐵道更於鐵道 亦隨之以發達矣我國 惟地盤之是圖 己實業必定 氣象人民生計。 有 拾國 可觀者 漸能 難 不 |矣雖 乏識 沿線。 於不 裕 **...頓以惠** 餘。 顧。 然語 廣闢 時俊 然後 m

利 的 政

安能 長此 素位 草此 公爾忘 政 愛國之至意不敢不貢其一得之愚予工商界中人也工商界年來所受之痛苦。 生利 局不 新聞報館總理汪君漢溪對於本年雙十節繼續徵文以予涉足工商界於工商界所受時 一爭所波及政權久已旁落政府視同贅疣不幸陷於無政府地位忽忽已三閱月邦 篇。 終古耶共和締造忽十二稔雙十又來紀念國慶國旣不綱慶於何在揮淚之不暇又 而行相與安之雖然羣龍無首對內對外失其系統國際地位受損實巨又安能 靖之痛苦及所抱政 的政府及早出現俾舉國人民咸得安居樂業而已生利的政府云何政府當局。 有所點綴哉無已惟有表示我工商界殷切之期望期望無他攘利之政 與我 私同 邦 心戮力發展 人 君子商権之。 八社會經濟 治改善之希望當知之較詳囑爲撰稿予不文第感於汪 濟增殖國家富力消弭 國 內殷憂 節 遊全球 (幸運而) 客相 無往 率歸休。 君 任 人 憂時 而

爭 劇 烈 藕 國 初 紀 文 湯然禮 錄 上卷 **義廉恥敝屣棄之攘奪把持黨系爭之僉以爲握財政** 交通之權者。

百六十五

一百六十六

謀 而 可 得肥 攀 附 意 : 爭競者 缺 侵 蝕 者趨之若鶩謀者無 巨 不悟 |款典賣國產予取予求不轉瞬間措大 也此外教育。 限而肥缺有限。 司法農商諸部名曰閒部藉以位置第二 於是傾軋之風熾矣。 坐擁 巨產 完 故 財 完 所謂 交久有 紅部 一等政客 者。 如是 紅 部之稱。 而己噫。 如是。

政體之敗壞一至於此復何言哉。

之 者。 計 財 構 與 於民提 部 人 無非 成 而已苟財政當 大宗入款爲錢漕捐稅及關餘鹽餘等等雖握全國經濟實權然實際不 生 民 間 利 斯 息息 |綱挈領獎進保育農工商各業。 世斯民之膏血於人民實無幾何之利益若夫財 的 政 府之原 相關之循環裨益要圖一方面 局長於理 則。 我工商界對於 財取之於民而民不怨亦僅可謂挹 今後之財部所繫以 使種種產額。 循 規律以 步步 取 政當局。 級增發展國家 之於民他方面 無窮 注有方然其所情以 之期望者 而能統籌兼 之經 出若 過 也。 **半財力用** 顧作 濟。 高等會 此 財部 政 挹 府 注

交部 意。 應 靈 餘 遊捷交系名: 如路 掌管全國 政航 鐵道 目喧 政。 非 但毫 騰 郵 於政 電航 無 成 海間循名責 路收支款項。 效且廢弛實 (位置 實際 甚交系云云徒為軍閥政客植權 郵務辦理成效卓著外次惟 人員其勞力遠 出 財部之上 壁壘 電 攘利 政。 堅固。 尙 之惟 差强 而 人 策

機關邦人士竟放棄本有之監督天職相與充耳無聞當局如彼民智如此可 憐 亦 可 恥 已。

雖 職權於交通範圍內事份須擴展庶幾責專而效宏例如關幹線築支路省道縣道以 然交部中不乏賢俊倘一旦君子道長必有抒其素抱起而從容整理之者惟鄙見 次開

拓化游民爲路工發荒山爲寶藏工業原料取用不窮腹地產品轉輸便利同: 時開潛 河道。

推行盡利之歡聲徧滿宇宙間矣此交部構成生利的政府之殊勳我工商界對於今後之 擴張航路以我國之羨餘補各國之不足取各國之特產應我國之要需一策畫一整 理間。

交部所繫以無窮之期望者也。

雖然往者已矣。農工商爲立國要圖願自今以往有振興農工商宏願並綽有振 爭漩渦。去住靡定等職官於傳舍雖有賢者亦往往以多種不幸關係卒之無所建白以 故財力不繼於工商業保育政策上。追未見有差强人意之設施光農商當局每每季人政。 計頒行偶開調查之例。商標登錄聊盡保護之方於百無聊賴中,稍有表見然終以國家多計頒行。偶開調查之例,商標登錄聊盡保護之方於百無聊賴中,稍有表見然終以國家多 農部應時勢之需要一方面文字宣傳廣播實業淺說一方面闢場研究起圖農產改良統 才具之人居此要職俾於一切設施上及一切保育政策上暢所欲爲而克收厚效務使國 與農

藕 初 文 錄 上卷

一百六十

寸黃金矣百利具興則衆患盡息此農部構成生利的政府之正軌我工商界對於今後之 無游民野無曠土地無棄利自給有餘進給世界夫然後寸寸土地寸寸光陰胥化而 爲 寸

農部所繫以無窮之期望者也。

賴國家千百年大計人間無量數事功在在需才在在有待乎陶冶是則棫樸作人之舉萬。 失磊落光明之態度此等人才而爲國家社會中心人物中興不難立見矣夫國民教育中 適應時勢之需求尊任尙樸重廉恥守禮義自立立羣避名務實剗除自私自利之行爲不 力不足而度日維艱巧取幸獲之風因之而日盛優秀分子流爲政客政客愈多政爭愈烈。 不可以等閒視也且也國民苟失教則生產力不克與消耗力並進嗜慾多而消費巨生產 教部爲全國教育事業之中樞最良學制之釐訂教育事業之匡扶悉惟教育部設施之是 位之卑小。而惟以不能發展所業之爲羞出力務多而享用惟儉制心一處而所作務精人 最要之點在乎才愈大而 之失於陶鑄有以致之耶今欲挽旣倒之狂瀾非力謀良教育之普及不爲功教育莫良於 人心愈墮落風俗愈敗壞水深火熱人民所受之痛苦愈不堪言狀如此景況何莫非 心愈虛不辭任務之辛勞而惟以不能厚植信用之是慮不嫌地 國民

日不 勉爲爲 可無 國 生利 此 主 之前 張。 此 驅。 適 應時 而 以 勢需 剝 蝕國 求之教育。 力爲 醜 在教部 事青年學子。一日 尤有扶植獎進之天 不 可 無 此 職。 決 此 心。 教部 教育當局。 成

古今地 於海 部。 醜行庶幾可一 生利 軍 事業上亦有多 律警備尚已司法與警務皆間接扶植生利 人類有智愚賢否之不齊境界有順逆得失之不同處 寓兵於商之制 ·備當縮至最 生利 期望尤切而: 陸軍雖不 的政府之要圖我工商! 無論 的 政府之出現。苟我舉國一 中 於他 能 種 掃 外一切人事。 小限度取其於必要時足以自衞 而空於來日歟予 度自衞之力。蓄之於農工商自身而今日兵匪擾民之痛 日日 關係當此全球一家中 部 之應 不備務期其百年不用我大中華民族絕無侵掠與國之心故 皆惟 如 界對於今後之教部 何 心現。 振 也主 致植此有力主張更進一步轉客觀爲主 作。 如 何改革不 張生利: 外互市農工商業借 工商百業界莫不 事業。 而已誠能為 而未可 的 所繫以無窮 政 在 本問 理 府之產出於悉力整 難解 一日或缺 題 切切焉渴望攘利 進一步採取寓兵於農寓 之糾 範 重 之期望者 圍 外交處亦不 紛維禁 以 者也內務外交於 內姑從 持 也。 苦軍 一頓 財、 社 會之秩序。 觀 的 略焉。 在 交農教諸、 閥跋 政 少 虚 客 數 時 扈之 生 也。至 兵於 海 利 法 陸

藕 初 文 錄 上卷

一百七十

實行則我大中華民國生利的政府實現之期固不在遠也。

解決民生困狀之研究

然則 而不 輩 獲詐取陰謀豪奪之種種不道行爲禍國而殃民雖然彼等所恃以生活之途亦至危殆彼 方則彼輩之舍歧路而來歸者必大有其。 吾人試默察之舉凡今日之一切病國害民者何一非民何一非謀生無路遂相率出其幸 泰半土燥天寒地多棄利以是因緣東南有 我國生齒繁多地方廣袤素爲各國所豔羨東南各省大都山明水秀物產豐饒西北各省。 亦自知其不足恃蓋的一 、我國之立國大計固莫善於重農而莫急於舉辦墾殖大業厲行移民實邊之政策矣。 治有一於此足以病國兄兼而有之國內種種之紛擾。未始不伏線於此兩端之下也。 而矢衆無往不苦其生活之途窮設有安全之生活出現於前 人可無惑焉。 人滿之憂西北有地曠之患人衆 而 不 理。地

·. E.

也世之習逸成惰者固不

知植果于樹之勝萬戶侯鼓腹高歌之有四時樂也減生活上

畫可因此實施種種困難問題大部分可因此解決也不須互資可以依次進圖不待機械。劇烈之競爭增大陸國無量之天產食糧高價可因此制止工業原料可無虞缺乏裁兵計 過庶之民族起闢天賦之荒原生利之豐奏功之捷有斷然者願我海內之謀國是者一致 可以赤手奮鬭到處可爲家在在足以序天倫之樂俯仰能自給人人可以植自立之基以

策進之。

得衣食孰謂開衣食之大源去競爭之焦點而不足以解決生活 事業爲解決今日民生困狀之前提者其用意亦若是蓋人生之所至急者莫急於得衣食。 横決也有壅之使然者因勢利導大禹行所無事而奏萬流歸海之豐功矣予以厲行 之地歲無寧日。農田變荒蕪之區固有之利源。尙且不能保持,其他復何言哉釋之曰。 不行武人跋扈濫募招則匪勢必編爲兵一失所則兵亦卽化爲匪民不聊生村落無安居 或者曰子之所言固甚是第以我國年來不靖之現狀觀之與子所主張者適得其反法令 無 論 方法各省區氣 投身何地操業何途不問其爲自利者兼利者其同一之目的無非爲資生計無非爲 候地質水脈交通有種種之不同當相機而定之。 上之困狀哉此於墾殖之 小人之

们 有文 錄 上卷

百七十一

在總商會演說太平洋商務會議之感想

事上 終勢力範圍及商業政策不無變更,一九一九年檀島農業上之日工五萬餘人罷工六閱 月。 議之感想查檀島係美國海軍重鎭人口二十五 太 雙方損失達美金五百萬元之巨檀島美人不能不要求母國人士之注意研究其地 、平洋商務會議之種種情形已由趙鄭趙畢四君詳細報告鄙人今僅略述對於此 一商業上主權上種種重要問題各項會議遂由茲而發生矣。 一萬而純粹美國人民僅三萬有奇歐 戦告 項會

要事務靡不由鼓吹而進於實行所以言論爲事實之母爲彼國名諺也此次雖爲友誼 其發表意見議決事項僅種因而已並不含有强制執行之性質然稽考歐美歷史一切 此次係商業會議發展商業之要點莫如交換意見聯絡感情此係一種國民外交之嚆矢。 議然其關係於今後太平洋各國之商務固甚重要也。 的

客有希望在此會議中覓得種種之權利來相勗勉者但此次商務會議純係非正式的交

易。 謀。 不 廣至若何程度。至於聯絡感情力除障隔流通消息無失機宜將 換意見斷非巴黎會議及華盛頓會議可比實際上能否卽行達到收回權利之目的。 上一旦發生重大事情必須派人參與合籌應付矣不但此也門戶洞闢强鄰覬覦我不自 無論國內國 分之天職然共和國國民豈可放棄國民應盡之義務事事受成於政府哉以故發展商 可見矣或者曰然則派代表赴會之目的 小試以細事譬之。人生斯世除非銷聲匿跡與世無爭。一 人且代謀,其挾經濟政策以迫脅我者我人日覺其嚴重切膚之痛當自救推廣國 卽 所以調劑內國金融蘄化險途爲康莊者也。 一外悉係我商人之天職實利由實力中產出有幾許智識能力資財然後能 何在耶應之日發展國外商業雖確係政 切不問而 來影響於商業者爲 後可否則設使社 府 會 推

之顚 但此 設 使 倒 也外人之投資 對 有 :作用投資者皇皇然不 **【黑白信口雌黃我欲安坐以求保持現在之商業地位恐不可得遑論其推廣呼不** 於國際貿易之大會議如 及貸資於我國者數萬萬元而內國通信機關操之外人警電頻傳不 知中國糜爛至若何程度國家之信用威望苟不 太平洋商務會議之類漠然置之而無人參與一任他人 力為

初文 錄 上卷

種 種關 其 係我商人之遣代表作自動的國民外交其又鳥可以已乎。 喪失殆盡不但僑民直接受其痛苦國內商務勢必蒙其損害而國 **一將不國矣因此**

達則商· 雖 關係至宏遠深望我商界領袖諸公注意而策進之。 至國外考察商務情形於我國商務前途定有絕大貢獻此事於發展我國未來之商務上。 究發展各本業之可能性乘機多派遣有學識之青年出外歷練參與會議或 前者皆趙鄭趙畢四君之力居多也鄙人尙有一言爲諸君子告者交通 然鄙人學識淺陋經驗微薄實未能當此重任其所以幸無隕越今日得報告於諸君子。 人之世界眼光愈爲重要鄙意將來類似此項之會議必甚多願各業中人隨時 愈便商業愈形發 者 組織團體。

丘上海商科大學之演說辭

形同人曾在總商會報告想諸君已在報上見過今日所願爲諸君言者可分爲五層。 承約講演因事務冗繁至今日始得一機會與諸君一談此次太平洋商務會議之具體情

舉吾所餘。 產何者有分 得互相 而非 第 欲發展國 發展 方所能爲力故 友善互相信用。 餘何者不足亦必須熟悉與吾通 供彼所需以彼所餘供吾所需。 民經濟不得 商務之前 提 而 不僅以知其 不謀發展商 商 我國 務始有真正發展之望此次太平洋商務會議即 雖以農立國然輸出農產品及輸入工藝品皆有賴 務發展商務之前提爲知己知彼必須熟悉本 物產爲已足尤須於兩方買賣物產之人互有所知。 如此則商務行爲成 商各國之物產何。 矣因發展商 者有餘何者不足然後 務爲雙方行 爲 達 國之 於於 此 可以 商。 物 故 的 俾

而召集者也。

物產。 即 努 面可 華外人居間以致吾國商 第二吾國商務之前途 對 力宣 以有餘之物產供各國之需要而另一方面又有極大之購買 於吾國最近工 惟吾國通商以來因不諳外情之故向來沿 傳吾國之真實情形務使盡 一商業之進步咸深讚美並各願竭力設法增進 **吾國物產之豐富甲於全球而人口之衆多亦爲世界最故一** 人與各國商 人 人間非常隔膜同 (了解其: 用問 (結果) 類能 接貿易方法。 人深 引 起各! 知此 彼國 力。以 國 無論 種情形故到 人士之注 購買各國 進 與吾國之商務故 口出 檀香 意 口。 一所餘之 皆 與 好 山 由 方 在

初文錄 上卷

此次會議實爲吾國商務前途播一良好之種子。

吾國商· 各種 費以致進出口貿易不能充分發展故欲充分發展吾國之商務實以建設良好道路沒治, 爲交通不便內地各省有餘之物產。及其所需要之貨物因運輸困難而需非常巨大之運 第三發展吾國商務之最大阻力 惟賴其異常天才始克應付然亦不能戰勝政治不良所發生之阻力云云此實情也今後 埠字林西報論中國商業謂商業不振。由於政治不良且謂中國商人現正遭非常之困難。 河道為第一要務其二則不得不以內政之紛亂爲發展商務最大阻力之一。最近本 人欲謀商務之發展決不能再如以前之漠視政治。當進而盡其應盡之責任。 吾國旣擁有豐富之物產及巨大之購買力又於此次會議 發展吾國商務之最大阻力不在國外而在國內其一

簡業人才在今日之中國非常切要人才愈多則商業必愈發展。諸君皆研究商學而爲今 第四發展吾國商務之希望 發展。皆有極大之熱望惟一憾事爲現今吾國商人尙未能對於各國直接貿易是以造就 十四國共一百十二 中得各國人士之同情與好感則發展商務之基本條件業已具備此次會議到會代表有。 人,其中美國代表最多皆爲商業界之領袖人物。其對於中國商 務之

後發展吾國商務之重要分子其希望頗巨大也。

苦工夫此義諸君須切記之第二須精細能刻苦矣又須養成精細之習慣商業內容非常 獻於諸君以爲互相切磋之資第一須刻苦學校生活爲人生最愉快之生活商界則不能 第五發展吾國商務之人才 決定。否則商市一日于變不能獲最良好之結果也。 繁複。非有精細之觀察及思考不足以佔優勝也第三須敏捷能刻苦而精細矣尤須有敏繁複。非有精細之觀察及思考不足以佔優勝也第三須敏捷能刻苦而精細矣尤須有敏 捷之手腕。商業機會。稍縱即逝凡遇一事經過精細之觀察或思考後或是或否必須迅速 如是故欲在商界中有所建樹非在學校中養成刻苦自勵之精神不可欲得真成功須用 余既以發展**今後**吾國之商務期望諸君則不能不有所貢

余今日樂爲諸君言者略如上述總之吾國商務前途非常光明而目前之阻力實爲不可 忽視惟賴吾國商界及研究商學之青年共同努力則此後之商務必能爲空前之發展則 余所敢爲諸君斷言者也。

今日農工商業致病之癥結

藕 初 文 錄 上卷

然。 以 主持。 至 於 不 民 重。得 予涉足工商場,且與農民至接近見聞或較切俾進一言以慰邦人士喁喁望治之殷予雖 簡 國 無從挽救之中欲進根本救亡之說仍屬意於振興農工商作吾民力求自拔 在 在。 則各 擾攘。 我國今日大勢觀之。距振興農工商之期實遠甚無已姑就妨害農工商發展之癥結 人者昌爲職業界歷刧不磨之金言無論何業苟得有才識有毅力有素養之士爲之 水 約略指出之作醫國者對症下藥之一助可乎。 陋叉焉敢縅 深 干載 火熱之中斯何景象予欲無言上海新聞報館主任汪君漢溪痛念民 本業之節節進展也可以豫必故農工商百業苟得人爲理則振興尙非難 於茲風鶴驚心瘡痍滿目農輟其耕工罷其業商停其市哀我國 《默無言重違汪君篤念民生之雅意雖然振興農工商業人才與時會並 民無往 心声鍼以 (生之疾) 事雖

被 遺散 一也實 八 日 一滋流 者流 而成 一而二二而一者也募兵愈衆則造匪愈多人民所受之痛苦愈深不僅 乎此輩豈天生而爲殘殺之人蓋昔也饑寒交迫爭應募而爲兵今則 離遷徙者接踵於道小民何辜橫遭蹂躪者死亡枕藉誰實爲之非舉國疾 匪 平民而 經過 隊伍生涯安守秩序之良習。 變而 爲目無 法紀 心暴徒兵 增 生活 加 視

所

擔 而 已濫於招兵以禍國此癥結所在之一也。

旦化 玉石不分地方糜爛如直隸之高陽湖北之宜昌。 活上驟蒙不良之影響不待言矣況乎繁盛市都往往 鄕 兵猶火也不戢將自焚此癥結所在之二 無 寧居轉徙入城食口衆多物價以之而昂騰。 而爲灰燼。吾民以何寃業而遭此慘劫且也擁兵自衞者有時亦爲其部下制死, 也。 工業未昌生計苦 河南之許州等處千百年蓄養之精 有軍隊駐紮設不 無所 補 幸 助當 旦 地居民生 因 【故兵變。 華。 命焉。

多方。 以成交運兵愈忙碌交通愈阻滯貨物失調劑之道。商民受交困之苦,兄乎出動 車 急所經則供應道窮即使輕騎疾走。一塵不擾而: 地乃有圖窮七現。因私利而稱兵戈威脅令行驅良民以塡溝壑占要道而交通爲梗奪貨 輕於出師者無名勇於私鬭: 則 輸運 紳商實首承 無從橫截上流商船被扣强迫勞役商貨不前各地金融因之緊迫萬般貨物 其敲吸大軍所過千 者不武。一家骨肉中原豈逐鹿之場五族共和四顧 里赤地此癥結所在之三 地方已飽受虛驚矣何况設心籌募羅 也。 無揚 則軍需緊 難

兩 方開釁猶之豪賭。 痲 初 文 錄 上卷 戰動耗數十百萬金陣地殘骸莫非國家赤子善後債累究竟取償

百七十九

常發展 累擢 黎民。 實 誅 得 而 而 業益 抒國 求 徒 由 餉需之策源地而更得胡林翼氏之坐鎭武昌調遣有方也胡氏一書生 無 於聚斂矣此癥結所在之四 人力當斯時也。 湖 遺 軍 派而難 事家 之中稍徵微數而商民不覺其苦今也何如民不聊生苛稅疊加 難創新稅通鹽運改漕章剔除中飽增益收入各地軍費賴以接濟商務繁興人 後 之以湖南富庶之區聯爲一氣使曾氏指揮將士後顧無憂所向 北巡撫當洪楊勢盛軍情緊急餉需浩繁之日獨能持籌布算權取一時以解眉 禍 也。 死 音曾氏治髮逆垂十載所向無敵而賴以奏宇內肅 堪魯先哲有言曰與其有聚斂之臣寧有盜臣今者吾商民所受之痛苦千 讀兵書紐於往事迷信武力隱然以古名將自期許豈知今昔異勢植 兩湖財富甲天下。並非兩湖之有何無盡藏不過百貨流 也。 清之偉績 而 有功者雖日 不已商罄其產。 耳以長於治 通從商務 《者其大原] 天 命。 虚 願

以 上四 坐 誰 一誤癡望結毒之自消自病還自醫亦不勞借用外力以求性命之苟全其道惟何即各 不 欲求幸福謀進步者旣識破癥結所在知必舉國一心急思所以 但爲農工商致病之癥結實亦妨害人生之幸福。 阻止人類之進步,吾全國 力除之決不復因

百

倍

難 國一心共出其百折不回不成不休之精神以爲之傳當局者知人民疾苦無可再忍衆怒 地方農工商有力分子以去癥結謀幸福求進步之決心組織正當團體起而自謀扶之以 正氣出之以至誠將彼病菌 犯無法可抗凜然生懼就我範圍癥結旣破民治始成如是不但可免陸沉之禍且可媲 强矣。 掃盪而擴淸之蓋正氣長則邪氣自消至誠濃則團: 力自厚舉

惜人才

常之世必賴非常之才國無人才國將不國才而不用或用違其才皆非愛惜人才之道也。 國之需才盡人得而知之然而人才爲有限的需才爲無限的才難之嘆自古已然况今非國之需才盡人得而知之。然而人才爲有限的需才爲無限的才難之嘆自古已然,又令非

於是論惜人才。

民生日益 中華民國十三年矣國內之破壞建設可謂無時或已可謂無地無才顧 凋敝對古人有遜色對先進更望塵莫及豈真無人應此 世界潮流挽此劫運乎。 何以 國事如累卵。

親初文錄 上卷

一百八十一

言蔽之。才則才矣情乎我不自惜人不我惜之可慮耳請言其概。 藕

才也。 求非分之權利。倘前者加以深造後者糾入正軌敢必其均爲有用之才決非小 淺堪虞一以百業凋敝習尙奢華應得之利不足以供需求誤用聰明之流或竟 生計艱窘足以消磨人才也 生活程度繼長增高一以學者急於謀生半途中輟。 有 出 才或 範 圍 資 而

道喪顚倒 等耳才有大知小 面不知其誤用而以爲 (一)學非所用足以埋沒人才也 錯 亂戕才之害未有甚於此者。 受事有繁簡 無 才。 方面自恃其才而甘於暴棄於是弱者閒散强者鑽營廉 巨細芍非因 不 學無術世人所譏學非所用與不學等耳與不用亦 才器使則方枘圓鑿不 敗事也幾希甚 或 方

爲善 有門外之人,挾其才而貢獻主正義以宣言吾知不利於己者必羣起而責之不同臭味)政黨傾 則非 入 與 我惡者爲惡 才 亦尚異黨的 軋足以排 擠 人 則 有 人才也 而已求才於黨雖不能 才亦棄知有黨而不 居今日而言黨不敢謂其無才第 必 知 有國。 其 絕 知有 無而 爲黨求 事 而 不 才。僅 知有 傾軋之風亦不 才直 可言其 興我善者 或有。 · 必 諱。 使

必多方以非之非至閉口無言不休也退避三舍不止也欲達親愛或提攜之境不 亦戞乎

其難。

此敗可以鑒矣。 心欲爲國效忠固自視未逮卽使欲爲長官效力恐亦未必盡心力而爲之軍 高自信尤堅鑽營阿諛之輩復從而推崇之已不知萬事變化之窮更何知禮賢下士之義。 剛愎驕矜無所不至武斷驅使無所不爲卽使人才輩出或懼威而竟裹足或晤面 (一)長官傲慢足以壓抑人才也 時不我予不足展才人不我信不足盡才長官自視過 職長官類以 而 生戒

慮也。各業提倡維護之出自政府朝三暮四之可慮也舉凡對外對內 府民情隔膜之可慮也況五日京兆賢者恥之攀龍附鳳智者不取與其遵正軌 責亦在政府。吾爲此說。非必政府而後可以用人實法令典章之出自政府,朝令夕改之可 - 若趨捷 政府失信不足登庸人才也 使有才日孜孜於患得患失之間更何有於實際辦事之心力甚或因是而 徑而 保全祿位世之潔身高蹈者有之見異思 有才之見用與否責在政府用之而能使之發展 遷者 有之刻意讚營者有之試 一切設施之出 連帶爲出 而 不 八與否。 能 百政

藕 初 文 錄 上卷

百八十四

軌 人 之行 民不能卸其責登庸無術政府當負全責數。 動尤不 知所辦爲何事矣凡是種種雖左右政府之軍閥不能辭其咎監督政府之

總上 養 務盼我政府暨長官等去已往之積習爲國家愛惜人才尤盼我國。 不能惜者又如此。余不才深盼英雄造時勢時勢造 成 一製端。 有用之才則國事前途庶幾有豸。 知人才爲國之元氣惜才爲培養之原絕對而失於不自惜者如彼相對而 英雄得濟濟多士爲國 内青年為國 家社會盡 自 1愛自惜。 失於 其

農部實業會議答辭

農商 有 裕 用 民 息均極感動以爲趁此 加。 感愧無 生熱忱宏願欽佩良深同 總次長本大總統提倡實業之至意召茲實業會議博訪周諮務求民隱振 岂湘 玥敬代表同人申茲謝悃。 時機。 人等躬茲盛會並荷 可以將各業之困難情形。 惟此 次會議。 大總統農商 來京 自定期召集後各地各業 次申訴 無· 總次 長及 如 江 各部總 浙 事 起。 興各 守聞! 金 長 業富 融 獎勉 此

想今並代表 形緊張交通 表其意思詳爲陳述夫民爲邦本裕民卽所以裕 亦有 不便以致一部分代表。未能前來湘玥揣度各代表心理必有共同之感 國裕民之道維何卽振 與百業。

安居樂業而 已矣故善謀國者必自安民始調劑金融以通其氣開闢交通以暢其流。

計者也溯自民國以來已逾十稔金融 增減稅率以發達 內國之製造講求科學以增進農產之富源凡此種種皆有益 曾調劑否交通曾利便否國內製造曾受政府保護 於民生國

而能 人民之痛苦更甚於曩昔連年擾攘災害頻仍金融恐慌交通阻滯內國急需之原料。 與外人競進否農產物品曾得科學補助而 益形發達否竊恐不特難以副此期望而

國外致使本國工藝頻於破產各地輸運之農產重疊課稅致使不得流通屯如山積苛稅

隨意徵收民財盡情搜括流連載道居不能安倒閉 時聞業何能樂凡此敗徵益形顯著同 火並願 政府息內爭。

求民隱闢 人等願乘茲機會申訴於今茲之政府冀有以補救之而拯斯民於水 我富源裕民生計植百年之偉業成邁古之豐功尤願今茲之坐而言者起而行。

·而力也,

增進商人智識以期發展商業

萬國通商優勝劣敗商業競爭之烈未有如今日之甚者凡我商人不可不應社會之需要。 爲種種之進取。社會進化極速需要極繁不有智識將不足以言商是以智囊智珠自古

稱之。商戰時代鬭智不鬭力增進商人智識似不能緩管見所及請言其概。

而

制勝人才此對外之宜講求智識者一也。 五洲互市以來國際貿易日盛一日外人操其奇贏多有專門智識而我則左支右絀絕少

國 內水陸交通利於往昔兼程並進朝發夕至故步自封易落人後此對內之宜講求智識

者二也。

商業各有精粹商人各有專長競爭於普通商場容或得之於徼倖競爭於多數同業必以

凡事愈競爭者愈有進步。在昔已然於今爲甚商業內容原極繁複欲謀事業之發展宜 智識之優劣爲判此對於本身業務之宜講求智識者三也。

求智識之增進智識無窮盡事業亦無窮盡積多數人之學識經驗爲各本業與利除弊使 先

永 久而 不磨滅則各本業始可占商場之一席地此對於商業之發展宜講求智識 者四

也。

人心不古莫辨瑕瑜假名圖進事所難免法律既有所不及道德更無以防閑奸詐流行。 人之蠹狡者爲之倀弱者受其欺設各個人以智識爲行事之準則各商家以智識爲同業 商

之保障雖有害馬難施其技此對於商業之安全宜講求智識者五 也。

講求智識其道維何。一語破的學而已矣顧舊式商人有經驗而無學問新式商人有學問 指導似有事半功倍之效啓迪之法。約有三端。 而無經驗比比皆是毋庸諱言今欲鎔經驗學問於一爐惟有已成商人之輩加以學問的

漸及通 日宣 講目今國內不乏商業通才似應廣爲羅致由政府聘用擔任宣講之職首自都會。 商各埠使服務於公私商業機關者莫不知商人之道德之責任之義務行之期年。

雖不敢必其大成然日進有功未始非增長智識之一道。

夜校之不良實校內之學科與商業上之應用者每南轅而北轍 百 I教授。商· 人身為 職羈教授適用於夜校顧何以夜校林立而商業智識。 耳是宜將普通 無進步是非 **湿學科減少。**

初文錄 上卷

百八十七

藕

切於實用之學科增加人材輩出敢爲預卜。

有商會爲之媒介商業之因何而盛衰如何而發展商會與學校互相提攜研究因果編爲 三日聯絡各業既有夜校或因時制宜或因事遷善徒言學科恐猶未達融合貫通之境則

教科。當時已得澈底之辦法後來且足引爲借鏡矣。

似 湘玥託足商場時虞隕越。在滬言滬尤有隱憂增進商人智識認爲當務之急但茲事體大。 匪 「有羣策羣力莫資挽救倘承政府提倡不特於商業前途足以發揮光大卽於世道人心。 亦稍有涓埃之補。

解决五卅案之我見

莫可言宣於是遂有六月一日英租界全市罷市之舉迄今已一星期中外人士之願任調 路之慘劇且續有傷斃者此案傷亡之衆當局之殘忍行爲三中外古今所罕見羣情憤激。 自 五月十五日日商內外第七廠擊斃工人顧正紅後醞釀半月未有解決遂有五卅南京

也雖然歐戰血戰五年。率歸解決況此種慘殺案乎是在雙方之揆情度理推誠相與並停者頗不乏人而雙方各走極端不但無解決之希望並此接近之方法亦無所聞良可: 慨 願

乎玥不敏謹援各言爾志之義就法理事實以研究此問題及進行之步驟本其一得之愚。 魯連其人者弗辭勞瘁繼續進行則燎原之火勢或可少熄而中外之感情庶幾不 致過損

貢獻於邦人君子幸垂覽焉。

- (一)負擊斃工人學生市民之責者應依法懲治。這屬方非少弟二三三賈素
- (三)被押各人應卽釋放(二)發令槍擊之總巡捕頭應暫行停止職務。
- 嚴而隨意 嗣後工部局 心搜檢行人。 應負責 聲明不再有隨意槍殺之舉動並不准西人越界拘人及藉

口戒

(五) 撤消戒嚴令。

(六)撤退海軍陸戰隊及商團等。

七)倘工部局允許實行二三四五六條時。各商行號應一 一律開市靜容 候法律解決。

稱 初 文 쓶 上卷

百八十九

己之死 治標治· 若 成 毋 刨 有常識者不難推想而知況目今所罷者。何有其他之工與學乎或者謂一旦開 及 蓋 此 散將來無良好結果,到敢謂一鼓之氣不足爲氣浩然之氣斯爲真氣恐開 集會言論出版自由等項此種要求性質既各殊而各國主張勢難一致自應由吾國外 寒蟬而甘自暴棄切膚之痛旣身受補牢之計安可忽不識吾商界同人。其亦計及此乎。 無 太 項 輕視 不滿意矣並望吾關係密切之重要商 軸根據民意趕速進行以圖圓滿解決此治本之法也況罷市非制人之死命實 慘案關係至巨亟應詳搜證據調查事實手續甚繁決非三數日所能竣事故應 命雖能持久犧牲太大且滬地爲全國金融樞紐影響於全國商業實業者至 本 我商 兩法而上列第七條卽治標之法至其他懲兇撫邺收回公堂要求市民選舉權、 人乎玥並望吾國人處事有區別力推想力組織力堅忍力則事無 人團體及各業勿依違兩可而無所適 市而 市而 徑。 不 氣 ·成。 而 散。得 _{巨。} 制自 勿噤 民氣

追 悼王君志公演說辭

會之感情獨厚則對於今日吾會之追悼王君覺此方面起無限之悲感他方面起無限之 煙會之雛形略具王君志公係本會近六年內駐辦員今王君死矣以予之對於不吸捲煙 係其時多所痛陳在座贊成者爲數甚多於是陸續有勸戒捲煙之印刷物出刋而不。 調查捲煙進口數覺星星之火在當日已大有燎原之勢遂研究捲煙與我國國民經濟 回 憶前清光緒三十一年夏季予應滬南商學會之招演講國民經濟是時予適執業海關。 吸捲 關

予自前 會是時會員衆多而予與王君未嘗有把袂之歡然雅慕其人而器重之。 今先述予對於王君非常欽佩之意思當予偕滬學界諸先進辦滬學會時王君志公來入 年回國後王君志公適任不吸捲煙會駐辦數數過從略知王君之梗槪請約舉王

希 望。

君之德性爲諸君述之。

不能爲王君有此特質吾人不但心折王君之至誠而追悼之還當善學其至誠。 所言皆從肺腑中出。此至誠之特質以吾國羣衆中。似不多得因缺此至誠致凡百事業皆 王君之至誠。 吾人與王君相見卽僅僅立談數語間便覺王君之爲人迥異尋常蓋君

初 文 錄 上卷

丽 如一日。至人所不屑至之處進人所不敢進之勸苦口婆心百折不回有人揶揄毫不 王君之刻苦。 逢 、勸勗。進行如故其刻苦堅毅有如此者。吾人不但敬重王君之刻苦還當善學其刻 王君爲實行勤儉主義之人爲社會奔走呼號不辭勞悴任職至今六年

學其不爲私。 欲達到人人不吸捲煙之目的除此目的之外於其個人竟無第二目的借社會事業以達 個 三王君之無私。 人第二目的者頗不乏人而王君不然吾人不但佩服王君之不爲私而追悼之還當善 王君愛人以德嫉煙如仇勸導不已繼以調查忠告心心念念在在處處。

鳴 的。 本會之進 呼王君 行 無愧爲社會之模範人而今者王君爲社會死矣吾人對於王君將如何而對於 將如 何吾敢斷言之日盡吾人之力量繼續進行以達吾人與王君同

請 吸機煙之爲害就吾上海論上海人口幾乎達百萬即以上海住民作百萬計而計 進述予對於本會之希望今不暇備舉吸食捲煙之種種害處即以最簡單之言證明呼 有 十分

豈不甚善僅上海一隅人民立志自覺舊染汚俗咸 事業,其影響於國民經濟造福於國家社會前 此其大合各埠及全國計之。一旦人人醒覺努力撙節痛除煙習以此血本創 驟然有三千六百戶。篮賊氓丐可以悉化為良民捕房監獄概可空閉地方新聞不 做買賣百萬元間接 三百六十萬元。創辦六紗廠僅僅此一年以內之撙節已得使失業人民賴工作以 紗廠因無知無識故於冥冥中呼吸去矣設使我上海人咸能立志戒吸以一 十萬元每年省下可辦六十萬元資本之紗廠六家嗚呼我上海人力所能辦 椗子萬枚之紗廠其在此紗廠賬房直接領 之一為吸煙者此十分之一吸煙者平均每 萬銀 元化作煙塵每日消費一 而獲 利者尚不在 萬元每一 內以上海吸捲煙消費數統年計之為 兩 取工資以生活者至少有六百戶此廠 月卽消費六十萬元若以此六十萬元開 人每日消費銀 途為 與洗刷,其於實業前途社會影響已如 何 如 哉。 一角則上海 一隅每日竚看 年內省下之 辦 每年之六大 數凡三百六 存活者 復汚濁。 切 毎 歲可 辦

予自 上海大收 前 年 回 效驗各省亦大受影響煙行大起恐慌而某行大班語人云苟香煙雪茄拋擲 國後聞於光復一二月前! 滬上會員敦請伍 公秩庸提倡不吸捲煙不浹 旬 地

初 文 錄 上卷

藕

一百九十四

计偉人等提倡之而無知小民亦模仿偉人之爲人尤而效之至今日雖婦女孺子亦不以 贈送光復之日。輦送香煙雪茄若干箱進某都督府中於是軍警政治界大吸特吸飲鴆 上人人視同糞土無人拾取則吾心方死今默察華人立志未堅正好極力運動於是到處。 丽

堪目覩教育未普及而捲煙已普及豈不大可痛心大可驚懼哉。 呼吸捲煙爲羞恥婦女而亦吸捲煙游行無忌爲東西洋各國所無其一 種醜現狀實在不

情均以此害不除此心不死。 故予亦立志有某大班之決心曰如我國國民戒煙不盡絕則吾心不死也想諸君定

後已此卽我輩對於社會教育之天職也願各自勉之。 今王君鞠躬盡瘁死矣我輩人人皆應繼續王君之志掃除煙患死而後已否則煙患絕而

追悼奚君萼銘演說辭

奚公萼銘爲富而仁乃天不假年竟於去年底溘然長逝聞者惜之本日澄江同鄉暨萬天

其惠者歷· 與社 除此 往往 亦不致失所又以族衆滋 獨任巨款創立義莊施惠於族 田悉被沖沒奚公慨捐巨 也奚公不但對於同 **嘉惠後生後生之賴以成** 未固慨然以數十 之現時風尙 諸 商業幾二十年立身高 親 種惡習起居飲食無往不 會吾人應作爲表率 入不敷出甚至於商業 友就江陰公所開追悼會以玥悉奚公梗槪推玥陳述奚公之生平公本富家子 久未忘至於在梓鄉之造橋修路踴躍輸將又其小焉 趨重奢華大都以浪費爲豪舉故無論 萬金爲購置地產之用使義莊得以永遠成立而族 姓為 潔處事 資。 繁而 者。 立者亦復無 然卽對於桑梓慈善事業亦甚 中 工代賑 刻苦自 生產能· 也奚姓衆多聚族數千人老弱貧苦者幾至無以自立。 有因 勤愼脫盡富家習氣而尤 人而族人之賴以生活者不知凡幾臨終時恐義莊 而 次年 限奚公由 力之强弱全賴教育故奚公义獨任巨款設立 勵奚公非吝於財不過本身作則力行節儉。 倒閉者舉目 ·叉大水 一身而及於一族吾人應作爲表率者二 因圩岸加高。 四顧滔滔皆是而 何 種社會因支持 盡力。辛亥之年。洪水 在在以至誠待 者也江陰人經商滬上者 並未受災境 其空場面任情揮 奚公雖富家子能掃 人之惟義莊! 人。故 為災江 以親友咸 内農民之受 是賴者。 版基之 留 好樣 奚公 愛敬

不有 女 錄 上卷

一百九十五

百九十六

業 金錢 一也提倡實業直接以裕民生間接以紓國難。吾人應作爲表率者五也玥嘗以爲 能 爲 甚 之所 苟欲作抽薪止沸計。當以設法使人人皆有生計爲急務欲人人皆有生計則必以振興實 爲 궲 助 世。 表率 任至何 為前提奚公見到必力行之故邇來對於各實業均甚熱心鄙人所經理之厚生紗廠。 表率者四也奚公在日常目擊世界之紛紛擾擾考其原因無非因生活問題。 實踐其言故對於湘賑順直水災以及各省慈善事業之爲公所知者無不慨焉解囊捐 父餘蔭薄有資產對社會上事安敢淡漠視之奚公竭其心力爲社會謀公福吾人應作 巨款居恆謂社會公益事吾人所應爲者甚多但無財之人雖有此心亦無所用吾今 系辦 数 。 於人。 能 而 者三也奚公生平所作公益不分畛域常語人云同是中國人何分此疆彼界奚公 爲 奚公捐資造丙舍至今公所甚興旺亦奚公之力居多熱心桑梓如奚公吾人應作 力以 地。 有益於社會終而至於國家如是方無愧乎此生耳但社會上許多 任 有益於社 報之或犧牲所有貢獻斯世况乎人爲萬物之靈人之惟一責任。 取 何物。 無往 會之一念蘊藏於心而努力於生利事業及既得財即用之於社會。 而非現成享用以文明先進國互助主義言之。在我 有 **區而起波瀾。** 亦當盡 即為 念 人生在 之事。 事 叨 我 其

雖然奚公固雖死猶生而奚公所辨諸種之公益事業深望諸親友按一定之程序繼續做 然大都未作何事而默默無聞以去則對於奚公之雖死猶生其賢不肖之相去爲何如歟。 到貫澈此主張之地步不意奚公竟先我爲之明之傾心於奚公之所爲爲何如也今者奚 社會間而多此等富家翁即國家社會之大幸玥蓄此志久矣方在開始預備中。欲逐漸達 及此,大可寒心故玥嘗謂手有餘錢能用之於社會有益事上此真不失富家翁態度國家 途試看古來多少豪富曾有幾人能使子孫保其世產。垂之永久生於憂患死於安樂言念 出若干分爲社會上有益事業之輸助如祖父遺下之財或自力生出之財不能用於社 紀念中雖謂奚公仍舊在世亦無不可世界自有人道以來其瞑目長逝者等於恆河沙數。 公往矣。然而奚公所手創之事業如義莊與學校及便利地方之道路橋梁等等均在吾人 因 去發揮之光大之。使奚公已往之成績。永久存在不致有人亡政息之慨果若是則於奚公 有益事上。但傳諸子孫子孫而賢何必需此子孫而不賢無福享受任意揮霍轉眼 他人所有之錢財自己無權行使不能如意支配除非自有故名分上正當之收入應提 心乃大慰而今日之追悼紀念亦於是乎不朽矣。 、落魄窮

和 初 文 錄 上卷

百九十七

學理的管理法自序

超出 此項人才之所有事自經理以下如經濟部貨物部機械部儲藏部勞作部雜役部以起於 要凡增進精 造能力予日否否不然中國實業未進陸續振興之軌道者質言之實缺乏實業界適用之 國 振 中至少得此項人才一二人。多至七八人不等管理人才。在事業管理上所占地位尤爲 才爲技術家占製造 凄凉情狀實足令人駭心果以何因緣而遭此顚躓歟豈邦人士之智慧不若人抑缺乏製 位 興實業之要點有三一日原料二日製造三日市場三者缺一即無以躋國運於隆盛吾 才而已夫實業界適用人才約可分為甲乙兩種甲爲科學人才乙爲管理人才科 四百兆以上日常消耗額至巨偌大市場又爲他國所無然環顧國境以內實業界之 在北溫帶上氣候適土質肥農產礦藏甲於全球以言原料旣無缺乏之虞吾國 良之產額節省無謂之消費直接發展工場之隆運間接開拓國家之富 上重要地位凡原料之配合出品之快速與優良皆彼之所 有事。 學人 源。皆

著之學理管理法一卷。一 美國南方塔克塞斯境研究植棉及紗廠管理法深佩彼邦人士於管理上種種方法。 組 左右指導之功居多。 入微凡有所利。 缺乏管理人才故此言非予之所武斷予在八九年前廁身地方諸要政中默察各 得人故竟能措施合宜立足於不敗之地管理 之由胥屬於管理其 免得管理人才。即使科學人才,一時未得相當之人爲之輔助事業上固屬缺憾然以管 者有之是管理人才所負責任爲 織 惟吾中國尚未有人爲我一般實業家介紹焉。 **| 督率裝潢輸送等各部分在在須得相當之人設或一部分弛其職守而** 心以故詩 甲紗 廠種 水董 種工程計劃督策荷之一肩獨譯此稿多費時 無不力圖凡有所病無不力除予在此數年研究期中更得戴樂爾先 此 東蘇君分勞合譯以畢斯事此書之成董君之力居多此 事之得人與否故予之留美學農於農場管理法尤所注意卒業後至 **書係新管理法之鼻祖出版未幾風行全球各國均** 再披覽於以恍焉悟美國實業界管理方法之精進實此 至重 也僅僅有科學人才而缺乏管理人才,其失敗 人才之需要也有如是吾國工業不 回國 以後即 日恐遠希望百業早 於百忙中譯之譯未 有譯. 全局蒙其 ?書所載] 本 興實以 刋 事 及 軰 日 推究 半。 振 行 先**覺** 生新 張 仍 痛

有机 文 錄 上卷

所 進凡/ 雖)無論個· 借 馨香禱祝者矣譯者不文僅粗舉其大意如此謹記之以弁卷首。 鋼 百實業而已誠得一般有志改進家熟按此書所載方法引伸觸類變通化裁而 鐵業發端用其道以施之各業無不推行盡利雖然此學理管理法豈第適用於改 人與家庭社會與國家種種事業參用此項新管理法無不立收奇效是又私衷 妙用

中國花紗布業指南自序

所長。 寒暑。 大都 泱大 年 戰 場中相率而犯兵家之忌宜乎前此若干年間實業界之無幾何生色也今就 來實業足以救亡之說愈唱愈高專門家與資本家日益接近以故新事業產出於我決 有以致之孫子不云乎知彼知己百戰不殆不知彼不知己每戰必敗立足於工戰 乃蹉跎歲月迄未見長足之進步夷考其故蓋不 未入完善之軌道外界競爭多半昧制勝之方略開紡織新事業風氣者已閱二三十 、陸者日益繁多多數事業中希望較長效益較速者以棉業爲首屈一指但內部 知自己者所短與絕不考察他國之 紗布 組

今日 棉業國 年 外 贅 椗 利 棉。 布 本 達三分之一 民 多瘠土不產棉其所紡粗 之勁敵 團 貨 紗布 盡 本 數。 乃不 海 被攫。 僅 結 之逐鹿 欲 家 關 冠其 一發達 加研 在 報 與 抵 於下紗業公會督促翼扶於其 固 日 告便曉然於外來棉產最爲 有 H 查進 究致出 本爲 年 國 於 無待言矣雖 內 志 本三分之一。 人民 我中國市場上者印度棉紗美國棉布而外更有 振 以 或 來。 出 興實 紗 口 棉 賴以 口貨 布 内 貨旧趨於惡劣自洋 業 紗 業。 國 然日本 生活者 以此 棉 一紗廠布 紗。 第二大宗。 根 者。 本 對 取 布之來路 此 例 計 材 |敷十萬| 於印 有望 畫。 彼。 廠。 陸續 固 知 品 在 式前後 左 度棉細 巨大 事業當 中國 及銷 在 區島 我 戸事在· 國 紗 乎農家改良棉質。 添 國耳縱 製尤以 (漏巵已· 一紗業 設。 布 進 然吾 出 右三十年來。 紗 入 口 貨 其 前 口 X 取 以 鋭利 材 則 占 爲。 不過三千 由 途。 國 後手 地理 爲 入 於美棉埃及棉因 正 人民 日 多發展 1本運 之眼 第一 口 總數多 紡土 日本 貨 而 固 大宗日本 -餘里橫 來之粗 光靈 不 全 尤 餘 紗。 足 紗厰 額 在 日本紗布。 一
敏之手 於日 囿之。 平廠家 及手 四 地。 一分之一 紗布。 用 不 布 過六 織土 花之 業 本 我 政 紗 國土 占數爲 改良 府 布 試 腕。 前 入 (分之七) し數竟爲 百餘 以 布。 提 業。 擒 途。 檢 亦復 温於 地所 爲 相 上。 I 此 最 里。 駸 作 時 中 我 形 上商 見 全球 境內 機。 類 出 在 國 巨 駸 國 日 近 乎

藕 初 文 錄 上卷

必欲定 備巨 殆促吾紗布業振奮之警鐘乎抑示我紗布業利病之明鏡乎以玥觀之。是書固不 **吾廠之慾望嗚呼不聽警鐘不足以破妖夢不臨明鏡不足以照妍媸**。 創設廠場於我境內之舉且不僅此我不自拔而 **吾人不善自謀而後機警之外人代爲謀於是有設彩誘引推廣銷路** 拒 共不幸此廠 如 如許新市場閱此 布業中之警鐘之明鏡也擴賣買於萬里而遙有航線始 何 政 客貨之侵略閱此 一款挹注。以維市 減輕製造費如 府 採 神。 生死於條件以內有契約 閱 用獎勵保育政策焉出口紗捐之免除進口紗捐之加增出統計報告以促競 所有事· 此 書 害而知國民宜勇於公戰樂於輸餉投機事業原不出諸大商行閱 m 何減 兇。 也木朽而蠹生穴空則風至內力伸展若于度數外力退縮若干度數。 書 知貸借金錢之權宜接濟不若公積折舊之堅築根基一 此政 丽 少耗廢料如 知苛稅不可一日不除外貨 府 所有事 即當確守閱此 何集思廣益。 也研究工廠管理法如何 書 有利用外資之癡願人得所 以謀事業發展。 而知合同訂立之宜 不 有自由。 可一日輕縱經 閱 得 人之心。 此 如 於我腹 此 何患難相扶以免公 書 慎。 日本紗布 而 番之痛 如何盡人之長。 知 度凱奏。 土貨 乘而 地就近供給。 海 權 之束縛。 起吞併 業一書。 苦。 僅爲 在 必得 握之 振 紗

藕 初 文 錄 上卷 擯棄攙水棉花改進全國 知居易者克守恆業。行險者每至破家他如大阪紗業公會固結廢家感情的止劣工 紗質求減成 本。達 到 內國 免稅目的期暢行銷。 阻止 人國 加

難。

而

計 畫遇市面蕭條時限止工作減輕經濟上擔負獎勵出口吸收大陸金錢遇母 財場蹶

選舉代表。迫求日政府維持。安訂條規力請銀 心發展紗布業之用精密調查月刋詳 細報告爲考察商兄改良工事之需此 行家接濟擴張航權歲收 巨額 回 書詳 扣。 爲 載 堅結 此

類事實本本源源纖屑不漏非但吾國紗布業中人當引為振興本業之師資無論何 業。 皆

銷。 可取法如改良出品抵制外貨選購原料開闢航路設立公會維持督策贈送彩 此 種智識爲 中國辦實業 者所最不 可缺謹本諸希望我國百業競進之微意遂定名爲 票期 廣行

國 花 紗布業指 南見仁見智。一 在閱者明不文當譯述 此 本之日正廠務非常繁冗之時。

中

草勞人僅求達意於修辭 工夫 上不 遑致力。舊友尤君惜陰爲我分記述之勞俾早 竣事。

以供快睹海內大雅誠能不吝珠玉匡吾不逮使成善本尤所感盼民國五年歲次丙

百三

商品陳列所序

品然則對於商品之如何因時以改善如何推 切產品之演進則從此開始焉謹就鄙見所及者約舉 在 進 進農工業發展之大願苟生產物不能乘時演進商業且因之不振焉商家之命脈旣 生產者與消費者之間不得不重有賴乎流通百貨之買賣商由商人助進國家生產 困境且消費者未能 家與工業家雖富有供給之能力苟不得消費者賡續不已之需求則生產者行將立 國家之富源一繫乎生產生產之大別有二一爲生貨卽農作物一爲熟貨卽工藝品農業 展言之。商家實處於非常重要之地位雖然物競天擇最適者存不適者廢商家雖具 各先 也本所組織爲時已閱 步實爲商業家應盡之天職而 進國爲習見之事在我國 一一分別求之生產者生產者亦未能 五六寒暑。今方告厥成功本所組織之手續從此告竣而 商品 則不 恆見以我國商界中 陳列所實爲 陳而 出新比較之研究之以促農產工 如下。 切出產品改良策進之動機此舉也。 人 一一分別致之消費者於是乎 出 全力以經營之則 内國 尙 屬創 力發 瀬於 在商 有助

常需要品就 無聲無臭之地者所 內地一 地供給無虞 切適用之出產品得方便推銷之機會。 在都 有一入陳列所。凡有目共賞之物。自然不 滯積於推廣銷場罕能注意以故雖 我國農工業家向恃生齒之繁多日 有多量適用之物產。 翼而飛拓產 地 埋没於 之富源。

增市場之光彩。胥於是乎肇之。

最便宜· 之閉門造車不問大勢之所趨我行我是坐失機會而 品 振 在。 物 色之下 因附 出品家有不得不力謀改良之趨勢。 未備。 比之擿 陳列 生產界之遲暮 所以宏激勸。 凡各國天產品人造物之足助彼國農業工藝之進 列之參考品。 之原料產地最便捷之製造手續比較研 不待誘掖 埴 索途者。 而自知改弦易轍且同 氣 更爲 今我國農事衰微工業幼稚逐漸羅致各國 喚起生產家奮鬭之精神。 行 將 直 捷 轉 而 有把握。 而 爲春 則 物質以比較而優劣見造費以減輕而推行易向 夏氣矣僅舉此落落三大益以爲 時以入陳列所博覽故或於朋 內國 各先 | 生産 究一反掌間開 **屋界因缺欠 進國當國** 不悟縱遇勸策而 步者百· 函 革新· 而 未 精華以資考鏡。 |方羅 來出品上隆運者 知愧奮因 之始草 好閒周諮故探。 不信者至相 致之充實彼 到 所 愧 參觀 則標 昧初 奮 而 有之。 路百 形失 力圖 準 國 具

藕 初 文 錄 上卷

二百六

我中國一切事業將連續而進勃與之軌道不禁對於我國生產界前途歡欣鼓舞拔筆而 君子告知諸君子將因此而引起無窮之興味。我中國生產界必將由此陡呈活 動之氣槪。

農業問題序

實際,幾幾乎等於夢想矣。海通以還,舶來品充斥各市場,識者憂之起圖工業然而母金之 苟無隙可乘外力之環逼不難自我解除也試返觀內國情狀民智之窒塞如故也交通之 西力東侵於今爲烈以經濟政策滅人國至近頃而其禍害已暴著雖然穴空斯風至在我 克暢行無阻各工場有同憾也況乎南北操同室之戈貨客傳止裝之電外商狹國力以包 不足各工場有同病也管理人才之缺乏各工場有同慨也運輸事業未發達製出熟貨不 之且邇來兵匪殃民到處皆民不聊生多少之嘉禾且鞠爲茂草焉以農立國之恆言按之。 梗阻如故也惡稅之束縛如故也土地雖肥沃天產雖無量吾人不善於發揮而不克享用

近集 圖乎實地之設施微專家其誰與歸東南大學校農科主任鄒子秉文農界中之績 國之說亦幾幾乎徒託空談也。 圍。 革作物育種諸問題由棉稻豆麥而及茶糖絲等大宗產物如何發展之方法次及園藝畜。 年內農業之進步我中國農業問題之重要及改進方法。次及維持地力農作制度農具改年內農業之進步。 之因緣一境界與一切境界相關聯安得如行文者之斷章取義以孤行其是者爲 之說秉筆之士。方爭辯於日報之上亦徒見其辭費而已夫農工百業之成立有多種繁複 光如豆心量若沙如此民族安得驟然與語立國之大政方針乎然而以農立國以工立 不收農業主義救時主張之貫澈厥惟以此著爲嚆矢如斯精密之研究及妥善之設 牧森林墾荒等種之要舉又次及水旱等災之救濟方法蟲害及各種植物病害上一切損、 地 之防止而終之以農業教育農業經村生活農業行政諸問題。 原料受他人之壟斷已成之局支持之力垂窮推廣之圖進 利 國內農業專家研究農業各問題哀然成互帙詳論農業問題之範圍世 增殖 天產裕民足國根本之圖盡在於是焉雖然以此方法治農固宜治國亦 人競 私圖三數以外無團結羣趨幸獲責任 取之機實遠然則 V應有盡有 所在類 無言不粹無美 界各國五 以 學士也。 輕拋。 圓 滿之 施。 何獨 + 國 眼

有机 文 錄 上卷

在卽爰爲序。癸亥否極泰來日。 爲共濟,夫然後農工商百業率循專家之指導而立躋於發皇之途矣農業問題一書出刊 旁通於國事作圓滿之研究爲扼要之設施就各各方面盡其救國之天職夫奚不可者要 焉海內有志振興農業者得此良導不難貫澈其農業救時之主張有志救國者得此 力求普徧也經濟之急謀調節也種種患害之預籌防範也準是道以行之無不細大畢舉 求賢俊爲民造福屏斥僉壬爲國除蠹猶培佳種絕蟲耗也其餘一切立國大計若教育之 不然整頓積弊凡百庶政使上軌道猶治田也培養民力獎進保育不尙空文猶施肥也旁 而言之政治淸明尤爲要點蓋政治淸明而後凡百設施庶克有濟化軍械爲農器轉私鬭 觸類

太平洋會議之參考資料序

希望此會議之成功俾向之受屈於巴黎和會者得直於此會議在我個人私意未嘗不 太平洋會議將於本年十一月十一日開會於華盛頓我國人以無限之熱望無限 人之同情。 希

審判在我知 **猶**昔 焉 望 聯合不但對英卽對我東鄰之日本亦萬不宜以控訴態度訴其罪於太平洋會議。 決也山東問題之提出要求直接交涉也皆彼之所以預爲地步求勝於太平洋會議者: 親善對美則力求 再續 之同盟國。在我萬不可提出有損於英之體面或利益之問題以傷英之感情以堅英日之 之覆轍也此屆會議關於我國問題以英美日三國關係爲最切美與日爲 正以太平洋會議爲我 而 知 其 我 他人之將宰割我 則如何舉棋不定之政局政府自 如是然試一 盟,其目的必在對美英美若能攜手則日英同盟延期至 日之巴黎和 個 有 人私意我國對於太平洋會議之第一要着在力謀英美之攜手英日 脫 離同 曠觀 其諒解對我則力試其誘惑日英同盟之延期 會也我東鄰日本之用心其周 盟束縛之意自無助日之必要於是我可以至誠之態度懇切之言語。 國生死存亡之所繫不可不慎重討論慎重提案以免蹈巴黎和 國際間大勢則又不免令人不寒而慄今日會議之受操縱 也我爲此言非欲以灰我國人對於太平洋會議之熱望與同 身日在飄搖風雨之中羣逐逐於己身之權 且密決非我 (國政府· 明年七月自 一年也雅迫 之比對 對待面 無正式繼續之 英則 島 問 今後 以求 英爲日 位問 題之 於五 力 情 求 也。解 其 如 也。 題。 其

藕 初 文 錄 上卷

百十

國 提 陳 出 也邦人君子或不以爲陋而有所採擇則幸甚矣。 之一線命 說 我國 — 我國政治的獨立與經濟的獨立』之議案以求列國公道之承認果能如是則我 與國際間和平之關係及某國侵略我國之行爲足以危及國際間之和 脈尙可繼續保存以謀逐漸之發展於將來此我個人對於太平洋會議之意 平於是

談氏三元地理大玄空實驗序

宇宙 敵 以 學 機以營製造藉電力以利交通於人類生活固大有利益存也若不善用 《入駛潛艇: 爲 探 為形而下學由物質方面以窮物之源聲光化電屬焉心靈學爲形而 物之微吉凶禍福繋焉際此科學昌明時代形形色色。未可盡述苟能善用之則假汽 間森羅萬象竭吾耳界目界思想界之所至有二大原則焉一日科學一日心靈學科 虚 無飄渺之談不加深究未可也英儒柯能道爾有鑒於此覺世人心靈日益 以摧敵堅於人道主義不免大相背戾耳處世者 如祇科學之可貴而 L上學由精神 加上學由精神 .之則駕飛機以襲 汨沒因 神方面。 以 心靈

化曜辨 矣。蓋 獨 使 底。久。 以 先 卦 不古異說橫流更進 故。 提 余嘗考古者葬不擇地 字可知! (應之。若 倡 閱 人 例 闢 不 丽 蹊徑近 過流 談君 人多 遺骸忍令委棄但求避蚊 人之經營電 生尅吉凶爲 靈 山 魂之學以冀 多矣深慨 之書。 禍 心 水 於 地齷 之貴賤吉凶始成爲 成大玄空實 巫 福 之來。 適 史 多者不 齪。 成 主迄於今言理氣者均宗之雖然葬者藏 1 小 於此時其· ·祝之類初 術 由 則 挽 一步。 z 雖 於 時及晉郭璞乃 田 壊。至: 得福 必過 一於萬 驗 而研 人之爲善爲 水而已 書。用 此 泥 究術 有 一當 田。 来 一家至 功 右 而 亦 有 於 極。 虎 功 非 數家言若陰陽 澈 歐 惡所 左龍。 岩必 勤用 底之 世道 茍 所 有葬 戰時 不 一唐楊筠松。有天玉經內傳三卷專言理氣。 有。 代受科 致。因 一欲得: 人 不觀 藏 著述 得 地之說其所著青囊經 小小 八心者匪 苦蓋欲發明吾 風 潛勢 聚 牛 果 夫 以 孫鐘 水之成品 關 餉 眠之地龍耳 若 學界之摧 |淺余喜其宗旨相符故略 力以 係 五 世 行。 <u></u>٨٠ 未 孤 見祇 矯正 也。人 孝 今談 वि 俱 勉 而 國 有 殘 ¬之穴。 以爲 君養吾。 己極此 之驚 强余也! 求心 稟天氣以 致三 固 心 中具述 有學 得。 仙。 醒 地 而 光明則 之。正 投 龍 說以 說 於 好 子孫榮華 陰陽 生死 學 身 晑 形 乃 大盛。 不 祉 法 深 酷 救 申意見於 自 必 知 會 虐 順 濟 思。 人 門。 歎 伊 事 m 有 歸 以 逆。 試 業已 計。 天 于 於 福 九 心 尤 推 人 胡 田 星 地。 星

称 初 文 錄 上卷

此。

以

弁其

文 錄

地 理

一辯正談氏新解序

星以互 亦莫不 之 地 資 天 有 氣 道。 也得 間。 說。 地以載之則 生大氣絪縕變化無窮聖人乃仰觀 有知乎曰無知 未 嘗緣 不 無 天之氣。 過 範圍於此中。且知 相綜錯用奇數耦數以交互推算而後天理明地道 非 此 得 推 以 測 此 求富貴祈福佑爲後人計 孝子 為陽 一氣 氣 不有歸宿矣。 心地有靈 爲剛故 順孫之心理。 而已得此 日月星辰之麗於天得天之氣也山川 **デ**日 (其氣· 地之氣亦無往不 一氣生者 尚非 上騰得: 無靈也然一陰一陽。 俯察因兩儀 卜地以葬其親。 耳及晉之郭璞因葬母而 可以 地之氣爲陰爲柔故其氣下凝天之氣 善其生死者可以善其死後世人士創 在。 有天以發之則氣可流 而生四象由四象而 旣 闔 無以妥慰先靈又無以 顯。 一闢四時於以運行萬物 人 草木之附於地亦得 紀立即萬事 者一 生八卦。 青囊經以傳 動矣吾人寄 萬物之 盡愼 無往 取五 沙理。 地之 於以 世。 終之 居天 不 行五 地 理

二百十二

陰陽 青囊 肯授 惜乎茫茫千餘年間能知此理 關宏旨然恆有稍不經意災禍立至亦有謹愼將事發達可期以是淺見者流幾疑爲 辨生尅安排龍穴配合砂水即可有富貴榮華之望亦不可過於 其徒告誡爲世人警惕者 徒 之著是書也未肯輕易授人蓋深恐不得其 空實驗等名著出 不 可思議。 無益於世人反而 人人者有一 一妙旨得以盡洩無遺遇有深文奧義亦幾經刮剔疏解詳明誠不愧楊 一秘訣洞悉陰陽原理特著地理辨正授諸其徒 奥未易了 田善根深さ 往 **社忍令暴骨移骸而** 解証 知半解挾其術 世以昌 意此 有干 ,植則冲和之氣感應天心不必尋龍認脈。 。 書一 明絕 也余願世之爲子弟者勿拘泥成法一 天譴所以天玉經 以爲餬口 出。異 者極鮮今者談君養吾精參古學發明玄空妙 學近復繼蔣章溫三氏成地理辨正 有不 說鐵起有僞托古書 口計 圖急葬之害實皆非 人不能領悟空處真龍之理陰陽 者謬種流傳莫衷一是至 中有若還求地不種德穩口深藏舌之機語爲 曾公安於是障翳都消理氣之說 以衒 也語 人 而 者有自謂獨 芸禍福 若擇地嚴趨避愼定方位。 忽視以爲是術數家言。 靈氣自然發 上新解一 |唐有楊松筠氏| 無門。 書凡挨星元 功 理曾有· 得 惟人自 臣。 衰旺之氣非 露所謂吉人 。雖然楊公 祕訣 神 闡 而 無

藕 初 文 錄 上卷

二百十四

自 有 則天果無知乎地果無靈乎當還叩諸 :天相者: 非歟若平日間 不思種德惟向堪輿家求全責備雖郭璞再世亦無法以處此。 人人之心田。

太虛法師講佛學記

問(二) 事業不能廢止斯不能不受諸種業緣束縛吾人如何乃可解脫業緣避去煩惱而

修養身心乎。

真。 以 答(一)世間事業是人類應做的職務衣食問題胥惟是賴所以吾人必得各盡世務不能 世 人的一切業緣和煩惱是由於虛假的意念迷住了本心乃相 欲去業縛故遂因噎廢食並此應幹的本1 營煩 不爲虛假的意念迷住了本心則業緣末由 澈 本 惱 心 亦 的 無 म 自滅常人無所事事時恆尋種種消遣法如嗜酒的飲酒好打 上法門所以吾以爲 世人只要能夠歡喜念佛解得 分也廢止起來這層是大家所應知道的大抵 而 生煩惱不滅自滅佛學是教人去 生相演而成世人 佛學精義。 球的打 則 芍 事 業儘 一迷歸 一念 球

不爲 問 消遣法卽出 之類。但此類消遣實際 的故其心中有一 物 =世間 役。 無 習慣 所罣礙時則業障 至誠心代之以學 層隔膜執認佛學是教人消極的因之大家淡然視之有時還要妄加 上的觀念以 上於身 一佛。精彩 為學 心未 本已無煩惱 子佛者須 進弗怠。 見有多大益處愚意倘 (得解脫) 何由生真正快樂在 久而久之不難返樸 世務銷聲匿跡隱藏於深 能 利用 此修養身 歸 真還吾本 時機以 心之道 其 所最 心。 山叢 到 亦 歡喜 林 得 在此。 此 去 處

蔑未識:

將

何

:詞以闢之.

佛就 答(二)事業 學佛世人附命 息致生此想其實大謬要 天飯斯爲 事。 是出世的消極觀念了今卽以 而必得說 佛 教 正當可. 會佛教是消極的 所 與學佛並行不悖的關係頃已略說出家者果是學佛但在家者, 法講經盡覺人之天職化飯以餬其口蓋亦猶在家人之應 謂 布 知學 施 波羅密實不限於何界何人是故行有餘 知 佛 世 初不 間 心理大約是鑒於以前學佛者大都隱跡 必從 本有現成佛法衆 出 棄世 家 在 家 逃俗做起只消從現 比較論之出家人之不應終天念念佛 生祗 欠一覺致愈趨 力則處處行 今所有的 愈遠。 山林。 盡 職 方便或 二天本 甚 亦 位 與 未嘗不一 且 上 世 做 認 無 分。吃 號算 定 聲 去就 學 無 口

初文錄 上卷

鹴

一百十六

旨。 問 超 者。 真 道。 累。 但 懹 礕 他 無 着 生死 相 能 在 世 不 如 主 力。 佛 故。 義。 人 再作 各 世 自 做 干 則 頃聆 講到 從原 官的。 苦 間 人創某種實 眼 之所以 準是以言學佛正是極 利 物 利 旁 海 視 所 之。皆一 質 有的 高 佛 則 有 他 而 、盡其 登彼岸為 膜視 前奴 無量 的菩 論大啓愚塞可 教 的 職 數升沉· 業則因 律平 積極 佛教。 僕則菩提正 位。 提心則成佛可操券而 做官的本分以利 助這是輕而易舉 脚踏實地做去。 處尤非 等。 惟 實由於觀念的根 皆有 六道 而 責任。 知 平 得 東。 東。 常的 以衣溫 學佛是自救救 成 淺見者所 具 佛 有 則 其純主 性覺的 各充其 然能 的 國 事 人人所能做的。至若! 根基。 體。 福民 食飽 祇 知。 本誤會考其觀 成 待 、菩提 要人 生物。 佛 功 爲職 者又 積 以 也 人最 故 門以 他 極 極。 (若干人: 八類各盡 樂佛 永不 佛 若 志。 雖 心 門 宏願: 蟄飛 腸打 積 渡盡 爲士。 弗作 消 極 或 言爲農爲 -絲毫利| 八此皆布: 的 正當的 蠕 念誤 設立 極 不 得 忠無分了。 無 的 在 切 破利 動。 管的· 衆 甚 上 真 在 精 害關 已損 工廠 法門惟世人惑於舊說。 生脱 工為 職業。 乘機 至微 施 神於斯 由 的 提 於此 纖 離 來。 頭。 商 人 真 則 各發真正 賴之維 撕 使此 的 義。 祇 不 種 亦 吾 能 貪瞋 衆 復 種 因 亦 可 見 生覺 苦 如是。 卽 以 未 心 人 想時 吉 肉 厄 明 可 毫 的 持 斑。 悟。 以 善 無牽 生 眼 爲 佛 佛 刻 利 速 教 知 心。

的 U 心理。 爲學了佛。 或亦 則六親不認父母都棄是故衆人認爲學佛是大背孝道的 一原因敬問如何 以解釋之方可祛 除衆執。 向者 其膜 **於視佛教**

父之道。 澈 報 之渡 報 範 恆 **公願處處以** 底叉何 今世 園不: 狹立義之隘爲何 親云云只限 能奉養日能久而 (三) 孝字含有廣狹二義何爲狹義的孝卽 河 之之例 沙 し數不 一親恩而· 可謂孝矣。 外能夠奉養父母於生前能夠不忘親恩於死 如。 可計極 然則 總之佛門之視三界衆 歷 止。並 於報 世親恩爲懷亦處處以 對 且上 如何 今身的父母恩至於歷千 吾人自頂及踵莫非父母之遺賜受恩何等深重而 的 於舉世生靈所發之菩提心已如是如是豈 不忘日能不 衆生中在佛門視 為廣義 推 過去 世 的孝卽佛門 改親志就算是孝了麽尤其是欠缺不 (生無論: 下 衆 而 生盡 之胥 未來 其 有吾前 往樂 世。 爲 中所講者是佛家所倡孝 萬刼來吾的前世親恩曾未計 世 **燃**披毛戴角。 無不容括 間所講者是他們認爲天經地義的 土爲 後叉儒家之言孝云。 世 禱。 億 在内凡 無論 此 兆 其言孝範 賜 其爲 身之父母在是故 有 對 自 於生身 昆 無 滿足 始以 之範 蟲 圍 所以報之者僅僅 己廓 螻 『三年 \來升降循[™] 前。 的 圍 及。 蟻 父母。 大。 要皆 此 不 則 僅 其 無 其 其 教之 改於 在覺 報 贝 所謂 孝之 範 恩 韋

藕 初 文 錄 上卷

反而棄之不顧忘恩背義的麼世人執迷僅須以此解之。

源惟有 問 自己旣不能以身作則致衆行 回 待諸 向者我國士夫尚能以儒 佛教遍 施點化故拙見佛教之在今日匪特有不能再作 無軌人慾橫流滔滔莫之能禦丁 教道德之說領袖羣衆爲治國規範可是到了晚 此 時會要是希望澄 袖 手旁觀 的態 近。 度。並 清亂

且

有不能不越俎代儒之勢法師以爲

何如。

答(四) 的。 全力的· 過失人類當然可以不 的 教事理每多說不圓通處如基督教之改造人心立說云『吾· 有階級之限度站 可說得舉世倫理道德之說無與其 要做得 Ĕ 帝要他們怎樣。 主宰就是世界上人類以及事事物物被所創造被所主宰的上 誠然佛教所倡因果說裨益世道人心處甚大此乃儒者所公認至其範圍的廣大。 如 何 如 沸論。 何 可 他們便怎樣 負何種責任然則試問萬能的上帝爲何 知若再嚴格言之竟可說 而 且頗 有顯著的偏 了據此論 匹而其切合事 之人類所作 見好似人類之爲 人 類行爲旣非 理圓通精妙尤非 的善惡行爲都非 人的 人類完全是立 不以其全力的主宰權使 出 上面冥冥· 於 自 他 主。芍 帝。 教所 於被 使造 類 細 中 可 本 有個 及。 味 心。 動 其 成 自 意。含 萬能 種宗 地 位

律則能 於數十一 之。 輕則 的。 範 過遲與早之一問明甚世 不 此。 否。 種 圍。 種 其 敗 人要是生存 並 譄 剝 好 世 德 因。 無 個 心之所以者包 |間尊嚴: 奪自由 非 像是大家所 百年後或未來世 無不 定不易之理是永遠顚撲不破的何以故蓋種 的事 所謂奧妙存 個 法 向 情呢。 律 結果因因果 善 在世。 權。 的 呢 與與 何因其: 法 其 重 爲 八論的功 子中所以 則剝 則必 律。 公認的生存信條然恪守 矛盾之點灼然可 何 與 不 果。不 得循 間諸 奪 衆 中仍顯其作 先預 生滅變化自然 效然而 口的 生活權處置之嚴大 此 爽毫釐速者則 種何 種 防 問題。 軌範要是不 輿論是用以 制 此猶 種 止 用觀此 千端萬 見。這 因 人 制 們 有未盡善處苟有人於此。 於先者遲早必結 是不能 裁。 的 循此 保障 惟謹。 果成 如学 造業 派有 則 有凜 可 於刹那 ·見影。 爲諱 軌 行爲 不 人 非平常道德範圍 知 敢抗 然不 範。 種 類安寧的 因 如 下 的。 呢。 則 下 響應 間可 去自 遠人 何因。 法律 可犯之概以故 若夫 又爲 何 種 【無不結· 聲。 於眼 果 然結 佛 類之得以 與 何 種規 八輿論。 於後。 教 放 旦忽 切 果 所 前 所 任 世業終 見之遲者引 範這 可囊括 就隨 雖 出 出 倡 人 然灰 生存 人 何 來。 的 們 、類之尊 念之微。 後要來 是誰 果。 事 因 去 心了。 者。 所差 果定 而 不 物 做 相 能 公例 則 也 而 出 安者。 果成 者。不 而 干 知道 越 因果 律 而 那 此 視 無 如 則 種

穪

初

文

鐌

上卷

一百十九

不要歸 不 前 世 來 其 樣 還 縱 之 神 條 做 力則是相信 、身。 生生不 : 一念任性 做人並且 業因。 心識。 火 火 起 有甚 多 起 好 人是乏 之來以爲 種善因就使你不想得到何種善報。 過 **上來凡是世** 則永 到滅盡 麼效 而受業報何曾以 啊一死之後必得輾轉銷 味 續 一隨了你所種善因的多少而使你獲多少的善報或者使你將來做個較優於 力否。 阿 息輪迴六道受種種 永 無論甚麼天大的事只用一 的。 不窮的。 作出 不 的 奉守 記危慘麼。日で 滅的是故肉身 人所絕對 輿論還有絲 放任不 生存 即使你以爲造 其 之信條是不 否否。 覊的 形骸 不許做: 毫 一雖千 苦為 清夙業 功用否。 之暫時毀滅而稍減其痛苦的 世間 行 的行 爲 -死萬生而。 《畜生爲 諸 來。 法雖有窮竭失效之時而因果律制裁萬 自由的因之不 爲而 死了. 而善報自至就使你不願做人而因果 而後已蓋前者一 惡業一死便卽乾淨可是因 照那 任性的作起 羽類爲蠕動之蜉蝣爲微細之生物各隨宿 他偏 之。都 **麽說世間人類旣沒有了** 心識卻不 可 偏 冰消 **遠衆胡作起來到** 五 願 逆士 再生人世並 死。不 如是死後復有來 瓦 解於是不幸而竟充其消極 惡來任性的殺人。 過銷 報施呢是故苟使衆 滅了 果定律卻不容你這 刨 存活 此 破 虚假 地步。 壊人 二之保障 身來身還 律不 的軀殼。 惡的 **活問** 叉任 類生存 容你 . 力。 豈 法律 生眼 無 性 的

上智。 佛教任務綦重當然不可效法從前的學佛者徒計靜中樂趣拋卻應盡的世務了。 的事理曉人以切膚之痛積極方面。 古不易之至理。已昭然若揭至其與世道 蓋後 眼 問(五)佛學之在今日。誠有宣傳昌明之必要惟如何而 經盡情闡發宣傳致世 不敢窮惡以逞情 一覺之渡之還乞詳爲指 前 者 知希聖法賢卽下愚者亦不敢爲非作惡而兇者知所懼貪者知所惕觸目驚 地 種 位 山的人或且 種 果全由的 乎向來那般學佛的動 前 使你得 者種種E 人疑信參半仍不免盲種惡因而演成今日痛苦之惡果而今而後來那般學佛的動輒去尋那隱居生涯不與世務而因果定理亦未 教。 到 因演造出立 超 人的 則足以勉 地位尤善者或且使你爲菩薩造乎其極 豆來非偶! 人心之關係。 人爲善消極方面 然以成的然 亦非 可使一般普通人 他教所能 則佛 則 可以戒 教因果之說。 及蓋 八起信仰。 因果 人為惡· 説 的 而 心遂各 中人及 以 確 證 如 佛果。 必 爲 何 而

答(五)現今昌明佛學的要務自然首先要使人起信仰但是尤要的莫如先使明 理。不

難 則 避有信仰之人,其實不過增了一 因爲 此項人才(一)須真正明瞭佛學的精義與藏經的 般盲從者究非根本 之計。 惟是貧此項任務的 **奥旨而後足以發揮佛** 人 才。 然。

初 文 鍅 上卷

藕

務並須做些社會上實利的事業纔好如基督教的致力種種公益事業寓實行利他主義 的 於宣傳宗教中體用兼施其用意深足取法也。 學之重要起點此外爲學佛者所應知而實行者學佛惟心願在利他非惟應盡覺人的: 像以前學佛者專攻小乘法隱跡巖穴派實非所取因其與世隔絕的太遠對於覺世 於被虛假的世學和物慾的魔力渲染着籠罩着偷能參透其弱點所在因勢利導對 曾未計及與衆生不生若何感化上述云云是關於人才方面先應提倡之點亦卽昌明 妙諦(二)須旁通 不難脫去其重重迷障而使之覺悟(三)須確能實行自利利他自覺覺他之主義的。 世 間學術熟悉社會情形因爲世人見解的錯謬觀念的迷惑都是由 利他。 佛

問(六)老法師設立佛學院之辦法與宗旨如何。

答(六)年來奔走南北頗想從設立佛學院爲起點由漸推行佛教或以機緣未 此院標的在造就一般稍明佛學的普通人才使出院後各依先覺覺後覺之本旨悉力數 暫定二年畢業明夏第一班可卒業。苟志在深造者則留院精修更下功夫更漸 同影響輒半途中止比來漢皋得諸人士贊助力爱組斯院院內現有學者五 一十八人初級 增其程度。 到。 或以時

去日久熏陶效當匪鮮此外則有佛學講演會以及佛教學校等等之進行用意亦在灌

佛 化於 社 會上一般普通 人。

問 七 佛學深湛微妙非淺嘗粗解者所能貫徹精義今老法師定佛學院程度僅

不 嫌稍 欠精澈 麽。

答 七 現在昌明佛學的願望重在救濟人們太缺乏佛化的飢荒故求在短時期間普及

佛 小 學的程度使不識字者略受些教育認識幾個字爲目的者初無二致至中 化爲主猶之方今國內教育家努力提倡平民教育從事舉辦義務學校志在普及國 大學的程度。

初 不在教育家普及教育之限度內的鄙意普及佛學亦然如是。

問 (八)老法師昌明 佛學院。 與武漢等處聯成一氣請各地高僧及諸大法師主其 佛學的宏願聞之甚佩拙見倘 在各大商埠如滬寧京津一帶多 事預料成效 立

必更偉

速。 行將 見紛紛 亂世一變而 爲清淨樂土。 規

模的

誠 到 處 如 有 尊 他 論。 們 而 的 尤希望從各大商埠竭力宣傳到洋人方面· 蹤 跡。 經信奉佛教昌明的 效力當益倍蓰。 [去因爲洋人現占 惟現在尙 少此 項啓發 人類

初 文 錄 上卷

二百二十四

洋人的 人 才去灌輸佛化。倘得精通洋文而研究佛學之士擔任宣傳便不難達此目的。

問 (九)歐 戰以還佛化漸 見流傳至歐土德國人士頗多 熱誠研究佛 學的 傾 向。 此 正 佛 教

漸見蓬勃的好氣象。

答 存出家思想者往往而然德國的 (九)大抵處境順遂時衆迷往往不易覺悟及遭際乖逆乃豁然大悟如去夙障世 傾向佛化亦復如是以其戰 政時受創最深, **松**故其人 民之覺 人之

悟。 較他國爲早惟向來正敎未昌當此馬克低貶得食艱難之會頗 有 爲 飢 火 所 驅。 妄造

擇人而 噬之殺業以種累叝難於解脫之苦因者亦大可 悲憫矣。

問 (十)國 中連年擾攘民不聊生欲謀撥亂反正其惟望之普及佛 法严。

答(十)此言良是現在國 中 尤其是水深 火 熱的 諸省非厄於兵禍。 卽苦於匪患但 一夷考其

實。 則 災 佛化少及之區 居多數平日 沒有佛 化無 人爲之提撕警覺致 念之迷深 而 不反。

至於斯極 可知佛教誠 爲 、調劑亂世之救時良藥實 無 疑義。 干戈相

蕁。

受諸痛苦要是平

日能夠信奉佛教沾

潤

法

雨。

變化殘忍

惡念爲慈悲

心腸受苦

決

不

(此稿由倪生兼涵記錄)

杭 州韜光寺募捐 啟

潮。 印 在 勝景之一也唐高宗時。 西 此鍊丹故韜光寺背後。 月雷峯塔及蘇堤錢塘江等歷歷在目宛然入 湖 可 謂 勝景中外咸知離杭城十里許面臨西湖位於北高峯腰際者有韜光寺亦西湖 確 切不移矣。 有梵僧韜光鑿壁結廬。 有所謂鍊丹臺者在焉登臺俯視環湖諸名勝。 修道於此此地途 畫鍊丹臺有句云樓觀 以人著又故老 滄海月 覽無遺。 門 相 如 傳 對 著名 呂祖

冬溫 醉 下 百餘尺而竹 清高 規 注其聲潺潺終年不斷聽此 模窄小年久失修游人過此咸深惜之寺周圍 'n, 宗南下於 惠泉 而 夏凉。 者 雖 徑潛通淸幽無匹參天古木蒼勁 始建韜光寺洪楊之亂僅遺大殿其餘均 到此恍然於天惠之不囿於一 時 盛暑蚊蠅絕跡晚間凉爽可用夾被此游 天籟足以洗 隅矣。 心且此澗 可人。 地 有 剛 自韜光至北高峯頂約五 山 脱盡俗塵。 遭刧火嗣後逐漸修葺於 水經過天然 地 數百畝由靈隱迂緩 最 而 **灬沙漏質清** 好 未受冷空 休 而上高 百餘尺。 氣 而味 致有今日然 所 计。昔之 侵逼。 也。 山水 僅四

文 上卷

一百二十五

人

止

息

養

處

思有 以 自 大檀越造福同時裝金佛像修理房屋布施功德靜待開願除東側房屋三幢由周 之東側改建 各捐二千元外,若再集洋萬元則莊嚴寺屋新建財殿可以一氣呵成。 屋兩 本 城 站至 Щ 幢丹臺之下有平地十片廣闊約三十餘方該寺住持 以整理之俾成人間之勝事鳥乎可周君讓卿。 石 片鋪成履道 隱。 新屋三幢為游人公共休止之所約需銀 僅十餘里一 坦 坦。幽 車 ·可通。 人貞吉不禁爲 且 **垃取值甚廉去** 小憩 由靈隱而上僅里許。 與予 此 四千元大殿西側尙有餘地。 Щ 「者 歡 誦 有同情不揣縣薄擬於是寺 一池和尙擬建築財神 也有 此勝蹟 可達此佳境其 勝 地 殿。 可 勝 君 建房 景。不 玥

並非 **滬上**巨商頻年貿易疲於奔 亦較 **滬上人士喜結善緣每一** 虚擲再韜光名勝較之廬山雞公山莫干山爲 成其美者必爭先而恐後爲作短啓用代陳白願我滬諸大善士酌予贊助廣種 爲 便捷。 由滬至彼五 勝舉稍稍提倡莫不慷慨解囊聚金成塔況此 六 小時卽可抵寺需費亦廉挹 命不能不預備一 清涼幽雅之所爲養息腦筋藉資調攝計我 優且並不入外人勢力範圍之內。 山 水 秀氣。 而不 沙揮 係 人 霍此等 八 我 兼 益 交通

藕 初文錄下卷

目 錄

	復	媝	給	給	復	秘	上	復	上	曲
	影	某	沓	沓	浦	江	農	總	数	舊
	論	某	点棉	棉	沈	蘇	商	杏	首	金
燕	復討論厚生紗廠招募湖南女工問題諸君	致某某研究會論棉質原料之關係	檢查棉花意見二	檢查棉花意見一	復浦沈張三君論人造棉花:	致江蘇省教育會勸辦高等化驗分析所	農商部	復總商會述美棉消毒之方法	教育司長	由舊金山致滬上諸親友
初	生	究	意	意	\equiv	教		述	長	致
	紗	會	見	見	君	育		美	:	滬
文錄	廞	論			論	會	•	棉	•	上
***	招	槌			人	勸		消	:	諸
- K -	募	質			造	辧		毒	•	親
下卷	湖	原			棍	高	:	之		友 ·
	用	料			化	等		力		:
目錄	至	乙即				14		•		
-	开	崩				砜				:
	晒	坏:		i		加松		:		:
	送					所				
	君					<i>"</i> !				
	:	:		į		:		:	•	i
					:					:
	:			÷	i			:	•	:
	•		•			•	:		•	:
							•			
_					:					
		•	•	į	:	•	•	:	:	
		i	:	į				:		
	:	:	:		:	:		:		
							:	:	:	:
		:		•				•		
	÷	÷					••••••		:	
		天	四		$\overline{\bigcirc}$	六	芁	+	$\stackrel{.}{=}$	

藕初文錄下卷

由舊金山致滬上諸親友

滬上諸親友賜鑒分襟以後倏及三旬景仰之私時縈夢寐玥六月二十三號登輪是晚大 甚苛非得在該島之親友。具五百美金之保結或現款即不得登岸遊覽七月十七號上午 霧漫天故未開行二十四號十一時半啓碇二 七人不准上岸玥係 時抵神戶三十號上午八時半抵橫濱越九日夜始抵火奴魯魯(卽檀島)此處待 一時抵舊金山船纔停輪即有醫生上船驗病關役驗照頭等並不盤問惟 一等尙可三等則挑剔殊甚下午搭客均紛紛登岸惟日 華人,且微有目疾故亦不得登岸關役四面持守日夜巡查華人早晚 十五號下午五時抵長崎二十七號上午十 人之患目疾者四 略 入。 及 注望 中 華人 國人

藕

初文

下卷

初 文 錄 下卷

是有病 仍 學。 之日 焦灼。 謝 時玥始登岸寓 碼 輒左故決計遊 到 卽 一時光作 海時如· 愈。 名 之可矣銘感之可 頭 否則 【人在船: 諸 玥 十 詢 次。 問。 堪供政界之用即用矣亦恐不 者 祉 有病 會以 叮 不知得若何之結果矣日人之旅居金山者較華人爲 年 諸 扣留之無病者亦扣留之三日五日一二星期不爲怪可嘆孰 嚀 故 來 Ĺ 舊友之在金 之別 、則否玥登輪之前曾由家兄抒齋致函於金 副諸 有 學藉廣聞見荷蒙諸親友厚愛資助之餽贈之燈前 客店中邀遊三四日即逕至學堂也玥年逾 者即囑醫生上船驗看。 世界況味亦已備嘗至於身陷困境。 日本 矣。 親 話玥之此行竟爲諸 然明 友之屬望耶玥 協議會常年聘定之美國醫生上船診治。 山 肄業者適在暑假期 知 其 必不 能達注重稅務之目的故決計學農以求實業上之 |本擬| 然也是則安敢不殫 而皇家醫生遂不能將無作有任意留難。 親友之累雖 習理 内均已 財法 無法可施者。惟此 然諸 重 他往軟禁三 稅 山領 務。 精 親 而立毫無建樹。 竭慮。 繼 友 等而船到 少而 玥遂 辺 而 明素性 僅 把盞江 日 次而 一日夜。 :有協議 夜 爲 得請醫生醫治 **以基二十號** 孜 玥 學力未裕的 0.彳亍船面。 已。幸 時並 孜 耿 口 ___ 介。 送 會以濟 私 研 行。抽 有患 華 無 求 人計 有 À 下 人 所謀 之船 殊形 午四 越日 目疾 用 則 年 也。 百 反 則

神往宣統元年已酉陽曆七月三十一號寓金山。 謙 進步。他日歸國。能集億萬金圈千頃地烈烈轟轟為實業界生色此固留學生之天 全賴權門之培植此係智者之事如玥愚昧鳥足語此知邀垂注特抒鄙見以聞臨楮不勝 致于辛萬苦得來之皮毛學問等諸流水行雲至於青雲得路一恃夤夜之乞憐白手作官。 讓者也否則三間茅舍數畝荒田汲而飲耕而食集數十農家子復村學究之本相庶不 職。

上教育司長

佈全球玥爲之忡忡者累月致稽裁答今事雖略定而 **農學上之心得**非短 也逆料吾國社會情形及農夫之狀況斟酌入手辦法以圖農業之改良至於五年來所得。 **遂益以墮落故欲恢復人民之道德開闢人民之生計非竭力振** 前奉手示飭抒所見以作農業進行之籌畫玥正擬略貢所知以備採納旋 膕 所能宣暢明春歸國後當造謁罄談 元氣大傷商業彫敝失業既 也。 興實業不爲功明。 **以祖** 國亂耗傳 多道。 生

初文錄

下卷

法。 須 格 少。 得 情形測之倡設試驗場,其要點有三。 時 闊。 孳植繁生農 觔。 餠 而 `殊無謂也。 最大之淨利以資提倡若貪多務得。並蓄兼收變試驗場爲花果菜蔬園耗費多而 土地 大江 多設 闌 培植之然倡辨伊始。且困於經濟故宜擇本省出產最富之農業品若干種酌量培 灰糞若干擔基羅格蘭 、取吾國的 在美觀而在切實此種名詞採用與否本無關係而吾國現時之農夫毫無新知 姆 等名詞 南北。 之數逐 物性之所宜滋養而栽培之爲農夫作模範冀其效法而實受其益以本省現 農 事 農業情形逈然不同似宜 舊法而損益 夫獲利否則終年僕僕日處於貧苦交迫之中而無從振拔加以江 試 一分析 驗場 所需肥料若干磅內應含有燐鉀窒素若干分宜先 (乙) 宜切實而明晰歐美日 · 突時氣候不同土地肥瘠有別且物性各異寒暖乾燥得 之得燐鉀窒素等平均之成分直捷痛快說 姆。 一之使農夫易於取法卽演講及刋報亦不宜用燐鉀窒素及基羅 亦宜折成斤兩。 一多設農事試驗場得農學專家悉心主持之研 (甲)宜 使農夫一望而 本之耕種法與吾國之法有出入故試 專不宜博雖農產物無一 知。較 為 便利 明須用荳餅菜餅若干 取吾國慣用之荳 不可試 總之求農事 南幅 其所 験其 験耕 不優劣 宜。則 一餅菜 植。 獲 時之 員逐 種 效

心鳥 物 去 之微動需數十年。竟有終其身尙不足而繼以他人者若試驗僅 工其難 平可且試 而誘掖之不宜重英困而 験天 時氣 候 物產 之所宜。 使之卻步也。 決非於短促時間內能得良結果歐美人試 (丙)宜久遠農產恆產 一二週竟貿然號 也治恆產而 於衆 無 驗 恆

多數農· 益。不 效果者何耶蓋· 農業之目 必也得富 溝通農夫 但此 夫 之耕 的蓋研究自研究農夫不之知而未受 也。 於農學智識。 卽 虚聲 吾國 雖 種法之改良與否而定之非僅設試驗場及農業學堂而 有富 及隔閡之病也夫振與農業頭緒紛繁決非札飭集會演講 提倡農事改良為時已久礼飭也集會也調查也聚訟紛紛而尙未得 於農事 及農事經驗之人竭其畢生之精力腦 子智識。 及經驗之人竭其能力以研究之尚 其影響也夫改良云者合全國 力以從事於斯庶 不 可謂改良之終點 可謂 |或全省大 幾或 所能 已達 改 奏效。 有 良

持久不可

爲

功。

E.

·良結果良結果嗚呼。是兒戲耳非試

驗也故不欲從事

,於試驗則已苟欲試驗之非

机制 文 錄 下卷

生

長

鄕

間。

少交際·

之遠

慮雖樸直

性成而

頑

固

「亦性成欲去其父老所口傳之舊法。

m

也。

夫

居主

位。

一餘皆居於客位

者

也設試

驗場及學堂。

不

過借此

以資導

引己

耳且農夫

我之新 於縣之 則 毎 識。 供月費用簡單法教授粗淺之農學及修身國文國語算法歷史地理體操等科 田三四百畝招農夫二百人以半年爲期半日工作。半日讀書以辛工抵飯資略籌常款以 定之茲不具論第就其成效一方面而言之假如有農學專家一二人倡 不 本 縣 百農業 覺之間使彼等受改良之實惠然溝通農夫雖不止一道而開設農夫學堂其最善者也。 未 開 開設農夫學堂 身對於社 一點其胸襟亮 步 經 可 四 矣以言農團則暗行結合矣試驗場之良結果農夫能取法矣設農學堂則農夫肯 訓 得約三千人卽除去不堪造就者半數尙可得 法大非易事是則不可不與農夫聲氣相通呼吸相應逐漸去其舊而染其新不。 練 鄉。 專家從事於斯於五年 其於社会 者。 會及國家之關係按時督課之使於短促時間內薰陶而誘掖之以 亦間接受其賜矣如是而言農事改良則稍 而 逐漸升遷其文化程度以爲歸宿則一學堂每年可造就 農夫學堂之章程經濟課本及手續視當局者之措施與地 會影響爲何 內可造就農夫二十萬人以江蘇六十三州 如 耶。 不但此 也曾經 訓練 千五百人而此 之農夫而潛移 有實際矣以 一千 言社 辦農夫學堂附屬 默 四 會改 化。 五. 縣 百 人設 勢力 百人。 平均 增進 方情 目 良。 並 所 至。 散佈 分 之。 其常 彩而 有一 則 演

送其子弟而肄業矣人固何憚而不爲哉。

以 國之土地氣候而詳明之未易言也。 上諸 端擇焉不精語焉不詳惟取其切近易行者言之至全國根本上之計畫非調查全。

復總商會述美棉消毒之方法

再用 三尺高桶蓋須做到 棉產不堪設想矣茲將預防棉子內害蟲種子之法錄下法用鉛皮製成一圓桶。二尺對徑。 微我國研究昆蟲學家尙少苟採購美國棉種時若不預先用法防備深恐一 給等情荷蒙不棄就詢於現敢不貢其所知以資研究查美棉種內往往黏附害蟲之子而 域完全受其毒害美國每年費數百萬金元合全國昆蟲學專家盡力設法剿滅但獲 害蟲之中以墨西哥之花蕾蟲爲害最烈。自此蟲傳入美國後廿餘年來迄今美國產棉區 接四月十四日惠函並美棉種兩袋藉悉尊處接農商部函稱美棉入口須施消毒方能轉 ·炭硫二二三兩置碟子內此碟子卽安放於棉子上將桶蓋安爲蓋好不使空氣! 十分切合以桶口不透空氣爲佳桶旣製成隨將棉子一 一經傳播。 擔平鋪桶內。 中國 效甚

初文錄

下卷

性易燃其氣到弗氏二百三十二度卽發火倘與空氣接觸而以火引之卽行爆烈故使用 八之重故炭硫二置於碟子內對固於桶中化而成氣氣卽下垂而收殺滅蟲子之效然其 二係流質色微黃味臭難聞容易化氣散布惟炭硫二所化之氣其重量等於空氣二倍六 如是者越一 晝夜炭硫二已變成氣質侵入棉子內如有害蟲種子卽可由此殺滅查炭硫 難屬危

豐然一 織品爲最要而棉織品之在 險第使用方法。甚爲簡便而有效驗上海藥房中有出售此種藥品者尙不難置備施用也。 此法頗爲危險然消毒力甚大倘炭硫二用之過度則棉子發芽力因而減少此物 人生衣食住。三者缺一不可惟衣料有四曰棉曰毛曰蔴曰絲毛織品歐美各國用 上農商部 查全世界產棉狀況然後知中國不但不能勝人且與人比較反覺瞠乎其後矣茲 中國爲更要人口衆多需棉極繁國 內棉花產額應較 四者中以棉 之最多。 各

民生盱衡時勢植振興棉產之宏願行左右實業之大權挈領提綱以蘄實效虛懷側席不 將棉花產額紡織槪況列表說明。並附陳數事另摺錄奉或亦愚者一得之見也我公軫念

棄芻言敢貢所知以塵淸聽。

附振興棉業說帖

全世界棉花產額

世界最著名之產棉國凡四照現在產棉數量言之首美國次印度三我中國四埃及據

美國 一二·八○○·○○○包(每包計重五百磅)九一七年調查美印華埃四國棉花產額之報告列表如左。

印度三:四〇〇・〇〇〇

埃及 一·○○○·○○○

我國 面積廣大土質肥美氣候宜棉除江蘇浙江湖南湖北河南四川直隸山東陝西已開

植棉 風氣之九省外如安徽江西福建廣東廣西雲南貴州以迄西部高原河川下流廣漠

藕 初 文 錄 下卷

九

國 無 : 垠之地 五. 分之一。豈不愧甚苟自今以往舉國一致利用荒棄之田畝低廉之人工提倡植棉五 域大都宜於植棉我國宜棉區域如此廣袤幾與美國相埒而現時產棉僅及美

年十年後產額之增多必大有可觀也。

全世界紡織業概況

各國紡 考察全世界紡織業之概況觀各國所有之紡紗錠數已可見矣據一九一七年調查世 紡 織業爲全世界最重要之一大工業因其能衣被天下無一國無一人不需求供給也欲 終錠數之報告列表如左(表略) 界

國 觀 之紡 人口占全世界四分之一。而紡紗錠數。尙未及全世界錠數百分之一。而此不及百分之 上表可想見各國棉業發展之大概矣其紡織業最發達者當推英美日三國爲巨擘吾 :紗錠數完全爲我華商所有者僅及其半餘皆爲外商所經營者也。

我 國 紡織業之急待振興可參觀一九一七年駐華美國總領事最近出刊之商務報告由

日本進口之棉紗布而恍然矣謹列表如左。

占全世界百分之五十分 值二千五百三十六萬六千一百金元 舉[熙]

斜 紋 十八 值 一百六十四萬八千三百金元

粗 細 斜 紋 八十六分 值 三百三十四萬 四千九百金元

粗 細 布 布 七十六分 値 五百三十七萬 九千七百金元

漂白 值 百九十一萬零 七百金元

布 値 九十七萬七千一百金元

共計

十五萬三千五百金元。出入相抵是年喫虧二千九百十七萬三千三百金元據上表看來。 Ħ 本輸入我國之棉紗布旣占如此之巨額而我國出口運往日本之棉花值價 一千零四

值三千九百六十二萬六千八百金元

卽 我人之死命兄不止棉貨一項及不止日本一國已哉由此觀之我國紡織事業太覺落人 使日本一國棉貨一項。每年輸出銀達三千八百萬 兩長此以往即此棉貨一項已足制

塵荷不急起直追自爲之而自給之則棉貨進口恐無已 一時,而平民生計恐愈窮促提倡

後

獎進之實刻不容緩已欲提倡而獎進之。豈空言所能爲力者哉必也舉國一致上下一

力奉行。 方能有 濟則亡羊補牢仍未爲晚也。

小。

而

藕 初 文

藕.

雖然欲圖棉業之發展,其要點有三甲製造紡織機器乙培養專門人才內推廣棉產請分

別言之。 製造紡織機器 工欲善其事必先利其器則機器尙矣我國機械製造尙在幼稚時代。

渴待振興只得暫向歐美購買以應急需但長此仰給終非善策且紡織機器之改良進步。 而 紡織機器中精密之部分製造較難且機體種別甚繁分工精製需資亦巨今紡織事業。

關係出品者甚大爲棉業前途計則此事殊不能視作緩圖允宜相機提倡者也。 培養專門人才 我國紡織學校已設有數處但工廠與學校素相隔膜懷才者苦無

而 用地方工業界不得錄用真才為兩相裨益計此後各廠應選用畢業生藉圖工作之改良。

對各方面無格不相入之處訓育旣無憾矣更非廣儲紡織專門人才以應時勢之需求不 紡織學校亦應於教授適用學識外更宜注重品性發展辦事能力俾得於出校入廠後。

可。

中所占之勢力不亞於糧食需要之概況業已詳述茲僅就推廣產區言之蓋棉產之推廣。 三推廣棉產 推廣棉產有二要事一為推廣產區一爲改良棉質夫棉花在 人生必需品

道里計· 產額 雖遲但欲求全國皆種美棉一時實 摘芯掃除蟲害等方法逐年求進不 豐可以力致利用閒地增植棉產較之減 間。 粉 法合宜方免失敗又移植美棉最 育以發達之此兩者宜 地質之美國棉種注意嚴格選種以及治 之更有把握也例如各宜棉省分官荒民荒閒棄殊多苟能設。 有 將 雜 出自天然者有出於人爲者年來棉花昂貴而米麥低廉故產棉地方農家 農夫 種 計改良華棉亦屬要圖。 亂 之 棉 也其改良棉質 弊而 精細 地畝逐年增加出 保 培育即爲最易下手最易收效之良法。 全問 事項 分途並進多盡若干分心力自能 有之美質扼要言之無 、中含有 數 至移 好 植 一厭不 美棉。 兩主 未易辨到且 一省中純粹選用 地疏栽培肥排水摘芯掃 倦以改良之。一爲移植美棉選取合於我 義。 項天然增 則能於較短之時間 少產糧地畝改種棉花者其得失之相 一爲改良華棉採用選種治地 論 粗 改良華棉移植美棉果能逐年 加之棉產究屬: 紗 布 種種 用途 多收若干分實效改良華棉收效 亦復 中得較良之效果然 法開墾廣栽: 子庶於開花結實 有限未若 不少爲目並 除蟲害等方法逐步培 流栽培 棉花。 於不 前 盡 之際。 去。不 愼選良種 增 則 人力以圖 必須 多棉 肥 出 國 知 可以 排水 天氣 數之 不 覺

稱 初 文 錄 下卷

藕

植棉試驗

至少 習。以 職務。 萬元並由各農校選派樸儉耐勞之畢業生在場實習一二年豫備 研究種植 氣 毎 經 候 俸 改良棉 縣設 設置之植棉試驗場辨有成效者應採用此方法向各農校選相當之畢業生在場實 注力於科學上之研究培育良種子散給各分場。並統轄各分場。力謀 每省設一總場以東西洋農學畢業生之有植棉知識者主持之場地百畝年 地質 自十餘元至三十元場地約六十畝每年費用約五 便各分場任用其分場設置之作用。 一分場。 上。廣 種種之關係為多數農民立植棉之標準今欲求棉產迅速發展在宜棉 產。 不能僅恃少數學者之研究必期多數農家之注意更不能不爲多數農家 (開方便之門俾能仿效而期普及故必須設立棉作試驗場首先研究附 其主任員以曾在 總場實地練習一二年者爲合格由總場擇尤委任之。 在乎力謀植棉事業之曾及凡在宜棉 六百元以營業的方法 派往各分場其總場之 致之進行。 組 圓 費約 域 織 品 內至 域內。 其 在

試 驗場必不可少之三特點

三特點云何宜專宜 久宜普及是也棉作試驗範圍甚廣按科 學上程序求之徑途至繁趣

終其事求他於 之中予一般田夫振作之機會從場地豐收之後增四方農戶效法之興味。 廣及則**每縣**每鄕各設一 功。 味深厚專力壹志以求究竟循恐不逮故一日宜專改良棉質非 、場務克舉於振興棉業之天職猶未可謂已盡也地方人情不能膜視誠能從興情 主持場務之人。當悉心堅志赴此 就則燬厥前功覓後繼則滯其進 場以便觀摩。 一主義自有貫澈期望之一日如 則風氣之開。 步於己於場雙方損失故二日宜 可計日以待之。 、經多年 或 |稍有遊 準確 更進一 之試 人。既 移。 步以謀 不 驗 克始 專且 不 融洽

設立收買改良棉花機關之必要

憾蓋各鄉! 近收買。 播 卽 但不肯積極 使毎 種以 效法 後。 以獎勵 縣每鄕已設場且專且久以從事於力謀植棉之普及可謂仁至義盡矣乎日 戸 恐後寓 , 起而 應 進行且恐隨作隨 附設 而 便利之。一任地方商販操縱 小試如法播 收買 推廣方法於便民之中棉產之發達可操劵以待苟本此意以行 改良棉花處以 輟。 種 寧守故步不 改良棉花後苟無收買改 便鄉民更須 願再圖者故 而貶抑則鄕民對 出 以 棉作 善價。 良棉花機關出較高之代 於移植 使既種之家堅 試驗場於種子散給 良棉定多顧 小 進 價就 慮非 取。未 猶有 四

十五

藕

初

文

錄

下卷

致江蘇省教育會勸辦高等化驗分晰所

實用主 之日 聲 吾 之 會。 今 以是社会 非加 所謂主 日 聲日唱日高。 蘇教育事業爲全國人士觀聽所集吾會叉爲蘇省教育事業最高級機關自吾會提倡 兼提議及此 萬急之務惜未得時機迄未見之施 也請約舉此高等化驗分晰所諸 捷而 |義以來各處聞風興起漸收實效所謂登高而招臂非加長。 一幹學術 會屬望於吾會者日深近自中日交涉發生以後。 應者自速是已近數年間社 惟在在 事竟邀吾教育界領袖諸 者即高等化驗分晰所是明去年由美回滬之始。 一缺乏一 種最緊要之主幹學術家爲之左右補助孰爲 般 君子 之關係如 行今者此事。 會百事均近枯寂惟吾蘇教育事業頗呈活 致之贊同此誠救時事業最大希望誕 左。 **益應時勢需求日前會場提議** 全國震悚提倡國貨 已略獻言化驗分 而見者自多。 低之惟· 望風 振興實業 晰 有吾 動 諸 而 生 氣

此餘 般識 等化驗分晰所故夫農業經濟迥非他項實業比卽欲力求完備自設化驗 集海 和。 之勃興可以立致較之僅僅注力於農業教育者收效當百倍焉。 高等化驗分晰所切要之指導千日之講演不及一事之實行苟得吾會起承斯乏則農業 農業界之屬望於高等化驗分晰所至切也。 物產之豐饒久爲世 力然而土質之偏枯肥料之配合植物含質之成分農產製造之發展無在一 時俊彥陸續投身農場。已不乏人而農產物上迄未見有特異之進步者坐以缺乏高 內多數之英俊。 致經營之即此一舉亦足以躋國運於富盛然而 另所豔羨闢廢地役閒民察土質考物性講求農作大興天產誠得 吾國 爲天然農國土地之肥沃天氣之溫 有難言者今日一 分晰部究竟 不仰首於 無

良言漏巵則終 争方面工 者吾人就近供給之旣能爲多數失業開生活之路又能使如許外貨絕侵略之機。 一工業界之屬望於高等化驗分晰 二萬金不等計一工廠之所需用者或爲製革工業物或爲造紙工業物各廠 業獨 無所 爲吃重近十年來工廠繁興富强之券庶幾在握何 底止譬如 一紗廠4 所至 成立機械則動占二三十萬金不等雜 切也 加工生貨之上。使成熟貨邦人士所需 以論 出 品。 用 則 物 罕至乎精 《生存競 有各種 料。 歳

初文 錄 下卷

特 物質之美惡用途之廣狹銷路之通塞無往不以化工之適否爲 異之需要品種種色色不勝枚舉之無數工業用品在在與化驗分晰上生巨大之關係。 生死命脈化驗分晰之要

政。 置 而不 舉工業雖大興猶之乎未興耳且比年以來各强權國力行掠奪主義攫我 (礦藏)。

價。 內 求售於外人者有之矣。苟此化驗分晰之事,吾教育界起而圖之。知吾國工業界一 地遠識之士着手開採雖不乏人然以昧於化驗分晰之事輦鳥金而充黑土。以至低之 日 千

里之程其必自此始矣。

位。 社 會上之屬望於高等化驗分晰所至切也 試取今日各報紙檢之知三分之二之地

爲廣告欄此 張 膽惑我愚民攫人之金錢戕 絕大廣告面積中十之六七為殺人之藥物廣告其爲鬼爲蜮之徒敢於明 人之生命冒大不韙而無少顧忌 者欺吾社會之無 檢查

查各國行政 公署於取締種種飲食物品至爲嚴厲稽查糾察之事責成化驗機關。

機關

耳。

目

井。

亦

其

未

曾化 驗分 晰 而 未 、得許 可證者不得發行旣許可矣又必隨時檢查以防流 弊人 家 私

水菓攤等種種 且受化驗師之檢查苟 日常食用品皆檢查 不適於養生。 一性嚴至外來藥物檢查尤嚴限制益力以 必封閉之禁不得用此外如 小菜場飲食店。 視吾國 4:

以無窮之痛苦竟有如此今何幸得吾會起負斯職社會之刷新危害之掃除疾風迅雷之以無窮之痛苦竟有如此今何幸得吾會起負斯職社會之刷新危害之掃除疾風迅雷之 自治事業。有不由此而活躍者乎。 明利害之故相率輕身嘗試死且不悟少數識者以未得化驗報告之故相與箝口結舌愛 之物非惟不 於飲食物藥餌物一取放任主義戕賊人命之事漫不駭怪。一般無知商民對於戕於 推廣租界以謀厚獲實行其蠶食主義嗚呼吾國竟以缺乏高等化驗分晰所故同 莫能施其列强之託足吾境內者以吾無化驗分晰機關人民昧於衞生要道故藉 知所以限制之且竟有掃地斯文代撰證書之事力助推行者多數愚民。 而遺 口防疫。 賊 人命 社會 以不

勢需求者惟實業教育今日教育界領袖以實業教育猝難普及謀於普通教育中稍稍 闡發之處至爲繁賾雖初高小學學生程度至淺未能驟語高深然而此最大多數學力較 之輸入濱海學校趨重於漁鹽業知識之輸入其一 進展之機會至也夫四鄕學校趨重於農桑業知識之輸入城市學校趨重於工商業 重此點提倡實用主義與夫勞作主義駸駸乎趨向實利主義之一方面此誠生活教育大 教育界之屬望於高等化驗分晰所至切也 吾國今日百業待興需才孔亟其最 切生活教育方面有待乎化驗分 應時 術所 知

初文錄 下卷

於 詳此中缺憾知各校有同慨矣吾省教育會組織此項高等化驗分晰機關以輔佐之有裨。 教育之不足惟各校化驗分晰之事至爲簡單不限於經費或限於人才缺焉不備語焉不 可 淺之學生皆他日在國家社會凡百事業中爲主要人物凡生活上必需之化學知識將來 以實收效益者。固宜及早扼要指授之此外中學以上諸學校皆當注重理化以補實業 教育事業者至廣大僅就補助教育事業言之此高等化驗分晰所之設備亦未可一日

浦沈張三君論人造棉花

緩矣。

方 諸 相告茲就管見所及為述棉花要質以資研究夫棉花之所貴者在乎具有足以紡 能。 實驗於今僅及三載經驗尙淺心得無幾乃過承推愛質疑於玥玥有所聞 君子對於人造棉花一事共樂研究就詢於玥明對於棉產雖素所研究第紡紗植 丽 世界更無他類纖維足以代之故棉花之可貴爲泰東西紡織業家所公認耳凡纖維 知敢不 紗之性 掬誠 棉。雙

之優劣恆視紡質之充否定之就普通紡質言其必須精究之點 有四(一)纖微之長

纖微之長短以 棉幾及二寸雖 棉 同 在 花種 一粒棉子上花絲之長短間有參差然其差度要不 類 而異。 我國浙省之姚花其 纖微 長度僅至 越五 美 一分之一 國 海 島長 以上

若長短太懸 殊則 拼合爲難甚不適宜於紡紗(二)纖微之粗細 纖微之粗 細。 於紡

業 也(三)纖微之旋繞 上亦關緊要因 花絲粗 **纖微之佳者每根花絲旋繞彎曲** 細不等殊難絞緊而 無强大之韌力姚花不能 之數爲最多苟花 與美 (花拼用) 正爲

此 形狀勉强製紗韌力不足即不適於紡織之用譬之各種 繩頭數根並合必用· 人力校 成旋

絲

無

此

旋

繞狀韌力始强若棉纖 微則天然具此形性逈非 他 種纖微所能 幾及(四) **織微之軟** 硬

美國之海島長絲棉 姚花及青島花纖 微最 與埃及棉每擔竟值八十兩 4硬故現時才 市價每擔僅二十三兩而美之短絲棉 左 右蓋花 |絲短 而粗 硬者。 毎 僅能紡 擔値 價 + 四 兩。

以下之紗惟 纖 微 長 而 細軟 者能紡百分 支以上之紗其價值 之懸殊職是故 也。

以上四 研究之性質。 要質。 僅就 尚不 棉質之大概言之此 在 內苟四要質而失其一則棉花之價值大貶矣而人造棉花之具有此 中分際。 人人 知之亦 人人能察看之其 於科 學 上所

初 文 錄 下卷

還請 造棉花之廣告幾乎日接於吾人眼簾中而友朋之舉以質詢者不下數十起而業此者曾 昧之問題其發明在數十年前會實習應用化學一二年 四 花之能合於紡織與否及此物之製造能合於工業經濟之原理與否玥實釀陋無從揣測。 否設廠製造以求應用。份未之前聞明所目見人造棉花小樣僅如鳳毛之一撮至人 一要質 人 、造棉花專家一宣布之。 與否玥實未敢決也夫稻草用烈性碱質製成類似棉花之物。係化學上一 者類能知之無足怪也然年來人 種 、造棉 有 趣

檢查棉花意見一

定論。 錢。 不 **攙水**亦有分寸。近年以來花行及各紗廠收花處逐漸增多商場競爭於今爲 H 來以棉花驗水事激動羣情鬧成絕大風潮現旣由賢明官長詳細訪查孰是孰非終有 可以數計十餘年前花行尙少行規頗 無煩吾人之喋喋查棉花攙水惡習相沿至今已三四十年矣墮落出口信用損 稱嚴肅苟非多雨之年或特別歉 烈。因 收之 歲。 此 即使 失金 獲 利

弊將奈 次。屢 樣。 編 派定 徇 未 衣百分中含水 個 秤 苟 中 用 約重 手始今驗水局 秤 私。 爲 有 則 難 戒 成號碼按日逐一用電 地 過 手 蠢 幾 愈 於往日是以花商等因難 |段毎晨至各花行或其 何容 失 也苟照此 而 力 一磅裝入不通空氣之鉛皮罐 何日除花業董事隨時 而 做 矣。 不改者或罰 不 去不 收溼 (明賞 水能 分若干分以 辦法。 患 既設立 花則 力。 謂 勢必 在 無 洋或罰 拔除攙 市 曲 碼 多年矣而知 上之 盡量 地 頭 外 氣 方 上 ~溼花立 停秤岩 監察外記 **取巧稍** 者。不 他收 一檢查溼 水積弊之一 烘見准確核 攙 長官督察於前。 入。彼 准 花 鄕 收買。 貶其價高 芮。 註 處得 應由[人之攙 花實 干 亦 時 日。 何 可 日今不揣其· (違者處) 算當 絶迹故 樂而 如 明行 自由 同 非 遇 業另舉公正 上策。 由 水 而 名月日命 不 卽塡 入 規 以 如 不 爲哉夫鄉 罰各 花 蓋 矩 可 故溼花之充塞於市上 拙見以爲整 潮分爲挹 倉間。 成 教 行 鄕 、 静之人。 家。 後卽 愚無 本 行 選其潮 ·而齊其· 表彙存備查並 力行 皆應恪守。 人若干名優其薪 攜 注。 人、 知。 於後。 ·頓溼花· | 價愈貶| 至 求 則 如 · 售者· 末何其計之左 驗 雖 分最重之花樣 溼 堅結 花局。 削 如 花 奪其 方法。 也称 秤 而 而 將各家 潮 團 手 須嚴定行 也 能 必須 收 水。 秤花 體。 如 手收售者 脫 分 故剔 溼 不 重 售。 則 賤 則花 花岩 所 其 白整 也。 幾 愈 規。花 來之 除 職 高。 個。 權。 此 毎 頓

藕 初 文 錄 下卷

二十四

天下斷無做不到之事止問吾人有無決心可已。 任流弊之存在。已可恥有法在前而尙憂守法之不易更可醜孔氏有云我欲仁斯仁至矣。 或者日子言誠是矣。其如行規之不易遵守公正人之不可多得何應之日託業於此而

檢查棉花意見二

閱舊 已盡檢查棉花攙水等弊實非試驗場所有之責任蓋改良物質係農業上之精神事業檢 與我邦人君子共商権之按甲說主張從根本解決先從農產物着手設立農事試驗場以 查棉花攙水係行政上的防止方法二者性質相反萬無兩事合舉之理明留美六年調查 杜棉花攙水之弊夫農事試驗場之目的在於研究種法改良物質但於物品收穫後天職 檢查棉花甲乙丙三說理論滔滔然於事實上所難辦到者亦復不少不揣冒昧略陳管見。 上海縣知事呈文欣悉上海商業家對於整頓棉產不遺餘力盡籌碩畫欽佩莫名惟所陳 曆三月十五日。上海各報所載。上海縣商會南市縣商會中國棉業聯合會會銜呈復

保各鄉 郷戸不 也。試 花攙 商。 所 各家檢查苟其送至鄕公所而受驗也則一鄕周圍至少須四五里能否使各鄕民僕 之各董事各鄕所檢查之棉花是否須責令各鄕戶挑至鄕公所受驗或由鄕公所派 所於各種一則將檢查所隸屬於鄉公所內手續雖不同。 立 途而受驗乎偷 附設於試 實業足跡徧二十餘州每州農事試驗場。少則三四處多則 則 辦 此 說 問各鄉鄉公所設立以來曾辦若干公共事業各鄉鄉董能否賢於現辦棉花檢 水之弊是二說也除 事 有 **羣起而反抗吾恐鬧局** 戶不再攙水且檢查之人是否能各處一律實力奉行即使實力奉行是否能 試驗場外,再設立檢查分所而 也吾亦韙之。但檢查機關。祗宜設於聚處不宜設於散處故檢查棉花之舉非 多所苟舉乙丙兩說 驗場者考之東西各國。 使派人至各鄕戶檢查檢查人之資格如何姑不具論而 試 驗場附設檢查所不成問題外其不同之點。 而實行之恐各鄕從此 風潮又將一變而爲鬧鄕公所之風潮矣局止一所。 亦何獨 **丙說主張專從郷公所設立** 不 然此中誤會。 紛擾無寧日矣夫攙尔 而 不能不糾正者 在鄉間檢查棉花之辦 二十餘處從未聞 棉花: 檢查之後是 檢查 也。 不者係 則 一機關以 專設 說 有 檢查 主 鄕 張。 販。 而 法 檢 否能 く僕道 救棉 機關。 非 鄉公 除 病 保 則 查 查局

藕

也。 設 正 對外信用起見除殷實公正花商各樹信用外再設立一棉花檢查局專驗出口棉花自驗 有 實欲 而 想年來棉花出口數目日益增多而外商之收花不若廠家及本國廠家之精密爲。 意。 便捷於此舉者然以現在商情衡之尙覺情隔勢禁雖有善法末由執行。 關卡不得留難將外人所組織之棉花驗水會設法取消官辦商辦原無出入但求公 而 已此係治標之法或能有效至於根本解決於此時也玥實未敢夢想及之。 恢 此 沒棉商之信用耳花商不自謀政府不得已而代謀之無論政府處理各事不愜 事實未可厚非也明曾建議棉花檢查之舉應責成於各秤手防止流弊事問 無已再退一 恢復 步 無

以某某研究會論棉質原料之關繫

豹然洋洋 閱 內 日 稱 報敬悉本會副會長暨華僑代表諸君等擬上全國工商大計條陳五 即以棉花 高論至爲動聽具見本會同 一項而論。 上海紗廠林立而所出之紗最多不過四十八支或謂吾國 人熱 心實業無任紉佩惟於請設製造原料 則玥雖未窺全 大廠

不得 中國最 棉一千二百九十三萬五千一百九十四貫合百分之三十一分又查日本於一九一二年 七五,用印度棉二千三百四十五萬二千六百五十四貫。合百分之五十五分二。又用美國 六百七十七包而四十二支以上之細紗僅四萬一千四百零六包則日本所紡之細 内紡十六支紗三十六萬八千七百三十九包『毎包四百磅』又二十支紗三十六萬七千 用華棉三百六十五萬二千二百二十貫『每貫一百兩合華權六斤四兩』合百分之八分 市上無此銷路。有人紡製與否明實未之前聞又查日本一九一三年上半年棉業統計。銷 十餘年之紡織事業所紡一百二十支之細紗於一 否用華棉抑美棉而原料之優劣是否於紗支之粗細有關係不待辯而自明矣以日本三 所產之棉經緯較短之故此等謬論不值識者一笑殊不知日本所用之棉大半購自我國。 何以彼能紡 抵 而 制 知故 細之紗僅達四十二支惟南通大生紗廠及敝廠內間或紡出至於四十八支之紗。 舶 來品尚其原料之優劣而於紗支之粗細無關也則又何必絞腦汁費金錢日 日本所紡之紗尚在百支以內也明創設植棉試驗場已三年矣希冀改 出 一百數十支之紗此非關於原料之優劣明矣云云』玥實未敢贊同查全 九〇二年內僅有九包現在能 有 紗是 良棉 幾包。

帮 初 文 錄 下卷

一十八

故不 業。 國 此 有 家 前淸實業家所以覆敗也殷鑒不遠吾輩又安能循前人之覆轍而蹈之。若籌畫全國實 學識經驗而乏實行以行之猶恐無良好結果無學識經驗實力而 孜孜從事於此哉雖然振興實業殊非易事一業有一業之學識一人有一人之經驗苟 更不能不出以詳密之考核本會同人以振興工商爲 嫌辭費發表意見以與諸同人仔細商権之知我罪我不暇討也。 社會蒙其福所建議者而未盡妥洽也則吾會且將爲衆矢之集的明係本會一分子。 職志所建議者而非常! 欲從 事於振 妥善也則 、興實業。

復討論厚生紗廠招募湖南女工問題諸君

中不 黄 志。 已三閱年終歲勤勞毫無倦態予頗信任之蓋黃君能自食其力不務虛名實現時青年 並 君 可多得之士也。 得校長之介紹晤談後覺黃君性情殊爽直有風骨無習氣故錄用之助予辨 本操與棉業接近之原由 黃君本操肄業上海淸心實業學校時聞予名通信白 理 植 所 棉

須添 紡 織業 雇干 與民生之關係 餘名又在河南鄭州開辦豫豐紗廠年內在該處又須陸續雇用工人約三千名。 予在上海創辦厚生德大兩紗廠現有工人二千七百名年內又

業外無他道蓋平民生計不寬裕即不能使地方進於治安之軌道中也。 地方上間接因以裕其生計者。且倍蓰焉。故予深信欲救中國之貧弱舍振興各種主要實 接向廠中領工資以裕其家計者「如本廠附近居民一家數口四分之二三在廠工作」而 迫工人無慮缺乏於此可見一斑」 蓋紗廠內。每萬錠子需用工人六百餘名各工人爲直 「頃接廠! 員來信述及開招未及旬日已得應募工人三千八百餘名已溢額內地民生窘

難募集工業之不發達已成各地方通病上海工廠林立就浦濱一隅觀之今後新廠 業急起直追盡力推廣故予亦有添招女工之舉。夫我國人口之衆多生計之奇窘資本之 失者不知凡幾卽以棉業論美印日諸國咸注力於供給歐洲之缺乏致我國市場棉織品。 紡織業擴張原因及招募湘省女工之動機 或 大爲減少。每包十六支。向售百兩者。今售二百兩而直接蒙其害者。我國民耳於是紡織 有工人缺乏之感但距滬甚近之蘇松常太各屬人烟稠密招工至便易而黃君本操鄉 自歐戰迄今我國民之受其影響而蒙其損 勃興。 同

藕

發生委派黃 今已六七載將來開工有日而熟手工人不易招募則所受困難當必不少以此兩日 局者。請向諸君子總解釋之可乎。 問答等記載疊在長沙大公報湖南日報閱悉名言卓論至爲紉佩惟間有誤會處予係當 情長念兵燹之後生活艱難陳請試招湖南女工若干名予亦以湖南第一紗廠籌備迄 君就湘省招募女工之事頃因招工問題而某某諸君之發表意見及某君之。 種 動念

言 耳。 細。 女工做-人格問題 故請具志願書並請家長署名及舖保亦以杜流弊而免招淸議也而某某君以爲把五 人的權利取消予以爲某某君確係書生於職業界習慣法未甚明瞭故發此慣 按商業習慣無論在何店號行舖就事總須有薦保此次所招女工更宜仔

五 一工資問 分現時三角 作情形加增此種待遇並無故抑之處西諺有云世界不知汝爲誰但問 固 不能以 題 一部分之意思故作低昂也令本廠試招湖南 左右膳宿自備工值之級增固因地 上海紗廠女工。十年前熟手工人。每日工資約一角七八分五年前二 方生活狀況而起變更一視乎大 三女工允給1 八 元並 汝能作何 充以 後 勢所 角四 酌量

以爲 資之多寡其 劇烈之工作及簡 視 我全國之死 此 作能力及責任 南 工廠適用之學理管理法。 三工作時間 小。 而投資人。 也。 與 女工工作能力如何责任心 九 不**停**工 設使某某君 責任 雖 小 I · 時之工 作 11/2 問題 命。然 之有 多所顧慮工業 人 毋 十二小時然此 心。 乃 僅從旁監 以文學 單機械 無。此 作不及八小時之多此言也予甚韙之予前曾譯述美國 則 則工 太不 工 社 一資之增. 近情理 唱 作十二小時似 會國家亦間 之工作。 彼和。 視如 家而 於工廠各別之性質以迄工人工作時間支配之異 振 係按件給值勤敏 認其爲 有 興 加自然隨之若徒唱導多給工值。 乎予敢忠告提倡 如何其果能 組 織工 (將無 斷 而 接蒙其 秘。 不 一廠實 学太長而常 即行接 新思 適 望國貨空虛。 用 勝任 於紗機之工作。蓋 地研究必恍然於 害焉此豈非 想。 《上每經若干 之人出數較 而 一勞働 愉 某某君引證 相 **快否尚未** 外貨愈得安然佔據我腹地之市場制 率提倡之實業界 問 題諸 大背諸君子愛羣愛國之初衷哉。 多。則 時間。 可必而 君。 紗 阿 阿 務須 略行 機 制伯 得工資亦較 而不 制 n伯氏之所云 。 開 先謀增 諸君子 中固 問其工作能 氏工廠管理之研究。 車 車 後。 面 戴 除 整 直 樂爾 先斤斤 多其 接蒙 落 加工 點。 理 僅 知 而 紗 中休息 君所著 《其害因 力之大 人之工 外。 適 未 日夜 可 搖 用 於 混

斜橋 時間 甚 此 國 諒 紗廠 之工作然而我國各布廠女工大都要求工作至十三四小時蓋工作時間 有 小 紗 顧 時 紡 係 人 廠招工問題諸君子亦曾將內國紡織業大槪情形。一一 百 識諸君子 Ī 之多少亦視其 仿照英美成例不開 口 之多者不識某某君曾確實調查及之否按前年底調查世界紗業狀况之報告。 內工作亦十二小時全國紗業工作時間大都如是間有更長於此者不識研究厚 資愈多故也湖南巨 紗錠子五千七百萬枚美國有四千二百萬枚英美固 絲廠或肥皂廠工人但絲廠當新繭上市新絲消路暢旺之時竟有延長工作至 八分之一有紡 一作情形。以爲該地紗廠工人僅作十小時豈知該處並無紗廠某某君所見之女工。 五. 一十萬中。 有動於中否予深願湖南第 尚被日商英商。 人工作勤敏之程度而分之本廠紡而兼織織廠內可以適用八 紗錠子四百萬枚日夜開工。 夜工不識諸 一紳聶君雲台爲我國紗業巨子經理上海恆豐紡織 占去 君子 七十萬枚完全爲我 將以 紗廠早日開 何 ·術贊同· 一而我國⁶ 了幕以便諸子 華人 今日僅有 僅用1 之歟研究全國 研究否乎某某君曾例 八所有者不 日工者日本人口。 錠子一 君子就近研究之而 、及百萬枚) 人 愈長而工人所 百五 新局 口 及紡 一十萬枚。 1僅及我 多年矣。 與上海 紗錠 點鐘 予亦 英國 十五 生

餘 某某君憤憤然謂厚生紗廠以日本待高麗之手段待湖南 恨竟至於此此 種論 調設 使聶 君聞之不識作 若何之感想也。 女工嗚呼何其言之沈痛。 而 有

辭。故 除 溫度依時調劑使之適宜而已若住宅中之衞 情悅目上有多種之布置工廠衞 生不同工廠中之衞 衛生機關亦未嘗以此種職業有礙衞生而停止其營業蓋 花問工作。非女子能勝任故均係男工」然歐美先進國不曾以不合衞 四衞生問題 阻塞呼吸爲窒在礦穴工作之人渾身汚穢幾非人類然素講衞生之歐美各國亦未 本廠在構造上已具充分之研究任何工程家及工 而 封 予甚望憑空立論者作實地之研究也且予曾游煤礦矣入 已。工 閉之兵禍 作即 予留美六載曾工作於紗廠 加速 年 内地 使 生但 不 盡合衞生不較諸窮無所歸之爲愈乎拯斯民於衽席固吾人之天 求廠屋高爽光氣充足隨時收拾潔淨毋使塵垢堆 人民之轉輾溝壑者饑不得 生固未能以 **《矣機輪飛** 住宅 生。在 一廠衞 衞生相例 力求陽光充足空氣鮮潔之外更在怡 轉花絲騰布。 食寒不得衣何以救之在乎使有 生研究家之曾來參觀者俱 工廠中之衞 心如僅就不 地數十丈不見天日。 而清花間爲尤甚「清 生與 生而停辦紡 工廠而言衞 (住宅中: 積以及 織業 生則 之衞 曾芟 空氣 無異 屋内

藕 初 文 錄 下卷

研 職然救之道至不一有創辦實業以裕多衆生計者有振興教育增加各 求科 學增多國 家富力者研究經濟自衞 一努力增加 進需要出品 製而 力拒外貨之侵掠者。 人生產能力者有

殊途同歸愼。 勿謂: 紡織界拯救時艱之主義偏落諸 君子後 也。

子女之義務教育無不 有周 便益且並聯絡同仁醫院。 五醫藥問 恤 辦法。 題 此 外對於勤 本 厰 每年夏秋間延醫給藥非 推行 如有 務工人規定出數標準隨時獎給又如工人儲蓄之 有 素招工簡章中無一一詳列之必要其應募工人亦 疾病隨時送去診治醫藥費由廠供給工人 但在 厂廠工 一人受此權利卽附近居民亦 如)獎勵。 有 不 斷 及工 測。 無歧 受此 並定

視之理此則 (可釋諸) 君之疑慮者也。

某某 開 惟 對 而言論愈生真價值 於 明 涉揣摩。 人發揮 有志研究工業諸 君 亦 再謂 易失根據其不發生真價值。 有經驗而公允之言論予 書生文章真不值價。 也予雖與諸君子未曾晤面然深信諸君子均一時名彥對於國計民 君之期望。某某君借旁人口氣以爲書呆子發表意思怕沒甚相干。 更望諸 書生文章掉頭不 或未 君子 可 知。 今日 由言之時 賴以 驗嗚呼過矣至理名言值價自 代進於行· 救 時 艱紓 之時代蓋 國 難 者惟 力行 望 軰

考而惟 狀及工廠之真相否乎古代名士大都徧遊名山大川然後發舒其雄壯之言論爲多 勞敢忠告一輩學者。自今以往脚踏實地不向空際捉摸力從實處研求寧以行勝勿以言 爲祖國實業前途悲也予並非資本家深慨乎我國實業之衰微思所以補救之故不憚煩 會多數生活之現狀如何內國需要之度數及自給仰給之現況如何概 家與各國勞働家比較之下所處地位如何知識程途如何工作能力及。 面之言論勞働問題之精義如何自有史以來資本家壓迫勞働家之手段如何我國 國民生活常識。及工作能力如此其幼稚而年來頗有一輩學者摭拾泰西之糟粕僅作片 之真價值固有夘是夫我國人口如此其衆多工業如此其衰微資本之結合如此 出自力行隊裏。一旦大功告成述其經歷著爲巨帙海內外自然爭先快睹紙貴洛陽。 地考察然後遇可改革者設法改革之不入虎穴焉得虎子古來大建設家大改革家。 折服今代名士。除徧遊名山大川擴展其見地外。尙須對於所樂研究之事業置身局 生 上將來必有絕大之設施不識諸君子亦有志游歷全國各大都會悉心考求民生。 知趁快一時發揮不負責任之論調聳人聽聞以謬傳謬盛唱此自殺主義予不禁 其責任心如 未加以詳細 其 之思 內實 何。 一勞働 泰半

有机 文錄 下卷

勝救國愛羣之要道固在此不在彼質諸諸君子亦以爲然否。

復錢壽椿

陰 昨日申報來函欄內載先生詳述種植美棉之研究知先生對於振興棉產非常留意熱腸 强亦不能隨人意思輕下褒貶也美棉花朶霉爛普通人視爲詬病往往歸咎花朶之向上。 斜轉狀至近末梢處。竟呈下垂之狀者亦往往見之。此乃生理上强弱不同之關係無 故其花與實雖少分量雖無幾竟呈弱不勝重之狀而下垂美棉强壯而幹粗椏枝亦强 深識至爲欽佩美棉花朶向上並非劣種誠如來函所云蓋華棉瘦弱至於極點椏枝細嫩。 而 有力雖其花與實較大。分量較重而近幹棉朶往往挺然直立但離幹漸遠之棉朶漸有呈 核 並 雨。 **《尙嫩花絲抵抗力未足則霉爛因之而發生矣故霉爛之棉果下層居多上層較少美** 。適相侵犯。加之以種植較密。葉茂且大陽光不易透。清風不易通更加之以棉果內之 未求其真理之所在玥積數年來實地之研究覺於天氣蒸熟之時花果開裂無情之 可勉 壯

棉 如 此華棉亦何獨不然諺云白露雨(指交白露以後若干日內)到一 處壞一處並非此

時 雨 中含何毒質不過天氣未凉花果稚嫩抵抗力未足加之以上述各節而 致霉爛不然。

秋 之期。當必不遠。夫移植美棉失敗之原因凡八請約述 不能以一 分寒露期間棉實蒼老抵抗力强之日,一樣遇雨何以無大變狀無何 兩年間所遭之失敗而下定評失敗卽成功之警報能逐步考求逐步防止成功 如下。 P.耗損乎試 (種美棉。

耕鋤太淺。

溝淺畦平而出水不爽致阻礙棉株之生長。

種子不嚴於剔選及來處天氣熱度遠在移植處熱度之上者。

播種太遲(最宜於穀雨左右)

四

五 播種 太密。

肥料不足。

工作失力 去相 宜之時。

不 藕 注意害蟲之防止。 初 文 錄 下卷

三十八

吾人 以補救之。舍短取長以力赴之不能因小受挫折而遽灰心如改良植棉而容易前 以 至金石爲開有志者事竟成古人不我欺也。 作或輟垂誡先賢弗得弗休終償初 上八者有一於此卽足以致失敗着手試種旣遭失敗當尋求其缺點之所 而成功矣。惟其難惟其不易得良好之結果故直至今日移植良棉方在萌芽時代或 **《願願與海內有心人平情以求之悉力以爲之精誠所** 在再接再厲。 人已

致大陸報祉論中國移植美棉

十分注意。 之投 所試 昨自江陰利用紗廠回滬得讀九月十六號貴報所登上海種棉試驗場之專家韋德勒氏 年有餘當年是校棉場教授實地研習之師爲喬勃生君現爲我中政府聘用供職京師。 函大旨謂肥料試 驗美國棉花不合於上海棉作 良深欽佩玥留美時曾在著名產棉 驗時間須長方能下准確 之報告及九月十八號又讀美國著名花商 區域內之塔克賽斯農工專修 之判決云云具見外人之對於棉種改良。 科研究植棉、 羅 仁 飛

知識。 場內 不 真正 之永 與收成一書中第四百十六頁內之記載其言日施肥時 其 性能者五棉田不甚肥致棉株黃瘦者六溝道淤塞棉田中有積水之患者之六者中有犯 失敗之由約有六端。 之久也然吾等所立 者二棉種之成熟時期太晚者三播種太遲失去恰好時期者四、 三閱寒暑之經歷至幼稚故也但玥曾於此三年實驗: 能 熱 一二者已足使改良棉產家失望矣至於施肥一節玥請 年 如英國著名之洛桑斯 閱歷之語於施肥關係尤言簡 加之以精密之預防則此項結果方爲可靠如肥料 專 心希 之間。 種美 望我國移植 棉頗 未有不差謬者苟其年 有成效故於實驗一項自問粗 一進 一之試驗場至少期以十年。苟試驗期短促驟然以收穫不 世 界佳棉之一人也明回國後卽創辦實驗場於今已三閱寒暑矣。 口 棉種之產地比移植此 脫試驗場之久遠蓋該場試 而 而有不正當之天時則其差謬更甚矣史君 意賅允當奉爲法則者也雖然吾等試 有經歷惟古 項棉種之區域氣候之冷熱相 棉作狀況之經過間研究移植 試驗期僅有一年其 驗 間須長久須有秩序施肥者 毎一 引用美國史資克君所著 未敢貿貿然以專家自居者以 種之農作物。 播種太緊密窒礙其 、驗農作 所得之 准確之結果。 歷五 此 六 語。 去 數較 須有 美棉 純係 肥料 過遠 十年 物諒

藕 初 文 綠 下卷

國人之心也。 不犯以上六大端之一則美棉大可移殖於中國。然深望多數有志改良棉產之士。出大願 畝種美國長絲棉每株結果有二十五至三十枚雖北京天氣較冷然可以完全開足。 家喬勃生君。 卽 植短絲棉早結實之一種則其收效之良不更愈於此乎故玥深信移植美棉苟種植之人。 中國愈久愈確知美國棉種能合於中國天時而有效驗農商部內在北京萬牲園 運 貿貿然號於眾日某也宜某也不宜鳥可哉九月五號吾國中央政府所聘用之棉業專 **《精密心更持之以永年征服彼偶然之不幸慎勿以偶遭挫折而遽灰其心并灰吾全** 曾致函於明茲錄其一節如左知美棉可以移植於 (我國境內也喬君云予在 百有地數 如移

致職業教育社

夫職 至不 易而 業之範圍至廣大徑途至紛雜倉猝投效至易含混未來變化至難豫料故選擇職業。 亦至無把握玥以今日奔馳宦海明日浪迹商場。若是者不得謂之爲有職業之

斷乎未 勞其 **愼於初步明於職業關係素所關懷謹將拙見所及選擇職業之三大要點略述如** 人曩時以土產立脚現時藉外貨營生若是者亦不得謂之爲有職業之人職業也者。 心智竭其知能日夜孜孜以從事於業務終身由之設非有萬不獲已之大變更起則 可改絃易轍也各個人之對於職業其關係旣如是之大且重故選擇職業允宜審 必須

果當然與以上所云者適成一反比例。 不但事半功倍。並能使其人安於其位歷久不變苟返乎其人之性情則其所得之結 職業須合於個人之性情 人心之不同如其面性情亦然順其性而利導之誘掖之。

職業須合於個人及家族之程度 業前途者。至大亦至顯明。固不得扭於一方面。而不顧其他諸方面 程 忘倦者有一刻不能暫留。去之惟恐不速者。同一業而去就之不同竟有如此蓋人之 度及其所處境地之不同希望遂因之不同耳可知各人各家庭之程度影響於職 職業分上中下數等同此職業有久於斯業樂而 也。

職業須合於社會之需要 而 所最渴盼者 爲何種事社會中所最擁擠而最厭棄者爲何種人凡此中若隱若現 吾人生存於社會須確知社會之現狀社會 中所 最缺乏

之種 免此閉門造車吾未見其有濟也。 之關係而社會受其利益矣。苟不問社會實況。而貿貿然早獻一計畫夕貢一 所需要而不得不戮力一心應時而培養之則社會與人才庶有相利相賴種 但當事者限於資力不足以備舉卽舉焉而不切於實用泛言職業教育其結果或未 種 關係擇業者與育材者萬不可不熟思而審處然後能深悉何種人才爲社 方略。 非 種 相互

盪。 以 心提倡則已苟實心提創之則審察宜周立說宜簡隣障宜去主張宜一取應用不取鋪張。 扼 客氣所使役一意孤行毫無瞻顧卒至與職業場裏不相接近故玥以爲職業教育不實 上三者淺而易明。人人所了解並非玥一人之見解第恐擇業者與育才者被熱血所鼓 要不務泛應(下略)

致某君

某某先生鑒閱九月十五日申報來函欄移植美棉之研究內述足下曾試植美棉 兩載。

業 黄盧二 該處附近 學工業: 世 下自己先行 日 云此 推 悉足下得此奇異之成績。 未 投 矮到 未能證實 外桃源無從問津足下果 社 平 用 棉 函 燐 出品之消路起見而謊報乎如果: 均每株已得二十六枚未開 底未能 敝 一君當 並非 近 社、 酸肥料未得· 社。 有何著名宅舍得以問路前 附設 手植託 謂 試 前言則提倡 即至膠州路一路探問未得其地鄉人等僉云該處未聞有曹阿 用。並 足下 之糖蘿蔔試植場內黃 一睹盛况當時黃盧 ·所辦之某某工業 囑寄樣少許由此間試用如果有效自立 鄉人曹阿慶代種又問種棉之地係 良好結果本 宣業而以 故特派 有意促進 敞場 者每: 年重 屬君 殿 殿 殿 殿 殿 殿 殿 虚 棉業姑作此滿意之談誘導社會乎抑 株平 社有燐肥及殺蟲藥出 聲誘之鄙見以爲萬萬 有此成績應一 去答云地殊荒僻自己亦蹤跡罕至忘 振旗鼓施用 盧 實習生黃本操盧公勉兩 兩君請足下伴往否則請派人 均 冶不 叩問足下果種美棉幾 | 燐肥多量現。 下三十枚均。 任有志斯業者之參觀藉 在何處答在 應力助 售囑 不可足下於本 已成 棉極 君 推行當時足下 爲 前 何答僅 介 熟。 本 來 碩 紹。 伴往。 埠膠 參觀。 大 將 敝 次 面 年 其 僅爲 慶其 均未允許問。 州 未識 開 茂 耐 種 當 廣 路某 放云 所 盛。 五 某某工 月 交由 + 刨 流 人。 在 何 己 幾類 某化 開之 勸足 意。 十八 T. T. 株。並 布。

類 初 文 錄 下卷

其究竟足下而果實心提倡歟知必有以慰吾人之期望者在也。 省實地考察植棉專家於棉場中所得之結果亦不過平均每株共得開裂棉朶二十五枚 於採用且此項肥料是否自製。在在皆須質問非僅參觀成績特異之棉產證實足下報告 報告呈此盛況幾等踰淮之橘足下出品成分如何畝施若干需資幾何能否使農業界便 而已。今足下報告爲世界產棉名區所得未曾有益使玥不能緘默不言急欲向足下一叩 之盛况及足下鼓吹之苦心已也明曾留美研究農學多年。在美國著名產棉區塔克賽斯 大紗廠批發所轉下淡灰色灰狀物一小包業已施用由今日驗之並無如何異徵今足下

致某女士

作之條件。據聞頗爲苛刻一節。僕以爲女士對於此事之真相。容有未盡明悉處。故特專函 敘述。藉釋疑慮此次厚生紗廠招募湖南女工。一由黃君本操鄕土情長,再三請允赴湘招 閱三月十日時報新聞欄內載女士對於時報記者云此次德大紗廠與湖南女工所訂工

幼稚。 主任 許。 作時間十二小 過 之決心堅請黃君收錄來申然非僕招工之本願也謂來滬之先家屬並未同意又謂 當蒙亮察再此 廠開工有日儘 應募工人之決 工人良非易事故允黃君之詩 至三十歲以 矣然此 確 女工一由僕慨念湖南 而 按其體 女子師等 現時來 係 多事。 事 中者六 真 範 體 力不能工作。但本 湖 八心否則來: 教員 力强健的 可隨 時請得暇實地調查苛待 相。自 南第 次所招僅定額五十名黃君本操等一再發電請求. 十四人應募之踴躍。 時回湘則工作三年之約早已取消臨募時必須 何 應使大衆知曉爲此不 者為 紗厰 君 阿農陪同人 第 去隨意反滋流弊但女工等到廠之始僕曾聲 開業 合格此兩項究屬 紗廠籌辦五六年。尚未開工倘開業 **廠招工簡章載明應募工人**須得家長允 求。 實行招募而 時之爲難情形與 女工 與否不難明晰期訂三年者不 來 可想而知僕僅招工而間 申。 嫌冒昧敦請女士駕臨楊樹浦華德路德 如何黃豆 亦可 生手女工每月工價 僕 就 (君現在· 近詳 無 涉。 何 詢 也此 申。可 必 代 不有期一時? 面詢 有學 八元。 加 人籌畫自尋 次僕贊成招募湘 如是者。 額 明苟湖 許。年 過 飯食 心又長: 生若干人具 五十名僕堅未允 稍 係辦 自備。 欲招募 齢自 示 煩惱。 限制。 南第 沙 通 + 事 毎 苦心。 (自立 以堅 年 僕 省女 四 日 俗

藕 初 文 錄 下卷

四十六

稍 或可少息嗚呼天下本無事庸人自擾之此僕之謂也自今以往僕因此次招募湘省女工。 內 增閱歷則塞翁失馬安知非福臨穎不勝嘆息之至。 湘工 一寄宿舍採明招工之究竟及各工人之志願並本廠之待遇續行宣佈俾悠悠之口。

致某君為風傳棉業借款事

落於日人之手。某氏將爲棉業大王云讀竟深爲駭異明等方以先生整理棉業: 收買中國所有棉紗廠地步如果上說確實信如中國報紙所言某氏如不以實權與 日電云據聞(尙未證實)某局長已與日人接洽妥協。設立一中日公司資本二千萬。 津益世報要聞內載。某某大借日款說『收買中國棉紗廠』其文曰據路透社 推廣棉產發達廠務以本國之資本拓將興之棉業偉大經營幾乎婦孺皆知其造 在各省推廣棉業之用。某氏自去歲被委此職以來。巫思借外人之力成立一大公司以爲 三月二十二日,明因事赴津。匆促不及晉謁以領大教歉甚悵甚二十五日車中讀當日天 北京二十二 不遺餘力。 福 (利益。 專為

驟得巨 在所不 利。 前 後 成效罕見三也三患未去。棉業雖暫時: 受累者切齒欲投資者寒心二也棉業之不興由乎人才之缺乏辦棉業者又大都 所在都有無如內亂頻仍兵匪堪慮政 圍情勢觀望不前者亦大有 全國國人之稍 國 上。 撓 前 矣我國達人向持開放主義與外人共圖 昧於本圖罕以儲才爲急務絕大事業託之無道德無學問之司 此 辦 耶。 與 事 抑 途至遠且大乃期望深切之時忽來此種 之能 外人合資諸 免先生負規畫全國棉業之重 **|蒼任情揮霍嫖賭逍遙**| 有別 力上精 種 E誤會而 一 有資 力者咸 事業,其實權果誰屬哉卽以先生所經營之某公司言之當拳禍未作 神 上。 爲 有 此聲東擊西之謀 人在蓋創 種 欲起圖以 種 視爲常事。股東之付託廠務之經營反淡然忘之於是乎曾 之缺 、 點 既 乏 與· 任師 勃興恐三數年後因辨 辨棉業需資較巨規畫之初益宜審慎雖 爭厚獲其組織完備。 府失保護之能 尹赫赫民具爾瞻賢明 振 耶。 城興實業原 風說得 车 人競勝之天 來吾 毋招 力官吏存染指之慾心。也當局 國 無 棉 開機有1 業受歐 不 人之忌. 才。宜 可。 然 事 腐 因我國 乎在 敗而 事工 如 日者。 戰之賜發皇 而故播是說。 先 。雖不少而是 流入外 在落 生知 人手中弊竇叢生。 人道德上 必 有以 人手 相宜 下 以 神 風 狃 惕 暗 速。 寧問 中者。 於近 盆 善其 地點。 震 於 相 者 四 阳

有机 文錄 下卷

陽 業乎何有政府。 者。 不 救 借款全國人士對於發展實業之熱度達於沸點乃不事研究盲行附和以爲非此不足以 雖 保護起見而已未幾亂事平息該公司之產業竟隨之而去後張某赴某國京城涉訟因合 之 時 同 信 項實業而 與某國 或不 用 所 中國也嗚呼誤矣金賤銀貴此係還款之時非借款之時政府無保護當局 愚亦與知之提倡中外共同發展實業之人聞之。其亦有動於中否年來政府昌言實業 私信簽字手續不完備竟至敗訴現在該公司之實權。究在何人手中先生自知之國民 日。 過三數政客希圖回扣藉便私肥蠹國病民徒增加全國國民之負擔而已於振興實 學。 旣 尙 各盡所長集 能不利用外資藉資入手然亦須得專門學家以主持之庶黃金不致虧耗 固。 係 人訂約將該公司資產完全售與某國人暗中交換私信謂訂約手續不過暫求 數百萬資金咄嗟立集無待外款之接濟也卽使偉 我國官商合辦公司。拳匪發難時潰決堪處該公司總理張某受某稅務司之愚。 無專門人才此實業停頓之惡現象也非發展實業之好機會也實業借款云 而果真心提倡實業也應先調查 小資本具小規模煅煉其能 一全國東西洋各專門學畢業人才使之各 力發揮其經 驗徐圖擴張俟 大工業如礦 産鐵 確實收效後。 無信用創辦 路等等。 實權不

遂與其他著名之工業國並駕齊驅矣某國則不然卽以棉業論彰明較著力圖 請專 業家之手段亦類乎野心家嗣 場者。商人公共之戰場也宜旗幟鮮明。除伍整飭而後可以永遠立足於不敗之地是以 之棉業求遂其壟斷 心家之發達其事業也恆以整頓內部爲前提即以工業 展之一途野心家之求發展其業務也。往往出其不正當之手段賄賂公行餌取 決不出此也玥嘗謂無論 自然日進 力求滿足社會之願望夫然後信用卓立貿易日昌其賽力亦自然日進於雄厚其事業 日夕孳孳求填其無底之慾壑而雄 更何 致喪失果爾則實業方有振興之望然而於振 門名家整頓內部藉科學之精神作商戰之利器於是戰必勝攻必克而美國製造 引彼處 於逐步擴大之一境界中不觀夫北美洲實業發展之現象乎三十年前美國 心積慮欲傾覆我國棉業之某國 網羅之私意大有此中無人予取予求任我欲爲之氣 何 國何項事業皆因有野心家及雄 後事業勃興人才輩出知此種手段之不能 心家 雖亦具發展其業務之目的其手段則反是夫 人共同 興棉業國 發展我 一端論務使製造精良成本 人自優爲之則 梯業耶: 心家 在 內而 明哲 又何必借 後能 概嗚呼可笑亦 如先 久持也於是 特別權 撲滅 生吾. 日進 外資 我 於 知 亦 雄 利。 其

稱 初文 錄 下卷

其有以教之。 於我國各市場而後已玥雖下愚願執鞭以隨先生後貫澈吾人實業救國之主張願先生 合玥固知其必非事實故敢貢一得之愚效芻蕘之獻一 利之官僚俯首聽命於 生者汚我棉業一 可憐矣豈某國棉業野心家之能力腦力果遠勝吾人耶豈我國工商界亦如三 面請先生盡 人耶雖今日者鹿死誰手尚難豫測而 力整理全國棉業以及製造品務使外來之棉紗布疋絕跡 面明白宣布俾釋羣疑無以誣先 先生對於某國棉業家之聯 數 自 私 自

致張仲仁

業故釀成今日如是之政局教育實業愈無發達之希望禮義: 論至爲抱疚我國今日最大之安危問題當首推地方自治因前此 奔競爲喪失人格之事無稍顧忌無自治之遺害一至於此今日救濟之方當以正人心爲 到京得領雅教深爲歡佩回申以後役役於工商業未克輕離職守數數到 亷 恥防閑盡失故相 地方不克竟行 京。 自 飫聆 率 治 緣 名 事

藕 初 文 錄 下卷

任

座以

爲

何

如。

精誠

所至金石

爲裂謹本斯意爲我江

蘇同

鄕

會前

途

説。

第 期 所 同 深歡慶以非常歡慶故不 百 良。 治。 風發雲起力謀地方自治爲各省先玥逖聽下風非常佩服。 先 務誠能 四 由 折 望我蘇人士之愛鄉 鄉會滄海 則 軌 心益離。 爲 貫 無以 道。 不 得果 澈必 回務求貫澈造 此 使上 種自 實現之況乎我國幅員至廣若不從: 具有四百 時期。 失道寡助親戚 涓流之助此錢係玥辛苦得來並非有 | 尊行| 中 社 而 為非發達 成功之元素則純 種變化之時期第 會 福全省之主義則擎衆 心不後於各省苟本 中 一人成能不是 可不有以 畔之先哲名言已 之教育實業。 表示 求 在 非 子非 此歡 爲 分之財不 則 會照此 見 無 到時 常 歷驗 掌以謀全省公福者當大 地 慶之微意用: 以 方自治1 肫 助 進之欲 期。 光明正大之宗旨 切 人從旁勸募完全出 求幸獲之名。 不 一爽矣比聞力 之願 第二爲發願時期。 入手政 力上種 特匯上銀一 閱報章得 發達教育 治決 在京諸 而 竹得筍。 後 積 實業。 無 同 千元作爲 第三 有 自 郷先 清 極 鄕 切 會成 人在 進行。 明之望政治 良 有必然者質之 Ĺ 非 爲 生有見る 心 推 事。 力 勿餒 中懇 立 也。 行 叫 吾 消 行 凡 地 以 切之 事 時 勿 江 息。 及 治 方 漸 怯。 蘇 益 此。 自 進

致吳瞿安

當可實行也。 其勞俟與紫東先生接洽後卽當從速進行崑曲收入留聲唱片以廣流通一節歲尾年頭。 起任提挈歡慰正無限量兪君粟廬因事過申因同人堅請暫留歇浦遂下榻於弟處是夕 盤桓淸興穠郁實爲一 令人一返念間覺此情景宛焉歷歷當前張君紫東之書蒙先生及劉鳳翁慨任校正嘉: 來者。俾不絕如縷之韻學光昌有日當此新舊學問發揮光大相互爭存之日。得一代名賢。 不啻爲此次展拜我詞學大家作也當時時間雖至有限而殷殷指示之雅意則: 於發揚國學掖進後起之至意至誠摯至謙抑至慷爽風塵中所罕觀昔賢相見恨晚之語。 此次到京期至匆促乃天假之緣得親道貌私衷慶幸莫可名言先生德學雙粹造詣深 時勝事。粟先生因二公慨任校正大發佛學家見聞隨喜意願分任 至無限殊 惠

復某君

於 意弟曾面拒之。以爲此種舊習實前代權要爲樹植私黨特闢此途稽諸史册比比皆是弟 晚 昨 足否而定之。並無絲毫私情攙入其間。 者 習生若干人陸續投效者已有九十餘人之多雖沿商業習慣有師生名義然物競天擇適 何 -午得信悉欣老於卽日下午擬屈駕過舍面談弟以是時豫有他約未克奉陪殊深抱歉。 欣老之來意並因此知欣老之來主動力固不在欣老噫嘻誤矣日前謝君來所道達此 間 益 生存優者不次升拔。劣者隨時淘汰黜陟去留一以本人之品性行爲合否及辦事 人斯安敢出此即使日後爲國任事而國事蜩沸亦安忍出此弟所經營之三廠均有實 信 |望族。年少才長。某事已代爲報名||苟能任勞苦將來自有立足地少年貴自立弟 返舍見案頭有一具名□□之門生帖甚爲異之繼卽詢悉是帖係先生所投遂恍然 其言之不謬何 必以前 人惡習阻礙自助之勇氣也留帖 西諺有云世界不問汝爲誰只問汝能作何事。 奉還弟 素性戆直 決 不願 於今 先生 能 力

藕 初 文 錄 下卷

五十四

之名訓事過卽了幸勿介介惟望前途努力是幸。 爲 良 心 上所] 不願爲之事務請曲諒先生前此未甚知弟故有此舉弟一遵宣聖旣往不咎

薄 細。 並 陰棉爲最優然洋種業已變劣絲雖細軟而長度已甚短故此兩種花用途相近僅能 十二支線每天出數二千磅其棉花均由美國運來於此可知原料不改良製造品斷難精 十四支紗襪廠及布廠所用者大抵三十二支與四十二支雙股線此種股線均係舶 時注意時局關係地方實業熱誠公誼至爲紉佩按我國棉產以陝西之洋種及我蘇之常 閱本月二十四日申報來函欄先生致弟之函敬聞命矣先生辨教育事業成效卓著且隨 有效果但正在開始推行尚未收何大效於此可見改良棉質之不甚容易因難故 故弟於民國三年回國後投身於棉業界第一件事卽着 非陜西之洋種花所造也華商紗廠中僅弟所經理之德大厚生兩廠紡三十二支及四 復朱叔源 手改良棉質迄今已五年矣雖 來品。 紡二

鞘初文錄 下卷

以謀永久之抵制。

言雖然敞業力 之陸 業。 時 次則 己能 遠。 至 劉君柏生及弟等陸續 產 至今待吾輩 知 一地直接 照先 續添 敝 工競叉難故稅 日本 暢行 廠 無阻。 生 出 紗業較日本 選購勢不能不 所出之線比日本藍: **心中人對於** 熱 者方興未艾諒先生所樂聞也弟等廠務倥偬出貨 起而任之。今日爭存要着在乎各方面 心棉業 而 華商進 則 推廣廠 (問題不) 對於用戶多接近機緣旁咨博詢得有缺點卽請撥冗惠教俾圖 進 向美商慎昌洋行訂購美國 從駐滬外國棉花 口之棉花及出 口棉花出口紗線皆無 改良或 務無日不竭盡心 魚牌之線確 內國棉質 口 之紗線均須完納正稅負 商手中買進其吃虧處概可想見具以我 有遜 力相機 色處但 不改良我國 稅。 紡織機器已達十 而 實 力奮圖。 到 進圖。 最大 中國境內約納百分之二之稅。 本年內聶君 永無發達細紗之日。 進而 原 上倘有缺 因。 敝 不 己。慰 四萬枚椗子。 **擔重則工競難原** 廠 用 、點深賴 雲台榮 數 心之日會當 無 多。 用 君宗 可以 而 不 戶 新 國 能 隨 改 敬、 則 厰 斷 料 向

致某君爲浦東設電車公司

其餘 股以示利益均沾云云更覺閣下廓大爲懷讓出五分之一與當 綿密尤足令人欽佩夫旣云華商電車公司則洋商之不在內可知旣 手續之第一條該公司資本洋一千萬元現議在資本額內讓出二百萬元歸當地 下以華商資格集華人經濟起圖此業造福社會安得不傾心拜倒乎報載閣下所擬進行 亂救貧莫急於振興實業振興實業莫不以便利交通爲先務蓋交通機關能將本地實業。 閱 發宏願籌集巨款先從交通著手將來事業有成則地方人民食閣下之賜者爲何如 在案我國年來。受南北交鋒之影響貧民生計、困苦極矣盜賊充斥地方受害者深今欲弭 由 包羅萬象。苟以正當手段出之。而此包羅萬象中之芸芸衆生不知受幾多之實惠閣下大 求 日報悉閣下有浦東華商電車公司之組織集資一千萬元訂立章程稟請交通部給照 新廠 八百萬元。業已凑集可知旣稟請交通部立案則公司章程早已訂定可 承造鐵軌由漢陽兵工廠製造已先付材料定洋一百萬元則此事 地紳商站 云讓出 藉免反對思想之 知電 之正在積 一百 萬元則 車貨 神商購 心閣

案之公司章程及八百萬元認股者之姓字職業住址登報宣示大衆以釋羣疑是盼。 進行更可知,現亦當地一份子。極願附沾二百萬內若干分之利益。尚望將稟請交通部立

其一

人而邀請 實業故對於先生等熱心提倡實業之人極願識荆俾資聯絡而 動的有人邀請發起係被動的未識 二月十八日各報所登尊函則云。上年有人邀先生發起此項公司惟先生自行發起。係自 接奉二月十五日復函得悉先生於去年曾擬發起浦東華商電車公司嗣因 姓名職業住址宣 所能擔任且曾經一度之考察則其事之着手進行 先生發起者又爲何許 布以釋羣疑時隔 人事關主權跡涉曖昧爲特再請撥冗將前 此兩種發起。孰先孰後蓋一千萬元之資本決非 無幾當不致遺忘也況當地紳商。 可知先生所擬共同發起 便進行敢請詳 甚願 開 兩 知難而退讀 一者爲 細示 項原 拓浦 復。 東之 何許 發起

復廣西譚督軍

稱初文錄 下卷

約陰 大約栽 深火 實 民生計莫如振 極 頃 屬發展棉業之根本要圖玥棉業後 民生計蘇子有云饑 無 朔 節。 所 進 由 行登高 鏡。 争。惟 熱之 內。防 種 拙 滬 歷 見 年 棉 變劣之虞近時歐美植棉名家經多年苦心考驗持此主張甚力常陰棉種。 H 局 一中今南: 在所 內定可以 多 轉 内正 不 尙 屬相宜。 雨 到 如 興實業 呼萬 尊電 必 專 在 水。 送達發屬經 金爭者生存問 豫備 植 多 北 兩相讓步 雨之年收數 前 而 山 通譯 而我國 種優 死。不 響應收效宏 敝場第二期報告。 曾由 播 如盜 問題 良 彭 誦 現 種。 和 種 君筱峯電委採辦常陰棉種已於上星期運港 之餘敬悉種 子。 乃 不 時 而 耳。 議 **略告成或能** 減。拙 死。 生存 遠。 緣 起經驗膚淺辱承下問敢不 至重 致愆期。苟能播種 可以 種 一俟 著植 亂 要而又至有希望之實業。 惟 類 豫期。 切。 之源存亡之鍵即此片言已 何衣食是也故 多當 棉 出 如 願。 刊。 改良淺說聞 內 下 開 即當郵呈藉請 風 紛 得 爭。 花 逖 幸 爲 結 聽。 何極。 法定能收效惟夏秋之交棉 今 時 無 簤 天帥 白敛 己 期 已久惶惶萬 任 竭誠 間。 復 神 蘇民困 馳玥嘗 | 軫念民 節 以棉 雌 教 w奉 告貴省 % 雄花蕊 .數千分頒 IE. 至 為最振 可立決惟籌 莫急 生。提 謂人 徴 衆。 求 轉 無 因 發各 到 雖 興棉 於注 生 倡 之 各 H 棉 南 省 雑 稍 在 不 處。 鑑。 棉 花 偏 產。 劃 重 世。 產。 在 藉 大 平 人 本 水 致

著名棉種誠能善爲培育將來定獲良果也敬此奉復尙望隨時惠教以匡不逮而勵進行。

復上海某某聯合會

與廠 爲振興內國棉業根本之圖繼因改良棉質非設立花行特出善價收買改良棉花則 向 無以 辨德大厚生豫豐三紗廠回國之第一年卽組織植棉試驗場提倡推廣植棉 爲 閱 自英國回英美語言雖同然不能不辨明之以昭實在僕回國迄今屈指已五閱年陸 本 無 報 事實容有未悉爲特不嫌辭費藉釋疑慮倘亦諸君子所樂聞乎僕曾留學美國。 廞 得讀惠了 中不相交易杜誹謗而淸界限藉以尊重商業上之道德與僕相識者類皆知之妙號 爲勸於是有公正花行之組織得德大厚生董事會之許可始行開業行 再行答復之必要繼念諸君子熱心國事奔走呼號冀達最後之目的對於僕 購 ||紗有密切| 函昨自鄭州回並得覩原函敬稔壹是敝同 關係故僕並未開設紗號旣無紗號開設與日人交易事當然不 事張君業已代爲答復言簡意 中所收之花。 並改良棉質。 來函謂 年 續倡 來所

初文 錄 下卷

五十九

之永 要事。 熱誠。 細察。 特。 納乎。自五四盛唱抵制以來僕以廠務羈身不獲追隨諸君子之後然撫躬自問。 而 此 動。 內 七萬餘布機一千二百 題。 諸 來 國實業發展之本意相左乎自五 然試問諸君子屈指全國中振興實業如僕進行之速者能有幾人不但此也僕深慮日 短 愈爲全國人 兼程 何敢稍 君子 時期 足紡織業 久抵制口 不事調查買貿然登諸報端妄加月 函云 中已 由同 **罷課演講遊行發電焚貨之外實行抵制者** 並進日夜孜孜賣 讓。 中僅五 一訂購紗錠七 所注視僕敬之重之因敬之重之故不嫌唐突願進 業 口之方法君 五四至今僅七閱月因中 中 傳 乘。 年耳己開工者有錠子六萬枚布機四百乘定面: 出又日不知其詳不敢 往直前, 等亦曾研究及之否但諸君子在求學時代實行抵 無旁貸無他惟力求 萬餘枚布機一千二百乘各方奔走集股定機購地建築 四以 之精 八旦諸君子 來得此民氣伸張之良好結果諸君子之言論 神難保 國紗錠布機爲數太少且股線皆係舶來品故於 遽斷其虛實但按諸 不 實際的增加出數以抵需要上之缺乏耳。 心誠熱矣豈不 因 有幾何前此報章披露吾亦愛國 此而遭忌鬥 使志士 事實固質 忠告諸君子亦樂於採 君子聽忌者之言不 未到者。 灰心而 非真消 所抱愛 紗錠 制。 確非 息 與期 也。 尚· 國 加 其 舉 有 第

稱初文錄 下卷

五

年後仍灑今日之淚也。

辨實業者若干人撫今追昔不知淚之所從來深望諸君子刻苦自勵爲國尊重不使僕十 熱心者第三宜多發表積極的獎勸的文字勿發表消極的攻訐的文字而輕易侵犯 培養毅力以求有用之學問而立他日建設根基第二千萬勿謂除諸君子之外。全國 之地位僕甚愛諸君子因愛之深故言之切而不覺其辭之率直也十五年前僕 循。 良心上經濟上國際上之關係種種不同宜分晰之宜舉其利害解釋明白使全國有 召全國日抵制日焚貨日絕交等種種名詞然抵制自抵 各報刊布。諸君子亦曾寓目之否現時我國人之最大缺點即不明事理是也今諸 注故有勸工銀行之組織諸君子曾知之否勸工銀行與各記 用 對 不可謂非今日之急務也尚有要者數事敬爲諸君子陳之第一除熱心外須刻苦勤奮。 百貨之缺乏由於各小工業之不發達各小工業所以不發達由於缺少金 □等同志會矣慷慨激昂不減今日爲問今日作循吏者若干人興教育者若干人倡 制焚貨自焚貨絕交自絕交中間 小工業關係之論文一篇。 融 亦 機 與 君子號 關 闡 所遵 曾由 之挹 他 無 人

致某君

多 爲 遺 當代名流多通聲氣交游之廣實爲希有昔李青蓮以傑出才吐氣於荆州之前一登龍門。 弟 外。 飽 聲價十倍先生所遇者奚止一荆州。而今之大人先生輩巧於周旋吝於汲引讀當代名流 接讀二月二日手書並駢體尺牘一卷業已收悉展誦之餘深佩先生才度超越海內傾心。 者所先得耿耿私衷知必爲先生所鑒諒而不妨率直述之也。 熱 朋輩資助者已得若干數如尙有未盡接洽定妥者請分別接洽後明白示知: 才願竭縣薄但未悉先生游學究竟抱何主旨研究何種科學准備留學幾時除保壽險, 嘗世味知痛心於文字無靈爲恍然於自立之道矣比聞先生有志壯游弟敬慕先生之 己植權庸庸擾擾等於一邱之貉宜乎李韓作合故事成爲千秋絕響也先生倦游歸來。 墨及先生遭遇不勝起今昔異致之感也曠觀我國名流身處要津不知爲國惜才惟知 心則有餘實力則不足對於先生游學事雖抱成美之微願但大部分私財早爲捷足 **漁畑適從**

致總商會對於改選問題之辯論

之(一)會長由會董產出。二次任滿之會董旣無再進行被選會董之資格。是否仍享 生兩疑點 舉會長之權利。〔一〕設使二次任滿之會董依法應享有選舉被選舉會長之權利則 合法與否,現未敢必故有疑問三則,請解釋之。以釋羣疑並以供富於商法學識者 之。苟悖於法。信用亦因之而破產影響於商業者甚大惟玥素昧於商法。貴會此項通 選當局苦衷本應曲諒惟商人素重信用而信用之充分與否全視辦事之合法 省事務所抄送覆廣州總商會函末謂右列任滿會董雖不連任仍可當選有選舉被 會長之權。深滋疑慮,明旣非會董又非會員本可不必顧問且商界人才較少會長頗 頃讀任滿會董仍可當選之通告之根據參政院議決商會法並中華全國商會聯合會贛 次任滿之會董俟會長選出依法退出後另行推補而此項推補之會董設使下屆不當 (甲)此屆二次任滿之會董是否享有三次選舉被選舉會長之權利 與否 $\widehat{\mathbb{Z}}$ 此居 研究 告之 又發 選 有選 難 而 其

初文 錄 下卷

六十四

選。 以示人藉增商人之智識事關公益乞弗吝賜教爲荷。 選舉被選舉會長之權利。〔三〕商會所依據者是否參政院議決之商會法或此 外另有可以依據之各省商會事務所函稿公等爲商業重要份子。商法素所研究務請明 則 此 項推補會董之選舉被選舉會長之權利是否剝削盡淨抑或准其下屆額外授以 項商會法

值 任滿之會董雖不連任仍可當選有選舉及被選舉會長之權云云而發 州總商會函該函末謂施之實際似均可行按之法規亦無違背等語而貴會續云本 教爲幸〔一〕貴會六月四日通函僅引證商會法第二十三二十四兩條及贛事: 詳 接 一月間 一末引證民十大理院之解釋故鄙見以爲六月四日貴會之通函雖貴會長有根 第五 細指 奉六月五日覆函對於六月四日各報所登關於滿任會董仍可當選之通函引證部令。 及民十六月間農商部及大理院對於商會第二十四條解釋之意思而於書面 屆選舉。卽援以爲例所有二次任滿之會董十四人姓名開列於左再者 示啓迪愚蒙深爲感佩惟玥素性愚昧覆函所示各點尙有疑竇茲再臚 事務所之該 務所 陳仍 右列二次 據 民 會今 致廣 請賜 函。 九

歸各算一 選定者亦應照此辦理以歸一律而 三任則又合法被選舉爲會董第四任又合法被選爲會長如是遞嬗即至一二十任仍屬 蓋會長與會董職責旣殊權限亦因之而異其任期當然不能合算故此項部令注意 於改選之時,所有會長副會長與會董職任應卽各歸各算從前有因合算爭執尙未另行 殊職務權限亦各不同依商會法第二十四條之規定其任期當然不能合算嗣。 字樣並請檢查上屆選舉票及查選舉會長後退出者何人推補者何人則可曉然於覆函 內所引證者不 民國十一年選舉會董名册內關於滿任之會董姓氏上蓋有『二次連任照章停止被選』 會覆函內謂 則 一次滿任會董之一。確未見有此項同類之通告。且並未享有選舉會長後退出之權 確 並 實根據贛事務所致廣州總商會之成案此不可不聲明以昭實在二二六月五 無違背第二十四條只能連任一次之限若會長或會董接連兩任則當然受第二 語夫各歸各算一語鄙見應作 上屆選舉亦循例發有此項通告諒先生亦所記憶云云查上屆選舉時明雖 甚確實也(二)覆函承蒙抄示農商部部令「會長副會長與會董名稱旣 免爭執。鄙見以爲貴會長對於此項部令實屬誤解。 如是解釋例如第一 任滿會董第二任爲會長第 後各商 重於各 莉。 日貴

藕 初 文 錄 下卷

非 錄 忍以此項紙上空文有瀆淸聽惟貴會爲全國觀瞻所繫而商會法爲保護及維繫商 有惡於公等也務請將玥所歷舉之各疑點再行悉心討論續行賜教倘仍有疑義請 事多故影響於凡百事業者甚多貴會長身當其衝苦心支持至今日地位良非易易明安 舉之權利也卽以選舉法而論之,夫選舉之有效與否全視選舉人之資格合法與否而定 命脈其解釋實不容有所朦混故玥之曉曉不已者實希冀爲商業上有所裨益而已非敢 日之通函實抄襲贛事務所之成案而並未與農商部部令及大理院之解釋符合者也國 之則會董於選舉之前必須正式就職所投之票方能有效會董旣已就職則顯然違背第 十四條之約束不能藉口於會長與會董職權不同而二次任滿之會董仍享有選舉被選 一十四條之規定即使選舉後退出而違法就職之咎豈能避免故鄙見以爲貴會六月四 獨 此項往來函件呈請農商部及大理院解釋之以息疑團則全國商人皆將受公等之賜。 明 個 人已也。 卽抄 業之

▲其三

日 前聆教快慰無似關於選舉解釋法律問題現尙有疑義茲用貴會語氣代擬一 一稿送奉

察閱卽希呈部實紉公誼。

定 果論理當無疑問但玥等尙有不能已於言者卽查商會法二十四條立法之精 爲 際初未計及因該條但書規定之結果致辦事手續上 會選舉已 始則請示於農商部旋又解釋於大理院。及至今日雖以大理院有統一 會董尤屬毫無疑問云云推其解釋之意仍不外乎部令之會長會董任期各別計算之結 任之會董依法仍得再行當 **商部疊次批令叉大理院統字**一五〇九號解釋子丑| 再請大理院 附擬呈稿 選為 之本旨完全爲任期問題加一但書尤完全爲限制任期之問題在參議院當 兩事商會法二十四條祇 會董並得互 可確遵部令及最高法院之解釋辦理又何至生出疑問而仍不 重行解釋然今日之所以重請解釋者因 大理院鈞鑒。 一選會長如被選爲會長後則連任之會董當然應選會長。 選當選後並得加入互選當選爲 限制會長會董之再行 據本 會前會員穆湘玥等函稱貴會本屆辦理選員係根 連任權並非限制其再行被 有下列之疑點連任之會董旣得仍 一發生種種之疑點以是全國 兩說中從丑 會長至連任會長之被選爲 一說卽當選與連任 解釋法令之權。 能不 無問題但 ·函請貴 神。該 選權。 一時議決之 各商 條規 全然 據農 故連 會

耦初 文 錄 下卷

係勢不 明時。 尙 條 被選卽當就職如逾 退出 任。 次會董時,其就任退職之手續。尙無明文規定不免生出多少之誤解緣連任會董旣不受 否之決定查商會法施行細則第五條當選人接受當選通知後逾十五日 爲 三次被選之限制則三次被選後。 未 會長。 無資 同 之規定係僅僅對於初任或一 取 ,得以票數次多者遞補又同則第六條會長會董被選後得卽就職依此 時 會董究竟此種連任會董之互選是否在應選以後而後加入互選抑因 得鳥 能 刨 格 而仍須退出會董之故姑不聲明應選以視互選會長後之結果如何。 藕 m 不 有 而 受細 得加入互選否則連任會董因法律上之限制。 不得被選爲會長時則連任之會董又當然受本法二十四條但書之限 違 加 反 入 則五 本法二十四條規定之嫌況應選受任旣有十 互選於法似不 十五日之時效而不聲明者即失其被選之資格細核本 ·六兩條· 之影響總之連任會董如 卽 次連任之會長會董而言者於連任之會董仍被選爲三 可解如爲鄭重互選起見而姑 有應選與否之問題如不應選卽不能 互選在 不能三次受任則勢 應選以 聽其應選則 五. 日 限 前。 制明 日未 取 則 文則 會董之 得會董 有就 則會 再定應選 細 惟恐不 應選 必不 則 任之聲 董 互 五 六兩 被選 待 資 選 制。應 卽 一經 應 格 閣 連 與

會董而富 情呈請大理院再爲確當之解釋使全國商人有所遵守等情到會爲此據情呈請大理院 細則 核鑒,并賜重行解釋。無任感荷。上海總商會叩印。 長此 論 在解釋上總覺連任會董可以次三當選而不能三次受任似未免太無根據玥等以施行 違法被選之地位,玥等萬不敢因部院創設一各歸各算之解釋。而任令全國商會之選舉。 是無殊乎隱然取銷本法二十四條但書之限制連任會董依論理解釋之結果仍復處於 選 如 而 而解釋本法二十四條卽世所謂以法律解釋法律殊覺實體法與手續法之規定無 不改使本法二十四條立法之精神始終不能貫徹且於施行細則五六兩條之規定。 何 先 復陝西馮督軍 解釋上決不能不認爲有一種觝觸或違反之嫌以此原因用特函懇貴會迅賜據 實質上不啻已執行三次會董之職務旣執行三次會董之職務與三次連任何異。 加入互選待其不得被選爲會長後而 再宣告退職則事 實上雖僅爲三次當選之

藕 初 文 錄 下卷

七十

粟之田: 計。 國。 業 棉 棉 毒 八 憂 之感國 軍從此 用美 莫 憤焉何幸天 海 農民受秕政之累不遑寧處風聲鶴 之憂黎庶遂雲霓之望捷音遠 自 土 **如利用** 匪徧 進機件易於運 價。 内 因之 日。 改種洋棉者特獎之。 棉 內尤 由 亦占出 地遠商裹足不敢前旱魃肆威老弱傾生而莫救秦人 萬家生佛造福三秦回 種 字若干。) 墮落。 鄭 工 **儿甚陝省宜 | 宾。奉無所事** 心厭 州豫豐紗廠轉來大札一件展誦之餘欣悉大軍到處所向披靡地 不得不急圖補 口貨中重要地位鞏固原有之生涯增 望年 入而工業自昌匪 禍屛貪夫而迎福星今昔相衡奚啻出漆室 棉出數且倍於湘鄂渭河 事事之人。興築馬路以便交通交通便利則土產易於輸 內 早日揭 (植 棉改 |溯前| **一布薄海歡騰八月二十五日大總統** 救移植良種。 製示 良淺 類難於匿跡而商業自 **唳流離播遷種作不措意**。 日某氏蟠踞此邦之日。 知俾便早日豫備免播 說。 二方面 Æ. 版 已罄六版甫發刊 流域所產之棉尤馳名遠 獎勵植 進遠人之信向。 棉。 吸 興並宜獎進棉 脂膏以 種愆期) 而棉質 如此因狀雖 而見靑天也今日 方面禁種 印出 命 令。 任 病民植鸎粟以 則畜牧業之提倡 乃日 叉陝 即寄 鷺粟 趨於 越 邇惜 產 將軍爲 人人亦 省 奉 世 人其種鸎 (悪劣) 皮貨。 界有 治陝大 方 七八 也。 出。 兄茶 代 陜 明春 而農 觚 陜 缺 抱

進。待 關錫器 外金 長。以 於不 除 民以 原 黍、 於草 料 <u>-</u> 勵。 所恶。 源。尤 愛 涸之倉養桑 使民於不爭之官嚴 舉之有望事業陸續振 之椶櫚以及 域 如 述 實 各物 一苧蔴。 赤 未 願。 垂 而 使非為 水竹工。 可以稍知 但 問。 宜 有 外第一 未 積 效。 得 施 克 按 極 之今日之三秦其 緩。 麻、 均爲著名作物大宜輸以 策 紅 可 不 有 粗 生。 不 特産 | 蔴製 育 查 棗 以 何 進。 分身機 又漆樹、 陝 貢 六畜以藏於不竭 橘 獻。且 · 苟 取 柚等。 刑 爲 袋。 西 |農產品 罰、 興。 棉。 細 一物使民 業 桕 多種果品 會敬當趨前展拜藉伸 以 已 如 使民遠邪信 先哲管子所云授有德? 樹。 如 縛 以渭漢 奏效之神 葛。 產量亦豐故陝省製漆製燭 前 重 品。 境 重。 述。 心方順民 無怨 不 餘 內童 內 能遽 新智放厥故步舉 中 則 兩 速。 心不 慶賞、 爲 流 婦。 如 離 桑蠶、 米 域為 可 可 心以下令 職 無 欺 以使民効忠量民 茶。 使 《待著蔡览 作蠶、 守。雖 最富: 其下使民愛戴。 生 而蠶桑之利 悃。 以措 利。 及茶葉大彩 並 私 北 於流 凡 原 國 以 惟 渭 爲 衷 一於不 擴 將 高 耿 兩 河 水之源。 業。 我見 有之生 耿。 軍 亦 原。 附 傾之 溥。 其 此 力 利 向 近 遍 聞。 使 往 寥 名 圖 平 植 所 寥 地務 参觀 利 麥豆、豆、 事 俾 全國。 外 時 利 在。 原。 》 數言施 。 Ž, 叉 深。 無 人 事 殊 則 玥 民 業。 此 高 不 能 盛 而 五 產 草 年 成。 各盡 穀、 粱、 力 外 吸 產 物 之 内恐 草 使 收 尤 不 也。 以 玉 如 勞 任 强 積 業 肵 潼 海

精初文 錄 下卷

致白鎭守使

要於所屬: 犯法則 官所不行此其足以令人仰望崇拜爲何如也夫爲盜爲匪者豈其天性樂於爲盜爲匪大 念吾國 於舉世昏昏之中獨見其本治軍之暇躬往各鄉鎭勸諭團董鳩集民夫將經行各路一律 識之小民飢寒交迫無術謀生餓死事小豈能爲此輩言之有不鋌而走險者幾希矣蓋不 抵皆迫於飢寒困於環境地方之交通不便則實業不興實業不興則生計困難一般無 政長官有應盡之職務份多視官守如傳舍不能盡力治路而鈞使以軍人而能行民政長 **興農工商業必須開闢交通其義至明人盡知之然知而不行與不知同彼爲民父母之民** 閱 本月十九號申報見有蘇省海屬築路之成績新聞一 死在旦夕犯法則尙可偷苟延之殘喘此正蘇子所謂饑而死不如盜而死 今日之惟一重要問題莫如生計問題欲解決生計問題必須振興農工商業欲振 東海沭陽贛榆灌雲四縣境內築成省道縣道三千餘里捧誦之下不勝欽佩竊 則藉悉釣使鑒於便利交通之重 心釣使 知

興地 活費 無 國 國道路使各地土產不但易於運! 謂乎倘各地 民 費成此三千餘里之偉大路工設非鈞 地 此。 修墊寬平使汽 7受賜無窮。 此 既而又希望各地軍民長官同時並 利。 內往來亦得通行無阻不致再有隔閡之弊爲利之溥寧有涯涘此玥所以敬佩鈞 有生計 高而生計愈難非振興教育以增進人民之生產力則不足以收交通便利之實效也。 利尤須進一 後四縣人民因交通之便利易於將土產輸出。 即迫於飢寒之人亦從此易於自食其力化暴爲良佛說功德無量其鈞 軍民長官咸能以鈞使之心爲心則可於最短期間 而無教育則人民於飽食煖衣之後難免有踰閑蕩檢之行因交通 車可以通行又復時時循行其間 步勸諭當地人士振興教育培養人才有地利 |輸而且運費低廉易於輸出對外貿易可以盡量發展而 使關 舉者也尤有進者鈞使旣爲所屬四縣開闢交通以 心民瘼不辭勞瘁妥爲佈置。 親加慰勞乃得以至短之期間至少之經 貿易得以發展生計當可 而無人才則不能善 內不需鉅大經費築成全 善加 勸 漸裕不但良 通利則生 () ^蹲曷克臻 使於 使之 用 其

致岳西帥

稱 初 文 錄 下卷

戶足十間 千五 生 農 産 費。 及什一運輸 障礙爲始否則富源閼而失其交互之益詎能獨收其利乎考陝省地近 試論資生其 嘗聞定國莫重於東治安民端賴乎資生蓋東治整飭資生多方而國 得吾公督師是邦鎭撫中原將出以生聚教養裕國通商之策利我民而 幾何富庶之區竟一變而 **疊遇兵災益以匪患途致農者輟耕。** 豫 如不 省 此以運輸不 百萬元去秋戰端一開豫西路塞今春又不幸而有劉憨之禍陝省棉花之輸出。 地當 施肥影 閱月而 中主要出品。 中樞。 術無他利金融與實業通運輸而已然欲謀豫省之利當以掃除西隣交通之 阻 通將制陝人之死命者也至豫省之利首推商業隴海橫貫京漢交叉貨物 未能貶價 響又及於 交通 而 棉銷滯棉銷滯 厥惟棉花每年產額約在百萬擔之譜每擔以三十五元計之當值三 廣達民風樸厚農產豐盈苟得善治富 新棉。 易錢其窮困之狀概 爲貧瘠之地矣言念既往能勿心傷今者戰事告終民困 本年產 而價格廉且棉商裹足貿易停頓農民採去秋之棉。 **賈枯守工業罷作行旅畏途老弱離散** 額必至短折種種損 可想見現又在植 失何 庶之區也奈連年受時 可勝計。 棉之期肥料培 不 西陲民依農業爲 慰其 棉 治民不富者鮮矣。 產 死亡者。 喁喁之望也。 如 ·壅。 在 此。 方紀之 餘 事影 在 猶不 叫 類

治本非一 往 車運貨早發夕至若能足備車輛整頓貨運則陝西之棉可運出豫省商業 工商業均以金融爲本交通爲輔交通旣阻百業廢而 民。 陳管見敬乞垂察施行以爲資生之計則萬民幸甚。 百里鐵路。卽可解兩省人民於倒懸公陝人也而督師於豫兩省人民之疾苦早蒙軫念敢 勢不聊 來商業繁盛。 生當 時所能奏效顧不 不待智者而 人民依此爲 能無治標之策以救眉急竊思鄭 知故開陝省之利。 生計稅收亦以此 實紓 爲挹注設使西路不 陜 民之困。 金融組 州陝 矣年來交通 而並 通貨源頓絕則豫 州之距離僅三百里火 裕豫民之生 紛亂至於極點。 可復活。藉此三 山總之農 省之

致孫馨帥

過 長。 前 允学人望行見凡百政務均循正軌羣衆歡忭共慶 月 因 本 擬趨轅晉謁謹聆政見惟以俗冗牽纏不克如願且公之門牆伺候者衆雖蒙延, 事 來杭蒙賜接見暢談時局。 深佩蓋籌我公以 |聯軍總| 來蘇。 下風 司 令名義。 逖 聽無任雀 來撫吾蘇委任省 躍。 今者行旌

柄初文 錄 下卷

七十五

七十六

足矣斯 之即保 積極 適足以 是人民得以安居樂業。 籌 攤 方 無 才。 敗。 顺 非存 劃。 竊以 不 派。 損害乙方也。 地 而 野立名目² 囊橐問一 盤 能 圖 之未 量發展。 爲用 摧 民 治之精神整理建設之能力與民 人而 无. 罄 殘 丽 日京兆之心不顧 吐 人之道不 事業 果 已 得 己。 衷 八賢也雖遠 曲爱貢蕪詞。 。 農 也工 **此始能有** 也不惜蠅營狗苟以求之及旣得之則視土地若征 則籌良法以阻遏之慮莠民之騷擾而侵犯良民也。 盈千累萬 不厭其多民間之脂膏旣吸盡而誅求之方法仍百出者是者何也蓋若輩 行勝歎哉。 必求 心商 而國 今日之盛況而 勿疏 可退而爲富家翁矣噫以此 也礦 聊當面述竊維歐美日本之臻於富强。 全但期遇事公正。 日以治民日以富矣。若吾國一 至於吾蘇屢遭兵燹全省幾無一 政治紊亂不計人民疾苦在職之日可以任所欲爲。 不賢也 也以及公私事業皆賴人民之資本知識精神能 地 雖 更始。 親 方長官亦能曲意維護不憚煩勞慮甲方之操縱。 勿用。 而 並宜採取嚴厲 且當 有堅强意志。 此滿 求治距治益遠以此求 般無智識之軍閥有大不然者。 目 操行廉 方針。 片乾淨土百端 瘡 痍。 服待人民 取 元氣 則設峻法以懲戒之於 其術萬千一言以歸 締 潔。 凋 而 喪之秋 切 能 忍耐 破 待理胥賴賢 事 如犬馬勒捐 ず業之發皇。 <mark>壞舉動予</mark> 卽 力。 尤貴 勞苦者 且 失 有

數年而 **薦祝我公之坐言起行故不揣冒昧敢獻芻蕘幸垂察焉。** 教育會演說詞語簡言賅固能爲人民保障切合人民心理者也湘玥謹代表吾蘇人馨香 以 發展事業之機更宜隨時探詢各方真相勤求民隱以免隔閡而受蒙蔽苟如此不出 無成 效者無是理也吾公磊落光明胸羅萬象高瞻遠矚胞與爲 懷讀 公佳 日 在浙

上段執政

圍 瞻所繫售煙於國家顏面攸關豈容是非混亂若此爲特電 說而 予真除則警長之仁德及人也明矣前說而確則電請真除是謂庇惡庇惡豈吾民 滬南售煙甚囂塵上各團體電請查禁揭載無遺禁煙固警長專職乎滬紳及南北 體 不確則 而 肅 綱 (藉端) 紀 別善惡而 反對仁德及人之長官是謂犯上犯上亦豈吾民所應爲上海爲 明是非莫要於此。 無任盼 禱。 請迅 派廉 正大員秉公查辦崇 7所願前 商會懇 中 外觀

上段執政

呈爲 無錫 疊 受兵刧育蠶 期迫。 · 懇請撤退駐兵以安民命而裕稅源事竊維江

鞘 初 文 錄 下卷

全國。 離 鄕。 此。 齊氏去而 及 爭增進國家地位迺齊氏稱兵東南無錫搜刮一空受災獨重迨齊氏二次構釁兵無鬭。 內如此財賦之區政府宜保護之培養之不但以裕稅源藉舒正供並可於商業上對外競。 省人民日用之米。大都薈萃於是每年貢輸於國家之稅額達一百十餘萬兩丁漕尙不 萬之富源全邑人民於一歲中日用所需之仰給於是者又將完全損失果爾則不特人民 而 百二十萬而 工人十五萬 於境 溯自一月十八日齊氏禍錫迄今一月有餘全邑工廠商場完全停頓而人民之顚沛流 少 城垣周圍三十里之內莫不被却且有連刦七八次之多者其焚掠姦殺視洪楊爲尤甚。 無 數下級兵丁又難免不 年 錫數十年經營滲淡之商場悉成瓦礫。血汗所得之資財盡付東流蓋自車站至城垣。 來各 外者欲歸不得欲留不得困頓情形筆難宣達當春令育蠶期近苟失其時則三千 奉軍來駐守之兵紀律雖較佳而言語不通軍土日用所需不能不稍稍取給於 人間接恃工廠以 工廠密佈商業輻輳論工則 縣改良蠶桑發展實業爲國家開闢富源者莫若無錫水陸交通。 無軌外舉動故全邑人民。除老弱男子外仍流連在外莫敢還 生活者倍之論商則全國 紗廠。 絲廠。 麵粉 廠碾米廠肥皂廠等有八十二家。 對外貿易之絲大都出產於是全 戸口 雖 僅 在

皆成 南 爲 救 布置。 蘇 來目擊情形不敢安緘默用特縷述詳情呈請鈞鑒伏乞揮 (餓莩而) 民迅飭奉軍 如此、 於軍 國家 事民情。 長官速 百 餘萬之稅 兩無不 將駐錫軍 額丁 便。 則 中隊悉數調 漕。 人民安而 亦將無着爲特迫 回。 或 工廠恢復國 有軍 事上萬 切陳詞。 稅 令批示祇遵謹呈執 務懇 裕 不得已亦請酌量 而 正供無 執 政 本慈祥之念拯 虧細 朔甫 調 開。

廣贈植棉改良淺說通告

足制 數四 所餘以應世 歲 南者皆宜廣植佳棉乃空留 世 有加增。 界產棉國凡四若北美若印度若埃及若我國他產棉國自給旣無慮不足且 我全國 · 分之一以上。駸駸乎達三分之一。苟長此 試一覽海 之死命令也以歐戰影響美印棉之到日 界需求我國則: 關歷年入口棉貨貿易報告鮮有不 擁有 如許隙地。一任荒廢不 絕 大宜棉之地。 仰給。 如 知利 中部 而 1本者大減。 不 駭然 用。年 南部 早爲之計即此 來 諸 者蓋入口棉貨已占! 生齒 省在 日人遂至我國廣收 北緯線三十六 日繁用棉之數方且 入 口棉貨 類 漏巵總 二項。已 能 度以 出 其

初文 錄 下卷

下卷

以供 印萬册廣贈海內外有心人欲得此書者。請向上海寧波路鳳鳴里豫豐紗廠駐滬辦事處 **盍興乎來振興棉產。非甚難事欲知梗概請讀拙著『植棉改良淺說』明以時勢需要特覆 巵對外則可以吸巨大之金源此次驟受最大之痛感實予吾人以最大之覺悟,邦人君子。** 本計畫之人利用時會開闢荒原增植棉產改良種性加高品質對內則可以塞無限之漏 廠者。今則相率而爲嗷嗷待哺之哀鴻大勢所趨至堪驚怖海內外不乏持遠大眼光作根 價隨以繼長增高視平日市面已增一倍本機布廠之歇業者十殆八九向之生活於各布 不時之需於日本。底貨搜刮殆盡新貨又未上市來源虛而消路暢於是乎花價暴騰紗布不時之需於日本。底貨搜刮殆盡新貨又未上市來源虛而消路暢於是乎花價暴騰紗布 乏。印 ·紗之來華者亦大爲減少因此諸故致令仰賴外貨之國一變而爲自行供給兼供給 粗紗製造之用。日本粗布暢銷俄境故日本紗之來華者甚少又因潛艇爲害噸位

辛 西秋暮病後啓事

函

索可

藕初文錄 下卷

色幾及千 總商 復外餘均未遑 我思想增長我識見致 於一蹶不 玥 仰答諸父老昆季愛玥之厚意諸希鑒原而曲諒之是幸。 之需求其不隕越者幾希矣迄今思之。追悔無及然亡羊補牢猶未爲遲故自今日始屛除 社會爲己任年來事業較多社會需求亦愈廣不知不覺間用腦不無過分故因 切煩惱凡募捐借款謀就請託等函件恕不答復無謂之酬應一 臥 會會董及工部局顧問等一俟期滿卽行告退我惟有保著我精神淸醒我腦筋啓發 病 兩 振醫家云積勞所致元氣久虛故致此 數病初愈不 月荷蒙諸親友慰問感甚病時所積函件募捐者借款者謀就者請託者形 奉復乞恕不恭明留學時。受本省大部分津貼得以卒業回國後卽以 耐勞且處理廠務刻無暇晷除倩書記擇緊要者有關 力我事業假我數年。得有羨餘再由自動的作一二利人之事藉以 耳玥以個人有限之精力應付 併謝絕現在所擔任之 係者酌品 小 社 會無 病 形色 量答 服 而 限

述自十五初藕

究必印翻權作著有書此

MR. H. Y. MOH'S AUTOBIOGRAPHY

 $\mathbf{B}_{\mathbf{y}}$

H. Y. MOH

1st ed., Aug., 1926 2nd ed., Oct., 1928

Price: \$1.50, postage extra

THE COMMERCIAL PRESS, LTD., SHANGHAI

ALL RIGHTS RESERVED

青年與職業

鑑

角三價定 册 編才翰秦 甫 李盤 新司 柯胡 彭生 瓊特 微浮 安迪姆 桃哈白 佛潞 成功者雖各殊其途而莫不具有類以寒微致身通顯其所憑藉以經濟家或為實樂家或為發明家 桑戴克 施丁納史 生諸氏或爲學者或爲教師或爲 國青年成功之途徑篇中主人爲 記十二篇著其立言行事指示我 **叛要讀者可自玩索得之** 香中包含西方今世成功鉅子傳 愛德華

服務箴言

著也就是他所得成功的信條計共八章羅列格言數百 此書爲美國百貨商店之成功者 唐 整線 Wanamaker 册 定價三

君所

角

內容多摘拾中外名人言論洵足為職業界 **閱歷經驗達以誠懇之意爲吾國青年勖其本書分十章始以擇業終以成功編者本其**

王志幸編

一册

定價二角五分

青年港世之指南

人手一編

確為青年成功之藥石針砭凡服務社會之青年不可不 則大都爲關於實業教育及人生諸方面者其一言一語

傳入功成大十界世

褔

定價一角五分資楷式 一册 編所選十人如劉麟生譯 茲 宜人手一編以 者有志青年俱 無所憑藉刻苦 body) 之輩皆 愛迭孫(T. A. 自勵以底於成 Edison) 皮博 G. Pea.

版 書 出 館 務 即 商

略傳人名外中

▲版出館書印務商▲

入勝處可作遊記讀又附文錄二卷均爲經世文章凡

大陸文明附以評議其鼓勵青年處可作家書讀引人代進而至經商時代甘苦備嘗語皆親切有味間述新此書乃自敍其生平經驗之所得由家庭時代留學時

所建白寓有改良社會之苦心非在商言商已也

世大發明家小傳內學出表小傳學指居士編 本會記述現代 大發明家之小傳九篇計愛迪 大發明家之小傳九篇計愛迪 生柏爾居禮夫婦等十人此十 人者對於近代文明之構成皆 有莫大之貢獻然其始皆歷盡 有莫大之貢獻然其始皆歷盡 有莫大之貢獻然其始皆歷盡 有莫大之貢獻然其始皆歷盡 在 人名列可為我國青年立志

藕初五十自傳

年來英國教育思潮的沿革

Wells) 曾爲他作傳敘述他一身的事業聚及五十一新使合乎現代的教育潮流文學家章爾斯(H. C.

穆藕初先生以振興紗樂名於時知與不知莫不景仰

册一元五

英文美國偉人軼事……… 英文泰西五十名人傳……… 英文近世偉人小傳………二册五 近世泰西列女傳 世界上 son)皮博帶 (G. Peabody) 之輩皆無所憑藉刻苦 高昌珈譯 劉麟生譯 家美術家無不各爲立傳可資觀感可供借鏡 自勵以底於成者有志奇年俱宜手一編以資楷式 -大成功人傳----是書述二百餘年來之泰四名媛 **茲編所選十人如愛**迭生 (T. A. Edi-册二 册五 册二 风教育 角 角

册三角五分

昂都學校的校長他把一個小小的村塾改造得機然鍾期偉譯 山德孫 (F. W. Sanderson) 是英國

德孫校長傳